



BIBLIOTHECA  
UNIV. JAGELL.  
CRACOV. ENSIS

51666

**Mag. St. Dr.**

P

Handwritten label on the spine, partially obscured and illegible.



Biblioteka Jagiellońska



stdr0004784



51666

~~Gram. 457.~~

XIV. f. 39.



## ERRATA CORRIGE

*In Rhetoric. cap. 20. v. 2. quamvis* *Corr. quasvis*  
*In Appendic. de Concione cap. 3. Pax vobis, ergo*  
*sum. Corr. Pax vobis, ego sum.*

*Iñ de Concione in genere deliberativo v. 1. de Ju-*  
*dicio eomeratio. Corr. de Judicio temerario.*


*Iñ ibid. v. 9. ratio. suaflet. Corr. ratio suadet.*

*In Argumento Orat. pro Milone v. 5. faciosis. Corr.*  
*factionis.*

*Iñ Ibidem v. 12. Solutus. Corr. Solitus.*

*In Synopsi vita M. Porcii Catonis ex Cornel*  
*Nepot. v. 4. magraverit. Corr. migravreit.*

*Horatii Od: 1ma. v. 12. Equora damæ. Corr. E-*  
*quore damæ.*







# R H E T O R I C Æ

CYPRIANI SOARII

*è Societate JESU.*

## E X P L A N A T I O

*Item*

Orationes Ciceronis majores


*Et ex classicis Authoribus selecta*

Quæ in Gymnasiis Societatis JESU

*prælegi solent*

In

SCHOLA RHETORICÆ



N E S V I S I I

Typis RADIVILIANIS Coll: Soc: JESU.

Anno 1764.



# N O T Æ

## IN LIBRUM I. RHETORICÆ

### CYPRITANI SOARII.

Ad Caput I. *Quid sit Rhetorica, quod ejus Officium, & Finis.*

**Q**uid est Rhetorica? R. Est ars bene dicendi, seu ut Quintilianus, *graviter, & copiosè, & ornate dicendi.* Nominis origo est è Græca voce; *dico*, Inde *Rhetorica*, ars loquendi, seu verbis optimis, sententiisque lectissimis dicendi. Differunt tamen inter se Rhetor, Orator, Declamator, quòd *Rhetor* tradat Præcepta dicendi; *Orator* secundùm eadem accommodatè ad persuadendum dicat; *Declamator* se in iisdem privatim, ac velut in umbra exerceat ante, quàm se publico committat.

*Quomodo orta est ars bene dicendi?* R. Orta est, ut artes omnes, Geometrica, Medica, Musica &c. experiundo, & inventis nova addendo. Dixere quidam temerè, infulsè, quidquid in buccam venisset, alii nativâ quadam facultate cultiùs. Fuere qui observarent, & in causas hujus discriminis sedulo indagarent. Ex horum observationibus ars enata est, seu præcepta certa, triginta prope sæculorum usu comprobata, nunquam fallentia, à quibus qui recefferit, certissimè aberrabit.

*Quod est Officium, quis Finis Rhetoricæ?* R. Officium, idemque Finis quem vocant, intrinsecus Rhetoricæ est, appositè dicere ad persuadendum, docendo, delectando, movendo. *Docemus*, & intellectum audientium convincimus argumentis, & argumentationibus; *Delectamus* lectò, polito, & illustri dicendi genere; *Movemus* affectibus & amplificatione. *Finis* verò extrinsecus, nec in Oratoris potestate

## SOARII.

potestate positus, est reapse persuadere. Quare bonus, officioque probè perfunctus Orator fuerit, etsi vel Auditoris vitiò, vel aliâ causâ non per'uadeat, ut non est in Medico etsi optimo, semper curetur ut æger: & bonam domum formabit architectus, quæ nunquam habitabitur.

Ad Caput II. *De Dignitate, & Utilitate.*

**A**N digna est & utilis Eloquentia? R. Inter artes quibus humanæ vitæ societas perficitur, ferè principatum tenet. Equidem Rebuspublicis in Regna mutatis, non eodem quo olim fuit honore, nec eodem loco videtur: reverà tamen & hodie dum, multum in consilio Principum; plus aliquantò in Curia; plurimum verò in Templis potest, & ad sacros juxta ac profanos honores viam præbet certissimam. Etsi enim in sanctiore Regum Consilio, de summis Reipublicæ negotiis, sententiarum & argumentorum pondere magis, quàm verborum ornatu agitur, quantum tamen facundus, nec ingenii perspicacitate tantum, sed & eloquentiâ instructus Senator, aut Consiliarius præstet Sapiente quidem, sed indiferto, palàm est alioquin.

*An etiam in Curia utilis est?* R. In Curia Forensi, ubi de fortunis & capite civium agitur, Jurisperiti hodiedum unicè dominantur. Sit verò aliquis, qui Legum omnes apices penitissimè teneat, eum ego bonum quidem Legistam non negavero; bonum Advocatum, & Causidicum esse non concedam, nisi Oratoris item partes adjungat, hoc est conciliandi Judices, invidiam conciendi Adversario, argumenta firmissima inveniendi; causæ totius momenta aptè partiendi, tacitâ amplificatione non fidem tantum, sed & motum excitandi, numerosè denique loquendi, vel ( ubi Libellis agitur ) scribendi. artem insuper calleat:

*In Templis item floret?* R. Hic verò regnum tenet.



## RHETORICÆ.

net, idque præ antiquis Oratoribus longè illustrius: Religiones, Reipublicæ nempe partem alteram, moderatur, interpretatur Divina Oracula; ad omne virtutis genus, implendaque Christiani hominis officia hortatur; coërcet vitiorum libertatem effrænatam; convincit refractarios; excitat languentes; admirationes, clamores, lachrymas ciet; sic, ut sæpe unius hominis eloquentis voce civitates integræ mutatae in melius, sibi de tali Oratore gratulentur.

Ad Caput III. *De materia Rhetoricæ.*

**A**Rtes & scientiæ singulæ in certa aliqua materia versantur, ut Ethicæ materia sunt mores hominum; Medicinæ, morbi & vulnera; Geometriæ puncta & lineæ; fabrilis, ferrum vel lignum; pictoriæ, colores & tela; &c. Sola Rhetorica res omnes, cum de omnibus quæstio institui queat, pro materia habet. Nec inde ars infinita est, cum ratio in materia versandi, seu præcepta sint finita. Unde intelliges, nisi Sapientem, id est, qui Divinarum, humanarumque rerum scientiâ pectus impleverit, perfectum Oratorem esse posse neminem: qui præstare aliquid velit, ejus saltem scientiæ, in qua præsens quæstio versatur, summa capita tenere oportere; cum Tyro-ne Rhetore satis commodè agi, si elocutionis aliquam facultatem obtineat, cætera à Philosophiâ, Legum, vel Theologiæ cognitione expectanda.

Ad Caput IV. *De Quæstione.*

**Q**uid & quotuplex est Quæstio? *R.* Quæstio idem est ac Propositio, scopus, seu argumentum Orationis. Duplex est, altera generalis, seu infinita, Græcè *Thesis*, quæ latissimè patet; ut *Scientiis esse studendum*. Hæc cum ad signularia personæ, temporis, loci, modi &c. contrahitur, finita, particularis, & græcè *Hypothesis* vocatur, ut: *Studendum esse Philosophiæ. Person.* Studendum esse Philosophiæ Aristotelis. *Tempor.* Studendum triennio vel

# SOARII.

vel biennio. *Loc.* In Academia potius, quam domi. *Modi.* Non disputando minus, quam meditando.

*Sic:* *Pax cum hostibus facienda,* Facienda hoc anno: his conditionibus. *Virtus exercenda:* virtus Liberalitatis: etiam á pauperibus an exercenda? *Religiosum institutum ineundum:* an S. Francisci: ante, vel post Philosophiam absolutam. *Munitionibus providendum:* De Annona, Mariæburgo cumprimis & Cameneco. *Parentibus obtemperandum:* etiam duris, etiam á prolibus adultioribus. *Studendum Pœticæ:* etiam vernaculæ: *Discendas linguas externas;* Italianam, Gallicam: puero, an adolescenti &c.

*Ut præterea dividitur Quæstio, seu Propositio?* *Pr.* Altera est actionis, cognitionis altera, seu ut Logici loquuntur, *practica, & speculativa,* hoc est, quæ vel ad aliquid agendum refertur, vel in sola cognitione sistit. *Actionis* est, si ostendam v. g. Cæsari cum Pompejo pacem ineundam: Principatum retinendum ab Augusto: Fines Imperii ultra Euphratem esse non debere: Historiæ studendum &c. *In re sacra:* Honorandos parentes: non mentiendum: avaritiam refrænandam: S. Eucharistiam frequenter sumendam. *Cognitionis,* ut: Poetica majoris ingenii sit, an Oratoria? Monarchia præstet, an Aristocratia! An Cometæ malum indicent? Tychonis, an Copernici Systema præferendum? Pacis, an belli artibus majores fuerint Romani? &c. *In re sacra:* Christus an animo plura passus, quam corpore? Primitiva Ecclesia sanctior fuerit, an hodierna? Angelici Ordines an specie inter se diversi? An Christus venisset, si Adam non peccasset? &c.

Qualis porrò sit oporteat Propositio: nimis generalia themata Tyronum quidem exercitio permit tenda, Oratorem verò non decere, in Ecclesia ad actionem dirigenda omnia; rejectis iis, quæ ad vir-  
tu-



## RHETORICÆ.

tutis amorem, vel vitii fugam nihil conferunt, infra dicemus, cùm de inventione agetur:

Ad Caput X. De Exercitatione.

**Q**uibus subsidiis comparatur Eloquentia? R. Primò Natura. 2. Arte. 3. Exercitatione. 4. Imitatione. Quibusdam natura benignior nativam quandam, quidquid loquendum est, appositè loquendi facultatem tribuit. Seu ( quod in humana societate usuvenit ) consilium petendum dandùmve; seu impertiendum in calamitate amico solatium: seu reprehensio peccanti adhibenda; excitandi desides; laudandi bene meriti; rogandi patroni; excusatio afferenda; tractandum negotium; grates habendæ; gratulandum, urbanitatum statuta officia præstanda amicis; coram denique, vel per epistolam, quidvis peragendum sit; hæc inquam nonnulli melius nati, scitè, cum decore, & reapse eloquenter peragunt. Est item sua Imperatori, Principi, Patrifamilias, Mercatori, quin mendico ( ut acre est necessitatis ingenium ) propria quædam eloquentia, quin detectum nuper quendam barbarum alioquin Americæ populum hac facultate præstantem, quique omnium facundissimus habitus fuerit, Principem sibi eligere solitum, è literis comperimus.

*Quid ars Naturæ præstat?* R. Perficit ac limat naturæ dona; tardioribus etiam ingeniis ad invenendum, inventa rectè efferenda viam præit; memoriam labiliorem industriâ excolit; subraucam vocem, linguæ balbutiem exercitatione corrigit: corporis totius conformationem, etsi parum digna obvenierit à natura, imitatione, studioque perpolit, atque adeò pro concione dicere volenti propè necessaria est.

*Quod est tertium Rhetoricæ Subsidium?* R. Exercitatio, quæ tria complectitur: 1. Lectionem 2. Scriptionem, 3. Scriptorum emendationem. Assiduam quidem optimorum Oratorum *Lectionem* adeò necessaria-

## SOARII.

necessariam esse, uno consensu omnes statuunt, ut sine hac nemo profecerit unquam, vel proficere possit. Hæc, legenti, cum seipsum persuaderi ac moveri sentit, veræ eloquentiæ imaginem, præceptaque velut in tabula expressa cum voluptate imprimit; fæcundat scriptionem, ad simile quid audendum incitat, & ad efficiendum adjuvat,

*Quinam, & quomodo legendi?* R. Ut è Demosthenis, Græcorumque lectione ad eloquentiæ Principatum evasit Cicero, ita hic idem, in quo summa insunt omnia, unus unicus legendus erit Tyroni. Equidem Juvenibus Muretus, Perpinianus, Bencius, &c. sæpe præplacent, quos ob hodierni moris Thematata intelligunt facilius: eorum tamen orationes, ut latinitate purissimâ se commendunt, rebus tamen, argumentorum, nervis, ac contentione longe sunt infra Ciceronis majestatem. Itaque nemò sit, qui per Rhetoricæ annum præter eas, quæ in Scholâ explanantur, non insuper domi quatuor, aut quinque minimùm perlegat, penitusque intelligere studeat.

*Quomodo legendum?* R. 1. Plurimum interest, ut ante omnia argumentum cujusvis Ciceronianæ orationis, seu status quæstionis probè intelligatur, Ad eam rem adjumenti ac lucis plurimum præbebit libellus de Historia Romana civili; ritè in suprema Gramaticæ classe perceptus, atque iterum, iterumque relegendus. 2. Videndum, quæ sint Argumenta principalia, quæ partitio & argumentatio, quæ argumentationis amplificatio, affectus, figuræ denique illustriores, & latinitas; idque ferè ex Analyfi P. Ducigne expendendum, quo nemo brevius, meliusque hac de re scripsit.

2. *Quæ est exercitationis pars altera?* R. Scriptio, seu compositio frequentior. Verissimè enim clarissimus quidam Rhetoricæ Magister: *Unâ oratione*



## RHETORICÆ.

one scribendâ plus addisci, quàm decem legendo. Et Tullius: Sine hac exercitatione nemo unquam ad absolute solutionem, perfectionemque dicendi perveniet. Itaque nemo item fit discipulorum, qui præter ea, quæ è scholæ præscripto componenda sunt, non unam saltem Orationem suo Marte conficiat. Vel hæc sola exercitatio, etsi deinde fors per omnem vitam nihil simile facturum sit, Idæam tamen & summas Rhetoricæ lineas, utcunque infixas relinquet. Ei verò, cui (quas oportet) corporis, animique vires fuerint, quem animus altior ad consecrandam excellentis latinæ, aut vernaculæ laudem impulerit, magnopere suadendum, nè diem ullum sine linearum aliquo ductu prætermittat; quin inquam unam alteramve periodum quotidie è parata ad id materia elaboret. Id, quod omnes, qui in quaque arte ad summum pervenerunt, sibi faciendum putant.

*Quod est quartum Rhetoricæ Subsidium?* R. Emendatio; detrahimus, mutamus, vel si quæ primò calore effudimus, per aliquod tempus seposita, resumimus ex intervallo, & tanquam aliena legentes, damnamus, quæ placuerant, & invenimus, quæ fugerant; ac præsertim ea, quæ minus aptè locata fuerant, ad numerosæ ac rotundæ orationis leges commutamus. Felicius fuerit, cui dux idoneus obtigerit, qui pervideat scriptum, indicet quid peccatum, emendandique rationem suggerat. Id, quod ad concionandi munus recens aggredienti imprimis optandum fuerit.

Ad Caput XI. *De Imitatione.*

*Quod est quartum Rhetoricæ Subsidium?* R. Lectioni Imitatio succedat & jungatur oportet, in qua præcipuum studiorum momentum sapientes omnes collocant, quam ut compendiarium, quâ ad eloquentiam eatur, viam, miris laudibus commendant. Ex eorundem consensu, ut Cicero unus le-

gen-

## SOARII.

*gendus*, ita unus omnium *imitandus* est. Certè sunt ingenia tam excellentia, ut lectis aliquot ejusdem orationibus, etsi præceptis leviter tincti, è modulo tam perfecto ipsi sibi artem eruant, & ad efficiendum quid simile aggredi audeant; Uti, qui ad Pœtìcam nati sunt, è sola Ovidii, vel Virgilii contenta lectione Poëtæ evadunt. Tale est Barbarorum quorundam ad mechanica opera ingenium, qui cum ad cætera supra omnem fidem hebetes sint ac stupidi, si tamen fabrile quid, ut rotatum horologium &c, exhibeas, id imitando effingant adeò scitè, ut admirationi sit Europæis.

*Quæ est ratio imitandi?* R. Duplex, alia verborum est, quæ in verbis & sententiis vel iisdem, vel paululum immutatis sita est. Sic initium Catilinariæ facile est vel pueris imitari: *Quousque tandem abutere peccator patientiâ Divinâ? Quamdiu hanc etiam vita tua eludet? quem ad finem se jactabit inveterata impietas? nihilne te impendentia mortis pericula, nihil inferorum pœnæ, nihil terror conscientiae, nihil incursum daemonum, nihil severissimum Judicis tribunal? nihil hujus os, vultusque moverunt? patere tua scelera non sentis* &c. Hunc in modum imitatione exprimendi erant Loci Ciceronis illustriores, à Magistro indicandi, præsertim Perorationes, in quibus affectuum & eloquentiæ totius summa vis

*Quæ est imitatio rerum?* R. Cum ejus, quem imitamur, inventionem ac dispositionem, argumentorum & amplificationis rationem, transitiones, figuras, affectus, structuram denique totam in re simili vel dispari exprimimus. Ad eum modum, quo Cicero Græcos; Virgilius Homerum, imitando secuti sunt. Illam pro *Lege Manilia* imitaberis, si contendas fœderatæ Christianorum classi, belloque in Turcas sacro Joannem Austriacum præficiendum. *Catilinariæ*



## RHETORICÆ.

*linariæ* fervient in Religionum novarum, vel seditio-  
num authores declamanti. *Pro Murana*, an Le-  
gatio gravissima, vel Proregium munus togato poti-  
us ac litterato, an sagato committendum? *Pro Syl-  
la*. Defendes nonnullos de fidelitate suspectos, quos  
tamen sui mores, & instituta absolvant. *Pro Ar-  
chia*: Poëticam in Gymnasiis docendam, contrà ac  
alibi soleat. *Pro domo sua*: Contra hæreticos, bo-  
norum Ecclesiasticorum templorum, Episcopatum  
raptos. *In Pisonem*: In Lutherum & ejusmodi  
pestifera capita, &c. Consulenda hic P. Masenii Pa-  
læstra Oratoria, quæ singulis Tullii orationibus i-  
mitationis materiam subjungit.

*In Oratione Sacra*: Imitandi erunt ii, qui Cicero-  
nem eundem, tanquam eloquentiæ omnis regulam  
sibi imitandum sumpsere, & consensu omnium Chri-  
stiani Cicerones habentur; ex Italis quidem alter:  
Paulus Segnerius: è Gallis, Burdaluaus, nocturnâ,  
diurnâque manu versandi ab iis, qui ad hoc tanti  
momenti munus se accingunt. Non potest non  
esse bona & victrix concio, quæ ad hunc tam ex-  
cellentem typum proximè accesserit.

Ad Caput XVI. *De Definitione.*

**Q**uotuplex est Definitio? R. Duplex. *Logica*, seu  
stricta, & *Oratoria*, seu Descriptiva. *Logica*  
rem pressè, jejunè breviter, per strictum, proximùm-  
que genus, ultimam differentiam definit; idque ver-  
bis tantum propriis, ut: *Lex*, est recta, & à Deo-  
rum numine tracta ratio, imperans honesta, & pro-  
hibens contraria. *Gloria*, clara cum laude notitia.  
*Amicitia*, voluntas erga aliquem, bonarum rerum  
illius ipsius causâ, quem diligit, cum pari illius vo-  
luntate. *Civitas*, multitudo collecta, quæ consen-  
su legum, vitæque sit conjuncta.

*Quæ est Definitio oratoria, seu descriptiva?* R.  
Quæ liberius, ornatius, verbis pluribus, ac etiam  
trans-

## SOARII.

translatis, nec tam stricto genere, ac differentia rem explicat. Ut cùm Logicus diceret: *Homo est animal rationale*: latius explicabit Orator: *Homo est opus eximium à Deo efformatum, rationis particeps, ad Dei imaginem conditum, atque ad immortalitatem natum.*

*Quot modis fit oratoria Definitio?* R. Etſi ab omnibus ferè locis Rhetoricis peti poſſit, ducitur tamen ferè 1. Ab Enumeratione. 2. Simili. 3. Cauſis. 4. Effectis. 5. Adjunctis. 6. à Negatione.

1. *Ab Enumeratione partium*, ut: *Rhetorica eſt quæ conſtat inventione, diſpoſitione, elocutione, pronuntiatione*; *Optimates: ſunt Principes conſilii publici; ſunt qui eorum ſectam ſequuntur; ſunt maximorum Ordinum homines; ſunt municipales, Ruſtici-que Romani, ſunt Negotia gerentes &c. Cic:*

2. *A Simili*, ut: *Roma Templum Sanctitatis, gentium oraculum, caput Conſilii, ara pietatis, emporium Sapientiæ, virtutis domicilium. Pulchritudo: hoſtis blandus, tortor fraudulentus, dulcis raptor, laqueus pedibus, velum oculis &c. Pecuniæ: nervus belli, viſcera Reipub: meta deſideriorum humanorum, ambitionis alimentum, voluptatum fomes &c. Hujus generis definitiones, niſi cautione quadam & judicio tractentur, frivolæ plerumque & inanes, nec ad probandum ſunt.*

3. *A Cauſis & effectis*, ut: *Sol, qui luce diſfuſa diem efficit, tempora moderatur, & calore ſuo terræ frugibus maturitatem aſſert. Peccatum eſt peſtis animi, conſcientiæ labes, vitæ pernicies, naturæ dedecus, orbis ruina, odium Dei &c.*

4. *Ab Adjunctis & Proprietatibus rei*, ut: *Philoſophia: Vitæ dux, indagatrix virtutum, vitiorum expulſrix, mater omnium artium, inventum Deorum. Hiſtoria: teſtis temporum, lux veritatis, vita memoria, magiſtra vitæ, nuncia vetuſtatis. Fama. Ma-*  
lun,



## RHETORICÆ.

*lum, quo non velocius ullum, quod vires acquirit eundo, cui quot sunt corpore plumæ, tot vigilæ oculi, tot lingue. Mors: Sommus æternus, hominis diviso metus divitum, portus miserorum &c. Canis: Animal excubiis natum, amans Dominos & adulans, acerbum in ignotos, incredibili ad vestigandum navium sagacitate, ad venandum velocitate.*

5: Per negationem & affirmationem, qui definiendi modus facillimus, & pulcherrimus, & Cicero ni perquam usitatus est, nempe cum prius assertur quid res non sit, deinde quid sit? ita à Cic. definitur Consulatus: *an tu Consulatum in lictoribus, in toga, in prætexta, in fascibus esse putas?* Affirmativa: *Animo Consulem esse oportet, consilio, fide, gravitate, vigilantia, cura, toto denique munere Consulatus.* Populus Romanus: *An tu Populum Rom. ex iis constare putas, qui mercede conducuntur; qui vi compelluntur ad vim faciendam Magistratibus, ut obsideant Senatum, optent quotidie cædes, rapinas, incendia?* Affirmativa: *Ille ille populus est, Dominus Regum, victor atque imperator omnium gentium &c.* Ita defines militem: *Nunquam ego militem illum dixero, qui vino, rapinis, libidinibus ita inhiat, vetuti ad id solum stipendio conductus sit, ad hostis conspectum trepidet, arma abiciat?* Affirm. *Is denique miles est, qui pro patria fortiter stat in acie, ac pro salute Reipub. nullo labore, pericula nulla devitanda existimet.* Ita defines Principem, Nobilem, Studiosum, Rhetorem, Christianum, Asylum, Concionem &c.

Ad Caput XVIII. & XIX.

*De Notatione & Conjugatis.*

**Q**uid est Notatio? *z.* Quæ nominis etymon & originem inquiri; Grammaticis locus insignis ad perspiciendam genuinæ latinitatis proprietatem, ad argumentandum tamen perlevis est, cum nomina rebus

## SOARII,

rebus temere magis, quàm consilio indita sint, ut: á *Senibus* nomen mite *Senatus* habet, non igitur juvenes adoptandi. *Hostia* & *victimæ* ab hoste, & vincendo. *Tumultus*, á timendo, vel timore est, cum ipso malo major timor sit. *Augustus* ab augendo, & infinita alia, quæ in Primitivis & Derivativis ponuntur. Huc pertinent significationes Græcorum nominum, ut: *Monachus*, solitarius. *Stephanus* Corona. *Chrysogonus* auro genitus, &c. Et latina: *Vincentius*, *Barbara*, *Agnes*, *Lupus*, *Ambrosius* &c. Hebræa nomina in sacris litteris reconditum sæpe & mysticum sensum habent, ut: *Adam*. *Abraham*, *Isaac*, &c. Et ipse Servator: *Tu es Petrus, & super hanc petram ædificabo Ecclesiam meam*.

*Quem potissimum usum habet Notatio?* R. Ad sales tantum servit & facetias, quanquam & Epigrammata, ( ut nonnunquam Martialis habet ) & in stylo acuto hinc ductæ argutiæ, velut adulterinæ gemmæ minoris æstimentur. Ita Cicero Verrem rapacissimum deridet: *Quam tu*, inquit, *domum, quod sanum adiisti, quod non eversum, atque extersum reliqueris*, Alibi eum *Everriculum* vocat. Huc quidam referunt Anagrammata, ut: *Roma*, Amor, mora. *Logica*, Caligo. *Prudentia*, tardè puni; *Ursula*. Laurus, &c. Item artificia quædam Cabalistica, infelici contagio ab infelicibus Hebræis ad nos delata, quibus se tandem occupare, & si Diis placet, etiam oblectare possint vacua ingenia, non item meliore sensu, & litteris imbuta nobilioribus.

*Quid sunt Conjugata?* R. Quæ á primitivo variè derivatæ, eique significationis affinitate, velut communi jugo, junguntur. Celebris est locus Ciceronis de Cæsare: *Cæteros quidem omnes victores bellorum Civilium jam ante æquitate & misericordiâ vicerat, hodierna die teipsum vicisti*. Nam cum ipsius



## RHETORICÆ.

*ipsius victoriæ conditione victi omnes occidissimus.*  
 -- Recte igitur unus invictus es, à quo ipsius victoriæ conditio, visque devicta est. Item: Arma ab aliis posita, ab, aliis erepta sunt. Injustus est civis, qui armorum periculo liberatus, armatum tamen retinet animum. Item: Rectum putabat, pro eorum honestate pugnare, propter quos ipse honestissimus inter suos numerabatur. Item: Verres bonorum Deorum bonitate se uti velle dicebat, intellige argenteorum, quos rapiebat. Item de Verre: Non improbus mihi, sed in uno homine ipsa improbitas extinguenda & delenda est. Item: Quis libidinosus & cupidus non sit? in quo libido est & cupiditas. Non iracundus, in quo ira? non anxius, in quo angor? non timidus, in quo timor?

Hic item locus ad ornatum facit nonnihil, nec argumenta suppeditat, nisi parum firma.

Ad Caput XVII, De Partium Distributione.

**Q**uid est Partium Distributio? &c. Quâ totum in suas partes dividitur. Locus est omnium, si adjuncta fortasse demas, amplissimus ac locupletissimus, cum nulla cadere in quæstionem res possit, quæ non partes aliquas saltem morales habeat, atque adeo latius expandi possit. Variè enim dividitur *Totum*, & est 1. aliud integrale. 2. aliud morale. 3. aliud genericum. 4. vel specificum. *Totum integrale* est, quod plures partes integrantes, seu ad integritatem rei alicujus pertinentes habet, ut *Domus*: Tectum, fundamenta, parietes, &c.

*Totum morale* unum quidem in se est, & indivisum, nostro tamen intelligendi modo diversas partes habet, ut *Deus*: Divinas perfectiones, omnipotentiam, bonitatem, &c. *Anima*: Memoriam, intellectum, voluntatem. Inter morales partes etiam habenda sunt adjuncta actionum, ut expugnationis urbium, prælii, naufragii &c, de quibus suo loco.

To-

## SOARII.

*Totum Genericum* continet sub se partes específicas, ut *Virtus*: Prudentiam, temperantiam, &c. *Totum specificum*, quod sub se continet partes numericas, seu solo numero inter se differentes, ut *Homo*: *Petrum*, *Paulum*, *Cajum*, &c. naturâ quidem convenientes, numero aliisque rebus dispares, de quibus item capite sequenti.

Ita Cicero post exilium sibi omnia restituta enumerat: *Redditi mihi liberi, frater dulcissimus; fortuna, ac res familiaris: amicitiae, ludi, dies festi, bonos, dignitas* &c.

*In Pisonem*: Omnes te odere. Odit te *Senatus*, videre *Equites* non possunt, *plebs Romana* adversatur; *municipes perditum cupiunt; Italia tota execratur.*

*In Verrem*: Omnia sustulit: *Nego in Sicilia ullum argenteum vas, Corinthinum aut Deliacum fuisse; nego ullam gemmam, aut quidquam ex auro & ebore factum, signum ullum marmoreum, eburneum, picturam ullam vel in tabulis, neque textilem fuisse, quin inspexerit, quoddamque placitum fuerit, abstulerit.*

*Pro Caelio*: Voluptatem omnes appetunt. Quis est, qui oculis pulchritudinem aspernetur? non odore ullo, non colore, non tactu, non sapore capiatur? excludat auribus omnem suavitatem?

*Pro Lege Manilia*. Imperator. Ego enim sic existimo, in summo Imperatore quatuor hæc inesse oportere: *Scientiam rei Militaris, virtutem, auctoritatem, felicitatem* &c.

*Pro Caelio*: Litteræ à voluptate abstrahunt. *Litteris dedito omittendæ sunt omnes voluptates. relinquenda studia aliâ, delectationes, ludus, jocus, convivia, sermo etiam omnium familiarium deserendus.*

*Plinius de Trajano Romæ excepto*: Te parvuli velle noscere; mirari senes, ægri quoque neglecto meden-



## RHETORICÆ.

dentium imperio ad conspectum tui, velat ad salutem prorepere videres referta teſta, & laborantia, op-pletas undique vias, &c.

In Catilinam: Catilinæ Familiares omnes ſcelerati fuere. *Quid ſcleris fingi poteſt, quod ille non conceperit? quis tota Italia veneficus? quis latro? quis ſicarius? quis parricida? quis teſtamentorum ſubjector? quis ganeo? quis nepos? quis adulter? quæ mulier infamis? quis corruptor juventutis? quis corruptus & perditus, qui ſe cum Catilina non familiariffimè vixiſſe fateatur.*

Plinius. Senex vegetus. *Oculi puro lumine vident, pedes imprimunt certa veſtigia. auditus acer, dentes candidi, vox ſonora, corpus ſolidum, & ſucci plenum, cani cum rubore diſcrepant, & cum ætate vires diſſentiunt; nec memoriæ tenacitatem ſenectus diſſolvit, nec acumen ingenii frigidus ſanguis hebetat, non contracta rugis facies, non manus tremula &c.*

Quomodo fit argumentum ab Enumeratione! R. I. Affirmatis partibus omnibus, affirmatur totum, v. g. Innocens fuit ejus pueritia, caſta adoleſcentia, virilis ætas conſtans, ſenectus liberalis & placida, ergo omnis ejus vita ſanctè & præclare tranſacta eſt.

2. Negatis omnibus partibus, negatur etiam totum. v. g. Cum in exilium ageretur Tullius, non erat in Republica Conſul, non Senatus, non conſenſus populi liberi, non mos patrius, non juris & æquitatis ratio, nulla igitur fuit civitas.

3. Præcipuè verò in amplificationibus & deſcriptionibus ſervit; ut captæ urbis apud Quintilianum: *Apparent fuſæ per domos ac templa flammæ: & ruentium teſtorum fragor, & ex diverſis clamoribus unus quidam ſonus; aliorum fuga incerta; alii in extremo complexu ſuorum hærentes, & infantum, ſeminarumque*

10

SOARII.

*minarumque ploratus, Et malo usque in illum diem  
fato servati senes: tum sacrorum, profanorumque di-  
reptio, efferentium prædas, repetentiumque discursus,  
Et acti ante suum quemque prædonem catenati: Et  
conata infantem suum retinere mater, Et sicubi ma-  
jus lucrum est, certamen inter victores.*

Ad Caput XX. & XXI.

*De Genere Et Specie, seu Forma.*

**A**N à Distributione Partium differunt? R. In eo,  
quòd illa quamvis partes integrales, morales,  
genericas, specificas, hi verò loci genericas tantum,  
& specificas enumerent, quare à multis Rhetoribus,  
cum & eadem utrinque sit argumentandi ratio, u-  
nius instar loci tractantur. Differt tamen totum  
integrale à generico in eo, quòd illius partibus no-  
men totius non competat, nec dici possit v. g. Te-  
ctum est *domus*, camera est *domus* &c. Rectè au-  
tem dicatur de *metallo*, v. g. aurum est *metallum*;  
stannum est *metallum*; &c. Notandum item: aliud  
genus altero latius aut minus patere. Sic latissi-  
mè patet *animal*, sub quo domestica, feræ, volu-  
cres, pisces continentur; arctioribus limitibus finiri  
totum *Piscis*: et si plures sub se species, ut scom-  
brum, lucium &c. *Fera*. ut aper, leo &c. sub se  
contineat. Unde intelliges idem Totum superiori  
comparatum *speciem*; inferiori *genus* dici posse: quin  
ejusdem Totius partes alias genericas considerari  
posse, ut: *Respublica* Romana, Atheniensis, Lacedæ-  
monia &c. vel integrantes, ut: magistratus, popu-  
lus, leges, cives, milites, exteri &c. Verum de  
Logicis his non curat Rhetor, sed enumerat partes,  
quales quales illæ demum fuerint.

*Quis est frequens hujus loci usus apud Rhetores?*  
R. Quando species ad genus seu hyppothesis ad  
thesin revocatur. Ita Cicero Archiam Poëtam lau-  
daturus, humanitatis studia, Poëticamque magna o-  
ratio-



## RHETORICÆ.

rationis parte dilaudat: *Sanctum hoc Poëta nomen nulla unquam barbarie violavit; Saxa & solitudines voci respondent; bestiae sæpe immanes cantu flectuntur, atque consistunt; & nos Poëtarum voce non moveamur?* *Homerum Colophonii civem dicunt suum, &c.* Idem pro Roscio parricidii reo, multa de parricidii atrocitate differit. Clementem extollens Cæsarem, *Clementiae* virtutem extollit: Stoicum Catonem oppugnans, *Stoicam* sectam lepidè insectatur; pro Milone generatim quærit, an infidiatorem vi repellere liceat.

Imitaberis si Historiam commendans, universim *scientiarum* dignitatem prædices: Ciceronis lectionem suadens, in *lectionem bonorum anthorum* spem progrediendi omnem positam dicas: Aleam studioso dissuadens, *ludum* omnem condemnes: solaturus ob mortem patris, *tristitiæ* mala recenseas; Palatium regium laudaturus, *Architectonicen* dilaudes: Jurandi consuetudinem dissuadens, universam *pravæ consuetudinis* vim demonstres: libidinosum senem vituperans, *libidinum* mala enumeres.

Observandum tamen, nè quod Tyrones solent, in genere diutius inhæreatur. Valde enim exerraret, qui Imperatorem v. g. Eugenium, vel Divum Aquinatem laudaturus, magnam partem orationis in laudibus scientiæ militaris, vel Theologicæ consumeret. In exordiis maxime locum habet, ubi à generali asserto ad singularia laudis, suasionis, accusationis tantò commodior sit descensus.

### Ad Caput XXI.

#### *De Similitudine, & Dissimilitudine.*

**Q**uid est Similitudo? R. Est rerum alioqui disparium collatio, & aliqua in re convenientia v. g. *Avarus & Hydrops* res sunt diversissimæ, in eo tamen conveniunt, quòd alter pecuniis, aquis alter satiari nequeat. *Leo & homo iratus*, conveniunt

## SOARII.

unt in furore: *Rosa* & *adolescens* in pulchritudine: *Umbra* & *gloria*, quod illa corpus, hæc virtutem fugientem sequatur, sequentem fugiat: *aurum* & *amicus fidelis*, quod hic in adversis, illud in igne perfistat: *ager*: & *avarus*, quod ille cibi, hic laudis & honestatis gustum non sentit: *Orator* & *miles* alter aciem, argumenta alter disponit ad vincendum: *Invidia* & *ærugo*, hæc æs, illa pectus erodit: *Vita* & *vinum*, si nimis vetula sint, acescunt: *Peregrinus* & *imprudens*, ille in viis, hic in rebus agendis deviat: *Comitia* & *mare*, illa voluntatum, hoc fluctuum varietate jactatur: *Orator* & *canis*, dormientes iste, ille languentes cives ad sui custodiam excitat: *Lentus imber*, & *monitiones crebræ*, ille agros aridos, hæc juveniles animos fecundant, & recreant: *Fax* & *sapientia*, illa tenebras, hæc intellectum illustrat &c.

*Quomodo investiganda est Similitudo?* R. Quærendo apud se, & expendendo, quid similis naturæ sit cum eo, quod explicandum sumitur. Ut si constantiam animi declarare velis, quæres quid resistat maximè, & veniet in mentem duritia adamantis, rupis, incudis &c. Si ignaviam, cochlea, stagnum putidum, lignum cariosum &c. Si diligentiam, formica, bombyx, aranea &c. Si Magistratum, auriga, navarchus, pastor &c. Tyronibus, scientiarum nempe adhuc vacuis haud ita prompta est similitum inventio, at quò altius in Philosophia naturali & humana, variaque eruditione processerint, hoc fecundiores se indies animadvertent, nihilque erit, cui & regno (ut ajunt) animali, elementari, vegetante, minerali &c. non apta aliqua similitudo occurrat. Multum item proderit Poëtarum lectio, & quæ a libi de metaphoricis locutionibus diximus.

*Quid aliud ad similitudinem refertur?* R. Parabolæ, apologi, fabulæ, quæ latentem alioqui veritatem



## RHETORICÆ.

tem velut in imagine ac speculo repræsentant, vimque ad persuadendum subinde magnam habent, ut è celebri Menenij Agrippæ, & Demosthenis Apologo constat. Nec pauca in ipsis sacris litteris, maximè apud Prophetas exempla. Hieroglyphica, Emblemata, symbola in erudita fortasse Panegyri, seu declamatione melius, ac in gravi oratione adhibebuntur. Ut enim ingenii multum præseferant, ita virilis eloquentiæ vim, dignitatemque enervant penitus, & affligunt.

*An multam vim habet similitudo?* R. Omnium locorum minimam; at ad ornandum, explanandum, illustrandum, docilem alioquin & sponte sequentem multitudinem, plurimum valet: quod rei propositæ imaginem velut oculis subijciat. At apud sapientem, vel durum, ac renitentem Auditorem, similibus minimum efficies, ut quæ nec probent, minùs convincant; nec particulam *Ergo* quæ in reliquorum locorum argumentis adhibetur, admittat. Ejus enim locum suppleant particulæ: *quemadmodum, ut, non secus, ac ita, sic &c.* Interdum elegantiae causâ planè silentur, ut: *Verba ligant homines, taurorum cornua funes.* Itali Concionatores florido & amceniore dicendi genere delectati, sacras suas dictiones venustissimis fere similibus conseminant; Gallis, qui docere, quàm delectare malunt, pugnacior, ac severior prædicandi forma præplacet.

*Quid est Dissimilitudo?* R. Est duarum rerum dissimilium convenientia inter se, cum aliqua diversitate expressa. Sic Cic Dissimilis est pecuniæ debitio & gratiæ: Nam qui pecuniam dissolvit, statim non habet id, quod reddidit: gratiam autem, & qui refert, habet, & qui habet, in eo ipso, quo refert, habet. Idem pro Muræna, dissimilitudinem Imperatorem inter & Juris-consultum assert: *Vigilas tu de nocte, ut tuis consultoribus respondeas? ille, ut quò*

## SOARII.

quò intendit, maturè exercitus perveniat, te Gallo-  
rum, illum buccinarum cantus exsuscitat; tu astio-  
nem instituis, ille aciem instruit; tu caves, nè tui  
consultores, ille ne urbes, aut castra capiantur; ille  
tenet, & scit, ut hostium copiae, tu ut aquae pluviae  
arceantur; ille exercitatus est in propagandis finibus,  
tu in regendis.

Ad Caput XXII. & XXV.

*De Contrariis, & Repugnantibus.*

**A**N magni usus est Locus Contrariorum? R. Am-  
plissimi, cum nihil sit, quod non aliquid, aliquà  
saltem ratione repugnans habeat, locosque perva-  
getur omnes. Assert enim & rei contrariae defini-  
tionem, partes, simile, causas, effecta, adjuncta, com-  
parationem, & ex iisdem fontibus laudat v. g. so-  
brietatem, è quibus ebrietatem reprehendit. Præ-  
terea, ut hominum, ferarumque certaminibus in am-  
phitheatro spectandis naturà capimur, hæc contrari-  
um pugna mirificè oblectat audientes, secundum tri-  
tum illud: *Contraria juxta se posita, magis eluce-  
scent.* Ex hoc item fonte potissimum argutæ di-  
ctionis subtilitas profluit, ut adeò locus hic & ar-  
gumentum, & amplificationem insignem & ornatam  
conferat orationi.

*Quotuplicia sunt contraria?* R. 1. Adversa. 2.  
Privantia. 3. Relata. 4. Negantia; quibus adde  
5. Repugnantia.

*Quid sunt Adversa?* R. Quorum unum excludit  
aliud, nec adeò simul in re eadem esse possunt; ut:  
Virtus, vitium. Calor, frigus. Mollities, durities.  
Sapientia, stultitia. Sanitas, morbus. Humanitas,  
rusticitas. Modestia, arrogantia. Docilitas, perti-  
nacia. Pulchritudo, deformitas. Longitudo, bre-  
vitas &c.

Argumentandi ratio est: Cic: *Si stultitiam fugi-  
mus, sapientiam sequamur; bonitatem, si malitiam;  
gloriam,*



## RHETORICÆ.

*gloriam, si infamiam; pudorem, si petulantiam; &c.* Item: laudabilis frugalitas, fugiendus igitur luxus. Si malorum causa bellum est, pax erit expetenda. Diligentia opes parit, ergo ignavia egestatem.

*Quid sunt Privantia?* R. Opponuntur ut habitus, seu res habita, & ejus privatio. Ut vita & mors. Visus, cœcitas. Lux, tenebræ. Divitiæ, pauperies. Auditus, & surditas. Capillatus, & calvus. Otium, negotium. Sapientia, insipientia. Vestitus, nudus. Argumentandi ratio est, ut: *Ultus est mortem patris, reddidisset ergo vitam, si potuisset: Si sapientis est aliquando mutare consilium, insipientis erit, sententiam mordicus citra rationem tueri.* Bonum est patria, miserum ergo exilium. Bonum sunt liberi, ergo infauusta orbitas. Bonum oculorum acies, ergo misera cœcitas &c.

*Quid sunt Relata?* R. Quæ ita inter se referuntur, ut unum sinè alio, nec tale nominari: nec esse possit, ut Pater, filius: dux, miles; magister, discipulus; Patronus, cliens; Consul, cives; Rex, subjecti; dare, accipere; Herus, servus. Argumentum: *Imperatoris est præcipere, ergo militis obtemperare. Herus est, ergo liber.*

*Quid sunt Negantia?* R. Quorum unum negat alterum, ut: probus, non probus. Sapit, non sapit. Vivit, non vivit. Est herus, non est herus. Sapiens, non sapiens. Albus, non albus. Dives, non dives. Argumentum: *Doctus est græcè & latinè, non igitur indoctus. Cic. Unde hic tam pecuniosus est factus? an ampla hæreditas relicta? at Patris bona venierunt. Amplum patrimonium obvenit? at exhæredatus est.*

*Quomodo variandus est hic Locus?* R. I. Cùm verba verbis opponuntur, ut Cicero. *Virtutes omnes pugnant, cum vitiis omnibus: copia cum egestate, bona ratio cum perditâ; mens sana cum amentia*

## SOARII.

*tia; bona denique spes, cum rerum omnium desperatione configit. Idem pro Roscio; In urbe luxuries, --avaritia,--audacia gignuntur: vita rustica parsimoniae, diligentiae magistra est.*

2. Cum membra membris opponuntur, ut: in Catil. Nullum ego in terris monstrum fuisse puto, tam ex contrariis inter se naturae studiis, cupiditatibusque conflatum. Quis clarioribus viris quodam tempore jucundior? quis turpioribus conjunctior? quis civis meliorum partium aliquando? quis tetrrior hostis civitati? quis in voluptatibus inquinatior? quis in laboribus patientior? quis in rapacitate avarior? quis in largitione effusior?

3. Cum periodi periodis opponuntur, ut: *Majores vestri saepe mercatoribus injuriosius tractatis, bella gesserant; Vos tot civium Romanorum millibus uno nuntio, atque uno tempore necatis, quò tandem animò esse debetis? Legati quòd erant superbius appellati, Corinthum Graeciae lumen extinctum voluerunt illi; vos eum Regem inultum patièmini, qui Legatum consularem omni supplicio excruciatum necavit &c.*

*Quid sunt Repugnantia?* R. Quæ opponuntur quidem sibi, non item inter se maximè distant, ut si dicas *Pacem esse*, inferes: non igitur belli effectus esse, non incursionem in fines, non vastitatem, rapinas &c. Sic: magni honores ab suis absenti Cælio sunt habiti, non igitur suis non probatus est. Constat sibi in periculo, non igitur meticulosus. Liberalis in egenos, nec adeò avarus. Pudicus est, abest igitur à verborum lascivia. Amavit patrem Roscius, non ergo occidit.

*Quomodo distinguuntur inter se hæc quinque Contrariorum species?* R. Id obiter Rhetori contigisse satis fuerit, cujus est uti contrariis, non disputare, cujus propaginis sint. Igitur in *Adversis* utrumque Contrariorum est aliquid, ut frigus & calor. In

*Privantibus*



## RHETORICÆ.

*Privantibus* alterum est res alterum rei privatio in subiecto ( ut ajunt ) capace, ut Visus, cæcitas. In *Relatis* utrumque est aliquid, vel fuit, ut Pater, Filius, etsi hic jam demortuus sit. In *Negantibus* alterum affirmat aliquid de aliquo, alterum idem negat, ut: doctus est, non est doctus.

Ad Caput XXIII. *De Adjunctis.*

**A***N fertilis est Adjunctorum, seu Circumstantiarum Locus?* R. Locus ad unum omnes, cum ad argumentandum, tum amplificandum fecunditate superat. In hoc uno ritè enucleando, plurimum elaborandum Præceptorum plurimum exercitandi Tyrones; ut, qui solutæ, & ligatæ orationis non partes modò majores, sed Periodos propè omnes permeet. Hinc summa ubertas, copia, ac profluentia Orationis, amplificationis robor, Descriptionum, & Hypotyposeon vivacitas enascitur, ut adeò veniam merear, si in doctrina tanti usûs fuero prolixior; multa-que ex iis, quæ in Candidato Rhetoricæ allata sunt, huc item transcripsero.

*Quotuplicia sunt Adjuncta?* R. Duplicia: *Personarum & rerum;* seu ut Grammatici: *Nominum & Verborum,* vel cum Philosophis: *Prædicati & Subjecti* In horum Adjunctis pervestigandis meditatione, hoc est, collecto intra se, & ab aliis rebus abstracto nimio opus est. Cogitationes omnes in rem propositam, ejusque partes omnes, sinus, angulos minutim exeutiendos defiguntur. Quemadmodum Anatomici non summas tantum humani corporis partes, sed singulas, & quidem in uno oculo, membranulas omnes, retinas, nervos, fibras, humores, album, pupillam &c. magnâ curâ dissecta inspiciunt. Aut uti Pictores, quem pingere volunt v. g. florem, leporem &c. vel coram sibi proponunt, vel imaginandi vi, ita sibi repræsentant, uti si oculis ipsis cerne-  
rent. Quod isti cultellis aut pennicillis, hoc orato-

## SOARTI.

ri *Imaginositatis* velut acie perspiciendum, & verborum coloribus expingendum est. Hâc imaginandi vi magis valent biliosi, ac melancholici naturâ cogitabundi; quàm volatica, nimioque sanguinis fervore incensa ingenia.

### *De Adjunctis Personarum.*

*Quæ sunt adjuncta Personarum?* R. Quoniam homo, & actiones humanæ ferè orationum omnium præcipua materia sunt, multi in his indagandis sunt Quintiliano duce Rhetoricæ Magistri. Enumerantur ab his 1. Genus. 2. Natio. 3. Patria. 4. Sexus. 5. Ætas. 6. Educatio. 7. Habitus corporis. 8. Fortuna. 9. Conditio. 10. Natura animi. 11. Victus. 12. Studia. 13. Affectus. 14. Generalia, ut: Locus. 15. Tempus. 16. Occasio. 17. Casus. 18. Facultas. 19. Instrumentum. 20. Modus. 21. Signum. Horum postrema, Actionum potius sunt Adjuncta, & in Genere Judiciali magis usitata.

*I. Genus.* Plerumque enim filii Majoribus ac Parentibus similes creduntur, unde laudis vel vituperii materia fuit: ut pro Sextio. *P. Sextius natus est parente, homine & sapiente, & sancto ac severo. Horat. Fortes creantur fortibus, & bonis: est in juvenis; est in equis Patrum virtus; nec imbellem feroces progenerant aquilæ columbam.*

*2. A natione, & 3. à Patria.* Sui gentes singulas mores distinguunt. Sunt Barbaris, Romanis. Græcis sui: suæ item civitatum singulis Leges, instituta, opiniones. Quare sic sit Argumentum: Romanus est, igitur bellicosus. Græcus? ergo levis. Pænus? perfidus. Cres? mendax. Scythæ? ferox. Lacon? fur. Cic. *Hoc egit ante te civis Romanus nemo. Externi isti mores ad sanguinem incitare solent odium, aut levium Græcorum, aut immanium Barbarorum.*

4. à Sexu.



## RHETORICÆ.

4. *à Sexu.* Nec enim idem de viro ac de muliere vel probabile, vel laudabile. Latrocinia ferè virorum, veneficia, sæminarum sunt; illos fortitudo, iustitia; has pudicitia, tempèrantia commendat magis. Livius. *Virorum hoc animos vulnerare posset; quid muliercularum, censetis? quas etiam parva movent.*

5. *Ab Ætate.* Aliud aliis annis convenit; nec idem infans, puer, adolescens, natu grandior, senex facit. Cic. *Patrem occidit Roscius? adolescentulus fortè corruptus? Et ab hominibus nequam inductus? Annos autem natus est magis quadraginta.* De singularum ætatum moribus vide infra ex Aristotele.

6. *Ab educatione. Et disciplina.* Plurimum refert, à quo, & quò quisque modò, à teneris sit institutus. Ex educationis modo, disciplina pueritiæ, & sodalitus multa argumenta & suspiciones trahuntur. Cic. *Quid te jactas in domo P. Lentuli esse educatum? an verebare, ne non putaremus, natura te jam improbum evadere potuisse, nisi etiam accessisset disciplina?*

7. *Ab habitu corporis.* Est is veluti sermo quidam totius mentis, & frequenter, nec immeritò in argumentum probitatis, vel nequitiae adducitur. Cic. in Pison. *Nonne ipsum caput, Et supercilia penitus abrasa olere malitiam, Et clamitare calliditatem videntur? qui idcirco est superciliis, Et capite semper rasis, ne ullum pilum boni viri habuisse videretur.* Idem; *Nec nos calor ille servilis, non pilosæ genæ, non dentes putridi deeeperunt. Frons, oculi, supercilia, vultus denique totus homines in errorem impulit.* Martialis. *Crine ruber, niger ore, brevis pede, lumine luscus, rem magnam præstas Zoile, si bonus es.*

8. *A Fortuna, Et 9. à Conditione.* Non idem credibile est in divite, ac paupere: claro & obscuro: rustico

## SOART.

stico & urbano: litterato & milite: institutore, & famulo: nec propinquis, amicis, clientibus abundante, ac his destituto. Laudi item est, fortunam adversam tulisse sapienter, in secunda non fuisse insolentem. Ità Cicero Chrysogoni Liberti potentiam à prædiis, domo, supellectile, familia, servis, luxuria, sumptibus, habitu, superbia & avaritia vehementer insectatur, quibus ille in fortunas hominis rustici impotenter involabat. De moribus Divitum &c. infra erit dicendi locus.

10. *Ab animi natura:* Avaritia, iracundia, misericordia, crudelitas, severitas, aliaque his similia afferunt frequenter, aut detrahunt fidem. Consideratur item, an acutus, sit & perspicax, an hebetior? memor, an obliviosus; comis, facetus, prudens, patiens, pudens, an contentiosus, improvidus, audax, morosus, &c. Cic. pro Balbo; *Habetis hominem singulari pudore, virtute cognita, & spectata fide.* In Verrem: *Hominem sinè spe, sinè re, sinè fide, sinè fortunis, ore, lingua, manu, vita omni inquinatum, ire patiemini absolutum?* In eundem: *Iste sacrorum omnium hostis, religionum prædo.* In Pisonem: *Iste gurgēs, atque helluo natus abdomini suo, non laudi, atque gloriæ.*

11. *De Victu.* 12. *De Studiis.* Quærundum, quo victu usus sit, parco, temperato, frugi, an luxurioso, prodigo, delicato. Etenim ut victus, ita corpora, à quibus animi actiones pendent. Varia item sunt hominum studia, aliisque rebus rusticus, forensis, negotiator, miles, navigator, medicus, sacerdos, laicus &c. ducuntur. Cicero pro Roscio. *In hoc victu arido, in hac vita inculta & horrida gigni non solent maleficia.* Pro Celio: *Atque scitote Iudices, eas cupiditates, quæ obijciuntur Celio, atque hæc studia (litterarum) de quibus disputo, non facile in eodem homine esse.*



## RHETORICÆ.

13. *Ab Affectibus:* Tales sunt amor, odium, ira, gaudium, tristitia, timor, &c. quæ suo loco explicabimus. Cic. *Vides tu illum tristem, demissum? jacet, diffidit, abjicit hastam &c.* De Arusp. *Nihil feci iratus, nihil impotente animo, nihil non consideratum, ac diu ante meditatatum &c.*

Adjuncta, quæ Quintilianus affert cætera, Temporis, Loci, Occasionis, Casûs, Facultatis, Instrumenti, Modi, Signi, *Actionum* sunt, non Personarum; ad Judiciale item genus magis, ac ad alia pertinent. In una Verrina perlecta pulcherrimè expressa omnia videbis. Serviunt hæc adjuncta ad descriptionem cujusvis personæ historicæ vel fabulosæ, & imaginem civilem, ut loqui amant, deformandam. En exemplum unicum, mutatis tamen paulum Adjunctis de M. Tullio Cicerone:

1. *Genus & parentes.* M. Tullius Cicero Patre natus & Avo itidem M. M. Tullis, Helvia matre, genere utrinque Equestri. Pater infirma valetudine ferè litteris deditus, filium à teneris ad easdem adhibuit.

2. *Natio & Patria.* Oriundus Arpis, quæ item C. Marii patria fuit, Volscorum Oppido, ad Licris & Fibreni Fluv. confluentem; quod municipium Cornelix Tribui è XXXV. fuit attributum.

3. & 4. *Sexus, Ætas.* Ab anno U. C. 648. ad annum 710. ætatem produxit, occisus annos natus tres & sexaginta.

5. *Educatio.* Adolescentiam totam in Latinis, Græcisque Litteris, eloquentiæ ac Philosophiæ studiis, pervolutandis utriusque linguæ optimis Authoribus Romæ, Athenis, Rhodi, magistris usus præstantissimis ita transegit, ut jam tum inter æquales longè emineret, ac sedecim annos natus Poëta scriberet.

6. *Habitus Corporis.* Corpus nactus par maximis

## SOARII.

mis meditandi, dicendique laboribus, valetudinem insuper victus moderatione tuebatur; vegetus plerumque & sanus nisi quod Rheumatis subinde, & oculorum lippitudine vexaretur.

7. *Forma.* Frons panda, vividus & acer oculus, nasus aquilinus, nec quod alii putant cicere respersus, cum hoc cognomen ut Lentulis, Fabiis &c, aliunde advenerit.

8. *Conditio, & Fortuna.* Ædilis, Prætor, Consul, Proconsul, in omnibus muniis summâ dignitate versatus, iis opibus, ut domum amplam, familiam, fundos, servitia, villas ornare posset; & quamvis exiliô magnum fortunarum naufragium fecerit, brevi se colligeret.

9. *Animi natura.* Animus liberalis, gravis, ab omni obscœnitate abhorrens, dicatior justô & in facetiis pronior. Calamitatem tulisse molliùs, nec satis in propositio firmus arguitur.

10. *Victus, & animi studia.* Victu usus apud amicos, & epulis eruditis magis quàm splendidis. Tempus omne etiam dum rusticaretur, vel reipublicæ, vel litteris, vel amicorum periculis impendit. Eversâ libertate, animi tædium resumptâ Philosophia lenire solitus.

11. *Affectiones.* Gloriæ studium immensum, ad quod vitæ rationes omnes referebat; patriæ amor singularis; timidiorem se ipse non diffitetur, & lacrymis etiam indulgentem &c.

*Adjuncta Virtutis, Vitii, & Affectuum humanarum.*

Hæc equidem sufficere poterant, quia tamen ad hominis, seu personæ laudem, vel vituperationem ex Adjunctis nullum latius patet, quàm *Animi natura, Virtus* nempe vel *vitium*, ac *affectiones* cæteræ, hæc præ cæteris curâ majore perquirenda sunt. Etsi verò eadem sint, cum effectis virtutis cujusli-



## RHETORICÆ.

cujuslibet, vitii, vel affectûs, Tyroni nihilominus singulares quidam Loci, ac indicationes ad horum investigationem suggerendæ videntur. Virtutum porro effecta, partes, actus ( de quibus libri pleni sunt ) vel internis animi, vel externis corporis sensibus perficiuntur. Perquirendum erit igitur, quid quævis virtus, vitium, affectus efficiat.

1. In *memoria*, quarum rerum recordationem moveat. 2. In *intellectu*, quibus rationibus agatur. 3. In *Voluntate*, quas motiones excitet. 4. In *oculis*, fronte, ut se prodatur. 5. In *Lingua*, in quos sermones erumpat. 6. In *Auditu*, quibus de rebus audire amet. 7. *Manibus*, pedibus, gestu, toto corporis habitu. 8. *Tempus* quando. 9. *Locus* ubi. Id quod exempla melius docebunt.

*Virtus*. Liberalitas, seu homo liberalis. 1. In *memoria*: non obliviscitur miserorum. 2. *Intellectu*: altè sibi impressum habet, hanc esse DEI & naturæ legem, ut qui abundant, egentioribus tribuant. 3. *Voluntate*, aliena calamitate non minùs indolet ac de sua: animo simul ad opitulandum magno, nec opibus suis affixo. 4. *Fronte* exporrecta, oculo benigno egentes velut ad petendum invitatur, petentésque accipit. 5. *Lingua*, sermonum lenitate summa, nec tam promissis, quàm rebus solatur moerentes. 6. Supplicum quiritationibus adeò non fatigatur, ut ad fiduciam animet timidos. 7. *Manibus*: promptis semper ad largiendum manibus. 8. *Tempus*: non moratur dando, ut conduplicet beneficium. 9. Inguenvis egenis privatim; mendicabulis ad fores in templo, compitis munificè largitur.

*Pudicitia*. Seu homo pudicus. 1. Nè cogitationem quidem vel imaginem minùs decentem admittit in animum. 2. Persuasum habet penitus, verecundiam virtutis ac honestatis custodem esse certissimam.

## SOARII,

tissimam. 3. Abhorret ab omni licentia, ac hominum liberiorum familiaritate. 4. Ingenuâ modestiâ oculos a promiscuo obtutu abstinet; nullum hic signum, picturamve minus decentem videas. 5. Nullum ex eo verbum pretextatum minusve decorum audias. 6. Quin obscœna loquentes reprehendit acriter, atque à consortio suo arcet. 7. Nihil ejus manibus purius & continentius. 8. A prima puerili institutione ad hanc ætatem invariata verecundiâ. 9. Domi suis, foris alienis, perfectæ pudicitie exemplum.

*Vitium. Fastus.* seu homo fastuosus. 1. Se ipso plenus, in se unum defixus, grandem sibi de se imaginem effingit. 2. Unum se præstare omnibus existimans. 3. Coli ab omnibus, primo sibi loco decedi velut jure postulat. Elato supercilio, fronte in nescio quam majestatem contractâ. 5. De suis opibus & ornamentis concionalem in modum magnificè prædicat. 6. Nec ullis modulis, quàm de suis laudibus afficitur suavius. 7. Grandire gressum amat, gestuque toto aliorum contemptum spirat. 8. --- 9. In circulis ac cœtibus apud notos ignotôsque Thraaso ineptus se venditat.

*Pigritia:* Seu homo piger. 1. Præ torpore vix sui conscius, certè officii oblitus. 2. Nec apud se reputans, bovem ad aratrum, hominem natum ad laborem. 3. Summam felicitatis in somno scilicet ac cessatione collocat. 4. Connivet oculis ut nunquam non semisopitum crederes. 5. Balbutiente lingua verba velut guttatim eluctatur. 6. In ultimo conclavi, quo strepitu nullò excitatur, abditus desidet. 7. Pendulis aut in tergum rejectis manibus nihil metuens magis, ac ut ne quid operis contingat. 8. Dies annosque nihil agendo stipes inutilis comburit. 9. In schola deses &c.

*Affectus.* Ira, seu homo iratus. 1. Sui impos,

ac



## RHETORICÆ.

ac veluti de statu mentis dejectus. 2. Vel leuem injuriam graviozem putat, ac ut condonari possit. 3. Ulciscendi cupiditate quantus est, exardescit. 4. Oculorum fulgur animi incendium denotat: Frons torva, minax vultus. 5. Sermo præruptus in vociferationes, maledicta, minas effusus. 6. Nihil ad aures pacatum admittit. 7. Corruptis armis, gressu incitatò ad ultionem properans. 8. In dies ferocior.

*Timor.* Vel homo timidus. 1. Obversante majorum aliàs perpefforum memoria; 2. Ratusque pericula graviora, ac è quibus emergere liceat; 3. Angitur intimis animis, tristisque intemperie jactatur. 4. Infomnes noctes agit, interdium pallet gelido sudore frontem nubilus. 5. Interclusa voce ac tremula, dimidiata verba molitur. 6. Vana solatia amicorum aspernatus, in solitudinem se condit. 7. Jactans ad cælum manus, nec ullo loco diu consistens. 8. — 9. Nuspiam se tutum satis existimat.

### *De adjunctis Personarum aliarum.*

Cùm in quæstionem præter *Hominem* ac humana, res ac substantiæ cæteræ non minus ac personæ in quæstionem cadere possint, ut cœlestia, elementaria, aërea, terrea, aquea, ignea, ac nominatim animalia, arbores, plantæ, fossilia, artefacta, Loci item proprii designandi sunt, è quibus horum adjuncta facillè erui possint.

### *Adjuncta Animalium.*

Animalium alia sunt domestica, sylvestria, ferocia, repentia, insecta, *Aves*, oscines, rapaces, altiles, escariæ. *Pisces* ac testacea. Inter quorum Adjuncta primò veniunt partes enumerandæ, ac præterea considerari possunt.

1. *Quantitas*, seu corporis moles.

2. *Qualitas* seu proprietas, indoles &c.

3. *Vox*

## SOARII.

3. *Vox*, præterquam in piscibus.
4. *Color*.
5. *Celeritas*, aut tarditas.
6. *Vires*, aut infirmitas.
7. *Pabulum*.
8. *Ufus* escarius, vel medicus.
9. *Locus*, quo degere amant.

*Agnus*, Animal domesticum, ac cicur. Primo: Tres ferè palmos altum. Secundo: Naturâ timidissimum & stupidum adeò, ut in adagium cesserit. 3. Balatum pro voce edit. 4. Vellere plerumque candido, fusco aliàs aut vario. 5. Minimè velox, nec diuturni cursûs. 6. Imbellis & infirmum, nec se vel dentibus, vel unguibus, ut animalia cætera à lupis tueri potens. 7. Brevi gramine, ut in ericetis ac demessorum agrorum stipulis impendio brevi victitat. 8. Caro pro ætatis ac pabuli ratione tenera & delicati succi. 9. Gregatim agunt, hyemem in caulis exigunt.

*Corvus*. Avis è rapacium genere. 1. Notæ magnitudinis. 2. Callidus admodum, furax & annosus. 3. Garrulus & crocitu suo molestus. 4. Colore tam atro, ut hic Corvinus dicatur. 5. Volatu gravi, incerto, brevi 6. Unguibus & rostro cuius hosti par. 7. Morticinis ferè alitur, quæ sagacissimè odoratur. 8. Pennæ ad clavicymbalum usum habent. 9. Agros recens subactos obvolat ad prædam, & loca remota.

*Lucius*. Piscis è genere rapacium. 1. Corpore tenui magis quàm adipato, subinde in viginti & amplius librarum molem excrefcens. 2. Minorum piscium tyrannus, ac terror, ingluvie insatiabili. 3. Colore subalbido, squammis minutim confertis, variis ac maculosus. 4. Rapido natatu. 5. Dentibus ac mandibulis acutissimis, valido caudæ inflatu obvia sternit. 6. Spoliis ferè vivit. 7. Caro



## RHETORICÆ.

compacta, candida, optimi succi, ac saporis. 8. Fluviali ac rigida, quam vivariorum aqua magis gaudet &c.

### *De Adjunctis Arborum.*

Præter partes arboris, ut sunt radix, fibræ, truncus, cortex, lignum, medulla. seu pulpa, humor, seu lacryma, ramus, frondes, vertex, considerari item possunt Adjuncta, ut:

1. *Quantitas*, Proceritas &c.
2. *Qualitas*, seu Ligni proprietates.
3. *Solum*, quo lætius provenit.
4. *Fructus*, & ejus partes.
5. *Sapor*, & usus fructuum.
6. *Ætas*, *Firmitas*. &c.

*Nux*, E fructiferarum genere. 1. Proceritate paucis arborum decedit, simul se pandit latissime. 2. Ligno præduro, ad fabrilia opera expetito, in aquis propè in lapidem durescente. 3. Passim nec pingui solum, sed etiam aridiore solo sine multa cultura provenit. 4. Nucleum fert viridi putamine, histricis instar aculeis horrente, tum ligneo cortice conclusum. 5. Secundam facit, ac forte primam rusticorum mensam, è qua item oleum exprimunt. 6. Sæcularis ferè est arbor, & ventorum victrix.

*Abies*. Ex umbriferarum genere. 1. Trunco rectissimo in altitudinem quatuor, etiam quinque organarum effertur. 2. Ligno molliore, ac striis pro annorum, queis crevit, numeris distincto. 3. Montosis ac sabulosis locis gaudet. 4. Resinam largiter exsudat, & Dactylum ligneum profert. 5. Non sine nucleolis minutis, avium sylvestrium pabulo. 6. Navibus fabricandis, domuum contignationibus idonea.

### *De Adjunctis Plantarum.*

Plantarum aliæ sunt alimonie *Frumentaria*, ut triticum, oryza &c. Quædam *Legumina*, ut: Cicer.

## SOARII.

cer. &c. *Herbæ* hortenses, sylvestres, medicæ. *Flores* denique, *Rosa*. Harum partes sunt: radix, vel bulbus, seapus seu caulis, genicula, apex &c. Adjuncta cætera.

1. *Figura*, quæ partibus continetur.
2. *Qualitas*, seu proprietas.
3. *Odor*, in Floribus & Herbis.
4. *Color*, cum primis in floribus.
5. *Ufus*, edulis vel medicus.
6. *Solum*, & culturæ genus.

*Triticum*, Plantarum utilissima. 1. Erecto ad bellam culmo, pro soli ingenio altiore, vel brevior, in spicam aristarum vallo munitam definit. 2. Princeps frumentorum; granum fert densum, grave, molâ frangendum in farinam. 4. Cum in herba est, herbidi; aurei coloris cum maturuit. 5. Quo principe alimentorum genere hominum vitam sustentari voluit naturæ author. 6. Pro culturæ modo in nigra ac pingui terra fertilitate majore succrescit.

*Tulipa*, Flos pervenuſtus. 1. Tenui ac palmari ferè caudice in calicem quinque aut plurium etiam, si transplantetur foliorum assurgit. 2. Non aliud hortorum ornamentum pulchrius, involvunt se cadente Sole folia, pandunt oriente, 3. Nullo equidem vel tenui, nec amoeno odore. 4. Sed colorum varietate & elegantia admirabili; bulbo scilicet, diversis succis imbuto. 5. Quam porrò oculis blandiuntur, tam nullius, quòd sciam, usûs sunt. 6. Hortulani operam diligentem ac peritiam desiderant, & brevissimi ævi sunt, ac verni tantum temporis.

### De Adjunctis Fossilium.

Inter Fossilia primo loco sunt *Metalla*, tum *Succi*, tum lapides varii generis, quorum Adjuncta expendi possunt.

1. *Ubi*, proveniat.

C2

2. *Quan-*



## RHETORICÆ.

2. *Quantitas*, seu *Proprietas*.
3. *Pondus*.
4. *Color*.
5. *Pretium*, ac *usus*.
6. *Usus*, varius.

*Aurum*, Metallorum Princeps. 1. In montibus altissimis iisque ferè sterilibus, effossis altissimè cavernis ingenti labore & periculo eruitur. 2. Longè purissimùm, nec rubiginem contrahit, nec igne minuitur. 3. Colore solari. 4. Si obryzum sit, Metallorum gravissimùm. 5. Meta omnium desideriorum humanorum, cum in auro sint omnia. 6. Intextitur vestibus, aris illinitur. Regum Palatia exornat.

*Adamas*, Lapidum pretiosorum princeps. 1. In quibusdam Indiæ regnis, ac Europæ partibus è cauitibus effoditur. 2. Indomabili duritie. 3. Si in æquangulos arte scindatur, splendoris admirabilis. 4. Mirum quod pretium lapillo sæpe minutissimo indiderit hominum stultitia. 6. Mulierum nobilium in aures, regiarum coronarum decus &c.

### *De Adjunctis Actionum.*

*Actionum*, seu *Verborum* Adjuncta haud paulò majorem ubertatem præstant orationi, quàm satis prolixè hætenus pertractata Personarum seu Nominum Adjuncta; quæ si Tyro per multam exercitationem sibi item familiaria reddiderit, haud magna opera magnam sibi ad amplificandum facultatem subnasci lætus experietur. Continentur vulgari notatione versiculò: *Quis, quid, ubi quibus auxiliis, cur, quomodo, quando?*

Prima quæstio *Quis?* Definitionem, partes, maximè Adjuncta Personæ, de qua quæstio est, indagat, satisque à nobis hætenus est explicata. *Quid?* Actionem ipsam examinat, quæque eam antecedant, comitentur, consequantur, de quibus nunc jam agimus

20

SOARII.

mus. In his duabus etſi ſumma amplificationis ſiſtit, percurrendæ tamen ſunt & reliquæ.

*Ubi?* ſeu locus; an publicus, ſecretus, Sacer, profanus, opportunus, remotus, propinquus &c. Ita Hannibal apud Livium ſuis animos facit, quippe qui à tergo Alpibus, utroque latere duobus maribus clauſi, nullum haberent victi effugium. Et Cic. pro Milone. *Videamus nunc id, quod caput eſt, locus ad inſidias, ille ipſe, ubi congreſſi ſunt, utri fuerit ad inſidias aptior?* &c.

*Quibus auxiliis?* Quibus adjumentis, instrumentis, facultate &c. ut ſpiculum in corpore occiſi repertum. Sic Cicero pro eodem Milone: *Erat Clodius cum ſervis robustis, Milo cum mulierum comitatu, ille in equo, hic in Rheda* &c. *Quid minus promptum ad pugnam, cum penula irretitus, Rheda impeditus, uxore penè conſtrictus eſſet?* &c.

*Cur?* Cauſam finalem indicat, ſeu quò conſiliò? quâ ratione & impulſu actio ſuſcepta, cui bono fuerit? Hòc Argumentò probat Cicero, à Clodio ſtructas eſſe Miloni inſidias: *Hoc interfecto aſſequebatur Clodius, non modò ut Prætor eſſet, & his Conſulibus Prætor eſſet, quibus comiventibus ſperaret, ſe poſſe Rempubl. eludere in cogitatis ſuis furoribus* &c.

*Quomodo?* Modum notat actionis, an clam, palam, vi, perſuaſione, inſcitia, caſu, neceſſitate, iracundè, celeriter, à volente, vel invito. Sic Cic. probat legem de ſuo exilio eſſe irritam, quia per vim latam: quòd lapidatio, hominum conſcriptio, comportatio armorum in ædem Caſtoris vim indicent.

*Quomodo?* ſeu tempus, an die feſto, pro-feſto, quo anno, menſe, die, hora, manè, meridie, ſerò, noctu, olim, nuper? hyeme, vere, æſtate? Pro Mil. *Cujus testimoniò Clodius eadè horà Romæ fuerit, & Interamnæ* &c.

En



## RHETORICÆ.

En exemplum in hac propositione: *Historicæ Rudimenta Juvenibus diligenter sunt discenda.*

*Quis?* Historiæ antiquæ, novæ; sacræ, profanæ; Persicæ, Græcæ, Romanæ, bellicæ, civilis, Imperatoris Rudimenta, sex libellis pro totidem Classibus contenta. *Quid?* discenda sunt; consideranda utilitas, & momentum rei, aviditate quadam exhaustienda, memoriæ cum cætera, tum Epochæ altissimè desigendæ. *Ubi?* In Scholis magna attentione excipiendâ, domi sedulò recolendâ. *Quibus auxiliis?* Magistri ductu, comparatis libris, Chartis Geographicis, è quibus ea percipiantur plenius, quæ hic strictim tanguntur. *Cur?* Quæ in juventute discuntur, velut in thesaurum memoriæ inferuntur; jactisque his fundamentis volupe erit, per omnem vitam in omne Historiarum genus effundi. *Quomodo?* Institutis Academiis, conferendo cum æquali, lecta themati inferendo. *Quando?* omnibus tempusculorum segmentis in hoc studium coniectis.

En aliud: *Divitum omnes sunt amici.*

*Quis?* Omnes ejusdem & altioris conditionis homines, Divitum, *quis?* eorum, qui pecuniis, redditibus, potentiâ cæteris eminent. *Quid?* eos colunt, primas deferunt, gratiam prestant, limina obsident &c. *Ubi?* prætereuntibus in compitis, templisque assurgunt, de via decedunt. *Quibus auxiliis?* assentando, blandiendo, laudibus per se, per alios, missis etiam xeniis in horum amicitiam adrepere student.

*Cur?* quia ab opulentis nemo non sperat, pauperum contrâ amicitia sterilis est. *Quomodo?* simulatione magis, quàm ex animi sententia. Desfluant opes, defluent amici. *Quando?* qui hodie mos est, fuit ab origine rerum, eritque.

*Quid in quæstione Quid maximè observandum sit.*

Cicero in Topicis: *Admonet hic Adjunctorum Loc-*  
*cus,*

## SOARII,

*cus, ut quæretur, quid ante rem? quid cum re? quid post rem evenit?* Ejus exemplum addit: *Ante rem enim quæretur, quæ talia sunt: ut apparatus colloquia, locus, constitutum convivium. Cum re: pecudum, hominumque strepitus, corporum umbræ, & si quid est huiusmodi. Post rem: rubor, pallor, titubatio, & si quæ alia signa perturbationis & conscientiae: præterea restinctus ignis, gladius cruentus, cæteræque, quæ suspicionem movere possunt.* Hæc ille. Operæ est, doctrinam non levis momenti pluribus exemplis, meliori in lumine collocare, idque in verbis nudis, & ab omni persona ac aliorum Nominum conjunctione abstractis v. g.

*Ambulavi. Ante rem.* Studendo, sedendoque fessus decorè me convectio, ac scipione arrepto, *cum re:* extra muros penes amniculum lento passu cum amico obambulo, *post rem:* fatigatione per modicam quietem è membris expulsâ, alacriorem me ad studendum sentio.

*Amo. Ante rem.* Video rem pulchram, & ejus cupiditatè incendor. *Cum re.* Animo sum inquieto, & unicè in rem desideratam defixo. *Post rem:* vel gaudeo de obtenta, vel de elapsa mœreo.

*Doceo. Ante rem:* Tradenda discipulis meditor apud me & apparo. *Cum re:* Verba primùm, tum sententias & artem omnem authoris enucleatè expono. *Post rem:* repeto & experior, an attentâ aure excepta sint singula.

*Lego. Ante rem.* Sepono cætera, & librum arripio. *Cum re.* Oculis, animoque intento, alias etiam clarâ voce percurro capita Authoris aliquot. *Post rem:* Lecta apud me revolvō.

*Aro. Ante rem:* Boves jungo, & in agrum educo. *Cum re.* Terram vomere proscindo, æquales liras duco. *Post rem.* Mollem terram, seminique recipiendo idoneam habeo.

*Ædifico.*



# RHETORICÆ.

*Ædifico. Ante rem:* Fabricæ modulum designo, ligna, coementa, lapides congero. *Cum re:* Muros in altum educo, tectum impono. *Post rem:* Stru-ctam jam domum adorno & habito.

*Cado. Ante rem:* Steti, venit debilitas, vel in obicem illatus sum. *Cum re:* Fallente genu, nec retinere me potens, humi provolvor. *Post rem:* E-rigo me in pedes, vel adminiculum dant alii.

*Quæro. Ante.* Rem perdididi, vel seposui. *Cum re:* Persecutor omnia, loca omnia excutio. *Post rem:* gaudeo de reperta, vel de reperienda despero.

*Medeor.* *Ante rem:* Morbi aut vulneris statum indago. *Cum re:* Catapotium præbeo, vel empla-strum impono. *Post rem:* lenitur morbus, vulnus coit.

*Fleo. Ante rem.* Incidit in oculos, animamque imago rei admodum tristis. *Cum re:* existit dolor, is in fuspiria, denique in lacrymas eliquatur. *Post rem:* Facie contractâ in locum me solitariam abdo.

*Mirror.* *Ante rem:* Offert se res visu nova, vel au-ditu. *Cum re:* oculos diduco, rem penitius inspi-cio, stupeo, vel in risum solvor. *Post rem:* Rem mirabilem aliis enarro.

*Evigilo. Ante rem:* Confopitus jacui. *Cum re:* Meapte vel alieno monitu somnum excutio. *Post rem:* Promptè me frato levo, & amicio.

*Indulgeo.* *Ante rem:* Veniam rogor á consistente erratum, & supplice. *Cum re:* Nihil tergiversans, nec sinè opportunis monitis petito assentior. *Post rem:* Grates ab hilari petitore recipio.

*Emo.* *Ante rem:* Nummis bene oneratus in fo-rum rerum venalium me confero. *Cum re:* Inspicio euratè merces, liceor, paciscor de pretio. *Post rem:* persolvo, emptâque domum refero.

*Doleo. Ante rem:* Dejecti & calamitosi hominis miseratione tangor. *Cum re:* Verba adhibeo lenia, malum

## SOARII.

malum elevo, spem meliorum facio. *Post rem:* Minuo tristitiam misero vel eximo.

Jam si abstracto verbo & Adjunctis quæstioni *quid?* respondentibus, Nominis item, Loci, Temporis, Causæ &c. Adjuncta addideris, faciliè intelliges, quàm nullo negotio non dicam Periodus, aut Periodi membra singula amplificari, sed res quælibet describi ampliter, grâphicèque exprimi queat, v. g. *Lapitharum convivium. Therſites ab Achille cæsus. Ajax furcens. Hecuba Polymnestori oculos effodiens. Astyanax turri præceps. Aeneas Anchisen e flammis efferens. &c.*

Ad Caput XXIV.

*De Antecedentibus, & Consequentibus.*

**A**N differt hic Locus ab Adjunctis? R. Non admodum, cum ad amplificandum adhibetur. Si Argumentum fiat, ita inter se cohæreant oportet, ut ex eo, quod alterum præceſſerit, necessario vel probabiliter consequatur alterum, & è converso; ut: *Fruſtus sunt, igitur flores fuere. Mortuus est, quare vixit. Natus, quare morietur. Plexus est ab æquo Judice, ergo de crimine convictus. Saltat, non videtur sobrius. Neglector est & squalidus, vix erit compositus animus. Luna pallet, pluet. Mercurius intumescit, erit serenum. Liqueſcunt nives, incrementum fluvii. Arteria variat, latet morbus. Villarum culmina fumant, vesper est, coquunt villicæ. Bubo ferale occinit, mortem præcinit. Plurimi risus est, mirum, ni stultus. Malè loquitur de aliis, malè audiet.* E quibus colliges, quædam Antecedentium certum argumentum præbere, alia probabile duntaxat. Ita ab antecedentibus probabiles facit Clodii insidias Cicero: 1. Juvit Competitores Milonis, ne Consul fieret se prætor. 2. Professus est palam, se eum occidere velle. 3. Cæpit occasionem itineris cum multo comitatu fervorum. 4. Locum pugnae elegit aptum, à tergo aggressus est Milonem, ergo insidias struxit.

Ad



## RHETORICÆ.

Ad Caput XXVI. *De Causis.*

**Q**uotuplices sunt causæ? R. Quatuor causarum generibus, ex Aristotele ac Cicerone, recentiores quidam addunt *Causam Moralem*, vel *Exemplarem*.

*Quid est causa materialis?* R. Est ipsa materia, ex qua aliquid fit, ut Marmor Statuæ, Argentum Pateræ, Tigna & Imbrices Tecti; Lana aut Sericum Panni; Pannus Vestimenti; Argilla Fornacis; Tela & colores Picturæ; Abies Navigii; Æs Campanæ; Cannabis Rudentis; Linum Telæ; Tela papyri &c. Ita Cicero sydera commendat à materia: *Atque hæc mundi divinitate perspectâ, tribuenta est sydoribus eadem divinitas, quæ ex purissima, nobilissimaque ætheris parte gignuntur, neque ulla præterea admista sunt natura, solâque sunt calida & pelucida.*

*Quid est causa efficiens?* R. A qua aliquid efficitur, & est alia *procreans*, ut Deus Mundi, Parentes prolium, artifex artefacti, alia *conservans*, ut Lex Civitatem, Vigiliæ securitatem, sobrietas valetudinem &c. *Impellens* seu moralis, quod enim per alium quis facit, per se ipsum fecisse dicendus est. Ita causa moralis est homicidii, qui suadet, vel jubet: victoriæ, qui gubernat animatque militem, etsi ipse non pugnet: qui excubias agit, ut alii tuto furentur. Cicero de Senectute: *Caret epulis, extructisque mensis, & frequentibus poculis, caret ergo, vinolentia, cruditate, & insomnia.*

*Quid est causa formalis?* R. Per quam res ab aliis rebus distinguitur. Ut animus est forma hominis, quia per hunc ab rebus aliis omnibus differt. Alia est *naturalis* rerum corporearum, ut terræ, ignis, lapidis, floris, nivis, equi, canis &c. *Artificialis* altera, quæ in certa figura externa posita est, ut Domus, navis, scyphi, gladii, statuæ, cibi, vestis, &c. Cicero: *Si considerare velimus, quæ sit in hominis*

*minis*

## SOARII.

*minis animo excellentia & dignitas, intelligemus, quàm turpe sit diffuere mollitiæ & delicatè ac molli-ter vivere, quàmque honestum sit, parcè, severè, sobriè.*

*Quid est causa finalis? R. Cujus gratiâ & intuitu aliquid fit, ut Domûs finis est habitatio; belli pax; medicinæ sanitas; mercaturæ quæstus; poenæ e-  
mendatio; servitutis aulicæ, favor Principis; opera-  
rum, merces; armorum, defensio; solitudinis, animi  
collectio; Hominis, æternum beata vita &c. Cice-  
ro: *Quæ causa justior est belli gerendi, quàm servi-  
tutis depulsio?* Item: *Si pace volumus frui, bellum  
gere dum est.* Item de viro Politico: *Ut governa-  
tori cursus secundus; Medico salus, Imperatori victo-  
ria; sic huic Moderatori Reipubl. beata civium vita  
proposita esse debet.**

Ex his quatuor causis petuntur Adjuncta rerum  
artefactarum, ut Templi Jerosolymitani *efficiens* est  
Salomon & Artifices peritissimi. *Materialis* vis au-  
ri, argenti, æris immensa; ligna cedrina, lapides pre-  
tiosi &c. *Formalis*, ipsa templi pulchritudo & stru-  
ctura admiranda & ipsius DEI typo desumpta. *Fi-  
nalis* Summi numinis cultus. *Moralis*, David, qui  
filio hanc ædificationem commendârat.

*Calx. Materia:* Certum filicum genus, *Efficiens*  
à Calcario in fornace vehementissimo igne excoctum,  
*Forma*, cui si aquam superfundas, effervesceat, bullit,  
in pollinem candidissimum solvitur, *Finis:* Hic arenæ  
permixtus glutinis instar murorum lapides inter se  
continet.

*Pileus. Effic.* Pileatoris opus. *Materia*, è suba-  
cta & coctili lana, seu Castorum pilis, *Formal.* In  
cylindrum formis indita cogitur, lato circum mar-  
gine, zonâ vinctus elegante, assuto ad reflexam au-  
riculam torulo. *Finis:* ad solem, pluviamque de-  
fendendam.

*Cerevisia. Effic.* à Zytopæo. *Materia* è ma-  
ceratis



## RHETORICÆ.

ceratis frumenti vel hordei granis, ac in polentam, seu farinam crassiorē commolitis, admisto certo lupulorum dimenso, fervente aqua excoquitur. *Form.* Potus aliàs diluto, fusco aliàs colore. *Finis:* Frigidioribus regionibus pro vino est.

Ad Caput XXVII. *De Effectis.*

**Q**uot sunt Effecta? &c. Quot causæ, quibus respondent, & quia causis notiora, Orationibus etiam usitatoria sunt. Scientiarum, quin & virtutum ac vitiorum effecta, ferè pro earundem partibus usurpantur, ut in exemplis infrà patebit.

Ab effectis causæ *materialis* talē sit argumentum: corruptioni sumus obnoxii, igitur ex corpore componimur, *Formalis:* Cic. *Mentem hominis, quamvis eam non vides, tamen ut Deum agnoscis ex operibus ejus, sic ex memoria rerum & inventione, & celeritate motus, omnique inventione virtutis, vim divinæ mentis agnoscito.*

*Efficientis effecta, ut Voluptatis, Cicero: Ab hac Patriæ proditiōes, Rerumpublicarum everisiones, cum hostibus clandestina colloquia nascuntur; nullum scelus, nullum magnum facinus est, ad quod suscipiendum non libido voluptatis impelleret, adulterium verò & omne flagitium, nullis aliis illecebris excitatur, nisi voluptate &c.* Et in Verrem: *Agunt eum præcipitem pænæ Civium Romanorum, quos partim securi percussit, --- Rapiunt eum ad supplicium Dii patrii, quos iste --- caerimoniæ verò religionesque omnium sacrorum, sanctorumque violatæ --- consistere ejus animum sine furore atque amentia non sinunt.*

*Finalis.* Effecta sunt, ut: Caesar delectus habet, legiones conscribit, Duces convocat, igitur bellum parat. Litteris, vel armis impensè studet, ergo gloriam sectatur, vel fortunas commodiores. Cic. *Quid est igitur propositum Optimatibus, quid intueri, quod cursum dirigere debent? id quod est præstantissimum, maxime-*

## SCARIE.

*maximeque optabile omnibus cum dignitate otium.*

*Eloquentiæ Effecta:* Tenet suspensos hominum cœtus dicendo, mentes allicit, obnitentes etiam voluntates impellit, Senatum regit, in Ecclesiis dominatur, religiones moderatur &c.

*Ebrietatis:* Lumen rationis extinguit, ingenii aciem obtundit, viscera erodit, belluis similes reddit, linguam impedit &c.

Ad Caput XXVIII. *De Comparatione.*

**Q**UOTUPLEX est Comparatio? R. Triplex; Majorum, Minorum, Parium. Comparatio à Majori est: si id, quod magis vero simile est, verum tamen non sit, inferamus, id quoque quod minus verosimile est, in eadem re verum non esse: ut: Non timet armatum, non igitur timebit inermem. Parentem suum non fert, nec igitur Præceptorem feret. Duo exercitus resistendo non fuere, non erit unicus. Hector fortissimus Trojam defendere non potuit, nec poterit ergo effœminatus Paris. Otomanica arma Poloniam perdomare nunquam potuere, nec poterunt Tartarica. Cic. *Ego à juventute in forensibus causis exercitatus hanc causam suscipere vix audeo, & tu novus homo & imperitus audeas?* Item: *Dum Consul eram & cum imperio, Regem me non dicebas, cur privatum me regnare criminaris?* Item: *Non est quaesitum de nece clarissimorum virorum, Africani--nec igitur de nece Clodii inquirendum.* Item: *Præter Clodium nemo rem ullam è bonis Ciceronis vel concupiuit, vel attigit, non igitur credendum, Deos immortales ejus domum concupivisse.* Item; *Jupiter ipse in regendo orbe ferrarum subinde tamen fallitur, quid mirum, si Sylla in illa mole rerum agendarum animadvertere non potuit?* Adverte in hoc argumentandi modo, nisi Figurâ misceatur, Propositionem utramque ferè esse negantem.

Quomodo argumentamur à minori ad majus? R.

Si



# RHETORICÆ.

Si id quod minùs verosimile est, verum tamen sit, inferamus etiam id, quod magis verosimile est, vel probabile, in eadem re verum esse; ut: Vicit Gigantem, vincet & Pygmæum. Vetus Orator timet in principio dicendi, quidni novitius Tyro? Judæi mendicos suos alunt, alant & Christiani. Opifices aurorâ ad opus surgunt, tu literarum studiose stertes? Verbera tulisti fortiter, feres & verba. Domi alienæ tam petulans est, an suæ modestus erit? Inimicis opem non denegat, amicis etiam præsto erit. Deorum iræ placabiles sunt, quare & Cæsaris. Orationem scribit ornatam, scribet & Epistolam. Pallas potuit exurere classem Argivam, Juno Jovis uxor & soror Trojanos debellare non possit? Cic. *Nostri ob mercatores injuriosius tractatos -- bella gesserunt, vos ob 80. millia Civium Rom. occisa bellum non geretis?* In hoc argumento Propositio utraque, seu Protasis & Apodosis plerumque affirmans est.

*Quomodo fit argumentum à Pari?* R. Quando unum verosimile ex altero æquè verosimili infertur, ut: Parricida culeo insutus mergitur, igitur & qui matrem occidit. Frater tuus doctrinâ & virtute excellit, idem conare. Licuit Hortensio defendere Syllam, licebit & Cicéroni. Galli nobiles exterarum regiones non pervagantur, ecquid Germani? Cic. *Novo civi civitas adimi potest, ut ii contendunt, igitur & patriciis & civibus antiquissimis.* Potuerunt hi & hæ, & tu non Augustine?

*An magni usus est hic Locus?* Magnam habet probandi vim, nec amplificandi minorem, & rudiores præsertim animos permovendi. Ad Comparisonem item refertur exemplum, non minoris ad persuadendum roboris, & eodem modo tractandum. Certè oratio nulla, nulla ferè Concio, quæ non exempli aliquid, vel Comparisonis pro firmamento habeat, aut ornameto. Hunc locum tam validum, tam illustrem

scitissime

scit  
bit  
rit  
dum  
Para  
tum

Q  
Jusu  
ciale  
demi

Q  
pè e  
dicib  
fidia  
dices  
absol  
tur,  
tem

Q  
profa  
foren  
Etoria  
siquis  
Tuel  
cas.

vel l  
ni ca

Q  
multi  
autho  
tia ir  
duob  
ejusm

## SOARII.

scitissimè tractabit, orationemque splendide foecundabit is, cui sacrae & profanae Historiae plurimum fuerit. Quæ una ratio ad diligentissimum Historiae studium magno Tyronibus incitamento esse deberet. Paradigmatum abunde in Candidato Rhetoricae allatum est.

Ad Caput XXIX. & XXX.

*De sex locis extrinsecis.*

**Q**uot sunt Loci extrinseci? Secundum Quintilianum sex: Leges, seu Præjudicia: Fama: Tabulae: Jusjurandum: Tormenta: Testes. Eisi porrò Judiciale genus, cui unicè serviunt, ab Oratoribus aliò demigravit, paucis tamen contingendi sunt.

*Quid sunt Præjudicia?* R. Cum in eadem vel propè eadem causa, aliquando vel ab iisdem, vel aliis judicibus ita judicatum fuerit, ut: *Cic. Octavius Confidius, Claudius, M. Basilus viri integerrimi ac Judices Oppianicum non absolvère, nec igitur à vobis absolvendus est.* Infirmantur Præjudicia, si ostendatur, vel corruptos fuisse Judices, vel causam præsentem longè dissimilem esse.

*Quid sunt Leges?* R. Romanæ, municipales, sacrae profanae, in quibus accumulandis adeò multi sunt forenses nostri, & Advocati, ut in hoc telo spem victoriæ omnem collocare videantur; *Cic. Lex est: si quis hominem malo dolo morti duit, Parricida esto.* Tueberis te in legem, si 1. vel antiquatam esse dicas. 2. vel legem aliam contrariam opponas, 3. vel longè aliter intelligendam, vel 4. majoris boni causà ab ea recedi posse contendas.

*Quid est fama, seu Rumores?* R. Est testimonium multitudinis, vel vox communis populi, nullo certo authore orta, cuique magna est authoritas, nisi malitia irrepperit, vel nimia credulitas. Alioquin ex his duobus capitibus infirmatur. Sæpe enim rumoribus ejusmodi malignitas initium dedit, incrementum credulitas,



## RHETORICÆ.

dulitas, quod nulli non etiam innocentissimo potest accidere, fraude inimicorum falsa vulgantium. Cic. *At fuit fama? quotus quisque istam effugere potest, in tam maledica civitate?*

3. *Quid sunt Tabulæ?* R. Scripturæ publicæ vel privatæ, ut: Testamenta, Chiographa, Contractus, Codicilli, quæ hodie ferè instrumenta vocamus. Argumentum sit ejusmodi: Cic. Testamento legitimo institutus est hæres, hæreditatem igitur adire potest. *Item:* Ad navem publicam ædificandam nihil de suo expendit Verres, quia de hoc expenso nihil ullis in Tabulis exstat.

4. *Quid sunt Tormenta?* R. Confessio cruciatibus expressa; incertum argumentum, namque ut ille ait: *Mentietur, qui ferre poterit, mentietur, qui ferre non poterit.*

5. *Quid est iusjurandum?* R. Affirmatio religiosa quâ aliquid teste DEO asseritur, & vel hosti servandum est. Spectanda tamen jurantis probitas, vel improbitas. Etenim ad alia grandia scelera audax, ne ad perjurium quidem timidus erit.

6. *Quid sunt testes?* R. Quorum testimonio fides habebitur eò major: 1. Si fuerint oculati. 2. Jurati. 3. Viri probi & spectatæ integritatis. 4. Si illustres ac dignitate conspicui. 5. Nullo suo emolumento, vel odio impulsæ.

Horum exempla Locorum non desiderabit is, qui Verrinæ accusationis librum accuratè pervolverit.

### Ad Caput XXXI.

#### *De Usu, & utilitate locorum.*

**Q**Uæ est horum locorum utilitas? R. Notæ sunt, & indicationes, unde aurum effodiendum, hoc est probabilia argumenta ad quamvis quæstionem eruenda sint, sic ut nihil effugere possit, quod in rem faciat, dum cura & cogitatio adhibeatur. Id ut in usum deducas, statuatur primùm Quæstio seu Propositio

## SOARII.

positio ejusmodi, cujus notitiam aliquam & lucem habeat Tyro, ut sunt materiæ morales, & universales magis, quàm ad certas circumstantias contractæ.

Circumferes deinde cogitationem per locos omnes, quæ sit rei propositæ natura? quæ partes? cui similis? cui opposita? quæ ejus causæ, adjuncta, comparatio, exempla. Si unus locus nihil suggesserit; eo præterito ad alium transibis. In diverso namque themate alius Locus alio fertilior est, & adrem accomodatur. Probè autem monet Author noster levia & inania ferè rejicienda, Tyroni tamen exercitationis causa omnes erunt ad unum excutiendi. Sit ergo Propositio: *Nulla salus bello, pacem deposcimus omnes:*

*Definitio:* Bellum velut forum quoddam est Principum, quo non equidem Legum contentione, vel argumentorum, sed ferro & igni de controversiis obortis disceptant inter se, deque illatis, quas putant, injuriis, ipsi sui Judices illato vicissim omni injuriarum genere satisfactionem sibi conficiunt. Quid autem miserius, ac causam non tam ratione & æquitate, quod hominum esset, quàm violentiâ ac robore, quod belluarum, agere?

*Distributio Partium:* Igitur Actores armati, terra comparant exercitus, delectibus exhauriunt oppida, legionibus campos inundant, tumultu, ac vociferatione omnia perstrepunt. Mari sumptibus immanibus immanis molis navigia edificantur; Legionariis, Classariis, annonâ, tormentis armantur; concurrunt inimicæ classes, & alterno sanguine maria inficiunt. In tanta perturbatione quâ salus consistat & felicitas? *Reges* ipsi ob incertam aleam multâ infomniâ jactantur; *Nobilitas* gloriæ studiò ad certam propè mortem convolat: *Populo* denique ludentum & exedendum est, quod intrivère, ac pericârunt Reges.

D

*A Simili*



## RHETORICÆ.

*A Simili.* Quemadmodum è contrariorum conflictione humorum, dum frigida pugnant calidis, humentia ficcis, tempestas denique existit & fulmen, quod ingenti fragore excussum, perniciem quaquâ fertur, infert inevitabilem: Ita hæc Regum dissidia bellum denique, partum infelicissimum progenerant, quo non unusquispiam, ut grandine pars aliqua agrorum, sed populi ac regna integra omni calamitatum genere affliguntur.

*A Contrariis.* Pace verò & beatâ illâ populorum concordia quid exoptatius, salubrius? quod majus DEI donum? quid aureæ, de qua in fabulis est, ætati similius? Regni sui opibus quieti perfruuntur Reges, vigent commercia, & è mercatura opulentia; sua vis est Legibus? sua Religionibus majestas, civibus securitas, contentius excoluntur artes, lætius efflorescunt literæ &c.

*Ab adjunctis, antecedentibus, consequentibus.* Gliscentes controversiæ antequam in plenum incendium erumpant, mittuntur Legationes sumptuosæ: repetuntur injuriâ ablata; intercedunt fœderatorum officia; queis frustra consumptis conquiritur tributis gravissimis belli nervus; fervent armorum officinæ; è rusticorum horreis frumenta, è patrum manibus filii in castra abripiuntur, &c.

*A Causis.* Ad fucum plebi faciendum æquitas obtenditur, reapse ambitio ferè bellicum canit, illa in perniciem humani generis nata furia; nec unquam desunt, qui ad proferendos Imperii fines, ad sectandam nominis immortalitatem ardentes alioqui Regum animos amplius inflamment pestilentes Consiliarii, &c.

*Ab Effectis.* Itur igitur ad expeditionem, diversis ab exercitibus conculcantur sata; demetitur seges immatura, latè excinduntur arbores fructiferæ; regiones uberrimæ in desertum rediguntur; ardent villæ;

## SOARII.

villæ; capti abiguntur; Urbes cum Templis incendio sacrilego hauriuntur; conseritur acies, multa innocentissimorum hominum millia suis cadaveribus implent campos: utra pars vincat, stupra, rapinæ, omne crudelitatis genus, &c.

*A Comparatione.* Certè si vir sapiens forenses turbas & Advocatorum contentiones omni ope sibi devitandas existimat, si parte fortunarum carere malit, quàm in hæc se fastidia induere? an non Regibus, populi nempe Patribus & Pastoribus experiunda potius sint omnia, quàm se suosque in mala tam atrocia agant præcipites?

Ad hunc modum unâ ac alterâ exercitatione experietur Tyro v. g. *Multa bona continet silentium. Bona educatio dimidium vitæ. Artes omnes docuit necessitas. Malefacta mendacio celare neminem ingenium decet, &c.*

Ad Caput XXXIII. *De Amplificatione.*

**Q**uid est amplificatio? R. Est Rhetoris opus princeps, ipsa Rhetoricæ anima, ut optimus habendus sit orator, qui hac amplificandi arte cæteros omnes antecelluerit. Argumentum loci indicant, suppeditant cæteræ scientiæ; at nuda, strictaque Enthymemata, etsi firmissima, parùm effecerint, nisi omni oratorio ornatu convestita, ad imperitæ multitudinis captum in pleno lumine collocentur. Itaque multum interest planè intelligere, quid notionis huic *Amplificationis* Nomini subsit, & quâ à dilatatione verbosa differat. Dilatatio majorem, amplificatio ampliorem facit orationem; illa numerò opplet aures, hæc pondere verborum ferit animos; illa tumida, inflata, elumbis extendit; hæc pinguis, nervosa, pugna intendit & graviolem reddit dictionem. Inde intelliges quo sensu accipienda sit Tullii Definitio: *Est gravior affirmatio, non latior, aut fusior, quæ motu animum, non Verborum diluvio,*



## RHETORICÆ.

*conciat in dicendo fidem per argumenta ita expensa, evolutaque, ut vel hebetiorem auditorem planè edoceat, & ad assensum permoveat.*

*Quotuplex est Amplificatio? 3. Duplex: Verborum, & Rerum.* De illa libro tertio, de ornatu Verborum commodior erit agendi locus, id solum animadvertas velim, cùm unum sæpe Verbum vim amplitudinem, & efficaciam majorem præ alio verbo habeat, nequaquam idem esse dilatare, ac amplificare. Dividitur item in amplificationem, quæ sit primò per congeriem. 2. per incrementum.

*Quæ est amplificatio per congeriem, & qui ejus fontes? 3. Fontes omninò iidem sunt, qui argumentorum, nempe enumerati hætenus Loci Rhetrici. Hoc solum discrimine, quòd non unum v. g. Definitionem, Simile, &c. sed plura simul congesta ( unde congeriei nomen ) stipatæque efferat; quæ veluti densata in unam metam tela impressionem longè majorem, quàm singula faciunt. Fit igitur primò per congeriem, seu frequentationem Definitionum. 2. Plurimarum Partium. 3. Adjunctorum. 4. Causarum & effectorum. 5. Contrariorum & Dissimilium. 6. Similium, exemplorum, comparisonum. 7. Synonimorum. 8. Figurarum.*

### Ad Caput XXXIV.

*De Amplificatione à Definitionibus conglobatis.*

**Q***uid est amplificatio à Definitionibus conglobatis? 3. In qua varix ejusdem rei Definitionis afferuntur. Hujus & aliorum locorum exempla luculentissima habes in vehementissima illa in Pisonem oratione, in qua pugnatrix illius ac veræ amplificationis speciem si uspiam, pulcherrimè expressam videbis & admiraberis, quam adeò curatè legendam, relegendàmque suadeo. Vide hominis pulchras Definitiones: Ego istius pecudis, aut putidæ carnis consiliò uti volebam? Ego ab hoc ejecto cadavere quidpiam*

## SOARII.

*piam opis expectabam, quam in hoc animali reperire non possem? qui tanquam truncus, & stipex si stettisset modo, potuisset sustinere titulum Consulatus &c. Item: O tenebræ! ô sordes! ô paterni generis oblite, materni vix memor &c. Item: Miserum me! qui dum hac mecum peste atque labe conféro. Item: Templum illud te Consule constituebatur arx civium perditorum, receptaculum veterum Catilinæ militum, castellum forensis latrocinii, bustum legum omnium ac religionum. Pro Mil. Curia templum sanctitatis, amplitudinis, mentis, consilii publici, caput urbis, ara sociorum, portus omnium gentium, sedes ab omni populo Romano concessa uni ordini. En sex Definitiones Curiae*

*Quæ est Partium congeries? R. Ut in eadem Pisoniana: Non commemoro rapinas, non exactas in provincia pecunias, non captas, non imperatas; non neces sociorum, non cædem hostium, non perfidiam, non immanitatem, non scelera prædico. Ibidem: Id me delectat, quod de vobis Senatus, haud secus ac de hostibus teterrimis opinatur: quod Equites Romani, quod cæteri ordines, quod cuncta civitas odit; quod nemo civis vos oculis non fugiat, auribus respuat, animo aspernetur, recordatione denique ipsâ vestri Consulatus perhorrescat. Ibidem: Quem socii, quem fœderati, quem liberi populi, quem stipendiarii, quem negotiatores, quem publicani, quem universa civitas, quem Legati, quem Tribuni, quem reliqui milites omni cruciatu dignissimum putant.*

*Quæ est Adjutorum, Antecedentium & Consequentium frequentatio? R. Itn in eadem desperati hominis Adjuncta quàm vivacissimè adumbrata habes: Videre te cupiebam abjectum, contemptum, despectum à cæteris, à te ipso etiam desperatum & relictum, circumspectantem omnia, quidquid increpuiisset pertimescentem, adulantem omnibus, talem te videre volui,*

*vidi.*



## RHETORICÆ.

*vidi. Ibidem luxuriosum convivium describit: Nihil apud hunc lautum, nihil elegans, nihil exquisitum, nihil præter libidines sumptuosum. Toreuma nullum, maximi calices, & hi quidem Placentini; extructa mensa non conchyliis & piscibus, sed multa carne subbrancida; servi sordidati ministrant, nonnulli etiam senes; Idem coquus, idem atriensis; pistor nullus, nulla cella, panis & vinum à propola, atque de cuppa &c.*

*Quid est Contrariorum & Dissimilium frequentatio, & conflictio? R. Nobilissimæ orationis pars magna in hac conflictione versatur, qua suam Consulatus petitionem, in eodem gesta, ab exilio reditum, cum ejus petitione, rebus in Provincia gestis, Reditu Romam occulto confert: Obrepisti ad honores errore hominum, commendatione fumosarum imaginum: mihi Populus R. novo homini honores omnes detulit: homini, non generi; moribus, non Majoribus; virtuti perspektæ, non auditæ nobilitati; tu Consul es renunciatus, impeditis Reipublicæ temporibus, dissidentibus Consulibus; me cuncta Italia, me omnes Ordines, me universa civitas non prius tabellâ, quàm voce priorem Consulem renuntiavit. De suo & illius Consulatu Contraposita. Ego Kalendis Januar. Senatum legis agrariæ metu liberavi; Ego in C. Rabinio perduellionis reo Senatûs authoritatem sustinui, & contra invidiam defendi; Ego L. Catilinam eadem Senatûs, interitum urbis molientem egredi ex urbe jussi &c. Aude nunc ô furia! de tuo dicere, cujus fuit initium Ludi Compitalitii restitutio &c. De utriusque Romam reditu lectu dignissima ex ipso fonte petas licet.*

*Quid est congeries effectuum & causarum? R. Est in qua multæ unius rei causæ & effectus conglobantur. Sic Cicero causam perdati Exercitus in Gabini scelera refert: A te Jovis Velsuri templum sanctissi-*

## SOARII,

*sanctissimum direptum est: tua scelera Dii immortales in nostros milites expidunt; qui cum in uno genere morbi affligerentur, neque se recreare quispiam posset, qui semel incidisset, dubitabat nemo, quin violati hospites, Legati necati, pacati ac socii nefarie bello lacerati, fame vexati, efficerent hanc tantam vastitatem. Sic belli ac irritatis fociis illati effecta recenset: Vestigalia nostra perturbarunt, urbes ceperunt, vastarunt agros, socios nostros in servitutem abduxerunt, familias arripuerunt-pecus abegerunt. Consequentia & effecta exilii sui deinceps recenset: Tu luctum senatus, desiderium equestris ordinis, tu squalorem Italiae, tu Curiae taciturnitatem annuam, tu silentium perpetuum iudicii & fori, tu caetera illa in maledicto pones? &c.*

*Quid est simile, vel exemplorum congeries? R. Tali exemplorum frequentatione Cicero per Ironiam Pisonis sapientiam explodit, negantis se triumphi cupidum: P. Servili, Q. Metelle, C. Curio, P. Affricane cur non audistis hunc tam doctum hominem prius? o stultos Camillos, Curios, Fabricios, Catalinos, Scipiones, Metellos, Maximos? O amentem Paulum Aemilium, Rusticum Marium, nullius consilii ambobus horum Consulum Patres, qui triumpharint &c. Instat deinde: L. Crassus homo sapientissimus speculis propè scrutatus est Alpes, ut ubi hostis non erat, triumphi causam aliquam quæreret: eadem cupiditate C. Cotta nullo certo hoste flagravat.*

*Quid est congeries Synonimorum? R. Cum plura ejusdem verbi vel etiam sententiæ, idem vel propè idem significantia afferuntur, quæ coacervatio sæpe acriorem facit ac vehementem orationem, ut ibidem: Sua quemque fraus, suum facinus, suum scelus, sua audacia de sanitate ac mente deturbat: hæc sunt impiorum furia, hæc flammæ, hæc faces. Ibidem: Me Cn. Pompejus multis obsistentibus ejus erga me studii*



## RHETORICÆ.

*studii & amoris, semper dilexit, semper sua conjunctione dignissimum iudicavit, semper non modò incolumem me, sed etiam amplissimum, atque ornatissimum voluit esse.*

*Quid est amplificatio per figuras?* R. Quando eorum quos hactenus recensuimus Locorum conglobatio, per illustriores figuras insuper extollitur & acuitur, ut sunt Apostrophe, Exclamatio, Prosopopæja &c. Exempla passim sunt obvia, atque de his suo loco.

*Quid est Amplificatio per Incrementum?* R. Cùm per gradus crescit oratio, & ad summum pervenit: seu cùm in uno argumento exponendo ita elaborat orator, velut si præterea nihil superesset: post autem ad aliud longè gravius progreditur; eoque probato tandem ab ultimis firmissimisque descendit, ut in Romana acie Principes hastati, hastatos Triarii, fortissimum militum genus excipiebant. *Cic. Facinus est vincere civem Romanum; scelus verberare; prope parricidium necare; quid dicam in crucem tollere? Nihil addi posse videtur ad hanc amentiam, improbitatem, crudelitatem.*

Hoc amplificandi genus si non partes solùm, sed orationis totius corpus & structuram pervadet, ad movendum longè est validissimum, & inter præcipua Rhetoricæ artificia; Sacrorum Oratorum Principibus Segnerio ac Burdaluxo pers familiare.

*Sic: Si hæc fertis iudices, fiet ut non modò clam, verùm hic in foro, etiam ante tribunal, etiam ante pedes vestro; cædes fiant. Non decet mentiri puerum minùs virum ac Nobilem, minimè omnium Regem. Quispiam de suo Rege magnificè: Magnus pace, major bellò Religione maximus. Vicit Pyratas Pompejus; vicit unâ æstate, ita vicit, ut se deinceps colligere nunquam possent. Fregit juratam fidem, fregit ipsà quâ juraverat, die. Non contul-*  
tis

stis auxilia ad vincendos Turcas; ne vinceremus, bellò nos è fœdere & á tergo impetistis: Viros clarissimos interfecit Nero, quid? ipsum Præceptorem; quid? ipsam matrem. Mediâ Pace invasit urbem, 2. deditam pactis, contra datam fidem diripuit, 3. totam cum templis antiquissimis incendio delevit, 4. ipsa mortuorum ossa effodit, 5. Rudera murorum operibus exscidit. Turpe fuisset Antonio tantum vini ingessisse, ut vomeret postriedie, 2. nec id domi, sed in cœtu Populi Rom, 3. & negotium publicum gerens, 4. & Magister Equitum.

Ad Caput XXXIII. *De Affectibus.*

**A**N Oratori necessaria est hæc de affectibus doctrina? R. Quàm maximè. Est enim hæc Inventionis pars præstantissima, quæ animi affectus, motusque regat. Nam cum in hoc consistat eloquentiæ laus & triumphus, ut in animos dominetur, atque idcirco Regina flexanima vocetur á Cicerone, nunquam imperitus & fectus orator cœtus hominum tenebit, nec vim afferet animis, qui non istam tractandorum affectuum artem noverit. Cum verò multiplices sint ejusmodi motiones, aliæque in aliis concionibus excitandæ, peculiæ quoque Loci demonstrandi sunt, è quibus singulæ moveri possint & acui.

*Quid est Affectus?* vel ut vulgò loquuntur *Passio*? R. Est motus animi ex apprehensione boni, vel mali exortus. *Vel*, est quidam animi impetus, vel æstus, quo impellimur vehementius ad aliquid appetendum, vel averſandum. Hanc doctrinam, quam in suis Rhetoricis omninò exhaustisse videtur Aristoteles, paucis Soarius, nos aliquantò pluribus prosequemur.

*Quotuplex est Affectus?* R. Vehementes sunt quidam, lenes alii, placide nempe animum afficientes. Plures quidam, pauciores alii numerant. Præcipui sunt.



## RHETORICÆ.

sunt: Amor, desiderium, odium, fuga, ira, mansuetudo, tristitia, commiseratio, indignatio, invidia, spes, confidentia, desperatio, timor, gaudium, æmulatio, pudor.

### *Amor, Odium.*

*Quid est Amor?* R. Quo alicui bene volumus, non nostri, sed ipsius gratiâ. Differt ab amicitia, quæ mutuum amorem postulat, quod verus amor etiam ejus sit, qui non redamatur.

*Quibus è fontibus excitari potest Affectus amoris?* R. Movent ad amandum hominem. 1. *Clara vir-  
tus & excellens*, fortitudo in agendis & ferendis; incorrupta justitia; magnificè aut piè pro salute communi gesta, sapientia singularis, & animi magnitudo. 2. *Beneficentia & liberalitas* facilè tribuentis & magna, & libenter, & opportunè; qui gratuletur de nostris bonis, doleat de malis perinde ac suis; amet amicos nostros, aversetur adversarios; nec pecuniæ, fivæ emolumenti sit cupidus. 3. *Innocentia*, à quo nemo sibi malum metuat; qui tardus sit ad iram, eamque facilè placabilem; malefacta & injuriam oblivisci amet; nemini maledicat, ac de absentibus & mortuis honorificè meminerit. 4. *Modestia*, qui procul omni fastu, patulus omnibus, facilisque, nihil simulatè agat, dicatque; minimè contentiosus & pervicax, in loquendo verecundus, à libidinibus continens. 5. *Jucunditas*, & in consuetudine quotidiana amœnitas, forma venusta, vox dulcis, cultus quidam in vestitu, & in omni vita nihil affectata, mundities; talem qui viderint, omnes ament, necesse est.

*Quid sunt fontes odii?* R. Ex iis, quæ his contraria sunt, patebunt, nempe si in aliquo sit. 1. *Improbitas* insignis, desidia, stultitia, religionum contemptus. 2. *Sordes*, rapacitas, avaritia. 3. *Cru-  
delitas*: animi ferocia, maledicentia, libidines effre-  
natæ;

## SOARII.

natae; 4. *Arrogantia*, contemptus aliorum, elatio animi. 5. *Barbaries*, frontis rusticitas, squalor, &c.

*Ubi hic Affectus excitandus est?* R. In exorhativo genere præprimis, ac Panegyricis, de Divorum Cælitum, Ducum, & magnorum virorum laudibus. *Desiderii* affectum, cum toto deliberativo genere continetur, nec ab Aristotele tractetur, prætermittimus?

### *Ira, Mansuetudo.*

*Quid est ira?* R. Appetitus ultionis ex apprehensione ac dolore injusti contemptus nostri, vel nostrorum ortus, Differt ab odio, quod est ira inveterata.

*Quid sunt fontes iræ?* R. Videndum quanam sint, & quas ob causas maximè irascamur, hoc est, quibus nos contemptui esse existimemus. Sunt autem 1. *Derisores*, contumeliosi, subsannatores, maledici, qui neminem non contemnere videntur. 2. Qui *injuriam vel damnum* inferunt, non ut inde commodi quid capiant, sed nobis ægrè faciant. 3. Qui *studia*, quibus ducimur, ut Philosophiam proscindunt, præsertim si ipsi artium, quas contemnunt, prorsus imperiti sint. 4. *Amici* etiam magis quàm inimici, quia durius est ab his vilipendi.

5. Et minoribus irascimur promptius, quàm maioribus. Quare Regum iræ gravissimæ sunt. 6. Et iis, quibus in amoribus & existimatione esse cupimus, vel quos ob sapientiam æstimamus. A talibus enim sperni plurimum dolet. 7. Et iis, qui adversæ nostræ fortunæ mala videntes & scientes scire ac videre dissimulant, nec compatiuntur, nec juvant, præsertim si alios juvare sint soliti. 8. Et iis, qui erga alios liberales, erga nos contracti sunt, quos nempe indignos censeant. 9. Addit Aristoteles: iis, quorum nomina ex oblivione ignoramus; proficiscitur enim oblivio è negligentia, hæc è vilipensione.

Dicet



## RHETORICÆ.

Dicet igitur Orator, tales esse eos, quibus auditorum iram concire voluerit.

*Quid est mansuetudo?* R. Iræ depressio vel sedatio; eadem cum elementia. Sedatur porro, cum opinionem deponimus, nos ab iis contemptos fuisse. Tales verò habentur. 1. Qui non tam voluntate, quam perperam vel necessitate aliquâ nobis obsuere. 2. qui perperam à se actum confitentur ingenuè & dolent. 3. qui animos jam demissos, nihil insolens præferunt, minores se agnoscunt, nec adeò contemptores. 4. Viri alioquin boni, à contumeliis ac malignitate alieni; denique ab eorum moribus remoti, quibus ferè nos irasci meminimus.

### *Commiseratio.*

*Quid est commiseratio?* R. Dolor conceptus ex malis alterius indigna patientis, quibus se quoque aut suos affici posse cognoscit. Quare ad commiserationem facillimè commoventur senes, prudentes nimirum & malorum experti: Docti, mali gravitatem melius ponderantes; Humilis conditionis homines similibus malis propiores, magisque expositi; ii, quibus mater, pater, agnati, clientes: quibus ejusmodi mala evenire possunt.

*Quæ mala maximè commiserationem movent?* R. 1. Quæ corpori inimica, dolorem afferunt, ut sunt vulnèra, mutilatio, senectus deserta, morbi, fames, paupertas, mors. 2. Quæ à fortuna, ut è florente delapsum in miseram; nullos habere amicos; inimicis uti domesticis; decidisse in delirium, amentiam, hebetem esse ingenio, mancum, imbecillem, enervi corpore, deformem; inde malum accepisse, unde bonum sperabatur; immeritò infamiam pati.

*Quos cæteris commiseratione digniores censemus?* R. 1. Nobis cognitos, propinquos, æquales ætate, moribus, dignitate, conditione, qui admonent scilicet, iisdem malis nos tangi posse. 2. Quos coram

## SOARII.

ram in oculis habemus, vel nec tempore longius, nec loco distantes. Præterita namque ante plura sæcula, vel futura non perinde, ut præsentia feriunt animos. Quare longè remota mala, orationis vivacitate repræsentanda sunt. 3. Eos, qui hæc corporis, animive adversa fortiter tolerant, quò pertinent dicta morientum, 4. Maxime eos, qui virtute excellunt, malisque ejusmodi immeritò conflictantur.

*Ubi hic affectus opportunè excitatur?* R. Cum de cruciatibus Servatoris, de operibus misericordiæ cum corporalibus, tum spiritualibus, de pœnis purgantium flammarum pro concione agitur.

### *Indignatio.*

*Quid est indignatio?* R. Dolor de secunda fortuna illius, qui eâ indignus judicatur; vel de malis à deteriore meliore illatis. Quo pacto ab invidia, commiseratione, ira, differat, non curat Rhetor, & è definitionibus intelligi potest.

*Quinam ad indignationem proniores sunt?* R. 1. Qui sibi probi, ac virtute præditi videntur, quorum est odisse, quod injustum videtur. 2. Ambitiosi, qui id sibi appetunt, deberique putant, quòd indignus alter consecutus est. 3. Qui se rebus, quæ immerentibus obtigere, dignos putant. Quare serviles & humiles animi ad indignationem minus proclives sunt, gnari scilicet, nihil sibi deberi.

*Quibus indignamur facilius?* R. Iis, qui cum nullius virtutis aut meriti sint, felices nihilominus præ cæteris mortalibus, opibus, potentia, clientelis, Principis gratia affluunt, quibus tamen bonis bonos beari unice conveniret. 2. Magis autem iis, qui nuper admodum & fortuito divitias sunt consecuti, quàm iis, qui Majorum hæreditate opulenti sunt facti; illi enim rem quodammodo alienam, certè indebitam possidere videntur. 3. Iis, qui cum perinde



## RHETORICÆ.

inde flagitiosi sint, ac felices, hâc suâ fortunâ insuper insolentiores, bonos, sed tenuiores aspernantur, insultant, supercilia attollunt, &c.

*Ubi huic affectui locus?* R. Rarior in sacris dictionibus. Cicero in Judiciali genere indignationem ci-  
et pro Roscio in Chrysogonum libertum prædivitem;  
pro Quintio in Nævium &c.

### *Invidia.*

*Quid est invidia?* R. Animi dolor de bono, quod alteri, genere, ætate, conditione propè simili obtigit; non equidem quòd illo bono frui ipse cuperet, sed quòd id ab altero haberi nollet, eò quòd inde suam dignitatem minui existimet.

*Quinam procliviores sunt ad invidendum?* R. Qui præ cæteris clari, è rebus gestis gloriam consecuti, ac vel sapientiæ existimatione, vel armorum scientiâ præstantes habentur. Hi cum alios item magna feliciter moliri, & inclarescere vident, uruntur scilicet, animoque perturbantur, velut suis luminibus præstrueretur; aut sibi detraheretur, quod aliis accrescit.

*Quibus invidemus?* R. 1. Qui propinqui sunt loco, tempore, rebus secundis. Iis, qui ante mille annos fuere, vel in media Affrica habitant, nemo invidet, 2. Iis, qui de honore & fortunis inter se prope æquales contendunt, unde figulus figulo, mercatori mercator invidet. 3. Qui sine labore, & compendio obtinent, quod nos serò nec sine magno impendio consecuti sumus. 4. Iis, qui id habent, quod & nos possedimus, & possidere jam non possumus, ut senes invident juvenibus, debiles robustis, &c.

### *Æmulatio.*

*Quid est Æmulatio?* R. Dolor de bonis, & fortunis alterius, non quòd eum carere vellemus, sed quia iis nos destitui ægrè ferimus. Vel est appetitus

## SOARII.

titus æquandi alterius ornamenta, ut: virtutem, gloriam, opes, doctrinam, &c. Itaque æmulationi non nisi proborum est, ad eadem bona bonis artibus consequenda semet incitantium: Invidia contra improborum, in horum consecutione alios præpedire studentium.

*Qui ducuntur æmulatione?* Egregiâ indole juvenes, & excelsiore mente nobiles. 2. Qui talibus animi dotibus instructos se arbitrantur, quibus ea obtineri posse confidunt, quæ admirantur in aliis, ut principatûm, honorem, divitias. 3. Qui clarissimis familiis progeniti ad superanda majorum suorum decora, civium vel æqualium laudibus ad ardua tentanda incalescunt.

*Quos autem æmulari solemus?* R. 1. Quorum laudes ab Historicis ac Poëtis decantantur magnificè. 2. Qui litterarum aut armorum commendatione in eam conditionem evecti sunt, ut quamplurimis benefacere possint. 3. Quos à nobis æquari posse confidimus. Contra his destitutos, & quantumvis fortunatos aut magnos, nisi honestate item præcellant, contemptim negligimus.

*Quis huic affectui locus est?* R. In suavoriis ac hortatoriis, ubi plurimum valent exempla ac comparationes, præsertim in laudationibus Sanctorum, exceptis iis, quæ in multis miranda sunt potius, quàm imitanda.

### *Timor.*

*Quid est Timor?* R. Perturbatio animi orta ex apprehensione gravis mali, periculi, damni, vel interitûs. Eò major est, quò propinquius creditur malum, & velut Hannibal ad portas. Nec enim remota sollicitudinem creant, ne mors quidem malorum ultimum; quam uti certam scimus, ita longè abesse plerique putamus. Contra ad ostenta & omina, quæ videmus, vel audimus, ut instantium calamitatum



## RHETORICÆ.

tum signa, trepidamus. Inter timenda porro, *Homines*, vel *Res* sunt terrificæ, & perniciem asferre natæ.

*Quos Homines timemus?* R. Qui averſi à nobis, vel injuriâ affecti, creduntur velle nocere, & poſſe. 2. Judex, & Magistratus injuſtus aut præceps, à quo nec voluntas malefaciendi, nec facultas unquam abeſt. 3. Conſcii, ſociique facinorum, in quorum manu noſtra fama & ſalus eſt. 4. Quibus malum dedimus, ſemper enim palâm, vel ex inſidiis intenti ſunt in occaſionem vindicandi. 5. Competitores inter ac rivaſe ejuſdem rei, quæ non niſi uni obtingere poteſt, perpetuum eſt diſſidium, metûſque mutuus. 6. Qui timentur à majoribus, formidandi magis ſunt minoribus. 7. Inimici taciti, pallidi, diſſimulatores magis, quàm in dicendo liberi, vel in iram præcipites, vel pingues. Inter *Res* timendas, terroris habent plurimùm, quæ corrigi nullo pacto poſſunt. 2. Contra quæ vel nemo, vel perægrè auxilium ferre poſſit. 3. Quæ in aliis ſpectata commiſerationem excitant.

*Ubi movendus eſt hic affectus?* R. Cùm de profundis judiciorum divinatorum, peccati ſæditate, pœnis æternis ac temporalibus ſermo fuerit.

### *Spes Et Confidentia.*

*Quid eſt Spes?* R. Appetitus vel opinio boni ardui & propinqui, quod tamen labore obtineri queat. Audacia verò vel *Confidentia* eſt ſpes firma obtinendi deſiderata ob perſuaſionem quòd ea, quæ abſint, vel non ſint, vel longè abſint.

*Quenam ſperamus?* R. Quæ vel noſtra contentione ac operâ, vel alieno certo ac valido auxilio conſequi nos poſſe conſidimus. 2. Si vel nullum habeamus illius boni, vel debilem, vel amicum competitorum. 3. Si multa nobis proſperè, nunquam aut rarò ſiniſtri quid acciderit, ut mare non  
timent

## SOARII.

timent nec hostem, qui sæpius è tempestate, vel prælio salv. rediére. 4. Quibus favent oracula, vel ostenta alia, è quibus se Deo curæ esse conji-  
ciant. 5. Sperant item, qui se à viribus fatis in omnia obstacula comparatos credunt, ut in bello, cui argenti, veterani milites, fidorum sociorum, munitio-  
num, paratûs bellici abundè sit.

*Ubi locus est spei injiciendæ?* R. Cùm pœnitenti-  
bus ad fiduciam obtinendæ veniæ, desperatis vitæ æternæ, in publicis seu privatis calamitatibus divini auxilii, timidis victoriæ &c. spes facienda est.

### *Verecundia.*

*Quid est Verecundia, seu Pudor?* R. Animi per-  
turbatio ex malis, quæ infamiam generant, seu præ-  
terita sint, seu præsentia, seu futura. Videndum i-  
gitur primo, de quibus rebus magis verecundemur,  
deinde coram quibus.

*Ad quæ magis verecundamur?* R. Ruborem qui-  
dem vitia omnia incutiunt, magis tamen ea, quæ in-  
famiam majorem generant; ut sunt ea, quæ animum  
vilem, vel malighum arguunt, si in apertum produ-  
cantur. Ut sunt primo: abjectis armis fugisse è præ-  
lio. 2. Ab hominibus sordidis malo dolo quæstum  
sordidum captâsse. 3. Petiisse mutuum animo non  
reddendi, vel abnegâsse depositum. 4. Adulari  
humiliter divitibus. 5. Rebus alienis gloriari, &  
ut propriis se efferre. 6. Desugere laborem, quem  
senes tamen & illustri loco nati non detrectent. 7.  
Carere ornamentis, quibus alii conditione æquales  
floreant. 8. Mentiri, quod animi vâni & pusilli est.  
9. In foeda libidine, vel furto deprehendi. 10.  
Ebriosum esse vel haberi.

*Coram quibus verecundamur?* R. Primo: Quos  
admiramur, & quorum auxilio egemus. 2. Qui-  
buscûm assiduo versamur, quorûmque societatem  
desugere non possumus; veterè enim proverbio: *Pe-*



## RHETORICÆ.

*dor in oculis residet.* 3. Quorum honestas, morum gravitas, dignitas longè à turpibus ejusmodi abhorret. 4. Qui errorem non facìlè condonant. 5. Coram loquacibus & malignis blateronibus, qui quod sciunt, latè different. 6. Apud quos diu in optima existimatione fuimus.

*Ubi servit hic affectus?* R. Cum vitia ejusmodi turpia insectabimur, & generatim ad invectivas in genere suasorio vel judiciali.

Ne affectuum singulis nonnulla è Cicerone exempla subijcerem pro more, argumenti vastitas, instituti opusculi brevitati minime commensa obstitit. Hæc qui desideraverit, Analysin Ducygnianam, si ad manum fuerit, consulat, cujus index pulcherri-  
mus ut ad affectus, ita ad cætera Rhetoricæ præcepta, exempla è Ciceronis orationibus plurima subministrat.

### *De Moribus.*

*Quomodo intelligendi sunt Aristoteles & ex eo Cicero, quando de Oratione Morata præcipiunt?* R. Morata oratio dicitur, quæ se moribus audientium accomodat; ut enim aliter morati sunt nobiles, divites, senes, juvenes, viri, fœminæ, Romani, Athenienses, ita aliter, alitèrquè ad alios dicendum; ad eorum mores flectenda oratio; aliique affectus movendi erunt. Nec adeo abs re fuerit, quæ de moribus acutissime habet idem Aristoteles Compendio adscribere.

*Quinam sunt mores juvenum?* R. Quæ cupiunt; ardentè cupiunt: in voluptatem maximè proclives: in cupiditatibus suis mutabiles fastidiunt hodie, quod heri efflietim desideraverant: promptæ ac vehementis, sed placabilis iracundiæ: præcellentis ac victoriæ studiosiores, quàm pecuniæ, nempe nullam adhuc inopiam experti: simplices plerùmque, & procul artificio aperti: creduli, quia nondum decepti: con-

sidentes

## SOARII.

fidentes sunt & multum sperant, sanguinis æstu fervidi, ut ebrii vino: ut sperare, ita decipi faciles; nec in periculis cordati admodum: verecundi sunt, eaque solum pro inhonestis habent, quæ ab institutoribus, legibusque vetari, ac puniri, vel vituperari audiere: sodalities gaudent, & æqualium convictu, ludis, risu, dicacitate: alienis malis facile moventur, ad amicitiam tamen ob instabilitatem minimè idonei: nusquam medium tenent, nimis amant, nimis odere, nec aliud minus capiunt, ac illud Sapientis: *Ne quid Nimis.*

*Qui sunt mores Senum?* R. Omnino juvenilibus oppositi: cum diu vixerint, suisque erroribus & aliena fraude lapsi sint sæpius, cautiore sunt, & diffidentes: nihil planè affirmant, sed diffidentium instar addito fortasse: malitiosi, in deteriorem partem suspicaces: longâ experientia docti lentè credunt: amant frigide ut odio habituri, odere ut amaturi: animo pusilli præter vitæ necessaria nil magnoperè appetunt: Illiberales contra ac præparci, experti scilicet, quantâ operâ res conficiatur, quàmque facile dilabatur: frigidi, ac inde timidi: amatores vitæ, præsertim senio extremo: de rebus omnibus quæruuli, spernunt præsentia, laudatores temporis acti: lucrum magis, quàm voluptatem sectantur: ne id ex humanitate, ut juvenes, sed imbecillitate.

*Qui sunt mores mediæ ætatis?* R. Inter utramque ætatem, mediocritatem tenent, nec timidi, nec confidentiores, nec prodigi, nec parci, sed rebus suis intenti: non nisi ratione minus creduli: fortes, nec minus modesti, pericula nec appetunt, nec fugiunt.

*Qui sunt mores Nobilium?* R. Cum nobilitas nihil aliud sit, quàm honor cum sanguine veniens à majoribus, ac nemo non bonis suis accessionem aliquam facere gestiât, honoris ante omnia sunt cupidi: quanquam multi degeneres sint, ignavi, nec am-



## RHETORICÆ.

bitione dūcantur, generosæ quidem sed effœtæ stirpis furculi.

*Qui sunt mores divitum?* R. Naturâ contumeliosi sunt & arrogantes, ut qui in nummis sibi habere videantur omnia. nec amicorum egere: delicati sunt & fastidiosi ostentatores, non ignari, multos à se sperare, ipsosque admirari: Principatu se dignos & Magistratibus reputant: longè peiores se dignos & mili nuper evasere, & impotentissimi sun.

*Qui sunt mores potentum?* R. Ob auctoritatem, qua valent, multum cum divitibus conveniunt honoris tamen inde sunt cupidiores, quod rebus magnis intenti, leviora studia negligunt: magnitudinem temperant modestiâ; quòque majores sunt, hoc faciliores accessus: in fortunis suis confidunt, ut erga Deum tamen religiosi sint, à quo hæc donantur.

*Quid in tractatione Affectuum observandum.*

*Quid in tractandis Affectibus observandum?* R. 1. Spectandi sunt mores audientium eoque impellendi, quo suapte pendent, ut juvenes ad iram, ad misericordiam senes; viri maturi doctique, uti & agrestes ac stupidi leniores affectus vix persentiscunt, indignationis tamen & tristitiæ flammam aliquando concipiunt. 2. Ipse ardeat oportet orator, si ardorem suum Auditorio afflare velit. Videatur dicere ex animi sententia, alioquin exclamationes, obtestationes, &c. omnes, scenicum quid habebunt; sonabunt, nec penetrabunt.

3. Ne unquam in affectum graviorem assurgas, nisi assumpto ritè amplificato, ritèque probato. Perducto ad assensum intellectu, haud difficilis sequetur voluntas. Nec longè aut violenter accersatur affectus; ex re ipsa velut naturâ enascatur, nihil enim ejus vim omnem elidit certius, quàm artis ostentatio; nec justò diutius protrahatur, sed brevior et potius, ne vim sibi intentari animadvertat, aut latigetur Auditor.

4. Post

## SOARII.

4. Post orationis, pluribus partibus constantis membra singula, brevis aliqua recapitulatio, leniorque affectus dextrè subjungi poterit. In Peroratione verò arietes omnes admovendi, omne artificium erit expromendum. Utile fuerit Perorationes Ciceronis omnes attentè perlegere, utque se in partes omnes verset, roget, lachrymetur, misericordiam Deum, hominúmque imploret, jucundè observare.

Ad Caput XLII.

*De Inventione & singularibus Locis Generis demonstrativi.*

**C**ur præter Locos omnibus communes, Loci singulares pro tribus causarum generibus tradantur?

R. Et si singulares hos communes illi reipsa contineant, è quibus omnis in cujusvis generis orationem manat inventio, ad minuendum tamen discentium laborem, & inventionem promptiorem, seorsim de singulis præcepta tradidère veteres, atque de Judiciali imprimis, quot tum florebat maximè, hodie à Rostris ad forum translatus est.

*Cur de Exornativo multum item egere Eloquentiæ Magistri?* R. Quia nullum genus orationis aut ad dicendum uberius, aut hodie frequentius, quàm querelari homines laudantur, ac improbi vituperantur; in quo adeò qui versari velit, multam sibi cognitionem causarum, effectorum, adjunctorum virtutis & vitii comparet oportet.

*Quoniam laudari solent?* R. Præter hominem, præcipuam nempe laudis materiam, alia item animata, seu inanimata assumuntur; ut Regiones, Urbes; Palatia, Animalia, Plantæ &c. Quin nonnulli vel academicæ exercitationis, vel ostentationis causâ, etiam stultitiæ, pestilentiae, & rerum absurdiorum Encomium adornarunt.

Homines verò laudantur à bonis *internis* & *externis*, interna consistunt in virtute, quæ duplex est: *Cognitionis*



## RHETORICÆ.

Cognitionis seu *Intellectionis*, & Actionis seu *voluntatis*. Externa bona sunt alia *fortunæ*, alia *corporis*. Considerari item potest, quid homini acciderit *ante vitam, in vita, post mortem*, de quibus paucula tangenda.

*Quæ sunt virtutes Intellectionis?* R. *Memoriæ* bonitas ac tenacitas ad seram ætatem, linguarum doctorum, vel exoticarum cognitio; indoles excelsa, vivida; ad res magnas nata; litteraria studia, eloquentia nativa, & ante perpolita, patrii sermonis elegantia; Philosophiæ, Logicæ naturalis, moralis, mathematicæ, &c. rerum divinarum & humanarum scientia. Si Theologus, Jurisconsultus, Medicus laudandus est, harum facultatum partes erunt excutiendæ; sapientum de eo testimonia; libri editi, nova inventa &c. Huc pertinet *Prudentia*, seu rerum expectandarum, vel fugiendarum scientia, in consilio capiendi sagacitas & providentia, in exequendo industria, in accipiendo docilitas.

*Quænam sunt virtutes actionis, seu voluntatis?* R. Prima est *Temperantia*, quæ est rationis in libidinem, aliósque pravos motus firma & moderata dominatio, ad quam referuntur: in vitæ cultu, vestitu, habitatione, servitio modestia; frugalitas citra sordes; in cibo, potuque sobrietas; erga omne miserorum genus liberalitas; in benemeritis munificentia; pudicitia, morum castimonia, mansueta comitas &c.

*Quæ est fortitudo?* R. Considerata periculorum susceptio; animi excelsitas, nihil humile molientis, nihil arduum formidantis: intrepidus, & sibi in discrimine præsens animus; rerum futilium gratiosa despicientia; æmulatio heroica; invicta laborum & dolorum perpessio; vitam suam sine suo privato emolumento salutis patriæ posthabuisse &c.

*Quæ est justitia?* R. Quæ in hominum societate tuenda, & suum cuique tribuendo versatur, cujus partes

## SOARII.

partes sunt: erga Deum, divinæque non fucata religio; charitas & merita de patria; pietas in parentes, sanguine junctos, clientes; observantia superiorum, & obedientia erga subiectos; in jure dicundo integritas; moderata severitas erga perveraces; legum accurata custodia; erga æquales popularitas, animi demissio, humanitas.

Harum, aliarumque virtutum singulas actiones, officia, gradus, præter Ethicos ascetici item libri describunt, qui oratori sacro magno subsidio esse possunt.

*Quæ sunt bona corporis, vel fortunæ?* R. Talia sunt: formæ venustas seu dignitas, nempe elegantis animi imago, vires, & robur corporis ad res magnas pro Deo seu patria gerendas; longævitas, & viridis senectus, &c. quorum si aliqua defuere, virtute expleta fuisse dicatur. *Fortunæ:* divitiæ vel à majoribus, vel industriâ propriâ acquisitæ; Honores & Magistratus gesti, gratia apud summos, infimosque; potentia, numerosæ clientelæ; multi & præclari filii; amici plurimi; fama & existimatio etiam ad externos diffusa; constans & nusquam turbata felicitas, &c. quæ etsi hominem meliorem non reddant, sæpe tamen pro justo virtutis præmio habentur.

*Quid ante vitam extolli potest?* R. *Patria*, illustrium virorum & ingeniorum fertilis, optima Reipublicæ forma, ac cælum salubre, &c. *Parentes:* à quorum virtute nihil degeneravit, quibus etiam honori fuit. *Nobilitas* antiqua, multis imaginibus clara, fortunis splendida. *Natales,* hora, mensis, dies, præcedentia somnia, vaticinia, ostenta. *Educatio* à bonis inter bonos, à sollicitis parentibus, institutoribus optimis; infantiae item si quæ sunt memorabilia.

*Quid in vita?* R. Ea suprà recensita sunt. Equidem Plinius totam ferè Trajani vitam, & ejus exemplo



## RHETORICÆ.

plo veteres Panegyristæ complexi sunt, nec tamen Panegyris in librum abeat, vel historiam. Sed una quæpiam virtus vel factum illustrius deligendum, & idoneâ amplificatione exornandum videtur, ut infra de sacro Panegyrico exponemus.

*Quid post vitam?* R. Quo morbo confectus, quî comparatus, qua fronte mortem exceperit; quæ fuerint morientis suprema dicta; luctus bonorum, desiderium sui relictum; decreti honores, funeris pompa, monumentum splendidius, statuis, arisque adornatum. Atque hæc sunt, quæ in homine laudari, aut si contraria insint, vituperari quoque possint.

Ad Caput XLIX. *De laude Urbium.*

**E***Quibus Locis laudantur Urbes?* R. His laudi sunt: cælum temperatum, purum, salubre: soli circumjacentis ubertas, & frugum copiar: situs, naturâ, vel circumductis operibus, ac firmo præfidiõ munitus: magni fluminis opportunitas, atque mercatura opulenta; frequentia civium, exterorum confluxus: conventus & consilia publica; vicorum amplitudo, turrium multiplicitas; domorum sublimitas ac splendor; Basilicæ, fora, Curiæ, Xysti, armamentaria, xenodochia ad magnificentiam omnia: cives naturâ solertes, artium periti, hospitales, quorum multi bello vel litteris illustres. Præterea antiquitas, origo memorabilis, Conditoris claritudo.

In *Regione* laudanda se itidem offerunt: Regiminis forma, finium amplitudo, flumina pisculenta, & navigationi commoda, urbium multitudo ac dignitas; armentorum, segetum, arborum fecunditas; montes vel sylvæ insignes: portus commodi; metallorum fecturæ: indigenarum nativa ad artes habilitas; merces domesticæ & extraneæ.

## SOARII,

Ad Caput L.

*De Inventione peculiari in genere deliberativo.*

**E**stne hodie locus aliquis generi deliberativo extra Ecclesiam? R. Est aliquis, quantumvis rarior, nec ut illa Ciceronis, vel Demosthenis ætate. Aristoteles deliberationes & consulationes omnes ad quinque capita refert. 1. De vectigalibus, ac reditibus. 2. De bello, pace, fœderibus. 3. Demunitionibus, præfidiisque limitum, ac annona. 4. De iis, quæ inferuntur, & efferuntur, hoc est, de Commerciis. 5. De legum latione. Hæc omnia hodie in sanctiore Principum consilio inter paucos tractantur. Quin & apud liberos populos, ut Venetos, Batavos, Helvetos, Polonos, Britannos, &c. etfi patentior longè est eloquentiæ campus; desummis tamen Reipublicæ negotiis, non tam à populo, quàm delectis paucis Senatoribus deliberatur; inter sapientes autem sapiens est, nec ad popularis orationis formam oratio. Hodiernæ igitur suasiones ferè umbratiles, & Declamationes. sunt.

*Quinam sunt suasorii generis loci proprii?* R. Quinque. Primò: *A possibili.* 2. *A facili.* 3. *Ab honesto.* 4. *Ab Utili,* quò pertinet. 5. *Incunctum.* Et subinde. 6. *Necessarium.* Vel è contrariis capitibus, cùm est dissuadendum aliquid. His utemur in suasionem, hortationem, conciliationem, concitationem, commendationem, petitionem, seu orationem, seu epistolâ fiant.

*Quid est possibile?* R. Id, quod in Deliberatione primum quæritur, nam si quid fieri non potest, omnis consulatio tollitur, etiam si honestum & utile sit. Ostendendum igitur, difficultates omnes, propriis vel alienis viribus superari posse. Ità Scipio apud Livium de transferendo in Africam bello agens, primum demonstrat: posse Annibalem vinci in Africa: deinde quâ id dignitate populi Rom. & famâ; denique quâ utilitate futurum sit: *Quid*



## RHETORICÆ.

*Quid est facile?* R. Quod finè magno labore, sumptu, molestia, vel periculo, & brevi tempore fieri potest; quæ maximo sunt ad persuadendum momento. Frustra enim suadetur, quod vix, aut ægrè admodum effici posse creditur. Ità Cicero docet facile vinci posse Catilinam, collatis ejus & Reipublicæ viribus.

*Quid est honestum?* R. Quod detractâ omni utilitate per seipsum laudabile est, & expetendum; ut est laus, gloria, honor, admiratio, Historiarum monumenta, nominis immortalitas, quæ animos optimè institutos maximè incitant. Afferentur item his contraria; ut deducus & infamia ad feram posteritatem. Ita cuidam suadebis, ut exemplo M. Attilii Reguli malit ad mortem & vincula reverti, quàm fidem vel hostibus fallere. Cicero probat suscipiendum bellum Mithridaticum, ut deleatur ignominia, quàm Populo Romano Mithridates inusserat. Negat alibi mittendos ad Antonium Legatos, quod id turpe, & majestate Senatûs indignum sit.

*Quid est utile?* R. Quod propter commodum expetitur, sive adjunctam habeat honestatem, ut honor &c. sive non habeat, ut divitiæ, valetudo, tranquillitas, malorum depulsio, imperii prolatio, & securitas, &c. In disuasionem sunt contraria, obijciendo metum damnorum, ut levissimus quisque naturaliter magis ducitur malorum timore, quàm spe bonorum. Pulchrum est exemplum in oratione Catilinæ ad suos conjuratos: *Nobis est domi inopia, foris æs alienum; mala res, spes longè asperior. Denique quid habeamus reliqui præter miseram animam? Quin igitur expergiscimini? En illa, quàm sæpe optâstis libertas, præterea divitiæ, decus, gloria in oculis sita sunt. Fortuna ea omnia victoribus vobis præmia posuit.*

*Quid est jucundum?* R. Quod honestam habet animi

## SOARII.

nimi vel corporis voluptatem, ut tranquillitas, indulgentia. Jucundum à *juvando* dicitur, quod alterutrum juvet. Hinc illud Tullii. *Hoc velim tibi persuadeas, si rationibus meis à te provisum esse intellexero, magnam te ex eo & perpetuam voluptatem esse capturum.* Potest tamen & ad utilium classem accenferi.

*Quid est necessarium?* R. Quod nō fiat, non malum aliquod, sed perniciēs ipsa & interitus instet: vel est id, sinē quo res *nec esse* possit, unde nomen trahit. Compendiosa hæc est sēgnibus persuadendi ratio. Ita Cic. *Agitur enim, non quā conditione victuri, sed an victuri simus, aut cum supplicio ignominiaque perituri.* Suam sibi necem hic vaticinatus est Orator, paulō post ab Antonio proscriptus, & cæsus.

Quidam hoc loco multa ex Aristotele *de majore, vel minore bono* asserunt scitu ultissima, & magni cum ad probandum, tum amplificandum usūs, quæ tamen pluribus prosequi per libelli brevitatem non licet. Cætera, quæ peculiariter in suasionē observanda, quid spectandum in iis, quibus suadetur, ac in eo, qui suadet. *Vid. apud Soarium c. 25. 55. 56.*

## N O T Æ

*In LIBRUM II. RHETORICÆ*

## CYPRIANI SOARII

Ad Caput primum. *De Dispositione.*

**Q***uid est Dispositio?* R. Rerum inventarum in ordinem distributio. Quemadmodum enim in campo solers aciei structura ad victoriam; in corpore humano, membrorum conformatio; in ædificio, lapidum & cæmenti compositio idonea ad commoditatem; ita argumentorum inventorum collocatio apta, ad robur & venustatem orationis plurimum confert. Firma argumenta conquirere, amplificare, & verbo-



## RHETORICÆ.

verborum ornatu convestire, ingenii est; aptè verò disponere, judicii & prudentiæ. Nec aliud imperitiæ insignis certius est argumentum, quàm cum incondita, & perturbata oratio non cohæret sibi. multa repetit, multa transilit, nihil ut primum sit, nihil secundum, & ut ajunt: *scopæ dissolutæ*.

*In quo sita est dispositio?* R. Quando negotii quid nobis pertractandum, vel ab alio quid petendum est, naturâ duce, *primò* præmittimus aliquid, quò benevolentiam nobis conciliemus; *tum* exponimus breviter negotium, cujus causâ venimus; *dein* te momenta causæ ac rationes asserimus ad id, quod contendimus; *denique* instamus, precamur, promittimus, ut assensum extorqueamus. Quare ut naturalis, sic artificialis Dispositionis partes sunt quatuor: 1. Exordium. 2. Narratio. 3. Confirmatio. 4. Peroratio. Plures alii statuunt, sed quæ ad quatuor istas melius reducuntur, nempe: Exordium. 2. Propositio, & Partitio. 3. Confirmatio & Confutatio. 4. Peroratio. Prima, & postrema valent ad motus lenes, seu vehementes excitandos; reliquæ ad fidem faciendam.

*Quis est ordo argumentorum?* R. Principio, loeatur firmum, quid, ne si leviculum quid prodiret, nihil deinceps attentione magnopere dignum habituram orationem ominetur Auditor; ultimum firmissimum esse convenit, ut tantò altius hæreat animo mox discessuri; simulque ad effectus in Peroratione movendos viam sternat. Medioeria in mediam turmam conjiciantur. Primis, ultimisque conferta, vim aliquam obtinent, quæ singula ac seperata infirmiora fuissent. Quænam autem argumenta firmitate sint majore, prudens orator, qui hæc ponderaverit magis, quàm numeraverit, seipso discernet. Quòd si tota oratio per incrementum se diffundat, alius ordo erit tenendus, ut alioquin patet.

Ad Caput II. De Exordio.

**Q**uid est exordium? R. Ingressus in orationem, quò auditoris animus disponitur, ut cognoscat, qua de re dicturi sumus, & benevolè velit attendere. Aliud est *legitimum*, aliud vehemens & ex abrupto, quò sine prævia auditoris præparatione, per vehementem aliquem affectum ad rem ipsam aggreditur. Celebre est illud Tullii: *Quousque abutere patientiâ nostrâ Catilina? &c.* Et C. Mutii Scævola, Porcenam apud Livium alloquentis: *Romanus sum civis, C. Mutium vocant. Hostis hostem occidere volui: nec ad mortem minus animi est, quàm ad audendum fuit.* Veturia ad Coriolantum filium sinè ambagibus abruptè: *Sine, priusquam amplexum accipio, sciam an ad hostem, an filium venerim?* Manlius ad seditiosos concitandos: *Quousque tandem ignorabitis vires nostras? quas natura nè belluas quidem ignorare voluit?* Valerius Corvinus militem ad strenuè pugnandum adhortans, ità orditur: *Facta mea, non dicta vos milites sequi volo, &c.*

Quod est exordium legitimum? R. Hujus triplex est officium. 1. Reddere auditorem benevolum, 2. attentum. 3. Docilem.

Quomodo reddendus est benevolus? R. Primò: à persona oratoris, cum suum de auditorum commodis studium, merita, amorem, vel reverentiam officiosè commemorat, ac ingenuam quandam modestiam, pudorem, probitatem, candorem ore ipso præfert. Deprimere se, infantiam suam, & ingenii tenuitatem, argumenti majestati imparem excusare, solitum est Tyrunculorum exordium; in viro nisi rei magnitudo aliud postulet, probari non potest. Univerſim cum in principio, tum decursu orationis nihil aut minimùm de se prædicabit orator prudens, illudque tritum diligenter observabit: *Nec te laudaris, nec vituperaveris ipse.* In judiciis tamen res ipsa



## RHETORICÆ.

ipsa fert, ut de se loquendum sit. Ita Cicero pro Archia gratum suum erga Magistrum animum commemorat: *Pro Archia Porta aditus sum Judices officio*: Suam Modestiam de legibus agrariis: *De me ipso vereor, ne arrogantis sit apud vos dicere*. Suam amicitiam pro Rabirio: *Me cum amicitiae vetustas, tum dignitas hominis, tum vite meae perpetua consuetudo ad C. Rabirium defendendum hortata est*.

2. *A Persona Auditorum?* Si modeste, tectèque laudentur ab ea præsertim, quæ in rem nostram est, virtute v. g. à benignitate pro reo. Cicero pro Marcello dicturus orditur ab extollenda Cæsaris clementia. Pro Milone Pompeij æquitatem; pro Q. Roscio Aquilii Prætoris fidem commendat. In Judiciis olim etiam 3. *à persona clientis*, seu rei benevolentia captabatur, ejus inopiam, desertionem ab amicis, injurias toleratas exaggerando, vel inimicorum potentiam, Judicium suspectam integritatem invidiose traducendo. Exempla habes in quovis Ciceroniano pro reis exordio.

*Quomodo conciliatur attentio?* R. I. Petendo aperte, ut studiosè attendere velint. Ut pro Roscio *Obsecro vos Judices attentè, bonaque cum venia verba mea audiat*. Pro Milone: *Adeste animis Judices, nam si unquam de fortibus viris potestas vobis judicandi fuit, &c.* Subinde etiam sub ipso orationis cursu; cum auditor principio alacer, & erectus, languescere, aurèsque fatigatæ peregrinari incipiunt, repetenda est attentio. Pro Cluen. *Vos quæso, ut adhuc attente me audistis, item quæ sunt reliqua, audiat*.

2. *Promittendo*, nos dicturos de rebus minimè vulgaribus, sed magnis, utilibus, & jucundis auditu, ut pro Rabirio. *Sic enim existimare debetis Quirites, post hominum memoriam, rem nullam magis periculosam, magis ab omnibus vobis providendam,*

ad

## SOARII.

*ad populum Romanum esse delatam.* 2. Pollicendo brevitate, quæ una est fovendæ attentionis ratio certissima, si reapse pollicitis stetur.

*Quomodo paratur docilitas Auditoris?* R. 1. Si breviter, dilucidè, simpliciterque proponas, quæ de re sit dicendum; hoc est, si propositio sit talis, qualem infra describemus. Pro Manil. *Dicendum est enim de Cn. Pompeij* eximia, singularique virtute. 2. Si totam orationem in duo vel tria summum capita perspicue partiatis, de quo item mox. Philipp. 7. *Cur pacem nolo? quia turpis est, quia periculosa, quia esse non potest,* quæ tria dum explico, peto, ut quæ soletis benignitate me audiat.

Ad Caput III.

*De variis causarum Generibus.*

**A***N eadem est ubique exordiendi ratio?* R. Ut varium est causarum genus, ita erunt exordia. Aliud *honestum est, dubium, vel humile, absurdum & incredibile, vel cujus opinione contraria* imbuti sint Auditores; vel *admirabile.*

*In causis honestis ut exordiendum est?* In his de benevolentia captanda minimè laborandum; concionatoribus maximè, cum nempe ab eodem, & propè ad eosdem, & quot hebdomadis, & rebus omnium honestissimis, virtutis amore, vitiorum fugâ, Evangelicâ doctrinâ dicitur; quid verò hujus loco præstandum sit, infra reperies.

Quod si materia fuerit *humilis & incredibilis*, præmunitione aliqua & artificio, vel ironia prævertendum erit tædio. Ut si ad Senatum referas de cloacis purgandis, de tribus capellis, de calceorum modo, &c. Velut magna quædam ingenia ad eloquentiæ jactationem in absurdis se, & incredibilibus thematis exercuere, ut cum Lucianus asinum, Erasmus stultitiam, quidam podagram, Polycrates mures, Majoragius lutum, Calcagninus pulicem, Doufa  
umbram,



## RHETORICÆ.

umbram, Heinſius pediculum, Scaliger anſerem, Paſſeratus ipſum nihil dilaudârunt.

Si *dubia* & *anceps* ſit cauſa confidentiæ ac ſecuritatis oſtentationem deſiderat, ut pro Ligario: *Habes igitur Tubero, quod maxime accuſatori exoptandum eſt, conſitentem reum.* Et pro Rabirio: *Nihil me iſte clamor commovet.* Si opinione contraria teneatur Auditor, ea præjudicia erunt evellenda, ut pro Milone magnam exordii partem facit locus communis: *non omnem homicidam damnandum.*

### Ad Caput IV.

*Cujusmodi Exordia eſſe debeant?*

**Q**uæ ſunt virtutes exordii? R. 1. Si accuratum. 2. Inſtructum ſententiis & aptum verbis. 3. Cauſæ proprium. Erit autem 1. *accuratum*, ſi curâ aliquanto majore quàm cæteræ partes elaborabitur, ut ſtatim permulceat, alliciâtque Auditorem, qui contra terrebitur, ſi fluitans, malè cohærens, & velut temerè effuſum, nihilque meditatum fuerit.

2. *Inſtructum ſententiis*, hoc eſt, ſenſibus minime trivialibus, & dignitatem habentibus contextum: *Verbis aptum*, politis, ac bene rotundatis periodis ſuave, & quod periti ſolent architecti, *veſtibula, aditusque ſint illuſtres*, ut monet Tullius, nè incultis ingreſſus nihil boni portendat ingredienti. Ut enim optimè notavit Fabius: peſſimus ſanè videretur Gubernator ille, qui è portu ſolvens ſtatim navem ad ſcopulos allideret. Vitandus tandem & ſcopulus alter, nè nimis artiſcioſum, diligens, comptum, pictumque ſit, quod orationi fidem adimit, ac juvenilem quandam oſtentationem ſpirat, præſertim ſi ſatigatione ſubeunte, cætera nequaquam eadem curâ ac labore perpoliuntur, atque adeò *deſinunt in piſcem deformem multæ formoſa ſuperne.*

3. Sit *cauſæ proprium*, ſeu, ut ajunt, è cauſæ viſceri-

## SOARII.

visceribus eductum, cui nempe opponitur *separatum*, & commune, quod nunc exequemur.

Ad Caput V. *De Vitiis Exordii.*

**Q**uot sunt *Exordii vitia*? R. Septem vulgo enumerantur: vulgare, commune, commutabile, longum, separatum, translatum, contra præcepta.

*Quod est vulgare exordium*? R. Est, quod nihil ferè addendo vel demendo in plures causas potest accommodari, ut idem ephippium pluribus equis. Talia sunt: ut qui in panegyrico genere generatim à laude virtutis inciperet; aut in judiciali: cuique suum tribuendum. Vel qui causæ gravitatem suamque ingenii debilitatem excusaret, vel vulgari illa præteritionis figurâ uteretur: Dicant aliqui hunc sanctum solem, alii aquilam, nonnulli cedrum, &c ego verò avem paradisiacam, &c. Vel qui in funerali, in mortis fævitiam inveheretur. &c. Hæc enim, & ejusmodi in quoquo orationis laudatoriæ, suasoriæ &c. genere commodè adhiberi poterunt, ut caput statutz exemptile ad quemlibet truncum aptari.

*Quid est commune*? R. Quod nulla re commutata, etiam in contraria quæstione adhiberi potest. Ut si pro Roscio dicturus unice Aquilii Judicis æquitatem perspectam extollereres; nam eodem item accusator uti poterit. Aut si exponas *impertitis & Deo corporis animique donis non esse abutendum*, ex eodem capite laudabis, his benè, & vituperabis malè usum. Huic affine est *commutabile*, quod paucis mutatis ex parte contraria dici potest, ut si pacem suasurus dicas: *omnium consiliorum regulam esse debere civium felicitatem*, leviter flectes, & bellum item suadebis.

*Quod exordium longum*? R. Vitium est sanè per-vulgatum, in solennioribus præsertim panegyricis, tam Auditori odiosum, quam Oratori parum honorificum. Quis enim nescit, imperitum vulgus ne-



## RHETORICÆ.

rationari assuetum, rerum quantumvis optimarum auditione facillime fatigari, horrere Concionatores ultra horam prolixos, hoc prolixiores autem ominaturos, quò productius fuerit exordium. Quod si confirmationis partes moderatæ brevitatis sequentur, existimabunt Oratorem artis vel ignarum, vel neglectorem, ut qui homulo Polymphemi caput appingat, vel casæ augustæ ingens atrium præstruat. Præstabit adeò brevem esse, spiritusque, vocem, & cætera, nihil debilitata ad confirmationem integra servare.

*Quod est separatum.* R. Quod cum causa, ejusque partibus nihil omnino cohæret. Sic ut non nisi violentè propositioni aptetur. Ut si quis in festo S. Josephi cum illo ridiculè ordiretur: S. Josephus fuit fâber, fabricavit ergo etiam sedes confessionales; quare de confessione dicam; vel defundū controverso acturus inciperet ab Adamo: vel dissidentes inter se conciliaturus de Algebra disputaret: vel vitæ rusticæ commoda prædicaturus, de Typographiæ utilitatibus præfaretur, cujus beneficio Ciceronis & Varronis ea de re scripta ad nos devenêre.

*Quod est translatum?* R. Quod aliud efficit, ac causæ genus postulat, ut quod in benevolentia concilianda totum versaretur, cum attentio magis esset movenda, aut contra. *Contra præcepta est*, quod nec benevolum, nec attentum, nec docilem reddit, nec verbis aptum est, nec sententiis.

Ad hæc tot vitia evitanda Author est Cicero, & multorum usus est, ut ne ante perfectam jam Orationem de exordio cogitetur; ut prævisis cæteris hoc aptius connecti cum propositione queat; nam si primò id evincere velis, nullum nisi exile, nugatorium, aut vulgare occurret.

## SOARII.

Ad Caput VI. & VII.

*De Exordio, vel Exordiorum fontibus in Exornatione & Deliberatione.*

**E**Cquid Judiciale Genus prætermittis? R. Ut veteribus id primò, ità nobis postremo loco est, neque nisi in declamatione progymnastica usum habet, ut cum in Cainum, in Israëlitas vitulum adorantes, in matrem supposititiam coram Salomone actio instituitur: aut Maria Scotorum Regina, Jonathas paulum mellis degustans, &c. defenditur. Declamatori ejusmodi exordium præbebit Quintilianus, si laudibus conciliarit Judicem; leniter allegarit pro reo illustri ejus dignitatem; pro plebejo justitiam, pro infelice misericordiam, severitatem pro læsis, si removeat metum, animet ad æquitatem, &c.

*Qui sunt fontes exordiorum in laudando & suadendo?* R. Sunt iidem, è quibus argumenta & amplificationes petuntur, loci intrinseci causæ, quæ tractatur, eique adeò cohærentes. Præcipui sunt 1. à genere & forma. 2. à contrario. 3. ab adjunctis. Exordiri item licebit à sententia quadam insigni, quæ in partem utramvis trahi possit. Ab Exemplo historico, vel eruditione aliqua sacra vel profana.

*Quale est exordium à genere?* R. Cum hypothesis revocatur ad thesım, ut si de virtute, vel alia re singulari constabit dictio, ejus universale pro exordio assumetur. Ita laudaturus Virgilium Homeri imitatore, universim probæ imitationis utilitates recenserebit. Suasurus moderandum conviviorum luxum, de parsimonix frugalis emolumentis: Theologiam Scoti, de Stadii Theologici eminentia: Belgradum muniendum: de belli curis pacis tempore non ommittendis; Livii lectionem de Historiæ dignitate: Hannibali ne Capuæ hybernet, de voluptatum malis.

Observandum tamen diligenter, ne genus aliquod



## RHETORICÆ.

generalissimum, seu latissimè patens etiam pro exordio assumatur, ut *virtutem colendam, fugiendum vitium, &c.* Vulgare foret hoc, & commune, & commutabile, & vitiosum exordium, cùm eodem ad omnem morum doctrinam quàm latè patet, nullà re immutatà uti possis. Non idem est in genere subalterno, ut si virtutis cuiuspiam singularis actum singularem commendes, ritè incipies à laude *charitatis* Christianæ, atque inde ad hypothesim de *docendis* errantibus descendes.

*Quomodo exordium ducitur ab adjunctis?* R. Vix ulla est Ciceronis oratio, quâ non à sua persona exordiat, vel in Judicium aut auditorum laudes excurrat, vel *temporis* occasionem sequatur, vel à *loco*, cæterisque circumstantiis materiam desumat, ut pro Dejotaro loci augustias, pro Cælio temporis insolentiam, pro Milone novam rationem judiciorum, &c. Idem in Academicis exercitationibus, publicis solennitatibus, eucharisticis, gratulatoriis, epiniciis, &c. quæ seipsis adjuncta ejusmodi trahunt, imitari licebit.

*Quale est exordium à contrario?* R. Hæc exordii ratio presertim in suasoriis longè pulcherrima est, eademque facillima, cùm nempe Orator dubitare assimulat, utri è duabus sententiis assentiatur. Sic Alexander suis patriæ, reditusque desiderium excussurus: *minimè, inquit, mirum est, vobis desiderium quietis, & satietatem gloriæ occurrere.* Ego quoque ad parentem, sororemque, vel renitentibus vobis erumperem, nisi &c. Hoc concedentis instar præfatus, in confirmatione causas effert continuandi belli, inque Indias ultimas importandi. Probaturus bellicam laudem litterariæ postponendam, dicet multos veterum & recentiorum in ea opinione fuisse, ut ab armis plus utilitatum, quàm litteris in Republicam fluere crederent: *Cedant arma togæ.* Cicero

librum

## SOARII.

librum de Inventione problematica ejusmodi quæ-  
 sitione auspiciatur: *Sæpe & multum hoc mecum co-  
 gitavi, bonine, aut mali plus attulerit civitatibus elo-  
 quentia?* Deinde argumentis in utramque partem al-  
 latis, eligit primam, valdeque confirmat. Sic Ca-  
 millus adhortans cives, ne Vejós è Roma combusta  
 demigrent, agnoscit calamitatem, penuriam, ædifi-  
 candi difficultatem, Vejorum integræ urbis commo-  
 ditatem &c. tum verò longè firmiora sententiæ ad-  
 versæ momenta profert.

Hi tres exordii modi, nempe ex ipsis causæ vi-  
 sceribus deprompti, usitatiores fuère antiquis quàm  
 recentioribus: quibus venustius videtur, lectâ aliquâ  
 sententiâ, exemplò, apophtegmate, simili á re natu-  
 rali petito, adagio non insulso, aut alia quavis con-  
 ditione oblectare, ac benevolum, attentumque ad  
 cætera reddere auditorem. Hæc in Academicis, ac  
 Panegyricis placere possunt haud dubiè, & in sacris  
 nec parçè ab Italis usurpantur; ita tamen tractanda  
 sunt, ut non ad oblectationem modò, sed & fidem  
 faciendam, viam aperiant.

*Ut exordimur à sententiâ seu effato illustri?* R. Itâ  
 Catilina suos ad bellum adhortans incipit: *Compertum  
 habeo milites:* verba virtutem non addere, &c. Et Mi-  
 nutius magister equitum servatus á Fabio: *Sæpe ego  
 audiui, eum primum esse virum, qui ipse consulat, quid  
 in rem sit, secundum, qui bene monenti obediat: qui  
 nec ipse consulere, nec alteri parere scit, extremi in-  
 genii esse.* Item Cæsar pro Catilina orans: *Omnes  
 homines, qui de rebus dubiis consultant, ab odio, a-  
 mentia, ira, atque misericordia vacuos esse decet.*

*Ut ab exemplo? historia, vel fabula?* R. Dissua-  
 surus choreas incipies á Domitiano Imperatore, qui  
 Cæcilium Senatorem saltâsse deprehensum Senatu  
 ejecit. Pro justitia quam vocant distributiva actur-  
 us, Caligulam adduces, qui equum suum Consulem  
 renun-



## RHETORICÆ.

renunciari jussit. Phaëtonis vel Arachnes fabula ferviet in superbiam dicturo. Sic Menenius ab ventris & cæterorum membrorum discordia fabulosa orsus est. Atque hic fons tam inexhaustus est, ac ipsa historia.

*Ut ab eruditione?* R. Sic maledicentiam insectaturus afferes aphorismum Hipocratis: *Lingua atra malum.* Constantiam suaturus *Chamæleontis* indolem expones. De proprietatibus animalis Americani *Pigritia* dicti contra pigros præfaberis, &c. Quidam ab Hieroglyphico, symbolo, ænigmate occipiunt, iisque se ingeniosos putant, non item graviorum Oratorum exemplis tuebuntur.

*Quando amplificandum est exordium?* R. Propositioni genericæ, vel contrariæ, sententiæ, exemplo, &c. rationem aliquam excogitabis, eamque brevi argumentatione deduces. Cæterum verborum amplificationi magis studendum, cum Oratorii numeri suavitas & periodorum venustas accuratum alioqui, & amplum faciat, exordium. Leniores item & quasi inchoati affectus inspergendi, quales in omnibus Ciceronis exordiis reperies.

Ad Caput VIII. & IX.

*De Narratione.*

**Q***uid est Narratio?* R. Quam hodierni Jurisperiti *Speciem facti* nominant, atque in judiciis unicè locum habet. In hac, quoniam ad universæ causæ evictionem plurimum situm est, plurima præcepta Aristoteles, Cicero, Quintilianus tradidère, quæ nostris item Advocatis magno ufui esse possint. Cæterum quoniam Rhetori jam nullus est in foro locus, nec exornativum ac deliberativum genus narratione indiget, & de hac alioquin jam in Progymnasmatibus Candidati actum fuit, supersedebo penitus, repetam nihilominus paucis, quæ de ejus virtutibus, *brevitate, perspicuitate, probabilitate, suavitate*  
Suarius

## SOARII,

Soarius tradit, ac non in oratione solum, sed & consuetudine quotidiana, cum narrandum est quidpiam, decorem habent.

1. *Brevis* erit narratio, si omittantur adjuncta non necessaria, digressiones inutiles, circumlocutiones superfluae. 2. Semel res dicatur, neque nimis minutim, minus ut ab ovo repetatur, quo nihil odiosius.

2. *Perspicua* erit, si verbis usitatis & propriis fiat, ordo temporis, & rei gestae series servetur, sensus & periodi sint breves, nec circumductae, nec multa parenthesi vel relativis interstinctae, nec interrupte narretur.

3. *Probabilis* erit, si res nitatur auctoritate viri fide digni; simpliciter & sine fūco narretur; adjuncta personarum, loci, temporis sint ejusmodi, ut suaapte verisimilitudinem pariant.

4. *Suavis* erit, si verbis utamur nitidis & elegantibus, inprimisque figura hypotyposis. Alias admirationis, Dialogismi, exclamationis, metus, doloris, nec eodem tenore, sed stylo jam prolixiore, jam breviorē. Inspice libellum; *Narrationes Ciceronis*, praecipue ē Verrinis sumptas, quibus ad idēam justae narrationis effingendam nihil absolutius.

Quia verò hodie in locum narrationis *propositio*, ejusque *divisio* successit, quā quid, quoque ordine dicendum sit exponitur, de his aliquantō pluribus erit agendum.

### *De Propositione Orationis.*

**Q**uid est *Propositio Orationis*? R. Brevis & aperta explicatio statūs quæstionis, seu argumentum, seu thema orationis, quæ statim exordio subnectitur. In hac observanda sunt: 1. ut sit vera, 2. non nimis generalis, 3. perspicua, 4. una, 5. conveniens Oratori. 6. nova.

1. *Vera* debet esse *Propositio*? R. Non ementita, pa-



## RHETORICÆ.

ta. paradoxa, sed quam ipse Orator sibi veram esse persuadeat. Absurdum thema foret, si contenderes: Muretum Ciceroni præferendum: Venetiarum Rempublicam Republicâ Platoniciâ melius constitutam: peccata omnia esse æqualia: unum libellum pluris esse magnis Bibliothecis: Scivisse quidquid ab homine sciri potest: S. Josephum supparem toti SSS. Trinitati: afflictationes corporis spontaneas dulciores esse gaudiis Paradisi: Religiosum quempiam Ordinem non minus ordinatum ac Angelicam Hierarchiam &c. si quæ sunt ejusmodi abhorrentia.

*Ne sit nimis generalis.* Id enim ne in exordio quidem tolerandum est, quanto minus placiturus est, qui tota oratione non aliud agat, ac: *virtutem esse persequendam: Procurandam Civibus felicitatem: Bonas artes excolendas.* Quis generatim urbibus, avibus, piscibus &c. panegyricum struxit? Igitur in laudatione non tota Herois vita, quod Historici esset, assumenda erit: & in suasionem una aliqua virtutis species, aut hujus pars inculcanda; quin quò magis ad singularia descenderit, hoc ingenii, artis, & quod caput est utilitatis majoris erit oratio.

3. *Sit perspicua*, adeo, ut non intelligi non possit. Fieri enim potest, ut quod diu apud te meditat-  
us sis, tibi non perinde, ut audienti, obcurius videatur: vitanda idcirco superflua Synonyma, ne prolixitas ipsa obscuritatem pariat.

4. *Simplex & una*, ne ex una duæ evadant orationes. Erit simplex sententia: Monarchia optimum gubernationis genus: Imperio in jura Sacerdotii involandum non est: Equestris ordinis est castra sequi: Etiam egenis liberalitatis virtutem exercere datur. Non servant hanc unitatem orationes problematicæ, in quarum confirmatione, ex æquo partis utriusque momenta traduntur, ac demum sub perorationem alterutri acceditur: ut: An Monarchia Aristocratix præhabent-

## SOARII.

habenda? Parentibus plus honoris habendum sit, an bonis Institutioribus? An maritimæ urbes præstent mediterraneis? In Gymnasio plus discatur, an domi privatim? Typographiæ, an pulverum pyriorum inventio Germaniæ sit honestior? Fœdius ab hac simplicitate deviant, qui á proposito aberrantes, extra rem multa afferunt, & ut dicitur, extra oleas evagantur: de eleemosyna promittunt, & de Missæ utilitatibus admiscunt multa; sobrietatem commendant, & á cursu abrepti in avaritiam debacchantur. Inscitæ ejusmodi exerrationes, quas utinam rarò audire esset, magnam artis imperitiam notant, & steriles fere reddunt dictiones.

5. Sit *conveniens* Oratori, Auditori, loco, tempori. Orator ebriositatis vitio notatus, sobrietatem vix persuaserit; nec continentiam ab libidinibus infamis, nec munificentiam notæ avaritiæ Euclio. Aliud item thema virum ætate ac dignitate gravem, aliud ex adolescentia vix egressum decebit. *Auditor* agrestis non intelliget subtiliora Theologiæ explicantem, & ridebit, de vestium luxu, spectaculorum noxa, ambitionis malis declamitantem. Nec æquis auribus accipière, si apud Helvetos de Monarchiæ bono, vel in Paschate de cruciatibus Domini disputes.

6. Sit *nova*, ut ex trita ac vulgari quandam novitatis speciem induat, & attentio rem reddat auditorem. Cavebis tamen, ne dum nova quærentur, in ridicula, obscura, ac inania delabaris. Novitatis porò conciliandæ variæ sunt rationes: Ut si 1. propositionem absolutam problematicè efferas; v. g. loco: *Ambitio est Rebuspubl. perniciofa*; quæres: *an plura commoda vel incommoda Rebuspublicis afferat ambitio*? Ita tamen, ut pars problematis altera vel exordium faciat, vel confutationem. Item: *An Augustus magis amaverit cives, an cives Augustum*? 2.

*Ælegantior est comparativa, quàm absoluta.* Ut

pro:



## RHETORICÆ.

pro: *malū sunt aliquando utiles virtuti*, dices: *Virtus plura debet improbis, quam probis.* 3. Si conflat ex contrariis, ut loco: *mors miseris est minus dura, quam felicibus*, dices: *felicitatis genus esse, infelicem mori.* Sic loco: *homo sibi ipse suorum malorum author est*, dices: *nemo læditur, nisi à se ipso.*

### De Partitione.

**Q**uid est Partitio? R. Est partium orationis, ordine collocata enumeratio; de qua Græci ac Latini eloquentiæ præceptores multa egregiè præcèpere, quàm suis ipsi orationibus expressere, etli tectam adèd partitionem sæpius habeant, ut nisi adhibita singulari attentione animadverti vix possit. Apertè dividit Cicero pro *Quintio*: 1. Causa non fuit, cur Nævius à prætore postularet, ut bona Quintii possideret. 2. Ex edicto Prætoris possidere non potuit. 3. Non possedit. Pro *Sex. Roscio Amerino*: 1. Roscius non habuit causam occidendi patrem; 2. Nec facultatem. Pro *lege Manilia*. 1. Bellum in Asia gerendum, quia 1. ex genere suo grave & necessarium; 2. magnitudine periculosum. Præficiendus Pompejus, quia in eo sunt imperatoriæ virtutes: 1. Scientia rei militaris; 2. Virtus; 3. Autoritas; 4. Felicitas. Philippica pacem cum Antonio dissuadens: Pacem nolo. 1. Quia turpis est; 2. Periculosa est; 3. Fieri non potest. Pro *Muræna*: Intelligo tres esse accusationis partes, unam 1. in reprehensione vitæ; 2. alteram in contentione dignitatis; 3. tertiam in criminibus ambitus esse versatam. *Agraria secunda* Lex Agraria tollenda, 1. Quia iniqua & noxia; 2. Inutilis. Pro *Rabirio*: 1. Rabirius non occidit Saturninum; 2. Arma contra eundem jure sumpsit. Pro *Archia*: 1. Nihil obstat Archiæ, quo minus sit civis; 2. etiamsi non esset, asciscendus fuit. Similem orationum omnium distributionem

## SOARII.

nem ( ita partitionem appellat Ducygne ) habes in ejusdem laudatissima Analyfi.

*An in omni oratione partitione utendum fit?* R. Si Cicero, Demosthenes, aliique rarius apertâ illâ & expressâ utuntur, egere de reorum causis, aut Reipublicæ negotiis admodum variis & involutis, quæ sæpe narrationibus interjectis ac digressionibus ab æquali cursu avertunt. At in hodiernis seu Academicis, seu sacris orationibus haudquaquam omittenda videtur, propter insignia ejus commoda, quia 1. lumen præfert *Auditori*, ut intelligat, quid & quo ordine dicendum sit; adjuvat memoriam, ut facile reminiscatur, quid primum, quid secundum fuerit; levat fastidium, & recreat animum admonitione singularum partium, quemadmodum viatorem reficiunt spatia, certis lapidibus & intervallis distincta. *Ora-tori* verò servit ad moderandam singularum partium molem, omnia ad unum finem referenda, evitandas fastidiosas iterationes, certosque sibi figendos terminos, quos ultra citraque exire non liceat, memoriam denique affirmandam. Mirum autem quam hæc partitio, summis, mediis, imis placeat, ut huic assueti, vix alium, solutiùs nec eodem ordine dicentem ferant.

*Quot sunt partitionis membra?* R. Mos hodiernorum obtinuit, ut fere duobus membris aut tribus finiatur, quod intra tempus ad dicendum, concessam commodè pertractare queant. Quintilianus tamen ait: illos non probaverim, qui partitionem ventant ultra tres partes extendere. *Hoc enim numero velut lege non est alliganda, cum causa plures possit desiderare.* Cæterum Quintilianus de causis judicialibus loquitur, quarum alia à nostris ratio est.

*Quæ sunt leges bonæ partitionis?* R. 1. Sit plena; & fidelis, membris inter se aliquam relationem habentibus vel oppositis; 3. plana; 4. perspicua; 5. ordinata.

*Quæ*



## RHETORICÆ.

*Quæ est plena partitio?* R. Quæ capitalium argumentorum in confirmatione afferendorum nullum prætermittat, sed simul omnia sub unum conspectum ponat. *Fidelis* sit præterea, ne harum quas pollicita est partium, ullam omittat, aut alio ordine collocet. Si amplior opinione materia, quæ intra horam exhaustiri nequeat, se obtulerit, membrum alterum vel suppressendum erit, vel differendum.

2. *Membra habeat inter se relata vel opposita*, non equidem ut antithesin contineant, sed ne unum membrum in alio includatur. Sic vitiosa esset divisio: *In Pompejo fuit scientia rei militaris*, 2. *peritia castra metandi*; 3. *virtus* &c. Peritia castra metandi, scientiâ militari continetur; uti & ista: dicam *primò de ejus fortitudine*, *secundò de mortis contemptu*, qui est actus fortitudinis. 2. Neque divisionis nomen meretur, si disparata tractes, dicasque agam primo loco *de damno pravæ societatis*, *deinde de eloquentiæ studio*, quibus inter se, nisi remotè admodum, nihil commune est. Melior illa, etsi fortasse nimis generalis: *Dicam 1. de causis*; 2. *damnis*; 3. *remedio iræ*. Talis enim divisio libri potius foret, quàm horariæ concionis. 3. Relationem verò inter se habebunt membra, si v. g. sint effectus ejusdem causæ, vel ejusdem totius partes, vel relata propriè dicta, ut *Magister discipulus*, *dare*, *accipere* &c. id quod ex iis, quæ subjiciam, exemplis magis elucescet.

3. *Plana* sit, naturalis, obvia, minimè contorta, aut quæ ingenii plus habeat, quàm ingenuæ simplicisque veritatis. Studiosè exquisita Antitheta scholam sapiunt, & artem; offuscant, quam illustrare debebant orationem. Nempe quidquid ad naturam accedit proximè, decoris habet plurimum. Quid simplicius ac: 1. Amicitia, vel pares reperit; 2. vel facit? Studendum Historiæ, quia 1. delectat, 2. docet.

## SOARII.

cet. Calumniantibus facile credere. 1. vel improbi ingenii est, 2. vel puerilis. Homo per omnia felix, nam 1. opes possider, 2. & mentem. Linguæ impera, nam 1. multos pœnituit locutos fuisse, 2. neminem tacuisse.

4. *Perspicua sit & brevis*, verbis propriis & maximè significantibus, nec multo synonymorum circumductu, ne quod claritatis ac facilioris intellectionis causâ inventum est, obscurum fiat. Quamquam sacri Oratores nonnulli partitionis argumentum aliis aliisque formulis ita exponunt, nihil ut lædatur perspicuitas.

5. *Sit ordinata*: ita ut præmittantur ea, quibus præmissis cætera faciliùs intelligi possunt. Quando per *Incrementum* struitur oratio, ut struitur elegantissimè, constat alioquin, primum firma, firmiora secundum, firmissima postremum facere partitionis membrum: ut *pax cum Antonio turpis est*, apud cordatos & arrogantes Romanos multum valet argumentum ab honesto: *periculosa est*, ab utili aliquantò validius percellit: *fieri non potest*, deliberationem omnem simpliciter abrumpit. In eundem modum: *Roscius non habuit causam occidendi patrem*, multum probat: *non habuit facultatem*, planè convincit.

*Equibus fontibus petenda est iusta partitio?* 3. Ut idoneo aliquo nexu cohæreant inter se partitionis membra, singuli ferè loci Rhetorici servient. Ut 1. *A definitione illustri*: Historia est. 1. Lux veritatis collustrando intellectui. 2. Magistra vitæ dirigendis vitæ actionibus. *Item*. Cave C. Octavi dedere Antonio Ciceronem. 1. Patrem Patriæ. 2. Patrem, quem vocabas tuum. Sigismundus Rex 1. suorum amor; 2. hostium terror: *Item*: Philosophia 1. indagatrix virtutum; 2. expultrix vitiorum.

*Ab Enumeratione partium*, ut: belli tam gravis tam diutini onus jam non ferunt opulenti ac nobiles



## RHETORICÆ.

les; 2. succumbunt cives; 3. ad incitas rediguntur agrestes. *Item:* Disciplinam militarem restituit 1. otium exercitatione discutit, 2. Rapacitatem subvecto largiter comineatu repressit; 3. Perviciaciam severitate fregit. *Item:* Augustus Senatui, 2. populo, 3. militi ex æquo charus.

*A Causis:* Templum augustum 1. à materia, 2. ab arte, 3. Religionum cultu. *Item.* Non est bellum, quia 1. nec subest causa, 2. nec adsunt vires. *Item* In Belgrado expugnando multum potuit, 1. Fortitudo Ducis, 2. nonnihil felicitas, 3. plurimum prudentia Eugenii. *Item:* inclinatur in lapsum Respublica, quia labat 1. antiquum religionis studium, 2. Justitia in tribunalibus; 3. clementia in populum.

*Ab Effectis:* Cursitatio per exterarum Provincias exturbat ex animis 1. nativam probitatem, 2. è corpore valetudinem, 3. è loculis argentum. *Item:* qui laudant ingenia Novatorum 1. fallunt seipsos, 2. Rempubicam in periculum conjiciunt. *Item:* Bella & dissidia litteraria 1. plures litteratos procreant, 2. litteris ipsis novas accessiones faciunt. *Item:* Concordia Christianorum Principum 1. felicem faceret Europam. 2. Turcis liberaret Asiam. *Item:* Magna pars vitæ elabatur nihil agentibus, 2. major aliud agentibus.

*A Contrariis & Relatis.* Filii sæpe officio desunt erga parentes, 2. sæpius parentes erga filios. *Item:* in natali magni Principis gratulor Patri filium natum, 2. Regno Patrem. *Item:* Multum Austriæ debet Religio orthodoxa, 2. plus Religioni Austria. *Item:* Eminuit adolescens inter condiscipulos, 2. vir inter Doctores. *Item:* Si steterit Carthago, nihil oberit Romæ, 2. multum etiam proderit.

*Ab Adjunctis Temporis.* Ingratus perdit beneficia, quæ accepit; 2. nulla accipit in præsentis; 3. non accipiet. *Item:* Consiliarius sapiens 1. in judican-

## SOARII.

candis æstimandisque præsentibus Imperii negotiis, 2. perspicax & cautus in providendis futuris. *Locci*: Eloquentia victrix in Ecclesia, 2. in Curia. *Item*: Princeps domi amatus, 2. foris formidatus. *Ætatis*: Labor honestus juventutem, 2. nec minus senectutem decet. *Item*: Mandacium indecorum viro, 2. magis Christiano. 3. magis Sacerdoti. *Item*: Therfites noster corpore deformis, animo longe turpior. *Proprietatibus*: Palatium nulli cedit nec firmitate, 2. nec magnificentiâ, 3. nec venustate.

*Ab Antecedentibus, Consequentibus*. Ituri in prælium majores vestros cogitate, 2. & posteros. *Item*: Ut ne te efferas, reminiscere quid fueris antequam nascerêre, 2. quid futurus sis. *Item*: Exponam ut se habuerint bonæ litteræ ante inventam Typographiam, 2. post inventam. *Item*: Virtute superavit majores, 2. vix superabitur à posteris.

*A Comparatione*. Major Augusto, 2. Trajano melior. *Item*: Pace magnus, 2. bello major, 3. Religione maximus. *Item*: Imperator Carolo M. non minor, 2. par Ottoni M. *Item*: Nemo inde à Cæsare vel Ducum, aut plures retulit in campo victorias, aut grandiores.

*An alii item sunt fontes aptæ Partitionis?* R. Præter Locos sunt item argumentationes aliquæ, è quibus suapte fluit, ut ab *Enthymemate*: Ut mundus consilio aliquo regitur, ergo 2. ab æterna illa mente & providentia, quem Deum vocamus. *A Dilemmate*: Cicero mortem contemnendam probat; si enim, ut quidam, cum vita sensus restringuntur, fugiendum non est, carere sensu; 2. si immortalis est animus, optandum meliore sensu vigere. *A Sorite*: Idem de affectibus moderandis: Qualiter Affectus quis, talis est homo; 2. qualis homo, talis ratio & sermo; orationi facta vitæque est simillima. *Item*: voluptas egestatem, 2. egestas rapinas & omne scelus parit.

Ad



## RHETORICÆ.

### Ad Caput X. De Confirmatione.

**Q**uid est Confirmatio? *ꝛ.* Est ipsum corpus orationis, in quo argumenta, eorumque amplificationes ad fidem faciendam reponuntur, unde & ab Aristotele *Fides* appellatur. Ejus pars est *Confutatio*, quâ objecta ab adversario, vel quæ objici possent, rationes diluuntur, aut negando, aut redarguendo, aut elevando. Hæc in Judiciali genere raro omitti poterit, ne in suasio quidem facile omittenda est, præsertim sacro, inque thematis vel dogmatis sensui admodum repugnantibus, ubi ita stabilienda singula, ut effugium omne præcludatur: luce veritatis Evangelicæ perstricta vincatur humana ratio; & vel elabi volentes, quasi reti conclusi teneantur.

De Confirmatione ac Confutatione, de statu, ejusque generibus, de Ratione, Firmamento, Indicatione multa è veteribus congestit Suarius, quæ Jurisconsulto ac forensi nequitam negligenda, & legenda ab Rhetore, qui in criminali vel civili causa declamando se exercere voluerit. Pluribus immorari non est operæ, & utilioribus servandum breve alioquin scholasticæ institutionis tempus.

### Ad Caput XVI. De Argumentatione.

**Q**uid est Argumentatio? *ꝛ.* Est artificiosa argumenti explicatio. Namque veruta è locis, & in partitione recensita argumenta, ex se imbecilla sunt, & exilia, nisi accedat argumentatio, quæ est nervus orationis, & in eo distinguitur ab argumento, quod hæc *modus* seu ratio sit, illud explicandi; argumentum verò *materia* sit argumentationis.

*Quot sunt argumentationum species?* *ꝛ.* Ratiocinatio sive Syllogismus, 2. Enthymema; 3. Epicherema; 4. Collectio, 5. Sorites, 6. Dilemma, 7. Inductio, 8. Exemplum.

SOARII.

Caput XVII.

*De Ratiocinatione, & Syllogismo.*

**Q**uid est Syllogismus? R. Argumentatio perfectissima constans tribus partibus: Propositione, Assumptione, Complexione, quas Dialectici *Mayorem, Minorem, & Consequentiam* vocant, quo loquendi modo etiam subinde deinceps utemur. Ratio porro conficiendi Syllogismi in eo est, ut Hypothesin ad Thefin reducas, atque alterutra generica sit, additis vocibus partitivis, *Omnis, nullus, quandocunque, ubicunque &c.* saltem subintellectis. Erit hæc pars una: deinde id, de quo sermo est, sub eo genere contineri; denique quod generi, hoc etiam singulari convenire dices, quæ erit pars secunda, & tertia, v. g. Propositio sit: *Omne quod nocet, fugiendum*, subjice Generi particularem thematis, vel subjecti, *sed voluptas nocet*: è Generali & particulari exisset complexio, seu Consequentia: *Ergo Voluptas est fugienda*. Item: Nemo magis liber est, ac is, cui licet vivere, ut vult; atqui mihi licet vivere, ut volo; ergo liber sum. Atque hic Syllogismus Philosophicus est, magis quam Oratorius.

*Quid est Syllogismus Oratorius?* R. Qui præter tres illas, duabus insuper partibus constet, nempe Probatione Majoris, & Probatione Minoris, itaque quinque-partitus est. Ut in superiore exemplo: *Quid quid nocet fugiendum*. Probabis ex eo, quia nocere dicuntur illa, quæ dolorem vel interitum afferunt, & à quibus ipsa bruta naturâ abhorrent. Minorem, seu quod voluptas noceat, probabis, *quia corpori morbos, animo dolorem, fortunis jacturam affert*. Talis est illa Ciceronis ratiocinatio: Quod consiliò, & providentiâ regitur, optimè regitur. *Prob. Major. Exercitus enim, cui præpositus est sapientissimus Imperator, commodè regitur*. Mundus autem consiliò, & sapientia regitur. *Prob. min. Nam & Si-*



## RHETORICÆ.

gnorum obitus, & ortus: qui definitum quendam ordinem servant, & annuæ quædam commutationes ad utilitatem rerum omnium sunt accommodatæ, sapientissimum aliquod numen esse ostendunt, à quo reguntur: Providentiâ igitur mundus optimè administratur.

Sit: thema: Æneidem Virgilii etsi non elaboratam, nequaquam tamen (quod ille jusserat) cremandam. *Argumentum*, quia qualis qualis est, magnam Romano nomini gloriam afferet; *Major*: Nequaquam abolendum est, è quo Romano nomini gloriæ aliquid accedet: *Prob. Maj.* Hanc enim charitatem Patriæ boni omnes cives debemus, ut non modò vitam, & salutem, ejus salute posteriora ducamus, sed & de gloria augenda velut de re nostra pugnemus. *Minor*: Æneis autem imperfecta perhonorifica erit nomini Romano. *Prob. Min.* Tanti enim ingenii, ac sapientie opus est, ut Homericæ Odysseæ solum prope mille annos concedat, & gloriari possit Roma, Cræciam à se, ut armis, ita ingenio victam. Igitur ignibus nequaquam abolenda est.

*Thema*. Ciceroni in Castra Pompeji eundem non est. *Argumentum*. Præstat, ut Pacificatoris, & Sequestri partes sustineat. *Major*. Cujusvis boni civis est, si efficere se aliquid posse speret, potiùs pacem inter dissidentes pro virili procurare, quàm se in partes dare; *Prob. Maj.* Bella enim civilia, utram in partem abeat victoria, malorum extremum sunt & patriæ certissima perniciës. *Minor*, Cicero verò, & bonus civis est, & ad pacem efficere aliquid potest. *Prob. Min.* Quis autem Patriæ amantior Tullio, quàm vel capitis sui periculo oppressa Catilinaria conjuratione ab interitu servavit: aut quis Pompejo simul & Casari, vel charior, vel minùs suspectus? quis eloquentiâ, vel authoritate majori Sequestrum aget? Igitur nec in Pompeij castra, nec in alterius partes eundem.

The-

## SOARII.

*Thema* Cavendum est à relapsu in peccatum. *Argumentum.* Peccatum relapsi majus est, quàm lapsi. *Major.* A majori peccato magis cavendum. *Prob. Major.* Cui nempe & majores à DEO vindice poenæ constitutæ, & major rectæ rationis, aut Divinæ legis contemptus inest. *Minor.* Sed gravius est relapsi peccatum, quàm lapsi. *Prob. Min.* Nam sæpe primò ex inconsiderantia labimur; at si recidamus, vel malitiâ fit, vel præfidentia de venia mox impetranda; certè magnâ adversus DEUM ingratitude: quæ longè graviora sunt: Igitur valdè cavendum nè vetera peccata novis angeamus, sed ita surgamus à primo, ut non relabamur in secundum.

*Semperne quinque-partitus erit Syllogismus Orationis?* R. Nequaquam. Si enim Major, aut Minor alioquin non probabilis tantum, sed certa, perspicua; & propè evidens sit, quadripartitus erit, aut tripartitus, si utraque. Quid enim rem nemini dubiam, omnibusque certam firmare insuper, lucemque luci affundere velis? Ita in propositis Exemplis Probatione minimè egent generales illæ: *Quidquid nocet, fugiendum. Non abolendum, quod Romæ gloriæ sit, &c.*

*Quid aliud in Syllogismo observandum?* R. Syllogismo cuilibet inesse argumentum à Genere, præter Argumentum è quoque alio loco ductum. 2. Perinde fore seu universalis in majore, vel minore ponatur; 3. Nequaquam tam siccè & jejunè tractandum Syllogisimum, ut Logici solent, & nisi amplificatio accedat, sine robore in concione fore.

Ad Caput XIX. & XXII.

*De Enthymemate, & Epicheremate.*

**Q**uid est Enthymema? R. Syllogismus imperfectus, duabus tantum partibus constans, quarum prior, *Antecedens*, altera *Conclusio* dicitur. Omititur autem pars Generalis, utpote notior nec probatio-



## RHETORICÆ.

bationis egens, subinde & particularis. Ut: omnes artes sunt expetendæ, igitur & Rhetorica. Vel Rhetorica est ars, igitur expetenda. Eundem in modum è superioribus Syllogismis Enthymemata facies: Mundus rectissime gubernatur, ergo à DEO. Nocet voluptas, ergo fugienda. Æneis honorifica erit Romanis, igitur servanda. Cicero Pacificatoris partes melius egerit, ergo in castra non eundum. Graviora sunt relapſorum peccata, igitur magis cavenda.

*Quis usus est Enthymematum?* R. Rhetori crebrior, quàm Philoſopho; partim ut artificium occultet, quod agnitum orationis robur infringit; quâ cauſâ etiam Syllogismi partes ad varietatem transponi ſolent; partim ut ne Tyronum more in locos communes evagetur Orator; probet, quod nemo negat, & velut candelam accendat in meridie; validius item penetrant, punctimque, ut ajunt, & cæſim feriunt ejuſmodi frequentata Enthymemata; quò tectiora verò ſint, ferè per figuram aliquam efferuntur, ut: *Pacem vult Antonius? arma ponat.* Arma non ponit, ergo pacem non vult. Item: *A quo tandem M. Cato Conſulem æquiùs eſt defendi, ac à Conſule?* q. d. Conſul ſum, quare æquum eſt, ut Murenam item conſulem defendam.

*Quid eſt Epicherema?* R. Enthymemate contrarior & unicâ propoſitione conſtans argumentatio, quâ tamen reliquæ ſyllogismi partes ſubintelliguntur; ut: *Sine cauſa ſervus Dominum accuſet?* Equivaleat huic Syllogiſmo: Sine cauſa ſervus Dominum accuſare non debet, quia naturæ ſervitutis repugnat: ſed hic ſervus eſt Titii, quia pretiò ab eo emptus, ergo ſine cauſa Titium accuſare non debet. Ita Syllogiſmum contineret: *An unicus nobis Pacis author reliktus Cicero in caſtris Pompeij cernatur?* Æneis opus Romæ tam gloriolum cremetur?

# SOARII.

Ad Caput XX.

De Inductione.

**Q**uid est Inductio? R. Argumentatio, in qua ex multis singularibus non dubiis inferitur aliquid ipsis simile; Ut: Navigaturus navem quærit non coloribus illitam vel aurò, sed firmam, & velocem: In gladio aciem spectas, non vaginam gemmeam; Regulam, non quàm pulchra sit, sed quàm recta quæris; Itaque & hominem intueberis, non quàm dives, sed quàm bonus sit. *Item:* Quis optimus arborum fructus, nisi qui dulcissimus? Quid astrum primum, nisi quod clarissimum? Quænam summa pulchritudo, nisi in qua lineamenta omnia perfecto ordine consentiant? Quænam igitur præstantissima virtutum, nisi prudentia, cujus fructus optimi, fulgor eximius, ordo perfectus. Hoc argumentandi genus, quia Socrati familiare, Socraticum dictum fuit.

Quotupliciter sit Inductio? R. Ab enumeratione partium specificarum; ut: *Vir est insigni modestia, humanitate singulari, nec vulgari prudentia, ergo virtute præditus.* Verùm hæc ratio nihil à loco differt.

2. A Congerie similium, ut: putent aquæ, nî moriantur; Aër deses, sit pestilens; rubigine eroditur ferrum, nî exerceantur, æs ærugine; senticeta fiunt agri inarata, ergo otium non erit sine vitio. *Item:* Faciem, manûsque abluis, & perpurgas studiosè, cinnos concinnas, vestem componis, domo sordes everris, equum ipsum ornatum cupis, & animum partem tui optimam incultum finis? *Item:* Surgit è thalamo suo aurora; aves læto cantu novam lucem salutant; fabri primo diluculo incudem fatigant, & tu bonarum literarum studiose quando evigilabis?

3. A Comparatis, seu exemplis pluribus: Ovidius. Si felix fuisset Troja, quis Hectorem nòset? Si nulla tempestas, quis Typhin? Si nulli morbi, quis Machaonem?



## RHETORICÆ.

chaonem? Igitur duris è rebus venit gloria. Pulcherrima autem est illa Ciceronis Inductio: *Quibus gradibus Romulus ascendit in cælum? quibus Numa Pompilius? puto rebus gestis, & virtutibus. Quid Bruto præter officium in Patriam propositum fuit? Quid C. Mutium ad cædem Personæ incitavit? Quæ res Horatium Cochitem in ponte animavit? Quæ vis Patrem Decium, quæ filium devovit orco? Quid continentia C. Fabricii, quid tenuitas victus M. Curri festabatur? quid duo Scipiones, & horum ætati interjectus Cato? An horum quisquam sibi in vita quidquam expetendum cogitabat, nisi quod laudabile, & præclarum videretur.*

*Quid est Exemplum?* R. Inductio imperfecta, quâ ab uno pari ad aliud simile fit argumentum, & vix differt à loco comparisonis v. g. M. Horatius cum manu sua sororem interfectam fateretur, Populi Romani iudiciò absolutus est, ergo non omnis capitalis est, qui à se hominem occisum fateatur. Differt ab Enthymemate, quòd in hoc semper aliquid genericum ponatur, vel intelligatur.

Ad Caput XXIII.

*De Sorite.*

*Quid est Sorites?* R. A Græco Cumulus, Acervus, quasi Acervalis argumentatio, quâ ex multis propositionibus, quarum una ducatur ex altera, aliquid inferitur. Ut Cicero. *Si prætor pecuniam dedit, ut est scriptum, à Quæstore numeravit; Quæstor à publica mensa; publica mensa ex Vestigali, & tributo: ergo si prætor pecuniam dedit, ex vestigali dedit.* Item: *Affricano virtutem industria, virtus gloriam, gloria æmulos comparavit, igitur Affricano industria &c.* In eundem modum argumentabere: Ciceroni labor Eloquentiam, Eloquentia habilitatem, habilitas æstimationem & amorem, æstimatio Consularem dignitatem peperit, ergo labor Tullium Consularem

## SOARII.

fulem fecit. Tale est illud Filii Themistoclis: Quod mihi placet, placet & matri; quod matri, probatur & Themistocli Patri; quod Themistocli, videtur & Atheniensibus. Sic item dices: frequens in graviora peccata relapsus consuetudinem, consuetudo necessitatem, necessitas remedii desperationem inducit, ergo frequens relapsus spem salutis abruptit.

In captioso hoc & fallaci argumentandi genere, quò Zeno Stoicorum Princeps uti amabat, attendendum ad singula membra, uno enim gradu fallente, gradatio tota perturbatur. Ut est vulgare illud: Bibliopola habet multos libros, eosque sæpe evolvit; qui hos sæpe evolvit, multum studet; qui multum studet, evadit doctus, ergo Bibliopola evadit doctus. Fallit prima propositio, quæ verbum *evolve* pro *lego sciendi causâ* accipit, Huic geminum est: Qui bene bibit, bene dormit, qui bene dormit, non peccat, qui non peccat venit ad Cælum, ergo qui bene bibit, venit ad Cælum.

Ad Caput XXIV. De Dilemmate.

**Q**uid est Dilemma? *ꝛ.* Latinè utrinque captio, est argumentatio constans duabus partibus contrariis, quæ utrinque adversarium capiunt, unde cornutus Syllogismus appellatur, cujus alterum Cornu si effugeris, in alterum incurres. Sic probabis dolorem æquè ferendum: *Levis est dolor, vel vehemens: Si levis, tolerabilis est, si vehemens, haud erit diutius.* Cicero Legatos ad Antonium mittendos dissuadens: *Legatos mittitis, an ut deprecantur, an ut imperent? si deprecantur, contemnet: si imperabunt, non audientur.* Idem in Pisonem: *Triumphum, vel prædæ cupiditas te ad Provinciæ petitionem rapiebat: non triumphum, ut tute profiteris, igitur prædæ.* Idem in Philippicis. *Interfectores Cæsaris vel sunt Patriæ Liberatores, vel parricidæ: Si liberatores, stultè arguor à te socius eorum fuisse; si parricidæ, cur à te honoris causâ nominantur?* Pro

Ro



## RHETORICÆ.

Roscio: vel per se, vel per alios occidit Patrem: non per se, quia cum occideretur, Romæ non fuit: non per alios, quorum proferri nullus potest. Ita Tertullianus contra edictum Trojani, prohibentis inquiri in Christianos, at si deferantur, necari iubentis: *Vel impii sunt Christiani, vel non: si impii, conquirendi sunt, & necandi, sin minus, nec cum deferuntur, puniendi sunt, quod Christiani sint.* Qui differt poenitere, vel putat sibi fore tempus & gratiam poenitendi, vel non: si putat, impius est, si non, amens.

*Quomodo solvi potest Dilemma?* R. Si verum sit, solvi nequit; si falsum, diluitur, vel negando, vel retorquendo: vel distinguendo. Ita dilemma illud Ciceronis: *Si placabiles sunt iræ, summa levitas; si inexorabiles, summa acerbitas;* infirmari potest dicendo; *Si oblata honesta parcendi occasione placabiles sunt, summa lenitas potius erit, quam levitas: si inexorabiles, justæque de causa susceptæ, & confirmatæ, summa iustitia.* Memoriam meretur celebre illud Evathli, qui cum Protagora Eloquentiæ Magistro magnam pecuniæ summam pactus fuerat, si primâquam acturus erat causâ, victor evaserit. Jam Rhetoricæ præceptis plenè institutus, negat pactam mercedem: Causam intentat Protagoras Magister: *Debes, inquit, mercedem, si enim vicerò, debes ut condemnatus: si viceris, debes è pacto.* Retorsit vaser discipulis: *Nihil habebis, ait, si enim vicerò, è Judicium sententia nihil debeo; causâ si ceciderò, nihil debeo.* Ajunt Sapientissimos alioquin Areopagitas ita confusos, ut his in hanc diem pendeat.

### De Collectione.

**Q**uid est Collectio? R. Nihil equidem hujus Soarius meminit; meminere Præceptores recentiores plerique, & magni usûs est, & parùm differt à Syllogismo quinquepartito: Est enim argumentatio quinque item Partibus constans; I. *Propositione,* quæ

## SOARII.

quæ minùs nota est, seu major sit, seu minor. 2. Propositionis *Ratione*. 3. *Rationis Confirmatione*. 4. *Confirmationis Exornatione*, seu Amplificatione. 5. *Conclusione*, quæ cum Propositione eadem est. Exemplum afferunt è Catilinaria secunda, & tertia, quarum utraque, quanta est, tali Collectione finitur. Secunda propositio est, 1. Utile est, Catilinam cum suis urbe cessisse. 2. Ratio: Quia intraurbem horum infidiæ magis timendæ erant. 3. Confirmatio rationis: Nimis enim audaces, callidi, flagitiosi, vix ut ab iis satis caveri posset. 4. Exornatio, seu amplificatio Confirmationis: Colluvies illa foris non subsistet contra legionum robur, Consulis vigiliantiam, Deorum auspicia. Complexio: ergo bene actum, quod urbe exceßerint.

Catalinariæ tertiæ. 1. *Propositio*: Hic dies, quo oppressa est conjuratio, supplicatione Deorum est celebrandus. *Ratio*: Quia Cicero hodie Rempublicam prope deletam conservavit. 3. *Confirmatio* Rationis: Nam conjurationem tectissimam manifestis indiciis deprehendit. 4. *Exornatio* Confirmationis: idque brevi tempore, sine internecione civium, togatus Consul. 5. *Complexio*, hic ergo dies supplicatione celebrandus est.

Turpis est maledicentia de absentibus: *Ratio*, quia charitatem, primam Christianorum tantopere commendatam virtutem graviter lædit. *Confirmatio*, Namque & offendiculum offert præsentibus; & absentem, de quo maledicetur, ad vindictam incitat. *Exornatio*, qui rem absentis malò dolò eripit, graviter lædit, at longè acerbioris sensûs est famæ imminutio. *Complexio*; ergo turpis est maledicentia.

*Propositio* Nullum vitiorum impuritate periculosius, *Ratio*, quia in hoc pendemus naturaliter, & hostem, incitatoremq; domesticum intra nos alimus. *Confirmatio*, Alitur is à nobis victu delicato, molli-

tie



## RHETORICÆ.

tie vestium, libris, picturis parùm pudicis, passim ob oculos versantibus, consuetudine inverecundorum. *Exornatio*: Hic hostis nullas inducias præbet, diebus, noctibus insidiatur, nullum hinc effugium. *Com-plexio*, Ergo vitiorum omnium periculosissima est impuritas.

### *De Transitione.*

**Q**uid est transitio? R. Est nexus quidam orationis, quo fit, ut apte inter se copulatæ illius partes concinnè cohæreant, & unum quasi corpus efficiant. Alia est perfecta, quâ breviter monemus, & quid dictum sit, & dicendum restet; ut pro Manil. *Quoniam de genere belli dixi, nunc de magnitudine pauca dicam.* Alia imperfecta qua alterum tantum exprimitur. Ut: *Age jam illa videamus, quæ consecuta sunt.* Petuntur Transitiones plerumque ex aliqua figurarum, certa tamen præcepta dari nequeunt. A lectione Authorum, & suo cujusque ingenio pendet, Argumentationes, seu partes orationis appositè inter se conjungere. Illa nimis scholam olent, & jejuna sunt: *Videte hujus mei asserti rationem firmissimam &c.* *Quæ est hujus rei causa?* respondet *S. Augustinus &c.* *Dicet aliquis &c.* *Cui respondeo &c.* *Rem probo sic, &c.*

*Igitur sollicitè curanda est apta Transitio?* R. Quoniam hæc incipientibus sæpe molestiam facessit, & finè hac parùm consistit, ut murus finè calce, venusta alioquin oratio. Ejus, ut cæterorum omnium mirus est ertifex Cicero, ex quo excerptas ejusmodi Transitionum Formulas adjecisse juverit.

*Breviores sunt:* His adde. Huc accedit, quod. Eodem pertinet. Jam verò quid dicam? Age verò explicemus nunc. His simillimum est. Postularet hic locus, ut dicerem. Restat, ut dicam. Nunc verò superest. Ex quo debet intelligi. Quid? quod & illud sit. Omitto domesticas tuas sordes. Jam illud

## SOARII.

Iud quid attinet commemorare? Ita est, quemadmodum dixi &c.

Satis multa de genere belli, nunc de Imperatore deligendo dicendum videtur.

Hactenus de turpitudine; dicam deinceps, quod proposui de periculo.

Unī criminationi respondi, venio nunc ad alteram.

Sed nimis multa de nugis, ad majora veniamus.

Verum ubi rerum testimonia adsunt, nihil opus est verbis.

Sed hæc vetera, illud recens: Cæsarem meo consilio interfectum.

Sed nè ex multis aliquid transfiliat oratio, ad lupercalia veniamus.

Jam pondus rei, gravitatēque cognoscite.

Sed jam satis multa de causa: quid restat, nisi ut orem vos, & obtester.

Quæsturâ illius demonstratâ, reliqua attendite.

Atque ut inde oratio mea proficiatur, unde hæc omnis causa ducitur.

Atque ut facilius intelligere possitis, quid factum sit, ab initio rem, quemadmodum gesta sit, vobis exponam.

Sed hæc omittamus, loquamur potius de levitate hominis.

Id quò facilius facere possitis, dabo operam, ut à principio res, quemadmodum gesta sit, cognoscatis.

Sed finis sit, neque enim præ lachrymis jam loqui possum.

Sed quomodo emerfisse jam è vadis; scopulisque prætervecta videtur oratio mea, perfacilis mihi reliquus cursus ostenditur.

Plura de hoc dixi, quàm constitueram, cætera videamus.

Ad



*RHETORICÆ.*

Ad ejus tribunatum, qui ad se se jam dubium me vocat, gradum facimus.

Atque hæc oblectationis; illa necessitatis.

Hæc mihi ferè in mentem veniebant, quæ dedignitate dicerem, superest ut.

Quibus rebus expositis satis docuisse videor, quæ sit animi præstantia.

Sed quid ego longinqua commemoro?

Sed quid ego his argumentis utor, velut res obscura foret, ac dubia.

Magna sunt hæc, imò maxima. Jam verò quantò majus videbitur.

Multa hujusmodi proferre possem, sed ad alia eundum est.

Nolo in hac re multus videri.

Sed quid ego hæc tam levia recorder?

Itaque fateamur necesse est, nihil difficilius esse.

Quid loquar, quanta voluptas Historiam comite-

tur.

Jam verò illa notiora sunt, quàm ut inhæream, illud obscurius.

Vereor, ut quod dicam, perinde intelligi possit, atque ipse cogitans sentio.

Sinite me illa minora, & quotidiana prætermittere.

Illud etsi ad exitum festinet oratio, prætermittere nullò modò possum.

De turpitudine satis dictum est, deinceps ad periculum transeamus.

Quod ad turpitudinem hætenus, nunc reliqua perrexamus.

Tempus est ad cæteras partes orationis proficisci; deinceps igitur.

De statutis diebus dixi, nunc de Annalibus dicam.

Hæc de hero, quod sequitur, de pecore.

De

## SOARII,

De multitudine quoniam quod satis est, admonui,  
de obscuritate pauca dicam.

Hactenus de principio, quod sequitur de mon-  
stro.

Jam quantum illud est, quod in occupationibus  
summis nunquam intermisit studia doctrinae.

Utinam verò mihi satis esset ad dicendum, vel fa-  
cultatis, vel temporis.

Hic hic Auditores animos ad insignis facti memo-  
riam sempiternam erigite.

Sed hæc utcumque ferenda: illud verò quis fe-  
rat?

Audistis gravissima, audite nunc graviora.

Sed hæc privatim, nunc quæ publice gesta sunt,  
videamus.

Verum hæc missa facio, illud quàm.

Nihil jam dico de isto scelere.

Postularet hic locus, ut dicerem de.

Ad Caput XXVI.

*Quomodo Oratoriæ Argumentationes sunt tra-  
ctandæ.*

**Q**uomodo tractandæ sunt Argumentationes? R.  
Nisi varientur, tædium afferunt Auditori. Va-  
rietatem autem afferunt. 1. Si non eædem sem-  
per, ut continentes Syllogismi, perpetua Enthyme-  
mata &c. assumantur; sed jam Dilemmate, deinceps  
collectione &c. pugnetur.

2. Jam Major primùm, aliàs minor assumatur. 3.  
Alias una pars omnino omittatur. Ut complexio,  
vel Consequentia, quæ sæpe post plures argumen-  
tationes rejicitur. 4. Si varietur amplificatio, aliò-  
que, & aliò ornatu excolantur Enthymemata. Ad  
quod maximè serviunt Figuræ. 5. Cum orator,  
quod simpliciter affirmari posset, imperantis, optan-  
tis, dubitantis, communicantis, interrogantis, allo-  
quentis, exclamantis more exponit.

Uti



## RHETORICÆ.

*Ut variari potest eadem argumentatio?* R. Id in exemplo discas velim. *Propositio*; Præceptores laude afficiendi sunt. *Argumentum* ab Effectis: quia de Republica bene merentur. *Argumentatio* per syllogismum Qui de republica bene merentur, laude efficiendi sunt. hujusmodi sunt Præceptores, ergo laude afficiendi sunt. Mutari potest hic Syllogismus in quinquepartitum: *Major*: Laudandi sunt, qui de republica bene merentur, *Prob.* Quia laus est præmium virtutis, soletque honestis viris tribui propter merita, in cives, patriam, & omne hominum genus. *Minor*: Præceptores bene merentur. *Prob.* Quia teste Tullio nullum munus reipublicæ majus, meliusque asferre possumus, quàm si doceamus, & erudiamus juventutem, iis præsertim moribus, atque temporibus, quibus ita prolapsa est, ut omni ope coercenda, & refrænanda sit, *Conclusio*: Quis igitur dubitet, Præceptores omni laude, ac præconiò dignos?

*Per Enthymemā.* Præceptores bene merentur de republica, ergo laudandi.

*Idem per Collectionem.* *Propositio*: Præceptores sunt laude afficiendi. *Probatio, seu Ratio*: quia docendo de Republica bene merentur: *Confirmatio*: Quid enim hoc munere docendi Reipubl. salubrius ac utilius? *Exornatio*: alii armis, alii togâ, scriptisque Reipublicæ studeant, nos præceptis juventutem imbuamus, ex cujus recta institutione omnis imperatorum, togatorum, Scriptorumque industria ac virtus emanat. *Complexio*: Igitur Præceptores laudem merentur.

*Per Soritem*: Si quid laudis, ac virtutis habet puer, debet id Præceptori, illud autem adolescens pueritiæ bene institutæ; vir adolescentiæ, virili ætati senectus, senectuti Respublica adscribat, cujus hæc autoritate nititur, & sapientiâ: ergo si quid laudis; virtutis,

## SOARII.

virtutis, consilii refidet in Republica, id peritis, ac sedulis institutoribus acceptum referat oportet.

*Per Dilemma:* Traditi Præceptoribus pueri, vel proderunt olim Reipubl. vel ignaviâ vanescent: si proderunt, Præceptorum opera laudabitur; si noxii erunt, & ignavi, vituperandi quidem isti optimorum Præceptorum neglectores, non inde minoris sunt habendi illi, si officiô functi fuerint suô.

*Per Epichereima:* Præceptores docendo bene de Republica merentes, laudem non commereantur?

*Per Inductionem.* A pluribus exemplis: Socrates, Plato, Aristoteles, Quintilianus, alique singulis ætatibus clarissimi viri magno in pretio fuere, quod in Gymnasiis ac Lycæis juventutem formarent, Ergo. *A Similibus:* Laudantur hortulani, qui germina, ac plantas scitissimè educant; Lanistæ aut Choragi, qui ad gladiatoriam, aut saltatoriam majore suos industria instituunt; quin armentorum Pastores, si hinnulos, pullôsque sollicitè ad maturitatem procurent: & Præceptores bonarum artium minùs in honore sint?

### Ad Caput XXVII.

#### *De Peroratione.*

**Q**uid est Peroratio? R. Artificiosus terminus, vel exitus orationis, in quo id, quod tota oratione agebat orator, majore vehementia evincere, & obtinere contendit. In postrema igitur hac parte vis omnis ac nervi eloquentiæ exerendi, nempe à qua unice pendet victoria. Quare graviter errant *Primo:* ii, qui diutino componendi labore defessi, postquam & eleganter exorssi, & aliquanto orationis cursu feliciter provecti utcunque fuere, relanguescunt, ac veluti destitutæ vento naves prope in portu adhærent; quando contra æstimatores boni, non aliunde melius, ac ex Peroratione de oratoris præstantia judicant. Item ii, qui in Confirmatione nihil moderantur



## RHETORICÆ.

rantur sibi, & vociferando ita se exhauriunt, ut ad extremum, ubi summâ & spirituum, & vocis contentione utendum esset, irraucescant, & ægrè intelligantur. Nota tamen, præter extremam hanc, cui libet orationis, seu Partionis membro tectam aliquam Perorationem subijci posse; id quod ad ejus partis argumenta, auditorum memoriæ magis imprimenda, multum conferet.

*Quæ sunt Perorationis partes, seu officia?* R. 1. Enumeratio argumentorum Confirmationis, seu recapitulatio, quæ Græcis Anacephaleosis dicitur. 2. Affectus, cujus locus proprius, Peroratio est.

*Quid observandum in Anacephaleosi?* R. Repetuntur argumenta præcipua, & validissima, quæque audientium animis maximè infixæ velis. Si omnia repetas, nova erit oratio. Imitandi pictores, qui grandes tabulas artificio in tabellam exiguam contrahunt. Nec levis artis est, diffusam orationem in compendium redigere tam aptum, ut qui sub initium Perorationis intervenerit, nihil eorum ignoret, quæ per decursum dicta fuerint. 2. Ne crambe repetita desipiat, repetenda erunt, aliis verborum & figurarum coloribus, ita tamen, ut ne justo prolixior fiat Peroratio. Ne exempla desideres, Ciceronis Perorationes omnes legito, earumque vim, ardorem, impressionem miraberis. Unicam assero Manilianam, in qua Partitionis primum membrum ita concludit: Quare videte num dubitandum vobis sit, omni studio in id bellum incumbere, in quo 1. *Gloria nominis vestri*; 2. *Salus sociorum*. 3. *Vedigalia maxima*. 4. *Fortunæ plurimorum civium cum Republica defendentur*. Rursus in extrema oratione: Quare cum bellum ita *necessarium* sit, ut negligi non possit. 2. Ita *magnum*, ut accuratissimè sit administrandum, & cum Imperatorem ei præficere possitis, in quo sit *eximia belli scientia*. 2. *Singularis virtus*. 3. *Clarissima*

## SOARII.

*fima authoritas* 4. Egregia *Fortuna*, dubitatis Quirites, quin hoc tantum boni, quod a Diis immortalibus oblatum & datum est, in Rempubl. conservandam, & amplificandam conferatis? En brevem, succosamque totius Manilianæ epitomen.

*Quod est alterum Perorationis officium?* 3. Affectus, quorum hic propria sedes est. Pro vario dicendi genere, commovendi sunt varii: in Panegyrico: amoris, admirationis, æmulationis, lætitiæ; in Deliberativo: timoris, confidentiæ, spei, desiderii, diligenterque expendendum, quisnam themati maximè conveniat, locique, de quibus supra egimus, consulendi. Et si vero jam convicto argumentis intellectu facile voluntas in omnem, quò velis, partem flectatur, ardeat tamen ipse, ardoremque voce, vultuque ipso præseferat orator, ut incendat. Hac item parte summus fuit Cicero, clangore & lamentatione forum perorando implere solitus, ut adeò de se ipso prædicet: *Quid ego de miserationibus loquar? quibus eò sum usus pluribus, quod etiam, si de eadem causa plures dicebamus, Perorationem tamen mihi omnes relinquebant, in qua ut viderer excellere, non ingenio, sed dolore assequebar.*

## N O T Æ

### In LIBRUM III. RHETORICÆ CYPRIANI SOARII

#### De ELOCUTIONE.

Ad Caput I. II. III. IV. *De Elocutione.*

**Q***uid est Elocutio?* 3. Idoneorum verborum, & sententiarum ad res inventas accommodatio. Differt ab eloquentia, ut pars à toto; illa enim ars est ad persuadendum aptè dicendi. Naturâ quidem prius est invenire eloquenda, quàm inventa eloqui, plerique tamen Præceptores hanc cæteris præmittendam existimârunt; & usus obtinuit, ut jam in Humanitatis

H

nitatis



## RHETORICÆ.

nitatis schola tradatur, ut Tyroni præ reliquis facilior. Namque, ut Cicero ait: *Inventio, & Dispositio prudentis hominis sunt*, & reliquis scientiis materiam Rhetori ministrantibus exculti: *Elocutio verò Oratoris est*, & uno Rhetoricæ artis beneficiò obtinetur. Si Tyroni *Rerum* adhucdum rudi condenda oratio injungatur, magistri erit, causæ firmamenta & summa capita suggererè; ejus verò labor in eo præcipuè versabitur, ut amplificationem, rerum & sententiarum ornamenta ex artis præscripto de suo conferat.

*Quomodo comparatur Elocutio?* In hac omne studium, *exercitationem, immitationem*, quin *omnem ætatem ponendam* è Cicerone Quintilianus præcipit. Studium certè, & contentionem desiderat hoc majorem, quò est laboriosior, cùm partes orationis omnes pervadat, nec levis operæ, aut negligentis hominis sit, verba singula ad nitorem aliquem, ad suum Periodos singulas numerum, sententias figurarum ornamentis perpolire; quem laborem nisi Tyro superet, vir non aggreditur. Quantumvis enim non omnia perinde picturata esse deceat, incomptum tamen aut neglectum nihil relinqui oportet, quod nec tædii levis, nec operæ est.

*Frequenti igitur exercitatione opus sit?* R. Si in ulla Rhetoricæ parte, hic certè. Et si enim orationes Tullii legeris omnes, & relegeris; argumenta sapienter inveneris; graviter eadem amplificaveris; cùm tamen ad scribendum te accinxeris, senties adhærere stylum, nec verba promptè sequi, & aliud esse sapienter cogitare, ac sapienter cogitata ordinatè eloqui; quæ difficultas solo usu, ac exercitatione minuetur. Itaque, quod & principio monui, qui in latina, aut vernacula eloquentia excellere voluerit, diem nullum sine aliqua scriptione abire finet, scriptionem verò perpetua optimorum authorum lectione fecundabit,

An

## SOARII.

*An etiam vernaculæ Elocutioni studendum?* R. Itali, Gallique jam in scholis ejus aliquid occipiunt. Germanis non eadem cura, ut qui in emolienda latinitate sibi negotii satis esse putent. Quos tamen ad sacram olim cathedram rapit animus, his opera danda est, ut iis legendis, qui Germanicæ elegantiz Principes habentur, ipsis initiis astuescant. Tales sunt *Opitii Argenti*, *Seleni Gustavi Arminius* &c. aliique quamplurimi soluto ac ligato stylo, qui for-  
dibus vacent, nè ejus, qui linguam ornare volet, mores inquinent.

*Quot sunt elocutionis partes?* R. *Latinitas, Perspicuitas, Ornatus, Suavitas.* Latinitas, & Perspicuitas, Grammaticæ opus sunt, *Ornatus* in Tropis & Figuris, *Suavitas* in oratorio numero est.

*Quid de Latinitate ais?* R. Ejus infima dos est, nè sit solœca; altera, nè trivialis; denique nè eadem; nullæque verborum in eadem re varietate. Atque de his latini sermonis virtutibus, proprietate, elegantia, copia, quæ totius elocutionis veluti fundus sunt, & solum, satis diligenter actum est in *Syntaxi ornata*: qua in doctrina, qui egregiè exercitatus fuerit, nè is facultatem maximam ad Rhetoricam attulerit, dimidiûmque laboris antè exhauferit.

Verùm quia hanc Grammaticæ partem vel negligunt, vel nè contingunt quidem multi; quin vix emendatè, aut sine solœcismo vel barbarismo construere sciunt, nedum ut ex authorum lectione latinitatis aliquid traxerint: evenit, ut miseris magistris sæpe in Grammaticæ scholam vertenda sit Rhetorica; nec tam eloqui, quam loqui doceri debeant; imperiti verò ejusmodi adolescentes, ut venerant, rudes exeant è schola, nec ex hoc foro, ad quod sine peculio adierant, quidquam auferant. His multum fuerit, si amplificandi rationem utcumque per-  
ceperint, ut in vernacula saltem aliquid olim prestare possint.



## RHETORICÆ.

Ad Caput V. De Verbis Simplicibus.

**Q**uis Ornatus spectandus est in singulis Verbis?  
 R. Ornatiores verba sunt: 1. Quæ consonantiora, 2. Quæ grandiora. 3. Quæ nitidiora,

Quæ verba sunt consonantiora? Quæ è vocalibus, & consonantibus magis sonantibus constant. Inter vocales sonantissimæ sunt a. e. o. Melius itaque dicitur *procreare*, quam *gignere*: *honorare*, quam *colere*: *concertare*, quam *confligere*, *moderatio*, q. *modestia*, *quanquam*, q. *licet*, &c. I. Hinnitum refert, nec Musicis amatur, malimque dicere *indagavi*, quam *inquisivi*: *Mirabiles* quam *miri*: *accuratus*, q. *diligens*, &c. U. ululat; & sonantius est *monumentum*, quam *sepulchrum*; *parietem*, q. *murum*, *plaga*, quam *vulnus*, &c.

*Consonantium* aliæ spiritu & labiis formantur, ut: P. B. F. M. Aliæ linguâ, ut: R. S. T. D. Aliæ gutture, ut C. durum, Q. H. *Suaves* porro ac *sonoræ* habentur; L. P. T. *Suaves* sed *minus sonoræ* B. F. M. N. V. C. molle. Fortes, sed parum suaves Q. S. C. durum: L. omnium est *mollissima*, diminutivis & nutriculis apta. *Asperæ* R. X. H. Istæ hæc ut in speciem levia. nec tamen inutilia insinuisse saltem, & legisse juverit.

Quæ sunt verba grandiora? R. Ea, quæ sunt significantiora. 2. Superlativa. 3. Longiora, Significantiora, ut: non *furorem* dixero, sed *raptorem*, non *adulterum*; sed *expugnatorem pudicitiae*; non *sacrilegum*, sed *hostem Religionum & sacrorum*; non *ficarium*, sed *crudelissimum carnificem civium*. Item: Polluerat stupro *santissimas religiones*; senatus *Decreta sanctissima* perfregerat. Idem præstant Adjecta, seu Epitheta illustria, uti longè grandius erit: *Incredibilis*, ac prope *divina* togati Consulis virtus, ac *industria* singularis, fortissimum, ac *crudelissimum* civem Catilinam ex urbe expulit: quam si humiliter diceret:

60  
SOARII.

diceres: Ciceronis industria Catilinam urbe expulit. Item: Domuisti gentes numero *innumerabiles*, locis infinitas, virtute *invictas*.

*Superlativa* item granditatem addunt, ut: hic locus ad dicendum *ornatissimus*, ad agendum amplissimus; Item: poenæ de civium consceleratissimis sumptæ. Item uno tempore vita C. Rabirii hominis *miserrimi*, atque *innocentissimi* & salus Reipublicæ vestris suffragiis permittitur. Item ille se legatum Imperatoribus *clarissimis*, exercitibus *ornatissimis*, Provinciis *gravissimis*, dignum suis majoribus præstitit. Tertiæ Catilinariæ Periodus prima vide quàm gradibus verbis constet: *Reipublicam Quirites, vitamque omnium vestrum, bona, fortunas, conjuges liberosque vestros, atque hoc domicilium clarissimi Imperii, fortunatissimam pulcherrimamque Urbem hodierna die Deorum immortalium summo erga vos amore, laboribus, consiliis, periculisque meis ex flamma atque ferro, ac penè ex faucibus interitus ereptam, & vobis conservatam, atque restitutam videtis.* Synonymia item illustria non amplificant modò sed & ornant; ut: Erat id temporis *clarissimus, ac fortissimus Consul Lentulus inimicus Clodio, ultor sceleris illius, propugnator senatus, defensor vestræ voluntatis, patronus illius publici consensûs, restitutor salutis meæ.* Item. Tandem aliquando Catilinam, *fiurentem audaciam, scelus anhelantem, pestem patriæ nefariè molientem, ex urbe vel ejecimus, &c.* Item: quid enim Tubero tuus ille districtus in acie Pharsalica *gladius* agebat? cujus latus *mucro* ille petebat? quis sensus erat armorum tuorum? quæ tua mens? oculi? manus? ardor animi? Quid cupiebas? quid optabas: Quàm multa sunt idem significantia? *gladius, mucro, arma, sensus, mens, animus, petebat, cupiebat, optabat.*

*Longiora* item grandius sonant, ut: *Clementia,*  
quàm



## RHETORICÆ.

quàm lenitas. *Detrimentum*, q. damnum. *Occultare*, q. tegere. *Candidus*, q. albus, &c. Et composita præ simplicibus, ut: *Deservio* pro servio. *Procurare* q. curare. *Perplaceo* q. placeo. *Peracutus*, pro acutus. Cavendum tamen, ne dum passim ac sine discrimine grandimus gressum, tumescat magis, quàm crescat oratio. Vir gravis in re gravi, nonnisi iudicio utitur superlativis, quæ Tyroni promiscua sunt.

*Quæ verba sunt nitidiora?* R. Quæ è litteris suavius sonantibus constant: quædam naturâ honestiora sunt, ut: *Bos* quam *vacca*; *cloaca* quàm *latrina*. Quæ verò sine honoris præfatione nominare non licet, in oratione locum non habent. De novatis, inusitatis &c. vide Soarium, & ornatam Syntaxim.

Ad Caput VIII. *De Tropis.*

*Quid est Tropus?* R. Latine *Versio*, est Nominis aut verbi à propria significatione in alienam cum virtute, seu elegantia translatio. Quanquam quæ est latinæ linguæ egestas, quam plurima sunt translata, quæ propria quodammodo usu quotidiano videri possint, ut *incendi irâ* pro commoveri, &c. Duplices sunt Tropi: verborum & sententiarum. *Verborum* septem, Metaphora, Synecdoche, Motonymia, Antonomasia, Onomatopœja, Catachresis, Metalepsis. *Sententiarum* Quinque: Allegoria, Ironia, Periphrasis, Hyperbaton, Hyperbole, Quidam Metalepsin, Hyperbaton, numero Troperum excludunt, quòd nihil vertant: utrum sit, ad Elocutionem nihil facit.

Ad Caput IX. *De Metaphora,*

*Quid est Metaphora?* R. Est translatio Nominis ab una re, cui proprium est, ad rem aliam similem. Ut cum nomen *Vulpes*, bestię proprium, adhibetur ad significandum hominem fraudulentum, vel *leo* pro irato; *aries* pro hebetè: *tygris* pro crudeli; *Agnus* pro mansueto: *Asinus* pro pigro &c.

Hæc

## SOARII.

Hæc primò adhibita est necessitatis causa, ut cum hominem *durum*, asperum, scabrum, impositum, hispidum; &c. aut contra *mollem*, *tenerum*, *enervem*, *luxatum* animum dicimus, quia hujus affectionis in latina vix aliud nomen suppetit, ut (quod jamjam) qui latinæ sinus omnes excusserit, haud paulò plura aliena, quàm propria vocabula reperiat. Quid enim *abducere*, *abstrahere*, *avellere* animum aliò, *abire* à cæptis, *frangi*, *dilaniari*, *discerpi* dolore; *æsturare*, *ardere*, *incendi*, *deflagrare* amore; fortunis *exui*, *everti*, *nudari*, *orbati*, *gustavit*, *leviter tinctus* est Philosophiâ, pro discere incœpit; *diffuere*, *abrumperre*, *discindere amicitiam*, pro: amicus esse desiit. Percurre Phraséologiam totam, ac Florem latinitatis, & observes velim, paucas esse voces Nominum vel Verborum, quæ non translatum aliquem usum vel dicendi genus habeant.

*An significantior item est vox translata?* R. Certè. Majorem namque significationem habet: *labi errore*, quàm errare: *inflammari cupiditate*, quàm cupere; *contabescere mœrore*, quàm mœrere; *advolare*, pro appropere; *elimare librum*, pro emendare; *lenis clivus*, pro modico; *serena frons*, pro exporrecta; ingenium habere *in numerato*, pro: promptum; *lumen ingenii*, pro acumine; *flumen eloquentiæ*, pro deserto; *Columna Reipublicæ*, *propugnaculum libertatis*, pro fideli, ac forti Senatore &c. Sic quidquid in quoquo genere optimum est, vulgò *florem* dicimus, ut ætatis, consilii, senatûs, scholæ &c. Has verò translationes, [vulgò *Phrasium*, vel elegantiarum nomine donamus.

*Cur ita oblectat Metaphora?* R. Ob similitudinem, quæ rem aliquam non ut ipsa est tantum, sed velut in speculo, alienis tamen coloribus expressam longè vivaciùs repræsentat, cum una in voce duas intelligamus. Sic cum hominem consilii ambiguum *fluare*



## RHETORICÆ.

*Quare* dicimus, non illum duntaxat animi jam amplectentis, jam alternis fugientis motum, sed & maritimorum fluctuum aliàs altè tumentium, aliàs dehiscientium speciem effingimus, alterúmque in altero melius agnoscimus. Atque hæc causa est, quòd Metaphoræ Poëtarum, delectando scilicet prodessè volentium, veluti pr prius fundus sint, hic exultent liberè, hic ingenii sui pes ostendent ambitiosè, nec multa carmina hoc condimento non aspersa adnumerent.

*An & Oratori libertas est eadem, & Metaphorarum frequentia?* R. Minimè. Huic enim latine, propriè, perspicuè; variè, nec trivialiter eloqui satis est venustum. Qui in Poëticam illam messiem involarit, alienoque cultu comperit se, non minùs ridiculum faciet, ac si vir gravissimus ac Senatorius juvenili, ac propè fæmineo habitu publicum se dederit. Certè jam juveni mihi displicuit prima illa Oratoris tum eceleberrimi Periodus: *Nescio, quo novercantis fortunæ sydere afflatus me dicam Auditores;* Quid enim illa noverca, sydas, afflatus, sibi vult? Longè infra profani, nedum sacri pulpiti gravitatem sunt hæc deliciæ. Dicendum est ad persuadendum, non cantandum. Enata est hæc Eloquentiæ corruptela ex ignoratione veræ larinitatis, ac genuinæ masculæque elegantiae; quibus destituti ad adulterinas has gemmas nempe parabiliores, & passim obvias digressi sunt. Iis ergo utatur licet Orator, quas usu jam receptas, & veluti civitate donatas prope jam metaphoræ nomen exuisse meminimus. Quod si excitandi Auditoris causâ liberius quid dicendum fuerit, id timidè dicetur, nec sine præfatione aliqua *ut ita dicam: si fas est dicere; ut cum Poëtis loquar, &c.* Vel adhibitis particulis similitudinis, *quasi, quodammodo, instar, non secùs, perinde, ac, &c.*

*An exaruit jam hæc Metaphoristarum secta?* R.

Id

## SOARII.

Id quidem optandum foret; ut enim sapientiore jam palato sint homines, sunt tamen qui præbellos se & peringeniosos putant, cum Patrono gratulaturi, seu Calendas Januarias, seu Nominis diem faustum precaturi, non rosas tantum & lilia, sed Phœbum, Phosphorum, Irides, sydereas faces, Musas, Metempsychoses, Nestores &c. plenis modis effundunt. Quin ipsi Concionatorii, ac Precatorii libri, quam absurdis in ipsa fronte titulis horrent: *Paradisus Evangelica, Gazophylacium, Clavis Cæli, Phoenix, mons myrrhae, Cornu, Veredarium, Horologium, &c.* Id est: *Conciones in singulas anni Dominicas.* Ejusmodi amenitates meritò ridentur in exterorum Satyris. Compta est Rhetorica, sed ornatu honestæ matronæ, quæque sine metaphoricis his fucis seipsâ placere possit. Severiores Concionatores etiam in similibus afferendis præparci sunt.

*Unde ducitur Metaphora?* R. Ex eodem fonte, quo similitudo, nempe à re qualibet animata, non animata, à Divinis, cœlestibus, meteoris, elementaribus, lapidibus, metallis, plantis, animalibus, artefactis, humanis. Unde intelliges ei, qui è Philosophorum, Poëtarum, Historiarum lectione varia eruditione pectus impleverit, promptam affore ad rem quamvis vel metaphoram, vel quod præstat, similitudinem.

*Quæ Metaphoræ sunt vitiosæ?* R. 1. Ab re quapiam humiliore, abjecta, & fordida ductæ, ut: *Saxeæ mundi verrucæ* pro rupibus. Jupiter hyberna nive conspuat Alpes. Nec illa Tertulliani probatur, quæ diluvium generale mundi *lixivium* vocavit. Ita si Consulem dicas *aurigam* civitatis; Mare *offam Neptuni*; lætitiæ butyrum; Ingenii *vomerem*, Concionatorem *Sistrum Divini Spiritûs*.

2. Longè à re, audienti incognita petitiæ, ut *Syr-tis*, charybdis Patrimonii; notior enim foret vorago.

Sic



## RHETORICÆ.

Sic rurſi cavebis hominem inſabilem *Vertumn*, vel puellam laſcivam *Sirenem*, vel garrulum *Architæ crepitaculum* dicere. Niſi explices. non intelligere.

3. *Nimium diſſimiles*, ut: *ingentes cœli fornices*, ſphæricum cœlum cum fornice arcuata nihil habet ſimilitudinis. Tales erunt: *Corpus*, animæ *vagina*. Peroratio, *cauda* orationis: *Danubius* exundans, *Hydropicus*; culti mores, *arati*, *occati*, &c.

4. *Si immodica* & *Pœtica*, ut: *Meditantia* cœdem arma: volucres pennis *remigantes*; *Aquila* *Thyrienum equitans*. Et illud *Meœnatis*: Quid purius anne, ſilviſque ripâ *comantibus*? vide ut alveum *lintribus arent* &c. Hæc ſunt vulgaria *Metaphoræ* vitia; viſioſiſſima verò erit, ſi perfrequens, & in quamvis ferè *Periodum* intruſa fuerit.

Ad Caput XI. De *Synecdoche*.

**Q**uid eſt *Synecdoche*? R. Seu *intellectio* fit, cùm intelligitur *pars pro toto*, ut: *muero* pro *gladio*; *tectum* pro *domo*; *vela* pro *navibus*; *axis* pro *curru*; *anima* pro *homine*; *hœra* pro *tempore*.

2. *Vel ex toto pars*, ut: *Fontemque ignemque* ferebat; *Homo* ſepultus &c. Apud *Oratores* paucas hujus generis *Synecdochas* reperies.

3. *Vel ex uno plures*, ut: *Hostis* habet *muros*; *Romanus* prælio victor; *Phryx* plagis fit melior; *civis* tumultuator; *culmus* flaveſcit; *gutta* cavat *lapidem*; *miles* trepidat &c.

4. *Vel unus ex pluribus*. ut: *Aliquid viſi ſumus*. Adigit per *pectora* *ferrum*. *Nos* *DEI* gratiâ. *Ite vos*, pro *tu*.

5. *Ex genere Species*; ut: *Sabellicus* pro quovis ſue. *Umbes* pro quovis cane venatico. *Irus* pro paupere. *Cato* pro aſtiero; qui *Curios* ſimulant, pro *frugalibus*.

6. *Vel ex ſpecie genus*, ut: pro *Aquila ales*; pro *paricida interſector*.

7. *Ex*

## SOARII.

7. *Ex materia res*, ut: *ferrum* pro armis; *æs* pro tuba; *argentum* pro nummis; *buxus* pro fistula; *pinus* pro navi; sub *pellibus* hyemat, pro tentoriis.

8. *Vel ex antecedente Consequens*, ut: aratra de iugo suspensa referunt iuveni, pro *vespere*. Jam Hirundo redierat, *ver erat*. Nulla jam arboribus folia, *autumnus*. Hujus item tropi in oratoria minimus est, vel vitiosus usus.

### Ad Caput XII. De Metonymia.

**Q**uid est Metonymia? R. Idem ac Transnominatio. Tropus est, in quo r. vel causa pro effectu sumitur; ut: *Platonem* legi, pro Platonis libro; Bacchus amat colles: pro *vitis*; agnovit manum suam, *scripturam*: bilem mihi movit, *iram*: sudore suo vixit, *labore partis*. Linguam hominis vereor, *maledicentiam*; mortem bibit, *venenum*.

2. *Vel effectus pro causa*, ut: Scelus comprehensum, *sceleratus*; licentia, *seditio* compressa, *seditiosi*; victoria naturâ insolens, *victor*; corrugat frontem, *ægrè fert*; Æsopus meæ deliciæ, mihi *delicias faciens*.

3. *Continens pro contento*, ut *Urbs* bene morata, pro civibus; *Sæculum* felix; *Cælum* favebit: pro cœlestibus. *Roma* jubet, *Romani*. *Italia* testis est, *Itali*. Quid in divitum mensis *Sylvæ*, & *maria*, pisces ac feræ. *Vina* coronant scyphos, *Lugent municipia*, *municipes*, &c.

4. *Possessor pro re possessa*, ut: ardet *Ucalegon*, *Ucalegonis* domus. *Hannibal* ad portas, *Hannibalis* milites, *Ad te* ibam, ad tuam domum. *Amici eum* devorârunt, ejus fortunas. Pro *aris* & *focis*, civibus.

5. *Signum pro re significata*, ut: *toga* pro pace; *Sagum* pro bello, *Fasces* pro Consulatu; *Laurea* pro victoria; *Claves* quærit, pro Magistratu; *Inimica capiti Lilia*, *Gallia*; *Biceps Aquila*, divisum imperium.

Ad



## RHETORICÆ.

Ad Caput XIII. *De Antonomafia.*

**Q**uid est *Antonomafia*? *g.* Idem quod pronominationis; Tropus est, in quo pro vero nomine rei significatæ ponitur aliquid rei per excellentiam conveniens, ut: *Everfor Carthaginis*, Scipio. *Orator* vel *Romance eloquentiæ Princeps*, Cicero. *Philosophus*, Aristoteles, *Monstrorum domitor*, Hercules: *Romani conditor Imperii*, Augustus; *Europæ, Asiæq; fax* Helena; *Urbs, Roma*; *Crudelis Felix Sylla*; *Romæ terror* Hannibal, *Urbs æmula Romæ*, Carthago: *Facetiarum pater*, Plautus; *Princeps Apostolorum*, S. Petrus; *Christi Vicarius*, Papa, *Regius Vates*, David; *Lumen Africæ*, Augustinus; *Antonomastica* item sunt Epitheta quædam personis propria, ut: *Rex Catholicus Hispaniæ*, *Christianissimus Franciæ: Apostolicus Ungariæ. Lacteus Historicus*, Livius; *Doctor melleus*, Bernardus; *Angelicus*, S. Thomas: *Subtilis*, Scotus; *Seraphicus*, Bonaventura, cæterum an Tropi nomen mereatur *Antonomafia*, & ut ab aliis differat, Logici disceptent, Rhetoris nihil interest.

Ad Caput XIV. *De Onomatopœja.*

**Q**uid est *Onomatopœja*? *g.* Fictio nominis, imitantis sonum rei naturalis; Græcis pro virtute est, Latinis vix toleratur. & inter barbarissimos relegatur; ut si dicas Nestorem *trifaclem*, Senem, vel templi fugam, legirupam, mendaci-loquum, crumenifecam &c. quorum plaustra apud Plautum & Comicos, nempe ad risum captandum invenies. Linguae tamen inventores plurima sonum imitantia invexere; ut: sibilus, susurrus, ronchus, ructus, ejulo, fremo, frendeo, strepo, cachinnor, &c. Tales sunt animalium voces, ut: rugitus, hinnitus, boatus, balatus, mugitus, barritus, latratus, grūnnitus, vagitus, murmur, clangor, crocitatio, tinnitus, bombilatio, &c.

*In vernacula nostra Germanica Onomatopœja non locus*

## SOARII.

secus ac in Græca pro singulari ornamento sermo-  
nis habetur. Uti radicum multitudine, Derivatorum,  
ac Compositorum ubertate admiranda, non Græcam  
tantum, sed omnes orbis linguas ( si Arabicam for-  
tasse excipias ) longè superat; ita minimè decebit, in-  
cipientem Ecclesiasten è Schotelii Grammatica ejus  
sibi facultatem aliquam comparare. Judicio tamen  
opus; & discrimine, ne nova ejusmodi derivata aut  
composita crebrius aut liberius adhibita affectationis  
suspicionem ingerant, aut prudentiæ existimationem  
adimant Oratori, ut qui in re omnium gravissima,  
nescio quò verbulorum lenociniò, vel oblectare ve-  
lit auditorem, vel semet venditare.

Ad Caput XIV. & XV.

*De Catachresi & Metalepsi.*

**Q**uid est *Catachresis*? *γ.* *Abusio*, quâ verbò simi-  
li, vel propinquo utimur pro certo & proprio.  
Ut vires hominis *breves*, pro exiguæ. *Longum* con-  
filium, longè prospiciens. *Gravis* oratio, sensata; E-  
quum *œdificant*, fabricant. *Perlegere* picturam, per-  
spicere. Ridendum se *propinat*, offert. Auribus  
*haurire*, vel oculis, pro percipere. *Devorabit* eos  
ignis, pro consumet. *Virgo* vir, castus. *Mollis* o-  
ratio, lenis. Res magni *ponderis*, momenti, &c. In-  
finitæ sunt ejusmodi Catachreticæ locutiones, qui-  
bus perinde, ut familiaribus Metaphoris, penuriam  
suam supplet Latina.

*Quid est Metalepsis*? *γ.* *Transumptio*, quâ ex u-  
na voce gradatim ad aliud intelligendum acceditur.  
Tropus adeò levis ( si Tropus est ) ut unicum è Pœ-  
ta exemplum vulgò aggeratur: *Post aliquot mea re-  
gna videns, mirabor aristas.* Ex aristis spicas, ex  
his segetes, & annos intelligimus. Quamquam non-  
nulli de hujus carminis sententia disputent.

*De*



## RHETORICÆ.

De Tropis Sententiarum.

Ad Caput XVII. De Allegoria.

**Q**uæ sunt figuræ Sententiarum? *ꝛ.* Quidam nulum agnoscunt Tropum in sententiis; Allegoriam esse Metaphoram continuatam; Ironiæ inter figuras locum esse; Periphrasim amplificationem ab Adjunctis; Hyperbaton, Collocationis & Numeri virtutem; Hyperbolen comparationem audaciorem esse. Hujus quidquid sit, Soarii, quosque ille sectatus est plurimos, vestigiis insistemus.

*Quid est Allegoria? ꝛ. Inversio,* seu Metaphora continuata. Illa fit verbò unò, ut cum hominem innocentem *ovem* dicimus; cui si plura de lana, balatu, fugacitate, luporum insidiis &c. adjunxeris, in Allegoriam migrabit. Elegans est illa Ciceronis de Comitiorum alternis: *Quod fretum, quem Euripum, tot motus, tamque varias habere creditis agitationes commutationes, fluctus, quantas perturbationes, & quantos æstus habet ratio Comitiorum?* Observa in eadem Allegoria illustre exemplum copiosæ Synonymiæ: *fretum, Euripum, agitationes, motus, fluctus perturbatio, æstus.* Eandem à mari Allegoriam pleniorē habet in Pisonem: *Neque tam fui timidus, ut qui in maximis turbinibus, ac fluctibus, Reipublicæ navem gubernassem, salvamque in portu collocassem, frontis tuæ nubeculam, aut collegæ tui contaminatum spiritum perhorrescerem.* Alios ego vidi ventos, alias prospexi animò procellas, altis impendentibus tempestatibus non cessi, sed unum me pro omnium salute obtuli. Talis & illa est pro Quintio querentis, sibi ad defensionem tempus eripi: *Ita fit, ut ego, qui tela depellere, & vulneribus mederi debeam, tum id facere cogar, cum etiam telum adversarius nullum jecerit, illis autem id tempus impugnandi detur, cum & vitando illorum impetus potestas adempta nobis erit, & si qua in re, quod parati sunt facere,*

## SOARII,

*rere, falsum crimen, quasi venenatum telum jecerint, medicinae faciendae locus non erit. Breviores sunt illae: Virtus est una altissimis defixa radicibus, quae nunquam dimoveri loco, nunquam vi labefactari potest. Item: Tardi ingenii est, rivulos consectari, fontes rerum non videre.*

*An frequens est Allegoriae usus? R.* Breves & opportunè adhibitæ, commendationem merentur; longiores quales in allatis exemplis, apud Ciceronem, & ejus sequaces, rarissimæ sunt; qui easdem per totam orationem circumducunt, sine ullo veterum exemplo faciunt; nec ab ingenio se commendant id quod Soarius annotavit: *Allegoria parvis quoque ingeniis, & quotidiano sermoni sæpissimè servit.* An enim acuti Oratoris est, nihil simpliciter dicere, nihil non coloratum, & Allegoriarum integumentis involutum? hoc est in magna rerum jejunitate, pigmentis se efferre.

Poëtis contra in hos campos exspatiandi summa potestas. Cuipiam Rhetorices Præceptorum non ignobili, Virgilianæ Eclogæ omnes Allegoricæ videntur. In prima sub persona Tytiri & Melibœi amicos *Sapientem & Stultum de vita beata disputantes intelligit.* In secunda sub schemate Corydonis Alexin amantis, *animam & corpus* designari putat. In tertia, Damætam esse *Carnem*, Menalcam *Spiritum*, Palæmonem *Rationem*. In quarta laudes venturi mox Messiae cantari. In octava Damon, *Dæmones* repræsentat cælo expulsos, Alphesibœus verò *beatos Spiritus*. Ego ut rem quamlibet rei cuilibet, aliqua saltem ratione similem, ac quidlibet ad quodlibet trahi posse concedam, an hæc tamen fuerit Maronis sententia, nolo mei judicii esse.

*Quid vitandum in Allegoria? R.* Ne aliò, quàm caperit, translationis genere finiat, nec dicatur: Hostilis invidiæ incendiò deflagravi, iisque demum fluctibus



## RHETORICÆ.

Ætibus planè demersus sum, pro *flammis absumptus*.

Ad Caput XVIII. usque ad XXII.

*De Ironia, Periphrasi, Hyperbato, & Hyperbole.*

**Q**uid est *Ironia*? R. Idem ac *Illusio*, vel *Irrisio* est, quæ non aliud tantum verbis, sed plane contrarium ostendit, quod tamen vel è pronuntiatione vel voce ac gestu, vel rei naturâ cognosci potest. Ut; *En scitum hominem, & urbanum, delicias meras, & leporem*, de rustico & importuno. *O virum strenuum!* ô columen exercitûs nostri, quem nullus unquam hostis viderit &c. de timido, ac fugaci. *Quid hoc homine sanctius? quid diligentius?* Cicero de Verre. *Integritas, credo, te tua purgavit, pudor eripuit, vita anteaacta servavit.* Idem de impudentissimo Clodio. *Ironiâ* usus est Elias in pugna illa adversus falsos Baalis sacerdotes: *Illudebat illis dicens: Clamate voce majori---forsitan loquitur, aut in diverforio, aut in itinere, aut certe dormit, ut excitetur.* Quin DEUS ipse: *Ecce Adam, quasi unus ex nobis factus est, sciens bonum & malum.*

*Quid est Periphrasis?* R. *Circumlocutio*, qua pluribus verbis dicitur, quod paucioribus poterat; ut: *Tempus erat, quo prima quies mortalibus ægris incipit, & dono Divûm gratissima serpit, & jam summa procul villarum culmina fumant, majoresque cadunt de montibus umbræ.* pro *Vespere*. Tropus hic Poëtis familiarior, qui descriptionibus gaudent, mirumque quâ Periphraseon varietate Solem orientem, medium, cadentem, noctem, ver, &c. Homerus, Virgilius, cæterique describant; quod Oratori magno vitio verteretur. Nihil enim inani fermocinatione, quam Perissiologiam vocant, odiosius.

*Quid est Hyperbaton?* R. *Transgressio*, quæ Numeri vel Consonantiæ causâ naturalem verborum ordinem perturbat. Ut cum præpositio, vel conjunctio

## SOARII.

Etio postponitur: *Hæc cum nostris in ædibus dixisset.* Ad conciliandum orationi numerum perpetuus est & necessarius hujus trajectionis usus; quæ adeo inter elegantias Collocationis melius relegaretur.

*Quid est Hyperbole?* R. Superjectio rem ultravermum extollens, vel minuens, ut: Homo plumâ levior, Apolline formosior. Sidera feriebat clamor. Plura bella gessit Pompejus, quàm cæteri legerunt. Fluctus sydera lambens, post imum revolutus in orcum. Ultra Sauromatas fugere hinc lubet. Hominis adumbratio. Mons carneus. Oceanus tot res tam citò absorbere non potuisset, ac hujus ingluvies &c. In his tamen modus tenendus, semperque cogitandum Oratori: se pro rostris dicere, Poëtam in scena canere.

Ad Caput XXIII.

*De Figuris.*

*Quid est Figura?* R. Confirmatio quædam verborum & sententiarum, à communi loquendi ratione remota, differtque à Tropo, quod propriis verbis uti possit, non item Tropus. Quanquam si translatis utare, in eadem sententia & Tropus erit, & Figura. Sic vulgaris esset sermo, si dicas: *Nolo hic morari; frustra tempus tero, aliorum ludibriis expositus hæreo.* Figuratus erit, si per Repetitionem & Interrogationem dicas: *Quid hic morer? quid frustra tempus teram? quid aliorum ludibriis expositus hæream?*

*Quotuplices sunt Figuræ?* R. Duplices, *Verborum & Sententiarum* in hoc diversæ, quòd in iis, si verba mutâris, figura tollitur; in his verò permanet, quibuscunque verbis utaris, v. g. *interroges, exclames, alloquaris* &c. Figuræ porro Verborum item triplicis generis sunt, nam quædam sunt *Adjectione*, dum aliquid vulgari modo loquendi additur v. g. ejusdem vocis repetitione. 2. *Detractione*, cum ali-



## RHETORICÆ.

liquid præter communis locutionis usum omittitur. 3. *Similitudine* vocum.

Figure per *Adjectionem* sunt novem: Repetitio, Conversio, Complexio, Conduplicatio, Traductio, Polypoton, Synonymia, Polyfindeton & Gradatio.

Per *Detractionem* quinque: Synecdoche, Dissolutio, Adjunctio, Disjunctio, Synœciosis.

Per *Similitudinem vocum* Octo: Anomimatio, similiter cadens; similiter definens, Compar, Anthytheon, Commutatio, Correctio, Dubitatio.

### Ad Caput XXVI.

*De Figuris Verborum, quæ sunt per Adjectionem.*

**R**epetitio est Figura, quâ ab eadem voce sæpius inchoatur oratio, ut in Catilinam: Nihil te nocturnum præsidium palatii? nihil consensus bonorum omnium? nihil horum ora, vultusque moverunt? Non feram, non patiar: non sinam. Quintilianus: Quid hæc maturitas tanta? quid hæc festinatio? quid hæc amentia vult? non vim, non scelus, non latrocinium? &c. Pro Manilia: Agitur populi R. gloria, agitur salus sociorum &c. Cicero: quid tam populare, quàm Pax--- quid tam populare, quàm libertas--- quid tam populare, quàm otium? Duplex Repetitio est pro Roscio: Accusant ii; qui in fortunas ejus invaserunt; causam dicitis, cui præter calamitatem nihil relinquunt: Accusant ii, quibus occidi patrem Roscium bonum fuit; causam dicit is, cui ad ductum, egestatem etiam summam intulit: Accusant ii &c. Isthac Figurâ acrior fit, seu ad laudandum, seu vituperandum oratio.

*Conversio* est Figura Repetitioni opposita, quæ sæpius in idem vocabulum definit: ut: *Doletis tres exercitus Romanos interfectos? interfecit Antonius. Desideratis clarissimos Viros? eos quoque vobis eripuit Antonius, Autoritas hujus ordinis afflicta est?*

## SOARII.

*est? Afflixit Antonius. Pro Milone: Quis eos postulavit? Appius. Quis produxit? Appius. Unde? ab Appio. Ad Herennium: Populus Rom. Pœnos iustitiâ vicit: armis vicit; liberalitate vicit. Idem: concordia de civitate sublata est; fides sublata est; amicitia sublata est. In Vatinius: audire à te cupio, quare cum ego legem ex Senatûs-Consulto tulerim, sine vi tulerim; salvis auspiciis tulerim; salvâ lege Ælia, & Fusâ tulerim; tu eam esse legem non putes?*

*Complexio est Figura, quæ Repetitionem simul & Conversionem complectitur, hoc est eadem voce incipit, & definit, ut pro lege Agraria; Quis legem tulit? Rullus. Quis majorem partem populi suffragiis privavit? Rullus. Quis Comitibus præfuit? Rullus. Ad Herennium: Qui fœdera rupere? Carthaginenses. Qui crudele bellum in Italiâ gessere? Carthaginenses. Qui sibi ignosci postulant? Carthaginenses. Ibidem: Quem Senatus damnârit; quem Populus Rom. damnârit: Quem omnium existimatio damnârit, eum vos absolvetis?*

*Conduplicatio Figura est, quæ idem verbum, vel in principio orationis. Ut: Vivis, & vivis non ad deponendam, sed ad confirmandam audaciam. In Catilinam: Excitate, excitate eum, si potestis, ab inferis. Vel in medio, ut: Etiam audes in horum conspectum venire patriæ proditor? proditor, inquam, patriæ in horum conspectum audes venire? Vel in fine, ut: Vidimus tuam victoriam præliorum exitu terminatam; gladium vaginâ vacuum in urbe non vidimus. Pro Sextio: Ademit Albino Soceri nomen mors filiae; sed charitatem illius necessitudinis & benevolentiam non ademit. Philippica. 2. Sustulit illum diem fortuna populi Rom. num etiam tuum de auspiciis judicium, interitus Cæsaris sustulit?*

*Traductio est variata Casibus, Generibus, Modis, Temporibus ejusdem vocis repetitio, ut: Eum tu ho-*



## RHETORICÆ.

minem appellas, qui si fuisset homo, nunquam tam crudeliter vitam hominis petiisset. At erat inimicus? ergo inimicum sic ulcisci voluit, ut ipse sibi reperiretur inimicus? Ad Herennium: Divitias sine divitum esse: tu verò virtutem præfer divitiis. Nam si voles divitias cum virtute comparare, vix satis idoneæ tibi divitiæ videbuntur, quæ virtutis pedisequæ sint.

Synonymia est verborum propè idem significantium coacervatio, ut: Perge quò cæpisti *Catilina*, patient portæ, Proficiscere. Ibidem: *Abiit, excessit, erupit, evasit.* Philippica 2. Tu illam domum ingredi ausus es? illud sanctissimum limen intrare? Tu illarum ædium Diis Penatibus os illud importunissimum ostendere? In Pisonem: Tuus ille vultus, quibus erat ignotus decepit, fefellit, induxit. Pro Milone: An verò soli ignoratis? vos hospites in hac urbe versamini? vestræ peregrinantur aures? neque in hoc pervagato civitatis rumore versantur? In Catilnarias: Nam totius urbis templis, delubris, tectis, ac mœnibus subiectos propè jam ignes, circumdatosque restrinximus; gladios in Rempublicam districtos retulimus, mucronesque eorum à jugulis vestris resecimus.

Polyindeton est Figura Conjunctionibus abundans, ut: Et justitiâ, & temperantiâ, & liberalitate, & cæterarum virtutum laude floruit. Tales Conjunctiones sunt: Et, que, nec, neque, vel, aut, tum, partim, quâ, seu, sive, In Verrem: Neque privati, neque publici, neque profani, neque sacri quidquam reliquit in Sicilia.

Gradatio est Figura, quæ non prius ad consequens verbum descendit, quàm aliquod præcedens repetat, & per illud, quasi per gradum procedat. Ut: In urbe luxuries creatur, ex luxuria avaritia existat necesse est, ex avaritia erumpat audacia, ex audacia

*scelera*

## SOARII.

*scelera omnia ac maleficia gignuntur.* Pro Milone: *Neque verò se populo solum, sed & Senatui, nec Senatui modò, sed publicis præsidiis, neque his solum, sed etiam Pompeij potestati se permisit.* Pro Quintio: *Si quid debuisset Quintius, petisset statim; si non statim, paulò quidem post; si non paulò, at aliquando; sex quidem illis mensibus profectò.*

*Quid in his Figuris observandum?* &c. Ne sæpiùs adhibeantur: præsertim illæ, quæ frequentiore usu viluere; nec per vim intrudantur. Harum enim pleræque affectatam habent, & nimis apertam artem, nec à magnis Scriptoribus usurpantur, nisi è re ipsa velut nativo solo efflorescant.

Ad Caput XXVII:

*De Figuris Verborum, quæ fiunt per Detractionem.*

**S***ynecdoche vel Dissolutio, est Figura, quæ demptis Conjunctionibus plura dissolutè dicuntur, & opponitur Polyfindeto. Ut: Ejus virtuti, fidei, felicitati commendata est Gallia.* Pro Archia: *Hæc studia adolescentiam alunt; senectutem oblectant, secundas res ornant, adversis perfugium præbent, delectant domi, non impediunt foris, pernoctant nobiscum, peregrinantur, rusticantur.* Item: *Frons oculi, vultus, &c.* In affectibus acrimoniam habet.

*Adjunctio est Figura, quæ ad unum verbum primo, aut postremo loco positum, plura incisa referuntur, quorum quodlibet id desideraret, si solum positum esset, ut: Non eum avaritia ab instituto cursu ad prædæ aliquam revocavit, non libido ad voluptatem, non amœnitas ad delectationem, non nobilitas urbis ad cognitionem; non denique labor ipse ad quietem. In quo vis inciso intelligitur: revocavit.* Pro Marcello: *Nihil sibi ex ista laude Centurio, nihil Præfectus, nihil turma decerpit.* Ad Brutum: *Quid tam commune, quàm spiritus vivis? terra mortuis, mare fluctuantibus, litus ejectis.*

Dis-



## RHETORICÆ.

*Disjunctio.* Figura est Adjunctioni opposita, in qua singulis brevibus sententiis, singula verba subiunguntur; cum unico omnia includi possent. Ut pro Archia: *Nullo unquam tempore me à studiis aut commodum, aut otium abstraxit; aut voluptas avocavit, vel denique somnus retardavit.* Sic: *Populus R. Numantiam delevit, Carthaginem fustulit, Corinthum solo æquavit. Homerum Colophonii civem dicunt suum, Chii suum vendicant, Salaminii repetunt, Sityrnœi suum esse confirmant. Neque verò Marius triumphum detrectavit, nec Pompejus aspernatus est, nec Æmilius rejecit.*

*Synecdoche* quatenus Figura est, idem est, ac reticentia unius verbi, quod ex aliis facile intelligitur. Haud multum abest ab Ecclipsi Syntactica. Ut: *Vix domo excesserat, mœrere servi, lugere filii, &c.* Intellig. *cæpère.* Sed vos qui tandem? Intell. *estis?* Item: *Tantam rem tam negligenter agere?* subintell. *deceat?* Tu id mihi oggerere? Intell. *audes?*

*Synæciosis* est Figura, quæ duas res inter se diversas conjungit unico verbo, quod in altero, ubi deest, vel æquivalens subauditur, ut: *Tam deest avaro, quod habet, quàm quod non habet.* Subintell. *ipsi deest.* Item: *Non possum tecum vivere, nec sine te.* Item: *Nunquam minus otiosus fuit, ac cum otiosus.* Item: *Tantum tibi prodest tempus, quod vixisti, quàm quod non vixisti.*

### Ad Caput XXVIII.

*De Figuris Verborum per Similitudinem.*

**P***Aronomasia*, seu *Annominatio* est Figura, quæ paululum immutata verba & deflexa in oratione ponuntur. Fit autem 1. vel adjectione litterarum, vel syllabarum. Ut in calamitosa *fama*, quasi in aliqua perniciofa *flamma*. *Mero*, non *Homero* dat operam. *Ni te moveant* verba, verbera expecta. *Non libris, sed liberis studet.* 2. Detractione, ut:

Non

## SOARII.

Non exigo, ut *immoriare* legationi, sed *immorare*. More *facit*; non amore. Sacerdotium *petit*? imò otium. Caulæ *aptior*, quàm aulæ. Helena *innuptis* juncta *nuptiis*. Innumeri numeri *cum* Plauto *mortui*. 3. Commutatione, ut. *Reprimendus* est, non *opprimendus*. Non *emissus* ex urbe, sed *immissus* in urbem. Tarda *gratia ingrata* est. De hujus *urbis*, atque adeò *orbis exitio* cogitat. Non tam *Prætor* quàm *prædo* Siciliæ. *A rastris* ad castra. *Divus* sit, dummodò ne *vivus*. Hos Judices magis *fames* commovet, quàm *fama*. Ejus magister ex *Oratore Arator* factus est. Non modò *vincere*, sed *vincire* oportet. 4. Transpositione litterarum, ut: *Parvo* est animo, ne dicam *pravo*. *Roma* votorum tuorum *mora*. *Vanus* magis quàm *navus*. Non ero *laudator*, ne sim *adulator*. Huc pertinent *Anagrammata*, quæ multis in deliciis sunt. Cæterum hâc figurâ gravissimi Oratores rarissimè, levissimi intemperantissimè utuntur; curti ingenii argumentum est, his ludis oblectare, aut placere velle.

*Similiter cadens* est Figura, quâ vel Nomina in eodem casus, vel verba in eadem tempora in principio, fine, vel medio cadunt, ut: *Quantâ* innocentia debent esse Imperatores? *quanta* omnibus in rebus temperantia? *quantò* ingenio? *quantâ* humanitate? Viden quinque Ablativos. Pro Archia: *Hunc* ego non diligam, non admirer, non defendendum putem? In Rullum: *Contemni* populi Rom. majestatem, *vexari* Rempublicam, *deludi* vos metipsos *patiemi*ni? Item: *Solicita* civitas suspitione, *suspensa* metu *perturbata* vestris concionibus, &c. Pro Marcello: *cum* bis, *nec* contentionum magnitudine, *nec* numero præliorum, *nec* varietate regionum, *nec* celeritate conficiendi, *nec* dissimilitudine bellorum posse conferr.

*Similiter desinens* est Figura, in qua plura membra



## RHETORICÆ.

bra definunt in Verba, Nomina, vel Adverbia similem exitum ultimarum syllabarum habentia, ut: *Cum ejus semper voluntatibus non modò cives assenserint. socii obtemperârint; hostes obedierint, sed etiam venti, tempestatesque obsecundârint, &c.* Quo in exemplo Synonimiæ, similiter cadentis, & desinentis figuras junctas habes. Item *Non est ejusdem, facere fortiter, & vivere turpiter.* Habet hæc Figura aliquid Rhythmo affine.

*Compar, seu Isocolon* est Figura, quâ orationis membra singula pari fere syllabarum numero constant, ut? *Tantum bellum Pompejus. extrema hyeme apparuit, ineunte verè suscepit; media æstate consecit.* Item: *Cum tristibus severè, cum remissis jucundè, cum senibus graviter; cum juventute comiter, cum facinorosis audacter.* Item: *Hoc sentire prudentiæ est, facere fortitudinis; & sentire & facere, perfectæ, cumulatoeque virtutis.* Pro Sylla: *Qui Consul insidias Reipublicæ consiliò investigasset, veritate aperuisset, magnitudine animi vindicasset.*

*Contrapositum, vel Anthitheton* est Figura, quâ singula singulis contraponuntur, ut: vicit pudorem libido, timorem audacia, rationem amentia. Item: cedam armatis inermis, innocens nocentibus, privatus furibundo magistratui. Catilin. *Ex hac parte pugnat pudor, illinc petulantia; hinc pudicitia, illinc stuprum: hinc honestas, illinc turpitudine, hinc continentia, illinc libido; denique æquitas, temperantia, fortitudo, prudentia, virtutes omnes certant cum iniquitate, cum luxuria, cum ignavia; cum temeritate, cum vitiis omnibus; postremò copia cum egestate, bona ratio cum perdita, mens sana cum amentia, bona denique spes, cum omnium rerum desperatione confligit.*

Illustris est hæc Figura, si suaptè & è re nata proveniat, nec studio accersita appareat. Præmonstratos ungues & juventutem indicat, si quarta quavis Perio-

## SOARIK.

do redeant anthitheta. Quo est acrior, hoc temperantius est tractanda.

*Commutatio* est figura, quâ duæ sententiæ inter se discrepantes, ita efferuntur, ut à priore posterior, priori contraria nascatur, ut: *Non vivo, ut edam, sed ut vivam, edo.* Pro Cluentio: *Cæteri propter liberos pecuniæ cupidiores solent esse, hic propter pecuniam amittere liberos, jucundum esse duxit.* Item: *Quis arbitretur tantum bellum, aut ab omnibus Imperatoribus uno anno, aut omnibus annis ab uno confici posse?* item; has partes æquiores existimo, non quia iis me addixi, sed addixi, quia æquiores censeo. Item: Rectè quidam dixit, magistratum esse legem loquentem, legem verò magistratum mutum. Item: Cum non fiant, quæ volumus, velimus quæ fiant. Item: Amato, ut odia habiturus; oderis ut amaturus. Item: Ut & sine invidia culpa plectatur, & sine culpa invidia puniatur. Item: Vivit Christianus ut aliquando moriturus, moritur, ut semper victurus. Item: Mali ad hoc utuntur DEO, ut fruantur mundo; boni ad hoc utuntur Mundo, ut fruantur DEO.

De Correctione, & Dubitatione in Figuris Sententiarum agetur.

### Ad Caput XXX.

#### De Figuris Sententiarum.

**Q**uot sunt Figuræ Sententiarum? R. Soarius viginti quinque statuit, quanquam alii plures, pauciores alii afferunt. Harum aliæ ad docendum, aliæ ad movendum, aliæ ad delectandum magis valent. Sunt autem: Interrogatio, Responso, Subjectio, Occupatio, Correctio, Dubitatio, Communicatio, Prosopopœja, Apostrophe, Hypotyposis, Apostrophe, Ethopœja, Emphasis, Sufsentatio, Prætermissio, Licentia, Concessio, Interruptio, Ironia, Distributio, Permissio, Deprecatio, Execratio, Epiphonema, Exclamatio.

Inter-



## RHETORICÆ.

*Interrogatio* est Figura, quâ Orator non seiscitandi causâ, ut sit in sermone vulgari, sed alterius rei gratiâ se, Adversarium, Auditores interrogat, ad aliquem motum excitandum. Fit variis modis: 1. vehementius instando: *Quousque abutere Catilina patientiâ nostra? Quamdiu nos etiam furor iste tuus eludet?* Haud dubiè vehementius est, quàm si dixisset: *Diu jam patientiâ nostra abusus es* &c. 2. Interrogando aliquid, quod negari non potest. Ut ibidem: *Quoties tibi jam ex manibus exorta est sica ista?* 3. Vel cum respondere difficile est, ut: *Stipulatus es? ubi? quo tempore? quo præsente?* 4. Ad ciendam miserationem ut pro Milone: *Ubi nunc Senatus est, quem secuti sumus? ubi Equites Rom. illi, illi inquam tui? ubi studia municipiorum? ubi voces Italiæ? ubi tua M. Tullii vox? & defensio? nihiline illa solâ nihil potest opitulari?* 5. Indignationem item exprimit, ut: *Quid primum querar? aut unde potissimum exordiar? aut quod, aut à quibus auxilium petam?* 6. Se ipsum, vel alios alloquendo, ut: *Quid agam Judices? quò occasionis mee rationem conferam? quò me vertam?* Nulla Figurarum Ciceroni ac Oratoribus hâc frequentior est, vel minus affectationis habet.

*Responsio* non est Figura Interrogationi opposita, sed quâ unum interroganti, aliud, quod utilius sit respondetur, ad rem augendam, vel minuendam, Ut: *An ab eo vapulasti? & innocens quidem. An hominem occidit? latronem & hostem patriæ. Obsecundavit monenti? convitiis. & tantum non pugnis impetiit. Laudem eâ re te meritorium credebas? verberibus digna erat. Exhæredare filium volebat? ornatisimum cupiebat. Ego à te salutem vel auxilium sperem? Ne restem quidem, quò me suspendam.*

*Subiectio* Figura est, quâ Orator vel interrogat seipsum, & respondet sibi: vel alium, cujus responso non

70  
SOARII.

non expectato aliquid de suo addit ut: *Quid putem?*  
*contemptumne me?* Non video, nec in vita, nec in  
*gratia* &c. quid despiciere possit. *An in Senatu mi-*  
*hi facillimè detrahi posse credidit?* qui ordo mihi, &c.  
*An decertare mecum voluit contentione dicendi?* hoc  
 quidem beneficium est &c. De Haruspicum Responsis:  
*Tu meam domum religiosam facere potuisti?* quid men-  
 te? quid invaseras. *Quid manu?* quid disturbaveras.  
*Quid voce?* quid incendi jusseras. *Quid lege?* quam  
 in illa tua importunitate tunc scripseras, Pro Roscio:  
*Quæ tanta fuere vitia in filio unico, ut patri displi-*  
*ceret?* At perspicuum est, nullum fuisse. Pater igi-  
 tur amens, qui sine causa odisset, quem procrederat?  
 At is quidem omnium fuit constantissimus. Nervo-  
 sa est Figura, ad urgendum, suadendum, vel dis-  
 suadendum.

*Anteoccupatio* seu Prolepsis, vel Præsumptio. est  
 figura, quâ Orator id occupat, seu dicendo prævenit,  
 quod obijci posse prævidet. Ut: *Quid agam Judi-*  
*ces?* ad omnes enim meos impetus quasi murus quidam,  
 boni Imperatoris nomen apponetur. Video, ubi se  
 jactaturus sit Hortensius; belli pericula, penuriam bo-  
 norum Imperatorum commemorabit, verum &c. In-  
 de diluit hoc argumentum, quod Verri Judices con-  
 ciliare poterat. Item: Pro Quintio: *Non id dico*  
*C. Aquili, quod mihi in dubium veniat fides tua, &*  
*Constantia, quid ergo est?* magnitudo periculi &c.  
 Pro Roscio, Credo ego vos mirari Judices, quod  
 cum tot summi Oratores &c. In Verrina: *Si quis*  
*vestrum fortè miratur, me, qui tot annis in causis ita*  
*versatus sum, ut defenderim multos, læserim nemi-*  
*nem, &c.* Pro Cælio: *Dicet aliquis: hæc est igitur*  
*tua disciplina?* sic instituis adolescentes? &c. Uti  
 frequens est, & in singulis ferè principalibus argu-  
 mentis hæc figura, ita aliis atque aliis coloribus ver-  
 borum & formulis tegenda est, ut sunt Tullianæ va-  
 riæ.



# RHETORICÆ.

riæ: *Forſitan quæretis. Forte dicet quis. Etiam dicere audebis. Ac etiam ſunt, qui dicant. Sed quæ exaudio, diſſimulare non poſſum. At ne quis à nobis. Reprehendo igitur? minimè verò. Neque enim. Non dubito, cogitatuſque quorſdam. Jam ne quis hæceat, id addo &c.*

*Correſſio eſt Figura, quæ dictam jam ſententiam, vel verbum, alio magis idoneo corrigit. Ut: Qui ſummis opibus Nævium defendunt, ſi id eſt defendere, cupiditati alterius obtemperare. Pro Dejotaro: Quis Dejotaro conſideratior, quis prudentior? quamquam hoc loco non tam ingenio & prudentia, quam fide & religione defendendum putem. Item: Ego ſemper omni officio, vel pietate potiùs patrem colui. Item: Stuporem hominis, ne dicam pecudis attendite. Item: Quæ in hac domo convivia? ſi domus hæc habenda eſt potiùs, quam officina vitiorum, diverſorium flagitiorum omnium? Item: Civis hic, ſi civis dici meretur? Item: Conſul, patriæ proditorem meliùs nominâſſem. Philippica 3. C. Cæſar adoleſcens firmiſſimum exercitum veteranorum militum comparavit, patrimonium ſuum effudit, quanquam non ſumus uſi eò verbò, quò decuit: non enim effudit, ſed in ſalute Reipub. collocavit. Item: Tu exercitationis cauſa in villa declamaſti. Quamquam tu quidem, ut familiariſſimi tui diſſitant, vini exhalandi, non ingenii exercitandi cauſa declamitaſ.*

*Dubitatio eſt Figura, quâ Orator quærit, quid poſſiſſimum è pluribus dicat, agatve: & ſingula quodammodo reſellit, ut: Quid agam Judices? ſi taceo, me reum exiſtimabitis; ſi loquor, mendacem. Pro Quintio: Si cauſa à te per ſummam fraudem acta eſt, quo te nomine appellem? Improbum? at etſi &c. num maliſioſum? non negas: fraudulentum? id arrogas tibi, & præclarum putas; audacem, cupidum, perfidioſum? vulgaria hæc & obſoleta ſunt. Item:*

*Amo-*

## SOARII.

*Amorem quidam studium; alii morbum, nonnulli insaniam vocant, ego quo nomine appellem, nescio. Nam &c. In Verrem: Ad quem confugient socii si vos deseritis? Ad Senatum venient ii, qui de Verre supplicium sumant? Non est usitatum. Ad populum Rom. confugient? facilis est causa populi. Scipio apud Livium: Quo vos nomine appellem? Cives? qui a patria vestra descivistis. An milites? qui imperium, auspiciūque abnuistis. Sacratos? qui religionem rupistis. Hostes? corpora, ora, vestitum civium agnosco: facta, dicta, consilia hostium video. Illustris est locus in Verrem: Unum hoc crimen est & pecuniarum captarum, nam &c. Est peculatus quia -- Est majestatis, quod -- Est sceleris, etenim -- Est crudelitatis, quod -- Illud verò quid sit, jam nequeo dicere; quo nomine appellem, nescio.*

*Communicatio Est Figura, quā vel Auditores, vel adversarios ipsos consulimus, ut: Nunc ego Judices vos consulo, quid mihi faciendum putetis? Item: Tu denique Labiene quid faceres? tali in re, actempore. Pro Quintio: Quæro abs te C. Aquili, L. Luculle &c. Pro Cæcinnia: Quæro abs te, si te hodie armati redeuntem tuæ domūs aditū prohiberent, quid acturus sis? Sic: quod si ipsi vos in hoc pulpitu conscenderetis, dicendūque esset, an is quæstus hominem Christianum deceat? an non, quod jam nunc dixi, doceretis?*

*Prosopopœia est personæ loquentis ficta inductio, quæ etiam mortuis, urbibus, artibus, rebusque inanimatis tribui potest. Insignis omnino est, & ad persuadendum, & movendos odii, miserationis, doloris &c. affectus prævalida Figura. Illustris est locus Ciceronis, Romam loquentem introducentis: Patria quodammodo sic agit, & loquitur tecum Catilina nullum jam tot annos facinus, nisi per te; nullum flagitium sine te; multorum civium neces &c.*

Et



## RHETORICÆ.

Et in Verrem: *Sicilia tota si una voce loqueretur, hoc diceret: Quod auri, quod argenti, quod ornamentorum, meis in urbibus, sedibus, delubris fuit, id tu mihi C. Verres eripuisti, atque abstulisti. Et pro Milone: Me quidem exanimant voces illæ Milonis: Valeant, inquit, valeant cives mei, sint incolumes, stet hæc urbs præclara, patriæque mihi charissima. In Philippica 2. Quid si nunc ille Brutus reviviscat, & hic ante pedes vestros adsit, non hæc uteretur oratione? Ego Reges ejeci, vos Tyrannos introducitis. Ego libertatem, quæ non erat, peperî; vos partam servare non vultis: Ego capitis mei periculû patriam liberavi; vos liberi sine periculo esse non vultis. In Catilinam. Si mecum patria, si cuncta Italia, si omnis Respub. loqueretur: M. Tulli quid agis? tune eum, quem hostem comperisti, quem &c. Pro Cælio: Existat igitur ex ista Appiorum familia Cæcus ille, qui profectò si extiterit, sic aget, & sic loquetur: Mulier quid tibi cum Cælio? quid cum homine adolescente? quid cum homine alieno? cur tam familiaris huic fuisti? Huc pertinet Dialogismus, quo duo inter se colloquentes fiunt, cujus exemplum afferre longum sit.*

*Apostrophe, seu Conversio orationis ad aliquem Deum, hominem, resque etiam inanimatas, quas ut personas alloquimur. Ita Cicero mortuos in acie milites compellat: Vos, vos inquam, appello fortissimi Viri, qui pro Repub. sanguinem fuditis, vos Centuriones, vosque milites &c. In Catilinam: Tu tu Jupiter, qui iisdem, quibus hæc Urbs auspiciis, à Romulo es constitutus &c. quem Statorem hujus Urbis, atque Imperii verè nominamus. Pro domo sua: O Catule, Patremne appellem, an filiam? &c. Pro Balbo: O Nationes, urbes, populi, Reges, Tetrarchæ testes Cn. Pompeij non solum virtutis in bello, sed etiam religionis in pace! vos denique mutæ regiones*

*im*

## SO. ARTII.

*imploro, & sola terrarum ultimarum: vos maria, portus, insulae, littoræque; quæ est enim ora, quæ sedes, quis locus, in quo non exsint, hujus cum fortitudinis, tum humanitatis impressa vestigia. Pro Milone: Vos enim jam Albani tumuli, atque luci, vos inquam imploro, atque obtestor, vósque Albanorum obrutæ aræ! &c. In Verrem: Si hæc non ad cives Romanos, si non ad homines, verum ad bestias, aut in aliqua desertissima solitudine ad saxa & scopulos conqueri, & deplorare vellem, tamen omnia muta, atque inanimata tantâ, tanque indigna rerum atrocitate commoverentur. Pro Ligario: Quid enim tuus ille districtus in acie Pharsalica gladius agebat Tullero? &c.*

*Hypotyposis est rerum gestarum talis descriptio, ut non tam audiri, quam oculis cerni videantur. Usurpatur ad delectandum, motusque iræ, odii, miferationis &c. excitandos. Plurimum autem in narrationibus servit, & in Poëtarum descriptionibus summum sunt. Certè Ovidianæ Metamorphoses: Homericæ, ac Virgilianæ pugnæ, tempestates, aliæque descriptiones, vel Pictoribus pro modulo esse possint: Verrinæ, Catilinaræ, Philippicæ, verbò omnes Tullii orationes vivacissimarum Hypotyposeon plenæ sunt: Paucas subiicio: In Verrem: Proce-  
dit iste repente è prætorio, inflammatus scelere, furore, crudelitate in Forum venit. Nearchos vocari jubet, qui nihil metuerent, statim accurrunt. Iste hominibus miseris, innocentibusque iniici catenas imperat; implorare illi fidem populi Romani, & cur id faceret, rogare, &c. Ibidem: Hæc cum maxime loqueretur, sex lictores circumstant validissimi, & ad pulsandos, verberandosque homines exercitissimi; cædunt acerrimè virgis; denique proximus lictor Se-  
sius converso bacillo oculos misero tundere vehementissimè cepit. Itaque illi, cum sanguis os, oculosque*

*com-*



## RHETORICÆ.

complexset, concidit; cum illi nihilominus jacenti latera tunderentur, ut aliquando spondere se diceret &c. Philip. 2. Vehabatur in essedo Tribunus plebis. Lictores laureati antecedeabant; inter quos aperta lectica Mimia portabatur, quæ ex oppidis municipiis, homines honesti necessario obviam prodeuntes, non noto illo & Mimico nomine, sed Voluminiam consulabant, Sequebantur rhedam cum lenonibus comites nequissimi; rejecta matre amitam impuri filii tanquam nurum sequebantur. Ibidem: Personabant omnia vocibus ebriorum, natabant pavimenta vino, mædebant parietes, ingenui pueri cum meritoriis, scorta inter matres familias versabantur. Philip. II. Ponite vobis ante oculos miseram quidem illam, & flebilem speciem, nocturnum impetum in Urbem Asiæ clarissimam, irruptionem armatorum in domum Trebonii, cum miser ille prius latronum gladios videret, quam quæ res esset, cognovisset, &c.

Nec solum quæ facta sunt, sed & quæ futura fuissent, aut erunt, ita describi possunt, ut cum Cicero depingit, quid Catilinam victore consecuturum fuisset. Videor mihi hanc Urbem videre, lucem orbis terrarum, atque arcem omnium gentium, subito uno incendio concidentem, cerno animo sepultam patriam, miseros, atque insepultos acervos civium; versatur mihi ante oculos aspectus Cethegi, & furor in vestra cœde bacchantis &c. Ad acuendam hanc figuram plurimum valet imaginandi vis acris, quæ eas præfertim partes: Antecedentia, Consequentia, Adjuncta imprimat, & quæ rem vivaciùs, & sæpe uno in Epitheto, velut sublimioris coloris stricturâ repræsentant; quam in rem Poëtarum lectio ingenium excitat, quin & pictorum tabulas inspexisse juvat. &c.

*Aposiopesis* seu Reticentia, vel interruptio est, cum ad affectum iræ exprimendum, abrupto sermone sen-

## SOARIL.

ne sententiæ partem supprimimus, ut: *Quos ego*, sed motos præstat componere fluctus. Item: *Est hæc quidem timoris causa*, sed stomachari definamus. Ad Herennium: *Tu ista audes dicere, qui nuper a-tienæ domi*. Non audeo dicere; *ne dum te dignum dixero, me indignum quid dicam*. Item: *Mihi tecum certatio non est, quod populus Romanus*. Nolo dicere, ne arrogans videar. *Te autem ignominia dignum sæpè judicavit*. Item: *morem gesseris, præmium feres, fin. Sed non erò hodie asperior*. Pro Cælio: *Nihil est, quod in ejusmodi mulierem cadere non videatur*. *Perspicietis animis jam dudum, quid velim, aut potius, quid nolim dicere*.

*Emphasis* est Figura, qua plus significat Orator, quàm dicat, ut: *Jacuitque per antrum immensum*. Illud *Per* corporis molem immanem significat. Sic: *Matho Leticia vehebatur plena ipso*, id est pinguis-simo. *Curtius: Hæc dies Imperium, quod nullum ma-jus vidit ætas, aut constituet, aut finiet*. *Cæsar: Et tu Fili mi Brute! Huc referri possent omnia Epi-cheremata, nempe totum Syllogismum significantia*, ut: *Servus Dominum accuset?* Item: *Tun' in patris conspectu loqui tam inverecondè?* Item: *Tuimet tam negligens, aliena curabis?* Item: *Unius adulte-ræ causâ Europa deflagret, & Asia?*

*Sustentatio* est Figura, qua diu suspenduntur Au-ditorum animi, ac deinde inopinatum quid subjun-gitur, ut in *Verrem*: *Ergo ejus jussu omnes isti com-prehensi*. *Quid deinde, quid censetis? furtum for-tasse, aut prædam expectatis aliquam (tùm multis interjectis) Etiamnum expectare videmini*. *Judices: expectate facinus, quàm vultis, improbum; vincam ta-men expectationem omnium; (tandem cùm diu su-spendisset, animos, subijcit) quod multò improbius est, illi nomine conjurationis damnati, ad supplicium traducti, ad palum alligati, repente multis hominum*



## RHETORICÆ.

*millibus inspectantibus occisi sunt. In Verrem: Cognitorem adscribit Sthenio. Quem? Cognatum aliquem, aut propinquum? Non. Thermitanum aliquem honestum hominem: ac Nobilem? Ne id quidem. At Siculum, in quo aliquis splendor, dignitasque esset? Minimè. Quem igitur Civem Romanum. Cui hoc probari possit? In eundem; Captum Archi pyratam Syracusanorum custodia tutissimæ non audet committere. Amandat hominem; quò? Lylibœum fortasse? -- minimè Judices. Panormum igitur? -- Ne Panormum quidem. Quid igitur? quid putatis? Ad homines à pyratarum metu & suspicione remotos.*

*Præteritio, vel Prætermisio fit, cum profitemur, nos non scire, aut nolle dicere, quod tum maximè dicimus. Usus hujus Figuræ multus est in thematicis admodum fertilibus, ubi singula amplificari nequeunt; Item in Transitionibus, objurgationibus, exaggerandis rebus, &c. Ut in Rullum: Non flagitium unius jacturæ, atque damni. Prætermitto illa, quæ nemo est, quin gravissimè, & verissimè conqueri possit. Non dico &c. Ommitto hanc omnem orationem, & concioni reservo. De periculo salutis & libertatis loquor. De Provinciis Cons. multa, quæ sæpe audistis, animisque tenetis, prætermitto. Nihil de hac urbana, quam ille præsens in oculis vestris defixit, audacia loquor. Nihil de superbia; nihil de contumacia; nihil de crudelitate disputo. Lateant libidines ejus tenebricosæ, quas fronte, & supercilio, non pudore & temperantia contegebat. De Provincia quod agitur, id disputo. In Verrem: Itaque primum actum istius vitæ turpissimum & flagitiosissimum prætermittam. Nihil à me de pueritiæ suæ flagitiis audiet, nihil de impura illa adolescentia sua, -- Omne illud tempus, quod fuit, antequam ad Rempublicam accessit, habeat per me solutum ac liberum. Sileatur de nocturnis ejus Bacchationibus, ac vigiliis lenonum,*

## SOARII.

*lenonum, ac aleatorum nulla mentio fiat; damna, dedecora, quæ respatriis, ejus ætas pertulit, prætereantur. Lucretur indicia veteris infamiæ, patiatur ejus vita reliqua, &c.*

Sunt autem à Tullio formulæ, quibus hæc Figura exponi solet: Prætereo. Non dico. Non commemoro. Non hic profero. Non audietis à me. Non attingam. Sinite me hoc loco præterire. Possem multa dicere. Sentio mihi esse moderandum. Jam orationi meæ fugiendam satietatem aurium vestrarum. Non versabor in uno genere. Hic nolite expectare ut. Sed quid ea commemoro? Nunc agam modicè, nec longiùs progrediar. &c.

*Licentia est quædam orationis libertas, & fiducia, animi sensa liberiùs explicans. In Judiciali genere alias usurpatur maximè. Ut pro Sylla: Attende jam Torquate, quam ego non defugiam auctoritatem Consulatus tui. Maxima voce, ut omnes audire possint, dico, semperque dicam, adeste omnes animis, quæ adestis corporibus, erigite mentes, auresque vestras, & me de invidiosis rebus, ut ille putat, dicentem attendite. Ego Consul cum &c. In Rullum: Errastis Rulle vehementer, qui sperastis vos contra Consulem, veritate non ostentatione, popularem posse in evertenda Republica populares existimari. Lacesso vos, in concionem voco, Populo Romano disceptatore uti volo.*

*Pro Domo sua! Quare Rempublicam, dirumpatur licet furia ista, ( Clodius ) atque audiat hæc ex me, quoniam lacessevit, bis servavi; & cum Consul togatus armatos vici, & cum privatus armatis cessi. Philip. 10. Postremò ( erumpat enim aliquando verum & me digna vox ) si veteranorum militum jussis hic ordo gubernatur, omniâque ad eorum voluntatem, dicta, factaque referuntur, optanda mors est, quæ*



## RHETORICÆ.

civibus Romanis semper fuit servitute potior.

*Concessio* est, quâ Orator causæ fiduciâ, aliquid etiam iniquum pati, vel adversario concedere videtur. Ut pro Roscio: *Esto parricidii causam proferre non potes, tametsi statim vicisse debeo, tamen de jure meo decedam, Et tibi, quod quod in alia causa non concederem, in hac re concedam, fretus hujus innocentia. Non quæro abs te, quare patrem Sext. Roscius occiderit, quæro quomodo occiderit, &c.* Pro Flacco: *Hoc dico de toto genere Græcorum. Tribuo illis litteras, do multarum artium disciplinam, non adimo sermonis leporem, ingeniorum acumen, dicendi copiam, denique si quæ alia sunt, non repugno. At testimoniorum religionem Et fidem, nunquam ista natio coluit, totiusque hujus rei, quæ sit vis, quæ auctoritas, quod pondus, ignorant. In Verrem: Verum esto, eripe hæreditatem propinquis, da Palæstritis, prædare in bonis alienis nomine civitatis, verte leges, testaments, voluntates mortuorum, jura vivorum; num etiam bonis exai Heraclium oportuit? Formulæ Concedentis sunt: Esto. Verum fac. Verum esto. Patior non moleste. Ut tibi concedam. Sed jert ad bellum. Sit ita sanè. Do hoc tibi & concedo. Non repugnabo, &c.*

*Permissio* à Concessione hoc solum differt, quod illa factum aliquod, dictumque concedat, hæc Causæ totius Judicium alterius voluntati permittat. Ut: *Sed ego jam Judices summum, legitimum causæ meæ jus omitto, vobis quod æquissimum videatur, ut constituatis, permitto; non enim vereor, quin etiam si novum vobis sit instituendum, libenter id, quod posulo propter utilitatem communis consuetudinis sequamini. In Verrem: Verum esto, alio loco de Aratorum injuriis videro. Nunc quod mihi abs te datur, accipio, eos tibi esse, ut dicis, ob Decumas inimicissimos. Non quæro jure, an injuriæ sint inimici, quid*

ergo

## SOARII.

ergo sibi illæ statuae Equestres inauratæ volunt? quarum cuidam inscriptum: Aratores dedisse. Si honoris causâ dederunt, inimici non sunt; si metu coacti dederunt, confiteri necesse est, te pecuniam statuarum nomine per vim, metumque cõegisse.

Parentthesis, seu interruptio, est brevis declinatio à Proposito; si enim longior sit, *Digressio* dicetur, de qua alibi. Frequentiores vitandæ sunt; arguunt enim incertitiam, rem quamvis nec læsâ perspicuitate suo loco collocare ignorantis. Exemplum esto: *Videte Iudices, qualem* ( nolo enim graviore appellatione uti ) *accusatorem in medium adduxerit. Philip. 1. Hanc tu potuisti Dolabella* ( magno loquor cum dolore ) *hanc tu inquam æquò animò potuisti tantam dignitatem deponere? In Verrem: sed video, quid agat* ( neque enim agit occultissimè ) *proponit inania mihi nobilitatis, hoc est arrogantium hominum nomina. Philip. 2. At etiam ausus es* ( quid est autem, quod tu non audeas ) *Clivum Capitolinum dicere, me Consule, plenum servorum armatorum fuisse, Ibidem: O miserum! sive illa tibi nota non sunt,* ( nihil enim boni nostri ) *sive sunt, si apud tales viros tam impudenter mentiri.*

*Ironia* est fictio totius voluntatis, quâ sentitur aliud, & innuitur, quàm dicatur; nec à Tropo differt, nisi quòd illo longior est. Ut in Verrem: *Non possum dissimulare Iudices, timeo ne C. Verres propter hanc virtutem eximiam in re militari, omnia quæ fecit, impunè fecerit: venit enim mihi in mentem* &c. Ibidem: *Habetis hominis consilia, diligentiam, vigilantiam, custodiam, defensionemque Provinciæ Siciliae. Summa illuc pertinet, ut sciatis, cum plura sint genera Imperatorum, ex quo genere iste sit. Ne diutius in tanta penuria virorum fortium talem Imperatorem ignorare possitis, non ad Q. Maximi sapientiam, neque ad illius superioris Africani in re gerenda*



## RHETORICÆ.

*gerenda celeritatem, neque ad huius qui postea fuit, singulare consilium, neque ad Pauli rationem ac disciplinam, neque ad C. Marii vim atque virtutem, sed ad aliud genus Imperatorum esse rescendum, sanèque diligenter retinendum, & conservandum, quæso cognoscite.*

*Distributio, est Figura, quâ aliquid in partes suas distribuitur, quarum unicuique ratio deinde sua subjungitur, & valet plurimum in Amplificationibus, Divisionibus, ac Subdivisionibus, partium Enumerationibus. In Pisonem: Age! Senatus odit te. afflictorem, & proditorem non modò dignitatis, & auctoritatis, sed omnino ordinis, ac nominis sui. Videre Equites Romani non possunt: quo ex ordine Vir præstantissimus Lælius te Consule relegatus: plebs Romana perditum cupit; in cuius tu infamiam ea, quæ per latrones, & per servos de me egeras contulisti: Execratur italia tota, cuius idem tu superbissimè decreta, & preces repudiasti. Illustrior est hæc Figura, si ipsi addatur tertia pars è membris distributionis, & ejus ratione, eruta, ut pro Roscio: Tres sunt res, quæ hoc tempore obstant Sex. Roscio: crimen adversariorum, & audacia, & potentia. Criminis confictionem accusator Erucius suscepit: audaciæ partes Roscii poposcerunt: Chrysogonus autem, is, qui plurimum potest, potentiâ pugnat. De his omnibus rebus me dicere oportere intelligo, sed non eodem modò de omnibus, ideo quòd prima illa res ad officium meum pertinet, duas autem reliquas vobis populus Rom. imposuit. Ego crimen oportet diluam; vos & audaciæ resistere, & hominum pecuniosam atque intolerandam potentiam primo quoque tempore extinguere, atque opprimere debetis. Pro Cælio: Videmus hæc tria in rerum natura fuisse, ut aut cum Saturnino esset; aut cum bonis; aut lateret. Latere mortis instar erat turpissimæ; cum*  
*Satur-*

## SOARII.

*Saturnino facinoris ac sceleris; virtus, honestas, pudor cum Consulibus esse cogebat. Celeberrima est illa Ciceronis Distributio: Quid tam commune, quam spiritus vivis? terra mortuis, mare fluctuantibus, litus ejectis? ita vivunt, dum possunt (caedè ob parricidium insuti) ut ducere animam de coelo non queant; ita moriuntur, ut eorum ossa terra non tangat; ita jactantur fluctibus, ut non alluantur: ita postremo eiciuntur, ut ne ad saxa quidem mortui conquiescant.*

*Deprecatio, seu obsecratio, obtestatio, est figura, quâ opem alicujus vehementer impioramus. Ut pro Dejotaro: Quamobrem hoc nos plurimum metu, C. Cæsar per fidem, Et constantiam, Et clementiam tuam libera, ne residere in te partem ullam iracundiæ suspicentur; per dextram te istam oro, quam Regi Dejotaro, hospes hospiti, istam inquam non tam in bellicis, atque in præliis, quam in promissis ac fide firmiorem. Pro Milone: Quid restat nisi ut orem obtesterque vos Judices, ut eam misericordiam tribuat is fortissimo Viro, quam ipse non implorat, ego autem repugnante hoc Et imploro, Et posco. Nolite &c. Pro Rabirio: Quæ cum ita sint, primum ab Jove Opt. Maximo, cæterisque Diis, Deabusque immortalibus pacem, ac veniam peto, precorque ab iis, ut hodiernum diem, Et ad hujus salutem conservandam. Et ad Rempublicam restituendam illuxisse patiantur. Deinde vos Quirites, quorum potestas maxima, ad Deorum immortalium Numen accedit, adhibeatis in hominis miserrimi fortunis misericordiam, in Reipublicæ salute sapientiam, quam soletis. Ejusmodi Deprecationum exempla sunt quam plurima in Perorationibus pro Muræna, Rabirio, Coelio, Cluentio, Dejotaro, &c.*

*Execratio est, quâ malum alicui imprecamur. Ut Cicero pro Dejotaro: Dii te perduint fugitive! ita*

*non*



## RHETORICÆ.

*non modò nequam & improbus, sed fatuus & amens es, Philip: 6. Igitur est Patronus Antonius? malam quidem illi pestem clamori enim vestro assentior non modò hic latro, quem clientem habere nemo velit. Philip. 13. Quin tu abis in malam pestem, matrumque cruciatum? ad te quisquam veniat? Hæc Figura apud Oratores rarior est, & in sacro pulpito locum non habet.*

*Epiphonema est rei narratæ, vel probatæ summa acclamatio, ut: Tantæ molis erat Romanam condere gentem. Pro Milone: Facere probus adolescens periculosè, quam perpeti turpiter maluit. Pro sextio: Hoc sentire prudentiæ, facere perfectiæ, cumulatiæque virtutis. In Verrem: Peccandi consuetudo, quantam habet iucunditatem in improbis, & audacibus, cum pæna absuit & licentia consecuta est. In Pisonem loquens de militibus, qui non invento, quem interficere volebant Pisonem, ipsius statuam comminuerant acclamat: Sic odium, quod in ipsum attulerant, in ejus imaginem & simulacrum profudere.*

*Exclamatio est Figura, quæ alicujus compellatione post rem satis probatam, amplificatam, aut narratam affectum doloris, admirationis, indignationis, miserationis &c. significat; nec adeò quàm hic affectus crebrior esse debet. Ut: O tempora! ô mores! Consul hoc videt, hic tamen vivit: Pro Ligario! O clementiam admirabilem, atque omni laude, prædicatione, litteris, monumentisque decorandam! Pro Cælio: Pro Dii immortales! cur interdum in hominum sceleribus maximis aut connivetis, aut præsentis fraudis pænas in diem reservatis? Pro Sylla: O miserum, & infelicem illum diem, quo Consul omnibus Centuriis P. Sylla renunciatus est! ô falsam spem! &c. Item: O pestis! ô labes! ô tenebræ! ô lutum! ô sordes! ô portentum in ultimas terras deportandum! Pro Cluentio: O mulieris scelus incredibile, & præ-*

## SOARII.

*præter hanc unam in omni vita inauditum! & libidinem efrœnatam. Et inlomitam! & audaciam singularem!*

*Ethopœja est expressio, seu imitatio vitæ ac morum alicujus; in eo diversa ab Hypotyposi, quod illa res omnes, hæc mores præcipuè studeat effingere. Inter primas Historici dotes censetur, cujus est, solerter habitum, affectiones, oblectationes, amicitias, propensiones, corporis animique bona, vel mala indagare, & oratione depingere. Et exstant Theophrasti characteres, quibus avarum, fastuosum, superstitiosum lepidè adumbrat. Salustius in describendo Catilina, Jugurtha, moribusque suæ ætatis plurimùm excelluit, ut in Agrariis: Jam designatus Consul alio vultu, alio vocis sono, alio incessu esse meditabatur, vestitu obsoletiore, corpore inculto ac horrido, capillatio quàm ante, barbaque majore, ut oculis. Et aspectu denunciaret vim tribunitiam, Et minitari Reipubl. videretur. Post reditum: Primò processit. (Gabinus) quæ autoritate vir? vini, somni plenus, madenti coma, composito capillitio, gravibus oculis, fluentibus buccis, pressa voce, Et temulenta &c. In Pisonem: Alter unguentis affluens, calamistrata comâ contemnebat Equites Romanos, venditabat se operis. Alter ô Dii boni! quàm teter incedebat? quàm truculentus? quàm terribili aspectu? unum aliquem te ex barbaris illis, exemplum Imperii veteris, imaginem antiquitatis, columen Reipubl. diceres intueri.*

### Ad Caput XXIX.

*Quid in Figurarum tractatioe cavendum sit.*

**Q**uid in Figurarum tractatione observandum censes, cavendumve? R. I. Etiam gravissimum, & velut Consulare dicendi genus spectantes, ut pauciores sint, nudos tamen, atque sine omni figurarum ornatu horridos ne in pulpito quidem incedere



## RHETORICÆ.

re decet. Non autem de Verborum figuris hic sermo est, quæ suapte, nec accersitæ se offerunt, sed de illustrioribus sententiarum luminibus. Quin adeo post inventam argumentationem & amplificationem, illicò circumspiciendum, quâ vel quibus figuris extollendæ partes præcipuæ.

2. *Ne sint frequentes*, si enim justò plures, & picturata, nitentiaque fuerint omnia, studium & ars tralucebit, *nec vincet, penetrabitque oratio, in qua verba laudantur*. Juvenile quiddam, & diligentia plus, quàm iudicii spirabit. Et observatum est à quodam: è Ciceronis orationibus nullam tot figuris illustratam, ac pro Quintio, nempe quæ ejus prima fuerit.

3. *Ne sint ejusdem generis*. Ut fit, cùm alter antithetis delectatur maximè; alter perpetuis Hypotyposis efflorescit; Exclamationem Exclamationi jungit alter, &c. id quod fastidium generat.

4. *Ex re nata* veniant, & in ipsa materia tam naturaliter consistent, ut cùm adsint, videantur non posse abesse, atque ita rebus attentum Auditorem quodammodo fallant occultâ delectatione, ut ne advertat quidem ornatûs causâ quidquam dici. Ubi contra acutum auditorem minimè fallat, siquid studiò obtrusum, ac extra rem audierit.

5. Ubi plurimum fuerit rerum pondus, graviores figuræ magis decebunt. At in re humili vulgari, parùm sensata, admodum figuratus non minùs ridiculè faciet, ut qui gestum, habitumque quæreret finè corpore, aut coloribus nitidissimis chaos quoddam membrorum deformaret in tabella.

6. Materię, quæ tractantur, sint accommodatæ. Sic alteri affectui altera erit aptior, & si docendum sit, Antithesis, Sustentatio, Communicatio, Correctio, Dubitatio valebit; si delectandum, Hypotyposis, Ethopœja, Apostrophe, Prosopopœja; si movendum: Exclamatio, Obsecratio, Præteritio, &c.

Ad

SOARII,  
Ad Caput XXXII.

*De Collocatione, & Ordine Verborum.*

**A**N non satis ornata est oratio, si probè latina, perspicua, Tropis & Figuris illustrata sit? R. Suavitas item accedat oportet, quæ Elocutionis pars est tertia. Suavitas hæc in eo sita est, ut cohærentes inter se, leniter, & æquabiliter fluentes, & audienti jucundæ, nec ad pronunciandum asperæ, & dicentis spiritui commensæ sint cum membris Periodi. Hanc Elocutionis partem qui negligi posse putaverit, qui nulla ejus ratione habita, perturbatè, hiulcè fortuito collocarit verba, etsi Enthymematis pugnet validissimè, gravissimè amplifcet, omni Figurarum varietate expoliat, inspidam tamen & insuavem producet orationem optimæ formæ puellæ similem, sed culta neglecto & squalenti.

Quomodo concilianda est orationi suavitas? R. Certo verborum ordine. 2. Aptâ eorundem inter se juncturâ. 3. Numero.

Quis in verborum Collocatione observandus est ordo? R. 1. Ut prius locentur, quæ naturâ priora sunt, ut: *diem & noctem meditatur*, pro *noctem & diem*. Sic ineptum esset: *Laudatus est ab omnibus, bravium retulit, præclarè in stadio cucurrit*. Primum esse debebat: *præclarè in Stadio cucurrit*, tum reliqua. Sic vitiosum est illud Terentii: *Valet, & vivit*. Ineptum: *glaciant flumina, gelu sævum inciderat*. Sic præposterè dixeris: *Provestus est in altum, navem conscendit, commeatum intulit*.

2. Præponuntur, quæ dignitate cætera antecedunt, ut: *Consules, Senatus, Tribuni plebis, populus omnis dicenti assensere*. Item: *Imperatores, Reges, magni Principes; opulentæ civitates sacris bellis se authoravere*. Quamquam ab imo item incipere possit, dum reliquus ordo fervetur, ut si dicam: *opulente Urbes &c.*



# RHETORICÆ.

3. Partes toti præponendæ sunt. ut: *Tu istis faucibus istis lateribus, ista totius corporis gladiatoria firmitate &c.* Si à toto corpore cæptum esset, haud ritè ad fauces, & latera descenderetur. Sic: Homo insigni temperantia, fortitudine, omni denique virtute ornatus. Sic: Te juvenes velle noscere, senes in occursum venire, omnis denique ætas redeunti obviare. Sic: gladiis, telis, facibus, omni armorum genere in nos invasit.

4. In augendo levissima, in minuendo gravissima præponuntur. Ita; *sacrilego fur, & latroni petulans* malè postponeretur. Ut in illo facinus est 1. *vincire* civem Romanum. 2. *scelus verberare*. 3. *paricidium necare*. 4. *quid autem in cruce necare?* Sic de impio filio: *nihil colit* patrem; jubenti *contumax*, est; monentem onerat *maledictis*; minatur se manus allaturum. Item: Ejus semper voluntatibus non modò *cives* assensere, *socii* obtemperare: *hostes* obediere; sed etiam *venti tempestatesque* obsecundârunt. Minuenda conversus ordo tenetur. Ut vicit autem? ne certavit quidem, nec vidit hostem, & ut ne videret in latebram se abdidit. Item: Aureum nummum non habet, nec florenum quidem; ne obolum, quo funem emat.

5. E Soarii sententiâ verbò sensum claudere, longè optimum est. Et verò longè etiam usitatissimum. Ut in Verrem: *M. Cato sapiens cellam penuariam Reipubl. nostræ, nutricem plebis Romanæ* Siciliam nominavit. At si asperum erit, decori potius ratio habenda est. Ut in eadem: Cum omnium Provinciarum rationem diligenter habere debetis Judices, tum præcipuè Siciliæ, *plurimis, sustissimisque de causis*. Postrema hæc postposuit Cicero ut transitionem cum causis enumerandis cohærentem.

## SÖARII.

### Ad Caput XXXIII.

#### *De Junctura Verborum.*

**Q**uid est *Junctura verborum*? R. Est, quæ extre-  
mæ syllabæ vocis antecedentis cum prima se-  
quentis ita sociantur, ut ne asperè concurrant, ac  
pronunciationem vel impediunt, vel durionem red-  
dant. Asperam porro orationem faciunt. 1. Si  
consonans asperior, quales sunt a. x. r. m. t. vo-  
cem priorem finiat, & incipiat sequentem. *Ut: Ars*  
*studiorum. Pes stabilis. Multos solæcismos. Rex*  
*Xerxes. Celer rivus. Noster ruit. Saluber ros.*  
*Semper rodit. Decimum milliare. Longum murum.*  
*Diem malum. Clam mandat. Asper etiam concu-*  
*rus esset in medio verbo, ut: ejusdem est improbos*  
*probare, & probos improbare. Durum est illud*  
*pro toties repetitum.*

2. Asperat etiam, & hiulcam reddit orationem  
vocalium concursus, præsertim earundem. *Ut: Vi-*  
*ro optimo obtemperare sensu humanitatis. Tu ille*  
*homo officiosus sis? Ea assignant. Tu unæ abfuiisti.*  
*Longè elatior. Malè exceptas: Ibi itur. Mihi in-*  
*sultas. Phyllida amo. Ante alias Arma allata Æ-*  
*neæ. Ita ut. Quasi indicaret &c.*

3. Si eadem syllaba sit ultima, & sequentis pri-  
ma, ut: *Ænigma magnum. Vici cives. Homomo-*  
*destus. Nolo loqui. Conficere residuum. Magnam*  
*ambitionem. Amor oritur. Fulgur urit. Cæca ca-*  
*ligo. Tena& axis. Ad adjectum. Per personam.*  
*Tentat attingere. Junctura rara. Micans ansa.*

4. Crebritas similiter desinentium aures lædit, ut:  
*O fortunatam natam me Consule Romam. Res invi-*  
*sæ mihi sunt visæ. Callidæ amatrices, noxiæ ad-*  
*jutrices, veræ præstigiatrices, & insidiatrices sub-*  
*re. Plorantes, lachrymantes, Deos incusantes. Dii*  
*laboriosos, rerum suarum curiosos, non item desidio-*  
*sos adjuvant.*

5. Ejus



## RHETORICÆ.

5. Ejusdem vocalis in consequentibus se vocibus repetitio crebrior ingrata est, ut: *Orto bello illo, tam nocivo tam incommodo, tam pernicioso ac odioſo, quot homines honorum, bonorumque omnium jacturam fecere.* En in paucis vocibus undeviginti O.

6. Monosyllaba plura consequentia, ut: *Hac in re nil me juvat. Hic ſta, & da, quod vis.* 7. Multæ voces ab eadem ſyllaba, vel littera incipientes, quale eſt notum illud Ennii: *O Tite tute Tati, tibi tanta Tyranne tulisti!*

Quomodo evitari poſſunt aſperitates ejuſmodi? R. Perfacilè; tranſponendo voces, vocalium, aut conſonantium concurſu aſperas. Vel 2. His interjciendo aliquid. Vel 3. Per Enallagen, caſum, tempus, genus, numerum &c. vel verbum ipſum ſubſtituto æquivalente mutando. Sic loco *Celer rivus*, tranſpones: *Rivus celer*: vel interpones: *Rivus admodum celer*. Vel mutando celerrimus rivus. Locò longum murum, pones murum prælongum, vel longum parietem, &c: Loco *Viro optimo*, optimo viro, virorum optimo, viro ſi quiſquam optimo, viro reverà optimo. Locò: *conficere reſiduum*, Reſiduum conficere, conficere laborem reſiduum &c. Qui à teneris ad hæc minuta animum advertere, curamque aliquam adhibere cœperit, ſuapte deinceps, ac finè labore, probè collocatam, juncſtamque orationem efficiet.

Quid præterea in Junctura evitandum? R. Ea Collocatio, quæ perſpicuitatem lædere poſſit. Ut 8. Si Adjectivum ita locetur, ut cuiam è duobus Subſtantivis reſpondeat, ambiguum ſit. Ut: *Juvenibus laboribus deditis ſcientia venit*, dic: *Juvenibus labori deditis*: vel *Juveni laboribus dedito* &c. *Coluber immanis molis corporis*, dic: *immani mole.* *Rem per negligentiam perditam reſtituit.* dic: *rem negligentia perditam.* 9. Obſcuritatem item parit,

80  
SOARII.

parit, verbum nimis trajectum, vel alio verbo incite conjunctum. Ut: *ignoras quo te juvandi, etsi nihil tibi adstringar, studio tenear.* Dic: etsi tibi nihil adstringar, quo tamen adjuvandi tui studio tenear, ignoras. Sic: *Ecquid fato nescio cui, ea, quæ à DEO venire intelligunt, assignant?* Loco inepti hujus intelligunt, assignant, dices: Ecquid ea, quæ ab uno DEO venire satis intelligunt, commentitio nescio cui fato tribuunt? Vel: *Quid juvat; bonis, quæ brevi debebis amittere, inhiare?* dic: bonis inhiare, quæ &c.

*Quid præterea in hac Junctura observandum?* R. Alterum ut hæc de Junctura & ordine cura *nec nulla sit: nec nimia.* Certè in principio diligentiam maximam desiderat, nec abs re fuerit, si Tyro exercitationis causâ unum, alterumve thema, vel epistolam conscripserit tam nitidè ut omnis consonantium, vocalium, aut syllabarum earundem concursus evitetur eâ propè sollicitudine, quâ Poëtæ comptiores ab elisionibus sibi cavent, is operosus erit initio, & propè puerilis, styli tamen exercitatio efficiet, ut paulò post ne sentiat quidem, se hac in re nequidquam elaborare. Neque tamen sit *nimia*, præsertim in affectibus, ubi neglectus quidam etiam decorem habet, ostenditque rebus intentum oratorem nequaquam auribus servire. Tale est illud Ciceronis pro Marcello: Dolebam enim -- nec fas esse ducebam, versari me in vestro veteri curriculo, illo æmulo, atque imitatore studiorum, laborum, meorum, quasi quodam socio, & comite distractum.

Recolendæ hic erunt Elegantæ Collocationis, à Sylvio ac Buchlero congestæ, quarum specimen aliquod habes in Ornata Syntaxi, fol. 34. & 68.



*RHETORICÆ.*

Ad Caput XXXIV. Usque ad LI.

*De Numero Oratorio.*

**Q**uid est Numerus Oratorius? R. Tertia, eaque potissima suavitatis conciliatrix, quam Græci Rythmum vocant, non equidem ut carminis instar dimensa sit, aut pedum quantitate adstringatur Oratio. Soluta est, & dicitur, non tamen dissoluta, exundans, fluctuans, quæ nullo ordine vel mensurâ ut quidquid in linguam se, aut calamus obtulerit, incompositè efferat. Est igitur Numerus Oratorius concinnitas quædam, & moderatio Periodorum ac membrorum, quæ & dicentis spiritui temperata sit, & finè offensione, jucunda ad aures accidat.

*Quis Numerorum inventor est?* R. Græci, delicatô nempe palatô homines hanc artem ut invenêre, ita ad summum perduxêre. Ferociores Romani quædringentis primùm post annis politius aliquantô, compitiùsque dicere cœperunt, et si prioribus sæculis haud defuêre sensati ac insignes Oratores. Tullius, ut in cæteris partibus, ita hic omnino Princeps, & in rotundissimis numeris omnino inimitabilis est. Quia Græcorum exemplo hac de re præceptiones plurimas tradidit, quas ita diligenter exscripsit Suarius, ut terti de Elocutione libri partem tertiam faciant.

*Magni igitur momenti videtur hoc doctrina?* R. Est tanti quidem, ut satis commendari nunquam, nec perfectus Orator sine hoc Numerorum ornatu esse possit. Animadversum est nihilominus à veterânis Magistris, Tyrones ad eam rem parum animi ostendere; horrere cùm de pedibus, non secus ac in Poëtica mentionem fieri audiunt; nec eam curam suæ ætatis, aut operæ esse existiment. Igitur eximendus error noxijs, stimuli que erunt admovendi, ne pulcherrimum hoc orationis veluti complementum in postremis habeant, quod dignitatis quidem habeat plurimùm, nec minus facilitatis.

*Quos*

## SOARII.

*Quæ autem numerosæ orationis dignitas?* R. Incredible quantum squalleat, quàm inamœna sit auditu Dictio, sparsis nullâ curâ verbis hians alibi & abrupta: redundans, & effusa alibi: scabra passim & inæqualis. Rem, ac argumenta, quin verba eadem coërceto, modum tibi, numerumque ipse describito, reïcinde superflua, expleto hiatus, modulationes redde Periodos, nitebit, quod horrebat suaviter afficiet, quod aures vix ferebant, alia à se, nec ab eadem manu videbitur oratio. Tolle Ciceroni modulatilimos illos numeros, nec jam Cicero erit. Indignum itaque, si prudens Tyro, postquam in cæteris partibus operosè elaboravit, minimum, quod superest laboris defugiat, & imperfectis supremis lineis manum de tabula retrahat.

*An facilis item est Numerorum doctrina?* R. Facilior, ac vulgò putetur. Nec enim Syllabarum numero, aut quantitati studendum putidè. Totum in eo est, ut paucula præcepta ritè percipiat, ac inter scribendum animum ad eadem reflectat. Comparabitur porrò hæc facultas, si i. numerosas aliquot, & volubiles Ciceronis Periodos, non attentè modò legas, sed clara item voce pronuncies; v. g. *Nulla est tanta vis; tantaque copia, quæ non ferro, aut viribus debilitari frangique possit.* Si dissolvas hos Numeros, venustas omnis funditus perit: Nulla tanta vis est, & tanta copia, quæ non possit debilitari, frangique ferro, aut viribus. Quid snavius illâ alterâ? *Te miror Antoni, quorum facta imiteris, eorum exitus non perhorrescere.* Quid hispidius, si ita colloques: *Miror te Antoni non perhorrescere exitus eorum, quorum facta imiteris.* Ità Cicero *Pompejum, sicut aliquem non ex hac Urbe missum, sed veluti de cælo lapsum intuetur.* Quantò ingratiùs sonabit, si dicas: *Pompejum non intuetur, sicut aliquem ex Urbe hac missum, sed veluti delaplum*



## RHETORICÆ.

psum de cœlo. Si vel aliquot Periodos ejusmodi solutis compagibus turbâris, turbatas cum Tulliana suavitate computâris, suapte tibi Numerosum aliquid adhærebit.

2. Accedit, quòd tot sint Rhetoricæ. ac Syntacticæ Figuræ, ut sententia quævis quantumcunque agrestis, nullò negotio perpoliri, variari, & velut cœra mollis in omnem formam deflecti, nec tam ad oculorum, quam aurium voluptatem torqueri possit ab eo, qui nec maximo adhibito labore dignum quid ac nitidum producere velit.

3. Sola Ciceronis considerata lectio vel aliud agenti numerosum quid aspirabit. Ut enim ille de suis, quos ad imitandum legebat, Græcis: *Quemadmodum qui in sole ambulant, sensim colorantur, ita cum istos libros* (præcipuè numerosissimi Ilocratis) *lego, sentio orationem meam, quasi illorum coloribus nitescere.* Quemadmodum item Musici laboriosè primum artis præcepta condiscunt, postquam usus accessit, sine cogitatione, ac cura, celeritate summa, vel vocè vel fidibus concinunt, ita Numerorum cognitione semel imbuto inter scribendum verba numerosè cadentia, nec vocata, nec studio accersita affluent.

*Regulæ aliquot, quibus Numerosa reddi possit Periodus.*

**Q**uid observandum præcipis ad conciliandum Orationi Numerum? R. Numerosa erit. 1. Si Periodicè dicatur. 2. Membratim tamen per intervalla. 3. Si cùm Periodi, tum membra brevibus, longisque syllabis. 4. Longioribus item & brevioribus vocibus misceantur. 5. Finis Periodi, seu clausula aptè cadat. 6. Figuræ intercedant suapte numerosæ.

1. *An numerosam orationem faciunt Periodi?* R. Periodus (de qua in Candidato Rhetoricæ satis leges)

## SOARIL.

leges) naturâ suâ numerum habet, non equidem, quòd arithmeticè syllabas adnumeret, quod carminis est, sed certâ quâdam membrorum dimensione, & incisorum aptâ dispositione, veluti harmoniam aliquam efficere. Id verò ut consequatur *primò*: Confulendæ sunt audientium aures, ut ne longitudine membrorum, vel stipatis incisus aut fatigentur admodum, aut dum ad ultima venit, priorum obliuiscantur. *Deinde* spiritus & anima dicentis ne longius excurrat, quam vires, & pronuntiationis, ac animæ colligendæ ratio postulat, cum vox nisi absolutâ Periodò perfectè cadere, & paulisper conquiescere nequeat.

Cicero, alique *Inciso* octo, vel decem Syllabas, ut hemistichio; *Membro* octodecim vel viginti syllabas, nempe ferè Hexametri tempus: *Periodo* verò quatuor ferè Hexametrorum quantitatem tribuunt. Qua tamen in mensura admodum religiosum, anxiumve esse, ineptum foret. Aurium, & vocis iudicio standum est.

2, *An membratim item dicendum?* R. Periodico dicendi genere utendum est, præsertim in Laudatorio Genere, quòd ad delectationem comparatum est; item in exordiis, narrationibus, & amplificationibus gravioribus. Cæterum, quòd in Ciceronis orationibus animadvertas, Confirmationis corpus, partim membratico, partim Periodico dicendi genere constat. Non probantur autem perpetuæ periodi, partim quòd satietatem afferant, partim quòd vel ab imperitis ars cognoscitur, atque inde gravitas orationi, fidesque decedit,

3. *Breves Syllabæ longis miscendæ sunt?* R. Longæ, brevèsque ita inter se temperandæ, ut nec brevium numero incitior, celeriorque fluat, nec longarum multitudine retardetur oratio. Utrasque permistas habes in illo Tulliano: *Domuisti gentes im-*



## RHETORICÆ.

manitate barbaras, multitudine innumerabiles, locis infinitas, omni copiarum genere abundantes. Longæ sunt 22. breves 17. Pro Manilia: *Fuit enim summis quibuldā viris, quædam ad amplitudinem & gloriam, & ad res magnas bene gerendas divinitus adjuncta fortuna.*

4. *Voces item breviores interstinguendæ sunt longioribus?* R. Si longiores frequenter, affectionem spirat, ut illud inflati Poëtæ: *Magnanimam Æacidem, formidandamque Tonantis progeniem &c.* Mistum illud est: *Luctantes ventos, tempestatesque sonoras.* Elegantius Cicero: *Quod nomen igitur unquam in orbe terrarum clariùs fuit, cujus res gestæ huic comparandæ?* En duarum, trium, quatuor syllabarum voces; longiores tamen non in clausula modò, sed & contextu Periodi plus dignitatis habent. Ut pro Fontejo: *Nolite pati Iudices. aras Deorum immortalium, Vestæque matris quotidianis Virginis lamentationibus, de vestro iudicio commoveri.* Et in Catilinaria: *id est initum consilium, ut interfectis omnibus nemo ad deplorandum quidem populi Romani nomen & ad lamentandam tantam Imperii calamitatem relinqueretur.* En dissyllabas 4; trissyllabas 6. quadrissyllabas sex, quinque syllabarum duas voces.

5. *Quæ debet esse Periodi clausula?* R. Et si per totum orationis ambitum tenerendi sunt Numeri, Clausulæ tamen Periodorum præ cæteris diligentia majore curandæ sunt, quod aures semper extremum expectent, in eoque acquiescant. Quo verò Pede claudantur melius, multa ex Aristotele, ac Cicerone congerit Soarius, quæ legisse juverit, illud extra controversiam est, Periodum voce longiore, trissyllabâ aut quadrissyllabâ terminari melius, si penultimam item longam habeat, quàm brevem: meliusque cadet in *contendit, cadebat, ætates, quam: disputat, cecidit, tempora.* Sonantiores item sunt: *contendebat,*  
repu-

## SOARII.

*repugnare, lætabundi, Alexander, quàm: contendere, lætissimi, resistere, Alexius &c.*

Cicero Choræum duplicem, seu Dichoræum *-v-v* ut: *alligare*, sic deamavit, ut in exordiis, ac laudationibus maxime non alium adhibeat frequentius. Ut *Patris dictum sapiens temeritas filii comprobavit*. Quâ clausulâ tam numerosâ auditâ clamorem plaudentis turbæ sublatum ipse refert. Juvat è Manilianæ Exordio clausulas propè omnes enotare *Prohibuerunt. Transmittendum putavi. Consecutus. Censuerunt: Deesse potest. Quærendus. Arbitratur. Detulerunt. Neminem. Consideratè dicendum. Confutandum. Versari. Revocavit. Comparasset. Simulasset. Gerebamus. Dimicaretis. Videantur. Videatur. Putetis. Non tulerunt. Negligatis. Non posse. Arbitrantur. Retardatos. Commendatis*. Hic observes velim primò: Periodos omnes ferè trisyllabis, aut quadrisyllabis penultimâ longâ terminari. 2. Viginti sex Dichoræos, aut Dichoræis æquivalentes, esse omnino septemdecim.

Nonnulli è SS. Ecclesiæ Patribus Numerorum admodum fuere studiosi; multi similiter desinentibus, Infocolis alii plus indulgent; singularis est D. Leonis M. Numerus, quo Periodi partem priorem, seu Protafin ferè brevibus, extremum longis pedibus concludit, & metricum nescio quid modulatum habet. Exemplum esto è Sermone de SS. Petro & Paulo: Unius fidei pietas exigit, ut quod pro salute universorum *recolitur*, communibus ubique gaudiis *celebretur*.

Verumtamen hodierna festivitas, præter illam reverentiam, quam toto orbe *promeruit*, speciali & propriâ nostræ Urbis exultatione est *veneranda*.

Ut ubi præcipuorum Apostolorum glorificatus est *exitus*, ibi in d. e Martyrii Eorum *lætitia* sit *Principalis*.



## RHETORICÆ.

Isti enim sunt Viri, per quos tibi Evangelium Roma resplenduit, & quæ magistra eras erroris, facta es discipula veritatis.

6. *Quæ Figuræ suapte sunt Numerosæ?* R. Distributionis, qualis est pro Roscio similiter desinente mixta: Est enim Judices hæc non scripta, sed lata Lex, quam non didicimus, accepimus, legimus, verum ex natura ipsa arripimus, hausimus, expressimus: ad quam non docti, sed facti, non instituti, sed imbuti sumus. Antithesis, ut in Verrem pulcherri-  
ma. *Conferte hanc pacem cum illo bello, hujus Prætoris adventum cum illius Imperatoris victoria; hujus cohortem impuram cui illius exercitu invicto, hujus libidines cum illius continentia: ab illo qui cæpit conditas, ab hoc qui constitutas accepit, captas dicetis Syracusas.* Cencinnitatem item habent Tractatio, Compar, similiter cadens &c.

Ad Caput LI.

*De Tribus dicendi Generibus.*

*Quæ ais dicendi Genera?* R. Uti Oratori de rebus omnibus, summis, mediis, imis, Divinis, humanis; naturalibus differendum est, ita de se perspicuum est, accommodandam rebus quas tractat orationem, nec eâdem ubique vel argumentorum pugnacitate, vel amplificationis granditate, vel effectuum vehementia, vel Figurarum ac Numerorum cultum utendum, aliterque aliis in thematis versandum. Hanc dicendi rationem, pro quæstionum varietate variam, *Stylum* vulgò vocant, seu *Characterem*, seu scribendi formam.

*Quotuplex est Stylus?* R. Ut tria statuuntur causarum genera, *parvæ, graves, modicæ*, seu *mediæ*, ita triplex est Stylus, seu dicendi character. 1. *Humilis*, 2. *Sublimis*, 3. *Temperatus* *Humilem*, subtilem item vocant, acutum ac tennem: *Sublimem* vehementem, copiosum, gravem: *Temperatum* lenem, suavem.

## SOARII.

suavem. Humili utimur, cum docere: sublimi cum movere, temperato cum delectare volumus. In quo porro hæc Characterum diversitas sita sit, quoque loco quilibet adhibendus, non ignorari oportet à Tyrone.

*Quid est Stylus humilis?* R. Qui ad quotidiani sermonis rationem proximè quidem accedit, verborum tamen proprietatem, puritatèque curat, nec à Phrasibus, Tropis, Figuris abhorret, quibus etiam in vulgari consuetudine locus est. Cæterum amplificationes graviores, vel affectus vel Numeros accuratiores haudquaquam admittit. Docentis est, & acutè probantis quâ causâ etiam subtilis dicitur, *Tenuis* verò, quia docenti non aliud propositum, ac intelligi.

*Ubinam usurpatur Stylus humilis?* R. Cicero in causis humilibus nec magni momenti, ut pro Quintio, Flacco, Plantio utitur. Item in Epistolis, si paucas excipias, de rebus gravioribus propè ad oratoriam granditatem elatas. Præterea in Dogmaticis, Philosophicis nempe Operibus, de officiis, amicitia &c. Submisso hoc dicendi genere Commentatorios suos conscripsit Cæsar minimè politos aut meditados, ac fortassè Cornelius Nepos.

Adhibendus autem est in Epistolis, quæ prudentiæ plus quàm eloquentiæ desiderant, ac subinde ipso neglectu se commendant. 2. In Concionibus ruralibus Catecheticis, ac expositione Doctrinæ Christianæ, in quibus comptum incedere velle quàm indecorum foret? Utendum dictione quàm maximè populari, ac tantum non triviali, ut rudes homines, ac pueri ipsi suum idioma agnoscant. 3. In Concionibus item: quibus Mysterium aliquod Fidei obscurius: è Theologiæ fontibus, ut de SS. Trinitate, de Gratia, de Causis Incarnationis &c. ad vulgi caput explicandum est. 4. In Asceticis Scriptis, quibus



### RHETORICÆ.

quibus omnis pompa removenda. 5. In Confirmationis partibus, quibus docetur maximè, 6. In Narrationibus veris, aut fabulosis &c.

*Qualis est Stylus sublimis?* R. Grandis, regius, vehemens, incitatus, dominans, qui præter argumentationem invictam, amplificationibus grandescit; Figuris illustribus, amorem, odium, miserationem, iram, &c. flexilibus animis inserit, per crebra incisa mordet, pungit; modò perstringit, aliàs in sensus irrepit: novas opiniones ingenerat, insitas evellit, torrentis instar rapidum fertur; defunctos à mortuis excitat, patriam loquentem inducit, ad Deos, Deasque vertitur, tonat ( quod de Pericle dicebatur ) fulminat, permiscet omnia.

*Quando locus est huic Stylo?* R. Inter Ciceronianas sublimissimæ, & omni oratorio apparatu armatæ sunt; ideoque lectu omnium dignissimæ; Philippica secunda; pro Milone, Verrina ultima, Catilinaria prima & ultima, pro Domo sua, in Pisonem, pro Rabirio, pro Sext. Roscio. Locum item habet in Deliberativo Genere, quo de gravissimis Reipublicæ negotiis ageretur. Item in Perorationibus, quibus præcipuè Motus spectatur. Tales quoque sunt orationes militares Duceum apud Historicos, etsi fucinctæ, & abruptæ.

Sacris in Concionibus haud dubiè Eloquentiæ vis omnis, & acrimonia expromenda, graviter, sublimiter, ardens dicendum, præsertim cùm de vitiis jam inolitis evellendis, agitur, aut de veritatibus Evangelicis durioribus, de relapsu vitando, occasionum fuga, condonandis injuriis, de Christianæ charitatis Officiis, carne edomanda, &c. quibus in thematis frustra victoriam speret, nisi Rhetor bonus, etsi alioqui ab omni sacra scientia quàm præclarissimè instructus fuerit. Nec usquam quàm in pulpito, positæ in Rhetorica perdiscenda operæ præstantiores fructus, aut suaviores leguntur.

Qua-

### SOARII.

*Qualis est Stylus Temperatus, seu Mediocris?* R. Humilem inter & sublimem medius; isto demissior, illo paulò elatior; qui ornatus plurimum, minus vehementiæ habeat; amplificatione valeat imprimis, & Numeroso dicendi Genere; Figurarum parcior sit, nisi quæ ad delectandum, quàm pugnandum magis faciant; nec nisi leniores quospiam affectus contineat, verbò nervorum minimum, suavitatis plurimum & ornamentorum habet.

*Ubinam Temperato Stylo locus?* R. Cicero ubique in laudatorium Genus excurrit, hoc utitur, ut pro lege Manilia & Marcello, quibus nihil expolitius est, vel suavius. Tales item sunt in Domo Cæsaris ac privatim, nempe ad Sapientes dictæ orationes, ut pro Dejotaro & Ligario. Pro Muræna item & Archia Poëta. Servit porro in orationibus Academicis, Panegyricis, Eucharisticis, Fune-ralibus &c. Et quidquid ad Panegyricum genus refertur; nec minus in Ecclesiâ in Festis Virginis, Cælitum Divorum, Patrocinii, Dedicationis &c.

Præter hos dicendi characteres sunt & alii, non tam à thematis; quàm Elocutionis diversitate appellati, quorum usitatiores sunt 1. *Conciscus*. 2. *Argutus*, 3. *Allegoricus*.

*Qualis est Stylus Conciscus?* R. Periodico seu circumscripto oppositus, cum plurima membratim dicuntur; & membra multis Incisus conferta sunt. Concisci hujus & abrupti styli exemplum est Sallustius in sua quâ Historia, quâ orationibus; Seneca item, cujus sententiæ ut dignissimæ, lapides sunt sine cæmento. Tacitus quoque nullâ Numeri curâ brevis est & vibratus, & cogitanda relinquit plura quàm dicat. Hunc sectatus est Justus Lipsius, ejusque imitatores infelices nonnulli. Commendatur item in Epistola ad Familiares, ut Cicero ad Tyro-nem suum: *Vide, quanta in te sit suavitas.* *Luas*  
*horas*



## RHETORICÆ.

*horas Thyrcæ fuimus. Xenomanes hospes tam te diligit, quam si vixerit tecum. Is omnia pollicitus est quæ tibi essent opus. Mihi placebat, ut te Leucadem deportares, ubi te plane confirmares. Videbis quid Curio, quid Medico placeat, Ego omnem spem tui diligenter curandi in Curio habeo. Nihil illo potest fieri humanius, nihil nostri amantius. Ei te totum trade. Malo te paulo posi valentem, quam statim imbecillum videre. Cura igitur nihil aliud, nisi ut valeas. Cætera ego curabo. Nullum hic ambitum videas, effusa & soluta omnia.*

*Quis est Stylus argutus?* R. Eorum, qui ingeniosis argutis Periodos omnes inferciunt, nihil simplex aut non acumine aliquo splendens proferunt, quodque pro condimento esse debebat, pro alimento adhibent; id vero consequuntur, ut sui quidem admirationem aliquam excitent, cæterum non modo non persuadeant, aut movent, sed nec delectent quidem, quin Auditorem vel arguta illa non satis assequentem vel tot acuminum mole fessum delassent. Hujus Generis Princeps est Plinius in suo Trajani Panegyrico, illumque passibus non æquis secuti, Cæsarum reliquorum Panegyristæ. In hanc sectam adscribi possunt Cæsarum reliquorum Panegyristæ. In hanc sectam adscribi possunt Concionatores, quos *Conceptibus Scripturistis* delectari alibi diximus. Utriusque exempla afferre longum foret.

*Quis est Stylus Allegoricus?* R. Qui hodie nullò veterum exemplo nimium Sacris in Panegyricis invaluit, Divosque ascitâ Solis, Aquilæ, &c. imagine dilaudat. Quæ laudandi ratio minorem fortè de Sancto existimationem ingenerat, ac si ejus acta simpliciter enarrares; quàmque juvenum, & amplificandi arte destitutorum esse, & scholam olere alibi diximus.

*Quæ sunt alia Styli vitia?* R. *Tumidus*, seu inflatus;

## SOARII.

flatus, rerum nempe vacuus & sententiarum, verbis grandibus, & levioribus figuris ineptè luxurians. *Juvenilis* & *Frigidus*, qui ornamenta quædam puerilia, lepores insulsos, allusiones frivolas, descriptivunculas affectatas, Metaphoras, & crepundia, quæ vel Poëtam dedeceant, plenis modiis admetitur: diminutiva cumulat &c. *Antiquus*, qui & verbis antiquatis, & Eruditionibus undecunque corrasis ineptit. *Siccus*, & *Scholasticus*, qui vel Rhetoricæ Præceptis arctè nimium se adstringit, vel in Argumentationibus, Divisionibus, Subdivisionibus scholasticum in mortem tenuis est & exilis. *Miscellaneus*, qui modò sublimis, modò humilis, floridus incultus, Concisus, Periodicus, verbo nullus est. *Pedestler*, humi repens, nec sententiis argutus, elocutione incultus, jejunus, exsuccus, audientem tædio enecet.

### Ad Caput LII.

#### De MEMORIA.

**Q**uid est Memoria? R. Ut est Eloquentiæ pars, definitur à Cicerone: *Firma rerum ac Verborum recordatio*. Naturalis alia est, alia artificialis; de qua antequam dicamus, videndum, an Sacro Oratori (nam in Academicas orationes, quæ rariores sunt, fere temporis abundè suppetit) cui quolibet octiduo, unius horæ dictio memoriæ mandanda est, partes duntaxat majores, & minores, 2. An de sensu ad sensum, 3. An omnino omnia ad verbum ediscenda sint.

*Quid de partibus majoribus. & minoribus?* R. *Majores* nempe ipsa Partitionis, seu Divisionis diu meditatæ membra, præsertim si per Incrementum fiat, memoriâ elabi vix possunt. *Minores*; nempe argumentationes, & argumentorum amplificationes illustriores, si singulæ singulis in scribendo Paragraphis secutue; Paragraphi verò adjectis in margine

Notu.



## RHETORICÆ.

Notulis, aut vocibus notentur ( de quo infra ) haud magnâ molestiâ addiscuntur. Qui relegerit aliquoties, & verborum copiâ non destituetur Orator, sui utcumque securus, pulpitum inibit.

*An satis est summas partes memoriâ comprehendisse, cœtera eventui, & ingenii felicitati permitti possunt?* R. Nequaquam. De Periodo saltem ad Periodum, seu sensum ad sensum discendum erit. Secus enim fieri nequit, quin confuso ordine, posteriora prius dicantur, addantur superflua, necessaria omittantur, oratio venustatem suam omnem perdat.

*Ad verbum igitur discendum erit?* R. Italis, Gallicis, Hispanis, quibus non eadem ut nobis Concionum crebritas, temporisque ad apparandas abundè conceditur, de eo ne dubitare quidem in mentem venit. Ni enim ad verbum teneas omnia, Collocatio, Figuræ, Tropi verborum, ac præsertim admirabilis illa Numeri, & Elocutionis totius venustas defluant omnino necesse est. Arduus fanè ac puerilis Viro labor est, verbula singula memoriæ defigere, & ad hoc fastidium quot hebdomadis alligari. Verum qui hoc tædio victus, summas tantum partes velit ediscere, nec boni Concionatoris famam ( quam non quærit ) assequetur unquam, nec quos oportet animorum motus concitabit. Par autem est, & charitatis & officii ratio exigere videtur, ut unus pro tanta multitudine, quæ frangendum panem expectat, non nihil molestiæ sibi imponat, quæ tamen usu ipso, ac Exercitatione levior semper fiet.

*Sed dicentis libertatem impedit hæc verbulorum servitus?* R. Ita quidem causantur nonnulli, putantque qui ita se verbis alliget, tacita quadam sollicitudine, ac trepitatione fixum, deque memoria sollicitum unicus, minimam de voce, gestu, oculo, & actione reliqua curam habiturum; quin se periculo expositurum,

## SOARII

positurum, ne verbulo uno fallente hæreat in medio, scriptumque inspicere cogatur. Verum agent, quod suum est, nec cæleste auxilium deerit, ac superatâ primâ difficultate succrescente verborum copiâ, cognitâ Auditorum humanitate, augebitur fiducia, cum nempe fallente licet hac diligentiae veluti tabulâ in alteram ingenii defilire promptum sit. Quin è converso, qui exantlato hoc labore memoriam securam præstiterit, haud paulò liberior erit ad vocem & actionem moderandam, ac qui ex tempore dicere solitus, nunquam non de rebus dicendis sollicitus esse debeat. Singulari curâ sacræ Scripturæ, Sanctorumque Patrum textus, omissis tamen odiosis citationibus ediscendæ sunt, quod in nostra methodo facile; quâ desumpta inde argumenta seu Enthymemata latè amplificantur, verba ipsa paucis & strictim afferuntur; haud paulò operosior erat eorum labor, quorum Concio ferè tota, perpetua erat sententiarum catena.

### Ad Caput LIV.

*De Artificio, vel potius Adjumentis Memoriae.*

**Q**uodnam est Artificium Memoriae? R. De hoc multa Suarius è Quintiliano. Ejus artis fundamenta sunt. 1. *Loci, & Imagines.* 2. *Locorum & imaginum certus quidam ordo.* 3. *Usus ipse suus è Locis singulis imagines repetendi.* Ad eam doctrinam cognoscendam duarum hebdomadarum spatium, ac deinde sex mensium exercitationem assiduam desiderant artis hujus Magistri. Quo labore devorato promittunt omnino mirandum fore, ut tam copiosè, tam celeriter occurrant memorandarum figuræ, quàm faciliè dum aliquid scribis, Alphabetice litteræ subveniunt; plus discatur unâ horâ quàm ab artis imperito quatuor; Dictata etiam triginta nominum millia exiguo interposito spatio eodem ordine de memoria reddi possint &c. Exempla



## RHETORICÆ.

pla eorum, qui prodigiosâ ejusmodi memoria va-  
luerint, afferunt nonnulla, ac propè fidem superan-  
tia. De re tota nolim esse meum judicium, ut li-  
bet, sentiat quisque. Ego verò nullum novi, qui  
hac arte se magnopere adjutum diceret, nec ex  
innumeris per tot sæcula defuturi fuissent, qui tan-  
tum bonum tantillo labore captarent & ipsi, & cum  
aliis communicarent. Ejus igitur in locum vulga-  
res certæque industriæ adhibendæ erunt, quales sunt.

1. Scribere ad verbum.
2. Ediscere per partes,
3. Loco idoneo.
4. Oportuno tempore,
5. A-  
nimo à curis libere.
6. Multa exercitatione.
7.  
Notis quibusdā.

1. *An ad verbum scribenda est Concio?* R. Scri-  
ptio, localis quædam memoria est. Nec DEO, nec  
cordatis hominibus probari possit eorum ignavia, qui  
summa tantum capita, & sententias aliquod in  
schedam conjiciunt. Non est res tam levis, sacra  
oratio, ut quisquam vel exercitatissimus, vel de in-  
genio suo, vel divino auxilio ita præsidat, quin me-  
ditatō & ad verbum omnia conscribat, mutet, ad-  
dat, detrahat, expoliat. Quidquid temerè effundi-  
tur, satis digestum, ornatum, aut ordinatum esse ne-  
quit. Extemporalem Rhetorēm ego nunquam au-  
divero, quin apud me cogitem, quid me tuis malè  
concoctis divexas? si bona sunt, quæ fortuitò dicis,  
quantò meliora futura erant, quæ prævia medita-  
tione, scriptione, scriptionis emendatione dicturus  
fueras.

2. *An per partes descendum?* R. Juvabit quidem  
primū, semel ac forte iterum totam perlegisse; par-  
tes deinde & sectiones singulæ singillatim ac per  
intervalla ita descendæ erunt, ut dum ulterius pro-  
grederis, priora repetas. Præ cæteris partibus, e-  
xordii & Perorationis ipsa verba memoranda sunt:  
Exordii quidem, cum licet ultimò componantur, præ-  
cipuè

## SOARII.

cipue tamen *accuratum, acutum, instructum sententis, aptum verbis* esse debeat; Perorationis, quod in hac vis omnis Eloquentiæ promenda, & spes victoriæ sita sit; sæpe autem usuveniat, ut prioribus ediscendis lassatus orator, postrema hæc negligentius tractet.

3. *Qualis ad ediscendum locus aptior?* R. Remotior à strepitu, solitarius, ab interventoribus liber.

2. Ubi ne oculis quidem aliò evagandi occasio sit.

3. Ubi commodè obambulari possit, ad mensam enim sedendo non ita promptè discitur, tædiumque citius obrepit. 4. Si fieri possit, ubi clarâ voce, vel saltem admodum articulatâ uti queas, quod ad Numerum servandum, vocis ac gestûs moderationem haud parum confert.

*Quotnam tempus videtur opportunius?* R. Omnium consensu illud est, quod somnum præcedit, & nox consequitur. Quod enim decubituri attentè legimus, & relegimus, per quietem, sive ob remissionem laboris, sive quamcunque ob causam velut concoquitur, & maturescit. Quare & Scholaribus suademus, ut ante somnum lectionum pensum curatè percurrant, & experrecti perdiscant. Nullum verò importunius pomeridiano, nisi tribus à prandio horis. Ante enim spiritus digestionis servientes perturbat.

5. *Quæ impedimenta sunt removenda?* R. Curæ mordaces, & negotia seponenda sunt omniuo. 2. Uti & ira, mœror, aliæque animi perturbationes, & quidquid vel cerebellum vaporibus offuscare, aut animum aliò abripere possit.

6. *Quid exercitatio præstat?* R. Nulla firmandæ memoriæ industria certior est, ac Miloniana illa, qui primò vitulum, denique taurum manu libera sustinuit. Quantumcunque dura memoria, mollescet exercitatione quotidianâ, & si per temporis intervallum



## RHETORICÆ.

vallum aliquod, trium v. g. versuum ex Epistolis Divi Pauli, pro diurno injunxeris, validior evadet indies ad onus pensî haud paulò majus ferendum. Ut Gymnastica exercitatione, & decursionibus corporis vires, ita crebrius memorando memoria mirificè corroboratur.

7. *Quid de Notis quibusdam dicebas?* R. Non modò discenda est, ut primò scripta est Concio, sed in ipsa scribendi ratione observandum, ut argumenta singula, & amplificationes majores, à nova linea vel versu inchoentur, seu pro earum numero in plures sectiones dividantur; sectioni vero seu paragra-pho cuivis vel vox quæpiam, vel nota, signumve aliud in margine apponatur, pingaturve, quod ejus Paragraphi tenorem, aut summam in memoriam re-vocet, v. g. sit thema: *Adversa iustorum; & prospera impiorum.* 2. *Infirmare fidem nostram non debent.* 3. *Quinimo corroborant.* Pars prima sex causas afferat, cur DEUS suos a versis exerceat, quæ in totidem paragraphos dividantur. 1. DEUS per hæc vult probare constantiam suorum. Adscribe vocem marginalem: *Fit proba*, vel pinge Notam *Lapidem lydium.* 2. Ut eos ab omni affectione terrena purificet. Vox: *Purificat.* Vel Nota: *Aurum in igne.* 3. Ut de salute sua securos reddat, subtrahendo noxia. Adscribe: *Securos.* Pinge *Infans cum cultro.* 4. Cogit ad sui amorem, cætera omnia amara reddendo. *Cogit amare.* Vel *Flagellum.* 5. Pugnæ materiam dat, ut victoriæ præmia conferat. *Dat pugnam.* Vel *Gladius laureo cinctus.* 6. Hic punit, ut ibi parcat suis. *Hic punit*, vel *Virgæ.*

*Quis harum vocum vel signorum usus?* R. Voces (si carmen esset, inelius imprimentur) has: *Fit proba. Purificat. Securos. Cogit amare. Hic punit.* Memnosinas inquam has voculas in rejecta-  
nea

## SOARII.

nea charta decies, vigesies, & amplius rescribes, ac deinde á medio, sine ordine etiam retrogrado inci- piendo memoriâ repetes. Idem de Figuris, Notis- ve attitabis, & hanc Concionis partem tenebis fir- missimè. Illud observa, quò vox, carmen, figuræ seu Notæ fuerint horridiora, insulsa magis & ridi- cula, hoc magis ferient memoriâ, cum rerum in- solitarum acrior sit sensus. Operæ verò visum est, rem paradiamate illustrare.

Ediscenda sit Concio P. Segnery Dom. 3. Qua- drages. cujus Thema: *Fugiendas pravas occasiones.* Tacita Divisio. Quia primò: Summa vis est præsen- tis objecti amabilis. 2. Ad quam vincendam nec tuæ virtuti fidere potes. 3. Nec á DEO gratiam vincendi sperare.

*Pars I.* Amabilis objecti præsentia ita perturbat intellectum, ut voluntas sibi constare nequeat. Pro- batúr exemplò Helenæ, quam absentem expellendam censebant Trojani, coram præsentem retinebant. Vox *Helena.* Vel Fig. *Facies fæminæ.*

§. 2. Idem experienciâ famelici constat, opiparæ mensæ assidentis &c. *Magna fames.* Figura. *Pã- tina plena.*

§. 3. Diabolus Christo corâm ostendit omnia re- gna mundi, ut majorem impressiorem faceret tenta- tio. *Sathanas.* Fi. *Cornutus Diabolus.*

§. 4. Ita tentator vos inducit in theatra, ludos mulicos, picturas lascivas & libros &c. *Enumera- tio partium.* Fig. *Notæ Musicæ.*

*Pars II.* In periculo, cui vos offertis, non vos servabit vestra virtus. §. 5. Non habetis magis fræ- natas vestras affectiones, quàm multi Sancti in Ere- mo agentes. *Sylvicolæ.* Fig. *Frænum.*

§. 6. Ab exemplo Hieronymi enumerantis urbi- um pericula, cum dicto: *Fateor imbecillitatem me- am.* *Hieronymus.* Fig. *Caput vetulum.*



## RHETORICÆ.

§. 7. A Dissimili. Illi in summa austeritate fugiebant pericula remota: vos in summa molliſſe nec proxima. Ezech. *Salvabuntur, qui fuerint. Dispar. Figura. Fugitivus in cursu.*

§. 8. Exempla Eremitarum in periculo foedè lapsorum ut: Jacobi, Victorini &c. *Fœdè ceciderunt. Fig. Homo jacens.*

*Pars III.* Nec DEUS singulari gratiâ vosmet periculo exponentes juvabit.

§. 9. Ejus providentia nihil agit præter ordinem, quod ordinariè fieri potest. *Exempla.* Tres Magos Stella duxit viæ ignaros, in patriam notam non reduxit. Petrum solvit, non calceavit. Paulum liberavit, sed enatantem. *Ordo DEI. Fig. Stella.*

§. 10. Medium ordinarium est, *qui cavet laqueos securus erit*, id est; qui cavet nocivam aliàs conversationem, Comœdiam &c. *Laqueus. Fig. Laqueus.*

§. 11. Inductio trium puerorum, Jonæ, Danielis &c. quos in sua causa DEUS miraculò servavit. *Pueri. Fig. Fornax ardens.*

§. 12. Custodes Angelos dedit, ut custodiant te in *viis tuis*, non item si petulanter te in locum præcipientem des. *Custos. Fig. Angeli.*

§. 13. Contra servavit DEUS Juditham, Saram, Susannam &c. Non Dinam turpiter lapsam; *quia sine causa egressa est videre mulieres regionis illius. Dina, Judith. Fig. Caput resectum.*

En Mnemosinas voculas, seu Figuras, Summam Concionis indicantes.

*Helena. Magna fames. Sathana. Enumeratio partium.*

*Sylvicolæ. Hieronymus. Dispar. Fœdè cecidère. Ordo DEI. Laqueus. Custos. Dina, Juditha. Sara.*

Quæ sæpius scriptitata, magno erunt adjumento memoriæ.

90  
SOARIL

Ad Caput LVI.

De Pronunciatione, & Voce.

**Q**uia circa Pronunciationem est observandum? R. Pronunciatio, quæ Rhetoricæ pars est ultima, duo complectitur, *Vocem & Actionem*, seu Gestum. Sine hac ne summus quidem ac disertissimus Orator placebit magnopere; parùm verò disertus ac infans, sed voce gestuque præclarus præfertur; ut adeò Demosthenes huic primas, secundas, tertias in Eloquentia tribuerit: & pessimè sibi consulant Concionatores, qui in conscribenda ad artis regulas, & ad verbum ediscenda Concione nulli operæ parant; non item eadem diligentia in vera pronunciandi arte se exercent, hoc est. merces vendibilissimas venditare nesciunt. Equidem naturæ dona, corporis habitus, educatio partem sibi magnam vendicant, perfici tamen possunt studio, quæ hanc naturam negata sunt. Et si ad corrigendam infantiam ac balbutiem suam, tantum (ut multis narratur) operæ impendit Demosthenes, ac Cicero, an Divini verbi Præco minus sibi faciendum putabit?

*Quid spectandum in voce?* R. Ut *sonora sit & nitida*. 2. *Articulata*. 3. *Variabilis*. *Sonora* quidem & *nitida*, ut longè audiri possit; non rauca, strepera, vel mollis, vel per nares efflata, vel immanis & incondita. Si quæ sunt nativa vocis vitia, quoad fieri poterit industriis corrigenda. vel rerum dignitate, ac sententiarum compensanda erunt utcunque. 2. *Articulata*. quæ distinctè, ut intelligi etiam à remotioribus possit, syllabas exprimat singulas: postremas imprimis ne obsorbeat, quod multorum vitium est; cui vitando vocis cadentis syllabæ durius aliquantò pronunciandæ forent. *Variabilis* nempe pro modo & diversitate partium orationis. 2. *Thematum*. 3. *Figurarum*. 4. *Affectuum*. 5. *Periodorum*.



## RHETORICÆ.

1. *Qua voce utendum in singulis orationis partibus?* R. *Exordium* nisi ex abrupto fiat, lene erit, modestum, tranquillum. Nihil insuavius, ac exordientis vociferatio. *Propositio* & *Partitio* quàm fieri potest, clara sit, & distincta. *Confirmatio* firma & mascula, & cùm docet, temperata. *Peroratio* vivida; vehemens. & concitata. Ad fervendam vocis integritatem pars orationis quælibet, ut *Exordium* demissiore aliquanto tonò inchoanda esset.

2. *Qua in diversis Thematis?* R. In precando decet vox depressior: in suasionem gravis; in laudationem clara & explicata; in vitiorum insectatione fortis & commota, in tristibus gravis & querula; in sublimibus elatior; in jucundis tenera & suavis, &c. Quæli demum in quotidiana consuetudine uti à natura ipsa docemur.

3. *Qua in diversis figuris?* R. Interrogatio naturalem suam flexionem, ac in fine elationem habet. Exclamatio item suam: Anthitheses ut rem, ita sonos oppositos, altiore; vel demissiore amant: Proso-popeja, ejus quem loquentem facit, vocis modum: Apostrophe contentiore utitur &c. Naturâ & celebrium Concionatorum imitatione hæc perscicies.

4. *Qua in diversis Affectibus?* R. Hic ut alias, natura magistra erit optima. Qui ipse sibi persuadet, vera esse, quæ dicit; qui ipse, quem in aliis commovere vult, affectu commovetur, suapte, nec cogitans in *Ira* voce utetur acuta, incitata, crebro incidente; In *Timore* dejectâ ac tremulâ, In *Gaudio*, tenera, & hilari: in *Amore* blandâ, amœna, subridente; in *odio* asperâ ac severâ: in *Dolore* ardente ac vehemente &c. Memorabile est, quod Sinenses: sapiens certè populus nullam ejusmodi vocis variationem in judiciis suis tolerant, tantam illi vim ad Judices variè commovedos inesse putant.

5. *Qua in Periodo?* R. Periodi pars prior modera-

## SOARII.

deratione voce incipiendæ: & postrema syllaba præfertim in I. vel U, vocales terminata, diligenter ne deglutitur, exprimenda. Post incisa vel commata singula spiritus reciprocandus; paulo plus interspirandum in medio Periodi, vox tamen suspendenda donec in clausula deprimatur. Plus etiam inter unam ac sequentem Periodam respirandum, ne contentione perpetua vox frangatur.

*Quæ sunt vitia Pronunciationis magis vulgaria?*

R. Cantillatio. 2. Monotonia, 3. Vociferatio. 4. Languor. 5. Præcipitantiâ. 6. Lentitudo.

I. *Quæ est Cantillatio?* R. Est modulatio quædam flexioque ad Rhythmi modum, per totam ferè orationem æqualis, id quod scenicum quid & declamatorium habet, ac tabulis uno colore pictis simile est. Est hoc multis à prima juventute agnatum vitium, quo pueri, eodem quo parentibus olim gratulabantur, vel in scena aut feretris dicebant tono, res etiam minutas ac festivas; eâdemque nœniâ, quæ maribus & Milonianæ perorationem, vel Priami cædem, vel Herculis furores pronunciare asueti, cantilenam eandem tandem in cathedram afferunt. Cui tam vulgari incommodo remedium adhibebitur, si pueri in Comicis potius, ac humilioribus rebus ad familiaris fermocinationis modulum, quàm ad tragicam granditatem exerceantur: eorum verò, quæ pronunciant, genuinum sensum intelligant.

2. *Quæ est Monotonia?* R. Cantillationi partim opposita, partim eadem, quæ legentem potius, quàm orantem refert, unoque & insulso vocis tenore propè nullâ flexione per totum utitur, eâdemque veluti chordâ ad extremum decurrit res audientibus longè molestissima. Audivi, qui à principio ad finem veredarii cornu sonitum exprimebat. Quis autem ferat eodem tono dici v. g. *Quandiu tandem abutêris paternitâ nostrâ Catilina? Proficiscere, egredere,*



## RHETORICÆ.

*gredere, &c. Et: Amicus meus summus, & popularis Geta heri ad me venit &c.*

3. *Quæ est vociferatio?* R. Contentio vocis immoderata. Equidem plebecula non rarò, quem faucibus vocalissimis, lateribus valentissimis, vultu rigido corpus totum jactantem intemperanter, ut oratorem optimum oculis, labiisque diductis admiratur. Hoc verò Cicero non oratores, sed *latratores* vocat, nec ad attentionem quidem ciendam facit hæc clamorum immanitas, uti asueti ad molendini strepitum suaviter condormiunt.

4. *Quem languorem dicis?* R. Vociferationi oppositum, cum voce media frigide, oscitanter, nihil variato sono, nihil mutato vultu, sine impressione, aut contentione ulla dicitur. Quem sic dicentem vix sibi ipsi concionari, ac fortè dictatum quid de memoria recitare credat auditor. Callidium quendam, qui pro concione remissa, & æquabili voce venenum sibi propinatum dixerat, vel è solo hoc languoris indicio mendacii redarguit Cicero: *Tuus ait, iste mirificus languor mendacium arguit.*

5. *Quod est Præcipitantis vitium?* R. Eorum, qui celeritate nimis volubili vix ullo ad respirandum, vel auditoribus ad cogitandum sumpto intervallo: fluminis, aut torrentis potiùs rapidi more trudent orationem præcipitem, seque & Auditores delassant aded, ut quod Augustus de quodam dixit: *Sufflamine* (sufflamen retinaculum est rotæ in præceps currentis) *opus haberent* Satis fuerit ad laudem oratoris, si prompta, facilis, & nuspiam hæsitans memoria æquabili velut alveo pacatam devexerit orationem.

6. *Quod nimicæ Lentitudinis vitium est?* R. Præcipitantis oppositum, & eorum est; qui in singulis serè voculis interfistunt, litteras veluti syllabatim computando annumerant, guttatiim quodammodo loquuntur,

## SOARII.

quantur, ut diu hiandum sit, dum ad finem Periodi prorepatur. Nihil hoc genere molestius, nihil quod minùs in animum descendat, quodque nisi nullam concionem omittere obfirmatus, ad extremum perduret.

Ad Caput LVIII.

*De Gestu.*

**Q**uid est *Gestus*? *Æ*. Gestus, seu actio quinta Eloquentiæ pars, veluti muta quædam elocutio est, & ad ea, quæ dicuntur, oris, manusque decens motus & totius corporis conformatio. Habet Gestus & in familiari sermone locum, quamquam Germani non perinde ut quædam nationes vividæ, gesticulamur. Illud Oratori tenendum generatim, ut nec effusa jactitatione mimum agat, vel histrionem, nec loquentis instar statux, immotus adstet; eaque ratione gestum curet, ut decura nihil appareat.

*Quid in Actione observandum?* *Æ*. Corporis situs.

2. Caput. 3. Vultus. 4. Oculi. 5. Collum, humeri, brachia. 6. Manùsque præcipuè. *Corpus* itaque erit erectum, nec antrorsum recurvum, nec ad latus recline, minùs cathedræ inurbanè incumbens. *Caput* ne seniliter sit propendulum, neque nisi ad languorem exprimendum, ad latus reiectum; multa capitis agitatio indecora est. Annuimus tamen cum damus; renuimus negantes; averfione modica averfationem, remotionem, vel dubitationem indicamus. *Vultus* pro rerum varietate severus, blandus, erectus, alacer aut contrà tristis, remissus, contractus. *Oculi*, animi scilicet indices certissimi in Actione dominantur, & manum sequantur, motibusque cæteris vitam assent, oportet, Qui vix aperiunt, vel in unum locum defixos habent, non tam agunt, quam recitant orationem. *Collum* vel contractum, vel protensum, vel rigidum, & immobile placere non potest; nec si *Humeri* jactentur, attollantur,



## RHETORICÆ.

attollantur, deprimantur, contrahantur: *Brachia*, nec incôpositè pendebunt deorsum, nec ut tela vibrantur, sinistrum quiescit plerumque; nec quàm longum est, attollitur dextrum, sed summum suprâ oculos. Percutere suggestum, pedibus supplodere, manus cum sono complodere, sunt, qui minus probent

*Quæ autem est manus actio?* 1. *Dexterâ* ferè utendum, quâ præcipue constat Actio. Cavendum autem ne digiti sint dispassi, aut tribus extremis digitis in volam contractis, indice solo & pollice gestum moderemur. Pro rebus movetur manus, ut cum *attraho. repello, extollo, deprimo, unio, separo, misceo, divido, scanda, descendo, verto, tremo, tuneo, rumpo, rogo, &c. Cælum, terra, frons, caput, astra &c.* Singillatim autem:

*Supplicamus* aut invocamus junctis manibus, iisque vel elatis vel depreffis. 2. *Aversamur*, execramur, negamus, caput ad dextram, manum verò vel utramque ad lævam vertendo. 3. *Interrogamus* dextram modicè sublevando, ita ut vola auditorem respiciat. 4. *Urgemus*, instamus alterno motu, brachio liberius prolato, manuum impressione varia. 5. *Distinguimus* contraria, dextram supinam in sinistrum latus, ac deinde pronam in dextrum transferendo. 6. *Confirmamus*, manum dextram pronam gravi quodam & decenti motu deprimendo. 7. *Exprobramus* tribus digitis pressis & indice explicato. *Timemus* manibus sublati, aliquantum palpitantibus, & sensim versus pectus recedentibus.

*Iraſcimur* alias manu in pugnum contractâ; alias porrectâ, & ad latus extentâ non item suggestum percutimus. *Pœnitudo* ostenditur manibus ante pectus decussatis, capite paulùm ad latus declinante. *Dolemus* complicatis inter se manibus, vel utrimque dejectis. *Admiramur* manibus elatis utrâque volâ  
ad

## SOARII.

ad populum versâ, & oculis sursum sublatis. *Tro-*  
*niam* exprimit vultus paulum averſus, os subridens,  
 caput leniter annuens, index uterque in latus pro-  
 tensus, *Asseveramus* dextrâ remissâ, pectori admo-  
 tâ, vel manibus leniter comploſis, *Hortamur* dex-  
 trâ cavâ & apertâ, & identidem sublata. *Mitiga-*  
*mus* manu aliquoties leniter elatâ, & cum quadam  
 gravitate demissâ. *Multitudo* manibus disjunctis;  
 paucitas conjunctis & cavis significatur. *Minita-*  
*mur* suspensò supercilio, indice elato & aliquoties  
 moto. *Dimittimus* averſa manu celeriter motâ. *Pro-*  
*hibemus* manu elata, & paulum suspensa. *Permit-*  
*timus* dextrâ conversâ & porrectâ, Omittenda de-  
 nique sunt nonnulla, quæ dedecent; ut crebrò Stro-  
 phium ex habitu quodam arripere; manicas, super-  
 pelliceum, pileolum aliter, aliterque versare, screare  
 aut tullire ultra quàm necesse, unde memoriæ fu-  
 gam suspicari esset, semper eundem sine varietate  
 gestum efformare.

Haud abs re foret, si uti de Affectibus certi qui-  
 dam toni compositi extant; ita Formula aliqua com-  
 poneretur, quâ Figuræ omnes, ad exercitandos Ty-  
 rones exprimerentur.

## APPENDIX De ORATIONE SACRA,

### Seu INVENTIONE CONCIONATORIA.

#### CAPUT I.

#### De Locis Concionatoriis.

**A**N præter communes Rhetoricæ, peculiare sunt  
 Concionatorii Loci? R. Certè. Cum enim in  
 Ecclesia non de fundo, vectigalibus, aut vili capite,  
 sed Sacrosanctis Religionis Christianæ Myſteriis, hu-  
 manum sensum longè superantibus, de moribus ad  
 severitatis Evangelicæ normam conformandis, de  
 æterna



## RHETORICÆ.

æterna animarum salute agatur. firmiora longè argumenta, nec ex humana Philosophia duntaxat petita sint oportet. Peculiares adeo, è quibus eruantur Loci, indicandi sunt.

*Quid sunt Loci Concionatorii?* 3. Primò Sacræ Litteræ. 2. Sancti Patres, seu Ecclesiæ Doctores. 3. Theologici Loci. 4. Scriptores ascetici probatiores; 5. Historia Ecclesiastica.

I. Sacræ Litteræ. *Quid sunt sacræ Litteræ?* 3. Dei ipsius, nempe æternæ Veritatis Verbum ab hominibus divino Spiritu afflatis, tum à JESU Christo, Patris Verbo hominibus prædicatum, inque certos libros, quos Sacra Biblia, vel Scripturam Sacram vocamus, relata, qui ab Ecclesia pro Authenticis; certaque fidei & morum norma agnoscuntur. Hoc illud immobile, firmissimumque solum est, quo uno nititur Christiana Oratio, sinè quo in Academicum Sermonem migrabit. Undè Concioni adesse Polonis idem est, ac *Verbum DEI audire* & Concionatores, Ministros Verbi (intellige Divini) vulgò appellamus.

*An in omni Themate Sacræ Scripturæ autoritate utendum?* 3. Huic uni firmamento inædificanda est sacræ dictionis fabrica. Quamquam pro thematum diversitate in alio parcius, in alio liberiùs, sententiis, seu Enthymematis inde petitis uti deceat. Sunt enim themata quædam, quæ communia: alia, quæ Evangelica appellare libet.

*Quenam sunt Themata communia?* 3. Sunt eæ Doctrinæ, quæ non solum DEI verbo scripto, sed intimis animis gentium etiam barbararum insita, etiam à Philosophia humana, & naturali ratione docentur, ut sunt pleraque Decalogi præcepta: Deum colendum, non pejerandum, honorandos Parentes, homicidio, adulterio; mendacio, furto abstinendum: Item arrogantiam, avaritiam, ingluviem, iracundiam, perf-

## SOARII.

perfidiam, ingrati animi vitium &c. evitanda; opes contemnendas; seipsum noscendum, &c. Quibus de rebus multa Socrates, Plato, Zeno, alique Philosophi & egregia commentati sunt, & posteris tradidère. In ejusmodi thematis divina Scriptura pro fundamentò quidem erit subternenda, amplificationi tamen haud paulò plus, quàm plurimorum textuum congeriei studendum. Vel unus Divinæ authoritatis Locus satis fuerit ad persuadendum firmius doctrinam, humanæ rationi alioquin conformem, & à cujus contrario homo non sceleratus naturà abhorreat.

*Quæ sunt Evangelica Themata?* R. Doctrinæ antiquis Philosophis incognitæ, naturali sensui repugnantes, ac à Christo, fidei, vitæque Magistro unicè sectatoribus suis traditæ, ut sunt *Dogmata*: De DEO remuneratore bonorum, eoque uno & trino, animæ immortalitate, æternis pœnis, vel gloria, de Filii DEI Incarnatione, Angelis, Gratia, Ecclesiæ authoritate, vi & usu Sacramentorum, Divinorum Cœlitum cultu, &c. vel Præcepta ac Leges, ut: de parcendo, & diligendo inimicos, de carne sua odio habenda; de sui ipsius despicientia, refrænando appetitu ipso rei injustæ vel turpis: summa corporis, animique castimonia, beatitudine eorum, qui persecutionem patiuntur, &c. Hæc ut sola Dei loquentis authoritate constant, ità hac pugnandum maxime, nec tamen amplificatio, aliæque artis Rhetoricæ subsidia omittenda, quibus obscurum per se, & apud multos per vitia offuscatur fidei lumen adjuvetur. In eam rem probantibus scripturæ Locis magis utendum, quàm affirmantibus.

*Quos vocas Scripturæ textus affirmantes, quos probantes?* R. *Affirmantes*, seu *simplices* voco eos, qui simpliciter essantur, statuuntque vel credendum dogma; vel agenda præcipiunt, ventântve. *Proban-*  
*tes*



## RHETORICÆ.

*tes* seu compositi sunt, qui præter nudum effatum, argumentum item, seu Enthymema, seu rationem dicti continent: v. g. ut si misericordiam in pauperes suaturus dicas è Lucæ c. 6. *Omni petenti d te tribue*: simplex erit & nuda sententia, at si ex eodem capite dixeris: *Date, & dabitur vobis*, jam præter effatum, effati probationem seu rationem, seu Enthymema Amplificationi aptum afferes: erit enim argumentum: *danti dabitur, ergo dandum est*. Manifestum est autem, probantibus hisce textibus, vim ad persuadendum longè maiorem esse, quàm simpliciter affirmantibus; est enim autoritas simul & ratiocinatio, eâdem fidei basi nixa.

*An probantes hæc sententiæ non item ad Locos Rhetoricos, è quibus argumenta petuntur, referri possunt?* R. Haud dubiè. Exemplum esto in Themate proposito, quo probare velis eleemosynam dandam pauperi: à Definitione: *Frangere esurienti panem tuum, & carnem tuam ne despexeris*, Isa. c. 58. Fac argumentum: mendicus, caro seu frater tuus est, ergo &c. Ab enumeratione partium: *Esurivi enim, & dedistis mihi manducare, sitiivi &c.* Math. 25. Ubi reliqua charitatis opera enumerata habes. A Similitudine: *Ignem ardentem extinguit aqua, & eleemosyna resistit peccatis*; Eccles. 3. A Contrariis: *Qui obturat autem suam ad clamorem pauperum, ipse clamabit, & non exaudietur*. Prov: 21. Item: *Ite maledicti in ignem æternum; esurivi enim &c.* Math. 25. Ab Adjunctis: *Nè dicas amico tuo: vade & revertere, cras dabo tibi, cum statim possis dare*. Proverb. 3. Item: *Cum facis eleemosynam, noli tubâ canere ante te*. Matth. 6. A Causis: *Qui humiliatur egentem, exprobrat factori ejus; honorat autem eum, qui miseretur pauperis*. Proverb. 14. Ab effectis, *Peccata tua eleemosynis redime, & iniquitates tuas misericordiis pauperum*. A Com-

paratio-

## SOARII.

peratione: ut Hospitalitas Abrahæ *Genes. 38. Via*  
*dua Sareptana Eliæ altrix. 3. Reg. 17. Tobias,*  
*Tob. 4. Job, qui de se, Oculis fui cæco, pes clau-*  
*do, pater eram pauperum, &c.* E quo exemplo vi-  
des Rhetoricam profanam revera sacræ ancillam es-  
se & ministram.

II. Sancti Patres. *Qui sunt Sancti Patres? R.*  
Ecclesiæ Doctores, quos vetustas, vitæ sanctimonia,  
omnigena eruditio, S. Spiritus Unctio singularis ac  
imprimis Ecclesiæ authoritas, divinarum scriptura-  
rum legitimos Interpretes constituit. Hi invenien-  
dorum pro quavis materia argumentorum fontem  
præbent inexhaustum, & locupletes sunt adeo, ut  
nihil propè incogitatum, indictumque reliquerint;  
mirumque sit, esse, qui rivulos putidos consecrati;  
Plutarchum, Senecam &c. in sacro pulpitu personent  
Quod autem suprà de scripturæ sententiis monui-  
non negligendæ quidem erunt *affirmantes*, præfer-  
tim in Themate difficili: præhabendæ tamen *Pro-*  
*bantes*, nempe quæ per argumentationem & am-  
plificationem expolitæ, ipsum orationis corpus, sua-  
ptè constituent. Exemplum esto in eodem The-  
mate:

A Definitione: *Hæc (eleemosyna) est solatium*  
*grande credentium, virtutis nostræ præsidium, muni-*  
*mentum spei, medela peccati, coronâ pacis, sacrifici-*  
*um Christiani, &c.* Augustin. in Lib. de eleemos.  
Ab enumeratione partium: *Esurientium panis est,*  
*quem tu detines, nudorum indumentum, quod tu in-*  
*cludis; miserorum redemptio, pecunia, quam tu in ter-*  
*ram defodis, &c.* Augustin. Serm. in Domin. Pen-  
tecost. A simili: *Manus pauperum est Gazophyla-*  
*cium Christi, quidquid pauper accipit, Christus acce-*  
*ptat.* Chrysol. Homil. de Jejunio, & eleemos. I-  
tem: *Bona negotiatio, in qua parvo emitur, & ma-*  
*gno venditur.* Chrysol. serm. de Pœnitent. Item

*Quasi*



## RHETORICÆ.

*Quasi fœnus trajectitium facis, hic das peritura, ibi recipis æterna.* August. super Psalm. A Dissimili: *Quid Judici respondebis miser? parietes vestis, hominem non vestis; equos phaleris ornas, fratrem lacrum aspernaris.* Ambros. L. de Nabath. A Contrariis: *Crudeles adimunt pauperi necessaria, ut mollia & superflua dent ventri.* Basilus. Item: *Si non pavisti, occidisti.* S. Ambros. Item: *Pauper & dives duo sunt contraria, duo sunt sibi necessaria.* Augustin. Ab Adjunctis, *Date omnibus, nè si cui non dederitis, Christus ipse sit.* August. Item: *Vera eleemosyna est sic dare, ut gaudeas te dare.* Chrys. A Causis: *Deus pauperes in hoc mundo esse voluit, ut divites peccata sua redimerent.* August. Ab Effectis: *Eleemosyna in utraque vita calores efficit: in ista famam comparans, in altera gloriam æternam.* Chrysost. A Consequentibus: *Non memini mala morte mortuum, qui opera charitatis exercuerit,* Hieronym. A Comparatione: *Non enim minoris criminis est tollere, quam cum possis, & abundes, denegare.* August. A Comparatione: *vide infra:*

III. Theologia. *Quid sunt Loci Theologici?* R. Sunt ea, quæ de fidei dogmatis, vel moribus, Christianique hominis officiis in Theologia scholastica, Positiva, Polemica, Morali docentur. Hæc divinarum rerum coagnitio penitior omnino necessaria est Concionatori, nè quid à recto tramite & Ecclesiæ doctrina deviet, atque ambigua pro certis, parum solida, & errori vicina pro indubitatis, multitudini credulæ venditet. Uti cavendum est contra, nè in subtilitates Theologicas immittat se, quas vel non intelligat populus, aut finistrè intellectas in offendiculum trahat.

*Cuperem hujusmodi exemplum?* R. Consules igitur Theologiam, quid de Eleemosyna communiter statuatur,

## SOARII.

statuat. Reperies tria doceri. 1. Charitatem Christianam duo complecti: Dolorem de aliena miseria, & auxilium. 2. Eleemosynam non consuli tantum, sed præcipi, nec enim ob ejus omissionem consilii alioquin olim dictum iri: *Ite in ignem æternum; esurivi enim, & non dedistis, &c.* Esse namque hanc divinæ providentiæ legem, quâ tantam in rebus humanis inæqualitatem induxit, ut egerentalii, abundarent alii, sed eâ causâ, ut illorum penuriam suis opibus sublevarent. Item voluisse Deum, ut alter per submissionem, alter per moderatam liberalitatem gratiam in ordine supernaturali consequerentur. Hinc in Deutero: c. ii. *Præcipio tibi*, ut aperiās manum pauperi. Et 1. Timoth. 6. *Præcipe* divitibus, *facile tribuere*. 3. Docent Theologi: dandum è superfluo, & quidem ex officio justitiæ; definit, quos fines, limitésque habeat superfluum, & an quæ evenire, non item prævideri possint, fortuitæ necessitates ab hoc præcepto eximant: docet denique quo sensu accipiendum sit illud, quod eleemosynis peccata deleantur. Inde advertes non argumenta tantum, sed & copiam ex his locis manare.

IV. *Quinam sunt Scriptores Ascetici?* R. Qui de Christianæ vitæ, virtutisque perfectione multa piè, & utiliter conscripsere. Delectu tamen adhibito præferendi, qui non tantum voluntatem afficiant suaviter, sed solidis etiam, veræque Theologiæ consentaneis doctrinis intellectum collustrent, quales sunt: Ludovicus Gratenfis, Rodericus, Sanintjure, Causinus, Arias, Drexelius, Crassetus, Nepuev, Manna animæ Segnerii, ejusque opuscula omnia, ac complures alii. Nullum ferè est thema prædicabile, seu Concioni aptum, de quo non spiritualia ejusmodi opuscula extarent. Præ cæteris digna sunt magnorum Theologorum S. Thomæ, S. Bonaventuræ, Cajeta-



## RHETORICÆ.

Cajetani, Bellarmini, Lessii &c. opuscula. Huc accedunt celeberrimorum Ecclesiastarum Sermones, Segnerii, Fabri, Biroati, Bourdaluxei Commentarii, aut operum potius Indices, qui sine plagio magnam suppellestem suppenditabunt.

V. Historia Ecclesiastica. *Quid est Historia Ecclesiastica?* R. Quoniam in suasorio genere ad plebem plurimum valent exempla, seu comparationes parium, majorum, minorum, horum item fontes à profana Historia diversos nosse ab his egregiè comparatum esse oporteret Concionatorem. *Primum* hic locum tenent exempla Biblica veteris ac novæ legis, *Secundum* Ecclesiastica Historia primorum sæculorum; cui fides & authoritas major est: deinceps recentiores Annales Baronii, aliorumque; nec non vitæ Sanctorum, à probatis Authoribus conscriptæ, Annales variorum Ordinum, &c. quibus fidem tribuere vir sapiens non vereatur. Longè verò habendæ sunt nescio quæ Legendæ, Chronica, &c. ignorantissimo ævo ab obscuris Scriptoribus consarcinata, quæ Cathedræ majestatem minimè decent. Quia sunt primi nominis Oratores, qui sibi historiarum ejusmodi narratione omnino interdixere, quod inde justæ orationis cursum infringi, tempusque eripi existimarent, Nec tamen reprehendendi sunt, qui ruri sermoni cuilibet probatam quampiam Historiam subnectere amant. Exempla, ut quæ longius excurrunt, addere non attinet.

Non ignoro objici posse, uberrimos quidem esse hos Scripturæ, Patrum, Theologiæ, Ascetarum, Ecclesiasticæ Historiæ & superfluentes fontes, verum paucos esse vel iis facultatibus, ut tantum librorum numerum comparent, vel sic abundant tempore, ut in immensos hos campos toto vitæ curriculo vix ementiendos expatiantur. Interim non raro adolescenti, & scholis recenti Presbytero jam aggrediendum

## SOARII.

diendum ad opus Evangelii Curatos porrò veteranos, Missionarios, & serventes alioquin Ecclesiastes, sæpè rei familiaris curis, excursionibus longinquis, confessionibus audiendis eum in modum obrui, ut ad hæc temporis nihil vacet.

*Qui suppleri potest hic librorum, vel temporis defectus?* R. Utendum erit adjumentis pro compendio laboris, per viros doctos elaboratis: ut est magnum theatrum vitæ humanæ, Laurentii Bejerlinckii, Thesaurus Cocci, variæ Catenæ Patrum, Bibliotheca Labatæ, Lohneri, Spanneri, Mansii, &c. ac cæteris omnibus plenior P. Vincentii Houdry, quæ ut è Gallico latine verteretur, optandum foret. His subsidiis adjutus incipiens, aut admodum distentus Concionator facile enthymemata & exempla pro quavis materia conquiret, quæ Rhetoricâ, ac imprimis amplificandi arte accedente, in elegantis, utilisque orationis formam constuantur.

### Caput II.

#### *De amplificatione Orationis Sacræ.*

*AN alia est Orationis Sacræ, quàm profanæ amplificatio?* R. Postquam ad thema propositum è scriptura, & Scripturæ interpretibus Patribus unum. vel plura argumenta inveneris, eodem artificio, ex iisdem Rhetoricæ Locis, definitionum, similium, contrariorum, causarum, effectorum, adjutorum, exemplorum frequentatione & congerie, perinde ut quævis alia oratio amplificanda, figuris & affectibus acuenda, ad plebis captum in plena luce ponenda erunt. Certe si hodie sacer quidam Tullius conscendat Cathedram, nec tam Verrem, Pisonem, Antonium, nec è jure aut legibus Romanis, sed vitia, luxum, avaritiam, libidines &c. è sacro Codice infectaretur, non minores facturum credo motus animorum, nec minùs admirationi futurum in pulpito, quàm olim in Rostris fuerat, aut Sena-



## RHETORICÆ.

tu. Inter causas corruptæ eloquentiæ Ecclesiasticæ hæc Princeps est, quòd à genuina hac amplificandi ratione ad docendum, movendumque tam ne cessariâ discessum est à plerisque; idque quia vel laboriosior (ut est certè operæ non levis) videbatur, vel quòd multi Rhetoricæ præceptis tincti magis, quàm eruditi, nec quibus oportebat armis instructi, in hunc campum descenderunt. Inde factum, ut priore & hoc Seculo alia, atque alia amplificandæ genera in regionibus diversis invalescerent.

*Quæ ais amplificandi genera diversa?* R. 1. Sunt, vel fuere quidam, qui multiplici profana eruditione. 2. Quidam qui figuris Biblicis, ac Conceptibus (ut ajunt) Scripturificis. 3. Alii, qui congeriè plurimarum gnomarum, seu sententiarum; concionariam amplificationem definiunt, atque adeò tres veluti in sectas discedunt.

I. *Quid tibi vis nomine cruditionis profanæ?* R. Inspargunt largiter locos è profana, quin & fabulosa historia petitos, & passim Alexander M. Cæsar, Pompejus &c. etiam è ruralibus suggestibus audiuntur: vel ex historia naturali de certis animalium, plantarum, arborum, mineralium proprietatibus, & admirandis è Plinio, Solino, Aldrovando &c. vel de variarum gentium singularibus legibus, moribus, ritibus, è Suida, Laërtio, aliisque partem orationis magnam implent, voluptate fortasse audientium aliquâ, fructu, motique propè nullo.

*Cur hos eruditos minùs probas?* R. Etsi nihil sit in rebus humanis, naturalibus, artificialibus, è quo non ad moralem doctrinam quamlibet, convenientiam aliquam exsculpere liceat; ad persuadendum tamen vim habebit nihilo majorem, quàm simplex similitudo, in quam deniquæ resolvuntur. Hanc autem ut ad illustrandum argumentum aliquid facit, argumenti tamen nomen vix mereri alibi diximus,

nec

## SOARII,

nec ad amplificandum admodum valere. Ita si de certo palmæ genere, quod Indis cibum, potum, indumenta, tectum, medicinam, navigia, vela præbet, latè differuetis, nihilo plus eleemosynam persuadebis, ac si dicas: quemadmodum hæc arbor Indis omnia præstat, ita homo in egenos liberalis pes est claudò, oculus cæco &c. Quòd si eruditiunculæ ejusmodi undeunde coacervatæ, ad persuadendum vim etiam habent maximam, Christianæ tamen cathedræ sanctitatem vix deceret, miscere sacræ profanis, sæpiusque Plutarchum aut Plinium, quam Hieronymum nominare: præstaret naturali, & obviâ Allegoriâ vel comparatione conferre hominem in miseros largum, canali, nihil superfluum retinenti; quàm de admirandis Aquæductuum Romanorum &c. multis pertragediari, vel de Basilisco narrare, quòd et si solus prædam vorare amet, postquam tamen saturaverit se, leni sibilo advocet animalia alia, ad absumendum, quod is reliquerit. Equidem Asceticæ Doctores, ut Drexelius, Nierembergii, Rodericus &c. haud parcè his ornamentis utuntur, nempe quòd miscendum sibi utile dulci putarent, quò rerum, de quibus agunt, asperrimarum lectionem hòc condimento suaviorem redderent, fastidiumque dispellerent. quos tamen in cathedra imitandos non existimo.

II. *Quid de Figuristis, & eorum amplificatione censetis?* R. Figuristas dico, qui rejecta profanâ eruditione Sacræ liberalius indulget; è figuris Biblicis totam ferè orationem ædificant: in mystico, anagogico, & tropologico sensu exponendo, varios textus variè inter se combinando, plurimum immorantur. Cujusmodi merces ab exteræ cujusdam gentis Commentatoribus subtilissimis, magnò numerò nobis insectæ fuere, & vulgo *Conceptus Scripturistici* audiunt, quibus permulti utuntur, usque sunt tantò



## RHETORICÆ.

libentius, quòd hæc sacra eruditionis species ingenii & doctrinae opinionem conciliet concionatori, simul minimi laboris, temporisque sit. Labitur hora dum duas trêsvè figuras ejusmodi variè circumductas evolvant denique.

*Quid inquam de Conceptionibus Scripturificis?*

R. Primò: *sine autoritate* sunt. 2. *sine robore*. 3. *sine fructu*. Dum enim in quolibet verbulo Scripturae, mysteria nescio quæ recondita venantur, dum in eam rem varias variorum interpretum lectiones, Patrum medii ac infelicitis ævi, ac sæpè Rabbino- rum cogitata variè inter se combinant, interpretationes denique exculpunt longè petitas, violentas, mirum in modum contortas, ac minimâ autoritate præditas; cum non meritò dubitari possit, an Divinus Spiritus, cujus simplex est cum simplicibus fermocinatio, in eum sensum, ac per tot ambages loqui voluerit. Quid autem incerta hæc & suspecta humanæ sapientiæ commenta consecramur, cum infinita suppetant Scripturae loca aperta, minimè dubia, ac promptæ intellectiois: cum item magno numero ad manum sint Commentatores gravissimi, qui in genuino ac litterali sensu exponendo, tam feliciter, tam copiosè elaborârunt.

*An sinè robore sunt hæc subtilitates?* R. Splendoris habent nonnihil, ut adulterini adamantes, & quod de profanis eruditionibus diximus, in similitudinem (quod ipsum figuræ nomen indicat) denique definunt; hoc solum à profana diversum, quòd hæc Protasi, seu fundamento fide certo, illa humano nitatur. Utraque verò roboris ad persuadendum minimum habet. Nec puto, ullum unquam grandem peccatorem his deliciis ad incliti vitii fugam, & solidæ virtutis amorem permotum, Gladius acutus est verbum Dei, ad divisionem animæ pertingens, sed qui his ingenii ludis hebetatur magis, quàm acuitur.

An

## SOARII.

*An etiam sine fructu sunt?* R. Accedit, quod conceptus ejusmodi ab imperitissimo vulgo ne intelligantur quidem, tædio corripiatur Auditor, atque dum longo circuitu Protasis figuræ, Symmachi, Aquilæ, &c. versiones; Rabani, Hincmari, &c. commentationes evolvuntur; diu quò res evasura sit dubius ac suspensus, obliviscatur priorem, ac post concionem rogatus, quid dictum sit, responsum non reperiatur. Quantò altius in animum descendisset oratio sine tam longis diverticulis, perpetua, pugna, ampla, ad unum finem directæ, plebis captui commensa?

*An igitur Biblicis Figuris abstinendum est?* R. Minimè omnium. Quin in Mysteriis sanctæ nostræ Religionis exponendis dignitatis & efficaciæ sunt maximæ, neque ullò pacto prætermitti possunt. In materiis verò moralibus minimè scilicet obscuris, ac controversis, sohriè, parcèque, & eatenus tantum utendum, ut locò profanæ similitudinis, vel exempli, vel comparationis, sacra adhibeatur; nequaquam autem ut veluti corpus amplificationis faciat; continentis orationis cursum interficiat, tantumque temporis occupet, ut ad cætera minùs relinquatur.

III. *Quid de frequentatione gnomarum, sententiarum è Scriptura, & Patribus sentis?* R. Sunt per multi hujus sectæ, qui post delectum Thema concionis plurimum laboris in conquirendis undecunque sententiis ponunt, inter Affirmantes, & Probantes nihil discriminis faciunt, iisque repertis, concionem jam propè perfectam se habere credunt, eaque in re Polyanthæarum fabricatores imitantur. Etenim si Affirmantes tantum sententias, & in materia nihil controversa coacervaveris, v. g. Patrem honorandum, actum ages; & erit, qui tibi oggerat: *quis autem id negat?* At si Divini hujus præcepti naturam, partes, causas, effecta, adjuncta, consequen-



## RHETORICÆ.

quentia eloquenter exaggeraveris, etiam degeneri lacrymis excusseris, ac duritiem emolliveris. Quod si *Probant* etiam fuerint, sed eæ finè amplificatio-  
ne Rhetorica nudæ, minùs feceris, quàm si unam unicam, sed ampliter & explicatè deductam attulisses. Ut unum telum dextrè libratum, altius penetrat, quàm si fascem bene magnum spiculorum in alterum conjiceret. Certè qui ad virum gravem, cordatùmque hosti suo capitali conciliandum cate-  
nam integram gnomarum ex utroque testamento, SS, Cypriano, Augustino, Hieronymo, Chrysostomo, &c. adde & Seneca &c. voce contenta ingereret, respon-  
sum feret fortasse: *De hoc hominem Christianum dubitare neminem; sed injuriam esse graviolem, quam ut condonari possit, nam &c.* Tum enim vivida, va-  
lidèque amplificatio, velut supremus aries obstinato admovendus erit.

*Quid de latinis sententiis dicis?* R. Etsi principes ad amplificandum sententiæ, majoris fidei ergo non modò afferri, sed iterari etiam latinè soleant, pos-  
sintque, eorum tamen mos haud quaquam proban-  
dus est, qui stipatas, easque plurium Periodorum prælongas, primùm latinè recitant; tum citationes fastidiosas libri, capitis, versus, numeri, editionis,  
circa medium &c. subjungunt; ac demùm vernacu-  
lâ ad verbum reddunt, ut si putare velis, latina sub-  
inde quintam, sextâmve orationis partem faciant. Fieri certè non potest, quin tot velut repagulis,  
tot peregrinæ linguæ non intellectæ interjectis in-  
tervallis, sistatur orationis alveus, & animi audientium ab instituto alio dilabantur. Melius imitaberis  
summos ævi nostri Concionatores, & eloquentiæ Christianæ Lumina, qui postquam sumptum è sancto  
Doctore Enthymema, seu sententiam probantem sa-  
tis amplificavere, tum sententiam ipsam; idque pau-  
cis subiiciunt, v. g. Audite ut Chrysostomus in il-  
lup

## SOARII.

lud Psalmi. *Eleemosynas illius enarrabit omnis Ecclesia Sanctorum* ratiocinetur: Gloriam quæritis, ex eo, quod pauperi negatis, superfluo? at enim non inde majoris fietis, si superbo vestitu, palatiis, &c. vos efferetis, quin inde sordes vestras, vel rapacitatem arguent. Quin si virtute famam quæritis, erunt qui justitiam vestram, crudelitatem; patientiam, animi vilitatem &c. dicent; sola in miseros beneficentia extra cavillos est, omnibus grata est & probata: *Non justitiam, non prudentiam, non patientiam, sed eleemosynas enarrabit omnis congregatio Sanctorum.* Itâ Chrysof. Totam ejus ratiocinationem ad verbum latinè recitare odiosum fuisset.

### CAPUT III.

*De Exordio, Propositione, Partitione  
Orationis sacræ.*

*De EXORDIO.*

**A**N alia est in Sacris, quàm profanis exordiendi Ratio? R. Præter jam enumeratos exordiorum fontes, is insuper Concionatorum proprius, maximeque usitatus est, quo occurrens Evangelium, vel Evangelii partem illam, è qua propositio ducitur, pluribus & eum in modum exponunt, ut inde thema naturaliter fluat. Apud Gallos primi nominis Oratores vix aliud exordium reperias. Sive porro factum aliquod exponendum sit, amplificabitur, ut de Narratione dictum; Si dictum, itidem à Patribus, Adjunctis ut Christi Paraphrasis &c. paulùm deducetur. En exempla aliquod: In Evangelio de leprosis: *Ite, ostendite vos Sacerdotibus,* Exordium. His verbis Christus suos, ad Sacerdotes, tanquam animarum Medicos dirigit, non ut in Synagoga, ubi Sacerdotes testandi, quidem de senata lepra, non item medendi potestatem habebant. Mirum autem, quod tot morbis gravissimis conflictati, horreant hos medicos, differant, &c. Id inde est forsitan, quod vim  
hujus



## RHETORICÆ.

hujus medicinæ, id est, *Utilitates sacræ confessionis non intelligant. quas vobis pluribus exponam.*

*Nemo potest duobus Dominis servire, Exord.* Naturæ hoc lumine notum est, si Domini omnibus in rebus inter se discrepent. Hoc intelligentes multi, qui DEO sibi serviendum statuere, cum rebus omnibus abundarent, &c. in solitudines, & claustra secessere &c. Non id volo, sed ostendam quomodo *Es in sæculum vocati, mundum fugere possint, ac debeant.*

*Appropinquans, flevit super illam, quia si cognovisses Es tu, &c. Exord.* Prævidens innumera mala urbi superventura &c. hortatur ad resipiscentiam. Idem Deus facit peccatorem videns, ut cor durum molliat, errantem ovem reducat; non equidem seipso, sed vel per suos ministros ad cor secreto loquitur, vel per certas inspirationes, reprehensiones internas, quas remorsum conscientię vocamus; *Hanc remorsum, miserationis DEI gratiam, nec neglegendam esse ostendam.*

*Dic, ut hi duo filii mei sedcant &c.* Horum mater simpliciter pro filiis suis nuper piscatoribus petit, non modo ut commodius habeant, sed ut Reges fiant, Et credebat eos mereri, quod petebat, cum duobus annis Christum in ærumnis, &c. consecrati essent. O quot hodie sunt, qui ut domos, & familias suas augeant, non tam bonis artibus, ut ista mater, sed extorsionibus &c. grassantur: *In quæ verò pericula immoderatus hic suorum amor multos conjiciat, ostendam.*

Præter communissimum hunc probatissimumque exordiendi modum, cæteris quoque uti licebit, quâ causâ Paradigmata quædam adjeci.

1. A genere seu Thefi: *Pax vobis, ergo sum, nolite timere.* Lucæ 24. Phantasia, & timor sæpe, in errorem inducit: sic luna putatur major stellis; hæ  
stare

## SOARII.

flare videntur, & rapiuntur; remus in aqua curvus, naviganti sylva fugere, Iridi veros esse colores &c. Noctu quæ spectra timemus &c. Ita Apostoli Christum pro spiritu habebant &c. Ita Christiani, vitam Christianam, & spiritualem; ut duram, & horridam aspiciunt, *ego vobis amabilem esse & jucundam demonstabo.*

2. Ab Adjanctis: *Remittuntur tibi peccata tua.* Luc. 7. Si Magdalena nempe publicè infamis ad forum Pharisæum venisset, ut putatis, accepta fuisset? ut in vectus in audacem Pharisæus? &c. per *Protopopæjam*. At à Christo summa humanitate admisa, peccatis soluta &c. exemplo nimirum est: *Etiā maximos peccatores momento sanctos fieri posse.*

3. A Contrario. *Christus flagello expellit nummularios.* Exord. Nunquam Deus per se ipsum, sed per ministros suos punivit, ut Adamum, populum rebellem, Pharaonem, Sennacherib &c. Hodie verò ipse suis manibus, è templo profligat impios: Discite, *quæ templis debeatur reverentia.*

4. A sententia: *Diligite inimicos vestros;* Matth. 5. S. Gregorii egregia sententia est: Apostolos vocatos esse non trahentes, sed *mittentes retia sua*, unde infert: Concionatori suam fore mercedem; si officio fungatur, etsi nihil capiat. Metuo, nè sterilis sit hodie mea dictio, quā Christi nomine vos rem auditu duram jubēbo. Quod si per vestram duritiem nihil effecturum me præviderem, dicam tamen *diligendos inimicos.*

5. Ab exemplo: *Quis me arguet de peccato?* Joan. 8. Carolus VII. Rex Galliae dum voluptatibus unice vacat, monetur à Legato, cæsum exercitum, Provincias amitti. Is verò illi recens structa palatia, ornamenta, delicias &c. ostendere. Tum Legatus: *Ne minem vidi jucundius perire.* Agnovit acumen Rex, & ommissis voluptatibus egit, quod agendum erat,

Quī



## RHETORICÆ.

Qui fieri potest, ut mortali noxa constrictus, ludat, jocetur, rideat? &c.

6. Ab eruditione: Cum fortis armatus custodit atriam suam &c. Trochilus quidam è naufragio servatus, ut domum venit, obstrui in domo duas fenestras iussit, mare respicientes; nè si id placidum, amœnumque videret, denuò libido navigandi veniret, vitandæ nempe occasiones ad malum allicientes.

Opera sua faciunt, ut videantur. Matth. 23. Pharisei reprehenduntur, quòd bona opera facerent, ut videantur. Quot hodie Christiani palàm in malitia gloriantur? Gyges Lydiæ Rex annulum habuit, quo invisibilis factus, maxima scelera perpetraverat. Is annulus hodie non emeretur, nisi levissimo. Si peccare vobis certum est, at modeste saltem peccate.

De Propositione Generis Panegyrici sacri.

**Q**uandonam in Ecclesia Panegyrico utendum è R. In Festis Sanctorum solemnioribus, ut Patroni Regionis, Urbis, Ecclesiæ, Facultatis, Communitatis alicujus, Fundatorum Ordinum Religiosorum, recens canonizatorum &c. in laudatorio genere vel maxime, vel unice versandum. At in vulgaribus, ac statutis Apostolorum, Martyrum Festis, simpliciter doctrinæ morali inhærendum, & exemplis è vita Sancti petitis, si suppetant, in Exordio, vel Confirmatione utendum.

Qualis debet esse Propositio Panegyrici Sacri? R. Itidem affecta, ut supra generatim de propositione commemoravimus. Imprimis verò, ut quod ibidem secundo loco diximus Moderata sit, nec amplior, aut latius patens, quàm justæ orationis modulus admittat: deinde Propria magis, quàm traslata, seu Allegorica, deniq; simul Practica. seu doctrinæ moralis semina continens.

Quomodo erit moderata? R. Si nec nimis multa complectatur, nec ita sterilis sit, ut orationem non impleat.

## SOARII.

impleat. Amplificatio, Panegyrici prima virtus, & veluti anima est, cui tamen locus non relinquetur, si v. g. D. Thomæ Aquinatis virtutes omnes, quæque ante vitam, in vita, post mortem gesserit, enumerare velis, hoc est librum conscribere. Deligetur itaque exornandæ una, duæ, aut tres virtutes; vel ex actis unum, aliudve illustrius, ex quo una, pluresque virtutes eluceant. Sic de S. Josepho dicēs, satis apparere ejus magnitudinem; quod fuerit *Sponsus Virginis Deiparæ*, vel quod *Nutritius Christi*. In S. Dominico extolles zelum adversus hæreticos; vel quantum de Ecclesia meritis sit, fuscitatō, sæpius ad populum prædicandi more: *Vel Rosario Virginis in usum inducto*. In S. Thoma Aquinate vel castimoniam admirabilem, vel orandi studium, vel doctrinam divinitus haustam miraberis. S. Ignatii conversio heroica alias tractabitur; alias tricennarius inter pueros; iterum ejus prudentia plus quam humana; item quantum libello Exercitiorum boni crearit, &c. S. Xaverius: Ejus fortitudo, vel ardor divinæ gloriæ; mors in ipso Sinarum conspectu &c. S. Theresiæ orandi fervor in summa siccitate & supernæ unctionis derelictione &c. Sic in altero Sancto paupertas Evangelica, in alio contemplandi donum, in alio singularis in DEUM fiducia &c. deprædicabitur.

*Quod erit Thema, seu propositio in materia steri-  
liore?* 2. Cùm de Sancto quopiam pauca extant, loco communi liberalius indulgendum, ac omnibus Sanctis Apostolis, Martyribus, Virginibus, &c. communia asserenda. Si quid certi constet, potest fieri conjectura de aliis naturâ cohærentibus virtutibus. Quot enim virtutes in uno Martyrio in sunt, & quanta amplificandi materia? 3. Recenseri possunt aliqua ad ejus sepulchrum prodigia: & tutiores esse urbes à Reliquiis Sanctorum, quam à mœnibus, &c. 4. Pars



## RHETORICÆ.

&c. 4. Pars laudis ducetur á Parentibus, patria, natione, &c.

*Quid sentiendum he Thematis, seu Propositionibus Allegoricis?* 3. Servator ipse, orientalium populorum mori se accommodans, ferè in parabolis loquebatur, semet Agricolaë, viti, agno, viæ, luci, pastori, januæ comparans. Evangelicæ doctrinæ pars magna notissimis parabolis de decem virginibus, filio prodigo, Epulone, benefico Samaritano, talentis inter servos divisis, cœna magna &c. continetur. Quare adeò rejiciendæ non sunt Allegoriæ hujusmodi, ut laudem mereantur, si cum dignitate graviter, & ad SS. Patrum methodum tractentur, neque tantundem Protasi, hoc est, enumerandis proprietatibus Vitis, Januæ &c. quàm in Apodosi, hoc est: fluente inde doctrina inhæreatur.

At verò probari haudquaquam possunt ii, qui cùm solennior quidam Panegyricus adornandus est, primò omnium de Allegoria circumspiciunt, eundemque Sanctum, jam Leonem, jam Aquilam, aliàs Cedrum, Cypressum, subinde Hortum, Liliū, Rosam &c. alias Solem, Hesperum, Iridem, quin Deucalionem, Prometheus, Herculem, & nescio quid faciunt, remque eandem in sexcentas formas transformant, nec minùs in Lilia adjunctis, quam sanctæ Virginis laudibus immorantur, ut adeò Allegoria non unam quandam partem occupet, sed ipsum sit orationis corpus. Præterquam enim, quòd hæc Sanctos Cælites laudandi ratio veteribus incognita, probatissimisque recentioribus omnino inusitata est; Academicum quid, & scholam sapit: præterquam, quòd facillima est, nec magni iugenii, eaque propter Tyronibus veræ Amplificationis per ætatem nondum capacibus fortasse permittenda. Sacrum Pulpitum *Proprium* planumque thema magis decebit, ut: fuisse sui sæculi gentis, ordinis ornamentum: vixisse ut docuit: neminem

## SOARII.

neminem habuisse, quem imitaretur, ipsum verò inimitabilem: Divinæ providentiæ à minimis ad maxima ducentis exemplum &c. De Sancto Angelo Tutelari esse *verum Amicum S. Stephanus*: Summa ejus laudum, primum pro Christo mortuum. *T. Immaculata Conceptio*, quodd hæc quæstio indecisa sit, summæ gloriæ Virgini cedere. *S. Joannes Baptista*, in uno esse dona omnium, idque in gradu excellenti. *De Nomine JESU*: In hoc nomine perfectiones divinas omnes relucere. *In Festo Annuntiationis*: Nemo fuit sibi vilior Virgine nemo Deo pretiosior &c. Plura exempla vide in capite sequente.

*An Panegyricum morali doctrina mistum oportet?*

*R.* Non ideò solum Sanctos laudari vult Ecclesia, ut grandem de eorum sanctimonia existimationem concipiat populus, verum ut ad imitationem simul extimet desides, & meliores reddat admiratores. Quare è vitis ipsorum non tam quæ admiranda, quàm quæ item æmulanda sint, eligentur: ac post amplificatum certæ virtutis actum subiicietur, quod ad mores instituendos faciat; modus imitandi proponetur; nostra dissolutio cum eorum sanctimonia comparabitur; confutabuntur excusationes frivolæ contra exercitium Evangelicæ perfectionis; ostendetur facere nos posse, quod fecit alter, ut nos, homo, debilis &c. Hæc ratio Cælitum encomiis salubres & rei accommodatas adhortationes admiscendi haud dubiè genuina Idæa est Ecclesiastici Panegyrici. Exemplum habes in Partitione.

*De Propositione, seu Themate generis Deliberativi Sacri.*

*Q*uid observandum in Propositione generis suavorii sacri? *R.* In his minus difficultatis, ac in Panegyricis, & materiarum prædicabilium campum aperient immensum, Sanctum JESU Christi Evangelium.



## RHETORICÆ.

lium, fons nunquam deficiens; SS. Patrum Commentarii; octo Theologiæ Speculatricis, ac non pauci morales tractatus; Ascetici ac Concionatorii libri, Polyanthææ, Bibliothecæ Concionatoriæ, in quarum aditu occurrunt Tituli: *Abſtinentia. Ambitio. Amor inimicorum. Amor ſui. Atheiſmus &c.* De quorum ſingulis libri extant ſingulares. Ut verò è ſylva infinita themata deligantur aptiſſima, tria præcipuè erunt obſervanda: 1. ut Propoſitio plerumque ex occurrente Evangelio ducatur. 2. quæ Auditori videatur accommdator. 3. nec infinita ſit.

*An ex Evangelio petendum eſt thema? R. Certè.* Hoc enim Doctõris & Legiſlatoris Chriſti verbum eſt, è quo cùm Religionis noſtræ Myſteria, tum rectè vivendi præcepta interpretari, Chriſtiani oratoris officium eſt. Pleraque porrò Evangelia in Dominicas, ac feſta ab Eccleſia conſtituta adeò apertè certam aliquam doctrinam continent, ut ab ea diſcedere vix liceat; & ingratum ſit audienti, ſi liquidus textus aliò detorqueatur; cùm plerumque augurentur poſt Evangelium de Epulone, ſermonem fore de *periculis divitiarum, vel inferni pœnis, vel miſericordia in pauperes; In converſione S. Magdalenæ, vel de filio prodigo; de pœnitentia, aut morum converſione.* De ejeſtis Numulariis: de *reverentia templis debita.* De ſervis torquentibus conſervum: de *injuriis condonandis.* De quinque millibus paſtis in deſerto: de *fiducia in DEUM &c.* Hâc cauſâ aliquibus minùs placent themata continuata, in quibus vel violentè in rem trahendum, vel deſerendum eſt prælectum Evangelium.

*Quid ſi plures materias contineat Evangelium? R. Affumenda erit illa, quæ captui, neceſſitati, & conditioni loci, & auditorum erit accommodator. Alia ſunt urbium, ruralium hominum alia vitia. Eſt vulgaria ſint themata, & ſæpiùs, & à pluribus pertractata nunquam ſatis inculcari poſſunt.*

3. *Quid*

## SOARII.

3. *Quid infinitæ Propositionis nomine intelligis?*

R. Est ea, quæ latissimè patet, ut si geueratim dicas:  
*De officio hominis Christiani: De remediis ad salutem*  
*De lingæ vitiis comprimendis &c.* Quæ librorum  
 sunt potius, quàm unius concionis argumentum. Ge-  
 neralia isthæc neminem feriunt, nec nisi propriùs  
 tangatur, quisquam sibi dictum putat. Itaque quod  
 alibi monitum, utilissima erit concio, quæ nè unam  
 quidem virtutem sibi exhauriendam assumpserit, sed  
 in actione quadam ejus singulari enucleanda tota  
 versetur.

*De Partitione Concionis in utroque  
 genere.*

**A**N in Concionibus item adhibenda Partitio? R.  
 Si in ulla, in hac certè populari concione, sum-  
 ma dictionis tota clarissimè, simplicissimeque partien-  
 da est. Persuasum sibi habeat oportet orator, Audi-  
 torem sibi esse, rerum à sensibus adstractarum ac  
 cœlestim, supra quàm credi possit, rudem, tardum,  
 indocilem: etià ad cætera fortassis satis perspicacem,  
 ad asperas has Evangelii veritates propè cœcutien-  
 tem; nihil adeò industriæ, ac artis prætermittendum,  
 quo docilem, attentamque reddat plebeculam. Has  
 inter artes primum locum tenet, *Divinum* hoc ac-  
 curatæ *Partitionis artificium*, superioris, ac fortasse  
 hujus sæculi Concionatoribus vel incognitum, vel  
 parum usitatum. Hodie verò è recentioribus Italis,  
 Gallis, quin & Hispanis, nullus ferè typis vulgatur  
 Concionatorius liber, qui partitione non utatur. Sunt  
 & in Germania nostra nonnulli editis in lucem monu-  
 mentis eloquentiæ laude insignes, qui methodum e-  
 andem, popularem adeò, & ad explicandum, & me-  
 moriam firmandam accommodatam, sibi item imitan-  
 dam duxère. Quin sunt quidam, qui generalem di-  
 visionem attulisset non contenti, Divisionis membra  
 denuò subdividunt, iisque limitibus circumscriptu  
 oratio



## RHETORICÆ.

orationem. ut nè quâ exerrare, aut memoriâ fallere possit. Exemplis res optimè declarabitur.

*In genere Panegyrico Sætro.*

**S***anctus Xaverius* in proferenda Christi lege multa fecit ut Apostolus supra vires humanas. 2. Multa ut Apostolus contra regulas prudentiæ humanæ. *S. Thomas*, Thomæ incredulitas servit ad firmandam fidem nostram. 3. Thomæ fides ad redarguendam incredulitatem nostram. *S. Stephanus* plenus gratiâ ad annunciandum Evangelium. 2. Plenus fortitudine ad id morte sua contestandum. *S. Salesius*. *In fide, & lenitate ipsius Sanctum fecit illum.* Virtute lenitatis fregit hæreticos. 2. Dulcedine lenitatis instauravit Ecclesiam. *S. Franciscus de Paula*. Omnes virtutes impendit ad se deprimendum. 2. DEUS omnes thesauros suos ad eum extollendum. *S. Joannes Baptista*. *Ut testimonium perhibeat de lumine.* Testimonium Joannis de Christo. 2. Testimonium Christi de Joannē. *Cathedra S. Petri*. Debemus Ecclesiæ obedientiam intellectûs ad credenda mysteria. 2. Obedientiam voluntatis ad implenda præcepta. *S. Magdalena*. Ejus conversio fuit prompta. 2. Generosa. 3. Efficax. *S. Ignatius*. *Fidelis DEUS, qui vos vocavit in Societatem filii sui.* Fidelis DEUS in vocando Ignatio. 2. Fidelis Ignatius in sequendo vocantem DEUM. *S. Leopoldus*. Fecit suam Marchionis dignitatem servire pietati. 2. Pietatem dignitati. *S. Augustinus*. Inter doctos sanctissimus. 2. inter Sanctos doctissimus. *Conversio S. Pauli*. Obstacula Conversionis Pauli per gratiam remota, fiduciam excitant in peccatoribus. 2. Docilitas, & sollicitudo Pauli, ut gratiæ cooperetur. pœnitentes ad constantiam in proposito animent. *S. Benedictus*. In solitudine docetur à DEO viam Christianæ perfectionis. 2. *S. Benedictus* è solitudine eandem docet.

## SOARII.

ect. *SS. Philippus & Jacobus.* Secuti sunt Christum pauperem. 2. Prædicarunt incognitum. 3. Mortui sunt pro Crucifixo amici sinceri, zelosi, animosi. *S. Norbertus.* Divinâ gratiâ eductus ex aula ac mundo. 2. Sua virtute sublati ad Ecclesiæ honores. *S. Paulus.* Prædicator veritatis. 3. Victima veritatis.

### In Genere Deliberativo.

*De Judicio comperatio.* Iudex æquitatem habeat oportet. 2. Plenam causæ cognitionem. 3. Judicandi auctoritatem legitimam. Horum nobis nihil est. *Mala conscientia* impedit peccatorem, ne fruatur bonis hujus vitæ. 2. Facit, ut præsentiat poenas futuræ. *DEI servitus.* Mundi bona incerta. 2. Vana. 3. Brevia. Divina contra certa, solida, æterna. *Mors inevitabilis.* 2. propinqua. 3. sine regressu. *Temperantiam* ratio suaflet, 2. exempla docent. 3. Christi lex præcipit. *Iracundia* privat iratum amicitia DEI, quem offendit. 2. Amicitia proximi, cui sit odiosus. 3. Seipso, offuscando lumen rationis. *Avaritia.* Avarus cupiditati suæ sacrificat tranquillitatem suam. 2. Honorem. 3. Conscientiam. *Amor proximi.* Sit sincerus. 2. Universalis. *Efficax.* *Ambitione* nihil stultius, 2. nihil infelicius. *Eleemosyna.* Dandum egenis, quia homines sumus. 2. Quia Christiani. 3. quia peccatores. *Mandata DEI.* Libertas Evangelii opposita servituti mundi. 2. Suavitas rigori. 3. Sanctitas impuritati. *Confessio.* Necessaria improbis, ut, surgant. 2. Probis, ne cadant. *Fiducia in DEUM.* Certissimum signum vivæ fidei; 2. firmæ spei. 3. Arrha veræ Charitatis. Vel è S. Bernardo: Tria considero, in quibus mea spes consistit, charitatem adoptantis. 2. Veracitatem promittentis. 3. Potestatem red-  
dantis. *Conscientia falsa.* Inducit ad omne malum



## RHETORICÆ.

committendum. 2. Committendum audacter, ac tranquille. 3. Et finè remedio, vel spe remedii.

*Continentia.* *Venerunt mihi pariter omnia bona cum illa.* Bonum honestatis. Quid DEO & Angelis amabilius? 2. Utilitatis: gratia in hac vita, gloria in altera. 3. Delectationis; animi pax alta.

*Correctio fraterna.* Christiana & sancta est, si fiat ex charitate. 2. Salutaris & efficax, si cum prudentia. 3. Meritoria, si ex fine divinæ gloriæ.

*Timor Domini.* Timendus supra nos, Vindex inexorabilis. 2. Infra nos inferni pœnæ. 3. Circa nos caro, & mundus

*Item.* Timens Dominum, nihil timendum habet in vita. 2. In morte. 3. post mortem.

*Oratio.* Orandum ob nostram extremam egentiam. 2. DEI summam benignitatem.

*Item.* Pauci obtinent, quia pauci petunt, quod oportet. 2. Ut oportet.

*Relapsus in peccatum.* Signum falsæ peractæ pœnitentiæ. 2. Obstaculum veræ pœnitentiæ agendæ. 3. Via rectissima ad finalem impœnitentiam.

*Æternitos infelix.* Ad hanc credendam nos fides adducit. 2. Hanc credere nos ad exercenda fidei opera incitat.

*Zelus honoris divini.* Nostra religio vera est, ergo honoranda ejus professione. 2. Sancta est, ergo honoranda morum puritate.

*Restitutio alienorum bonorum.* Nihil facilius, ac ad hanc teneri, nihil difficilius ac eam implere. 2. Nihil falsius ac se ejus impossibilitate excusare, nihil verius eâ non factâ, impossibilem putare salutem.

*Tentatio.* In tentationibus voluntariis frustra speramus gratiam, nî occasionem fugiamus, ac gratiam fugiendi potius, quàm pugnandi petamus. 2. In voluntariis frustra pugnandi gratiam petimus, nisi per carnis mortificationem in nos ipsos pugnemus.

*Cuperem & aliquot Paradigmata subdivisionis?*

3. En: *Extremum Judicium.* Mundus nos judicat,









AUTHORES  
In SCHOLA RHETORICÆ  
PRÆLEGI SOLITI.  
M. TULLI CICERONIS  
ORATIONES SELECTÆ.

ORATIO I.  
PRO T. ANNIO MILONE.

ARGUMENTUM

**T.** *Annius Milo, P. Plautinus Hypsæus, & Q. Metellus Scipio Consulatum petierunt: atque in eundem annum P. Clodius Præturam. Erant autem ipsi cum Milone summæ inimicitie; sæpèque inter se cum suis faciosis depugnaverant. Cum diu jam tracta essent Comitia ob Candidatorum contentiones, profectus Lanuvium, patrium in oppidum Milo obviam habuit Clodium, quem obortâ utrinque inter servos pugna interfecit. Accusatus est igitur de vi Appio Majore, M. Antonio, & P. Valer. Nepote A. U. C. 702. Respondit eis unus Cicero, non ed, quâ solutus erat constantiâ: Clodianorum clamore deterritus. Scripsit verò hanc pro Milonis defensione orationem tam diligenter, ut plerique primam, pulcherrimam, nobilissimamque appellant. Acta est causa in foro stipantibus undique Pompeji militibus ad corcendam plebem, ultionem Clodii cupientem, collocatis. Quæstor fuit L. Domitius Aenobarbus extra ordinem lectus cum LI. Judicibus. Damnatus Milo, in exilium Massiliam abiit. Damnationis causa non tam Clodii coedes fuit, Judicibus & bonis omnibus gratissima, quàm quòd in Judicio nec comam, nec vestem reorum more mutavit, eam itaq; Milonis audaciam averti è republica utile visum est.*

SYNOPSIS.

*Exordium. Ab adjunctis Judicii, quæ Ciceroni*



PRO T.

ac Miloni plus afferunt fiduciæ, quam timoris.

*Propositio.* Jure & cum laude Milo occidit Clodium.

*Argumenta.* 1. Quia Clodius insidiatus fuit Miloni. 2. Clodius sceleratus vir; & perniciosus Reipublicæ fuit.

*Confutatio.* Præjudicia, quæ jactant adversarii, non sunt contra Milonem. Nam plures, qui occisum à se hominem fatebantur, absoluti sunt vel à populo R., vel à Senatu, vel à Diis ipsis: quin ipsæ 12. tabulæ, & lex naturæ, & Cornelia, non vetant sicarium, seu insidiatorem jure interficî. Deinde Senatus quid judicavit? vim esse factam, sed non contra fas à Milone. Tum Pompejus sapienter novam quæstionem tulit, non ob controversiam facti, vel dignitatem mortui, sed propter disceptationem juris, temporisque rationem, ut integra causa selectis Judicibus traderetur.

*Narratio.* Luce clariores sunt insidiæ Clodii, à proposito ejus sine, suscepto itinere, loco pugne, cæterisque Adjunctis.

*Argumentatio primi Argumenti.* Clodius multas habuit causas insidiandi Miloni; Milo nullam habuit Clodio insidiandi; igitur Clodius fuit insidiator Milonis. *Amplificatio & Affectus.* Utilitas, odium, violentia, magnæ sunt insidiandi causæ, quæ non in Milone, sed Clodio fuerunt. Nam Clodius sperabat, Milonem interfecto se prætorem futurum, & legibus improbis Reipub. vexaturum, Milo vivo Clodio Consul fuisset, & istius Prætoris furorem frænasset. Clodius oderat Milonem, defensorem Ciceronis, repressorem scelerum, accusatorem suum: odium Milonis in Clodium commune fuit omnibus bonis. Clodius sæpius vim fecit in Ciceronem, Hortensium &c. Milo nemini ne Clodio quidem violentus fuit, quem multis occasionibus occidere potuisset. Clodius ex impunitate judicia sæpe contempsit, & palam dixit, triduo, aut quadriduo periturum Milonem; & ve-

## ANNIO MILONE.

& verò profectus est tertio die, nullâ aliâ causâ, inequo, cum lectâ fervorum manu; & cognito Milonis reditu hunc vesperi ante suum fundum adortus est: Milo habuit causam eundi Lanuvium, & ivit multis eum impedimentis, uxore & rheda, cum de Clodii itinere nihil resciscere posset. Quod si Milo licet imperatus & impeditus confecit Clodium, id nempe feliciter evenit. Si Milo servos manumissit, nihil quæstione opus, ubi facti confessio. Si Appius quæstiones habuit, at non legitimè, Huc adde conscientix fiduciam, quâ imperterritus rediit Milo, &c.

*Argumentatio secundi argumenti.* Laus est, scele-  
ratum virum & perniciosum civem occidere: ejus-  
modi fuit Clodius: ergo cum laude occidit. *Argu-  
mentatio & Affectus.* Iterum, iterumque gloriatur  
Milo, à se clarorum Virorum exemplo perniciosum  
civem sublatum. Et fuit hæc insignis felicitas po-  
puli Rom. quod Clodius in expectanda sua Præ-  
tura omnia permitturus, sublatus fuerit. Quan-  
quam non tam singulari Milonis virtute, quàm Deo-  
rum providentiâ & æquitate necatus est, etiam ante  
aras, quas polluit, & sine honore sepulturæ.

*Peroratio.* Cicero misericordiam Judicum expo-  
scit a persona Milonis Viri fortis & amantis Reipubl-  
tum à sua, quia per illum revocatus fuerat ab exilio.

### O R A T I O.

1. *Exordium.* Etsi vereor Judices, ne turpe sit,  
pro fortissimo viro dicere incipientem timere  
minimeque deceat, cum Titus Annius Milo ipse ma-

P2

gis

1. *Dicere incipit Cicero ab Adjunctis hujus judicii  
quæ sibi & Miloni plus fiducix, quam timoris afferant.  
Timoris quidem causæ sunt duæ: Timor ille in principio  
dicendi ipsi naturalis quique objecta Milonis fortitudi-  
ne posset esse turpior. Est nova judicii forma ac præ-  
sidium militum Utramque causam timendi elevat per  
Prolepsin, & adfert quinque fiducix causas,*



PRO T.

gis de Reipub. salute, quam de sua perturbetur, me ad ejus causam parem animi magnitudinem afferre non posse: tamen hæc novi judicii nova forma terret oculos: qui quocunque inciderint, veterem consuetudinem fori, & pristinum morem judiciorum minime vident. Non enim coronâ confectus vester cinctus est, ut solebat; non usitatâ frequentiam stipati sumus.

2. Nam illa præsidia, quæ pro templis omnibus cernitis, etsi contra vim collocata sunt, non afferunt tamen oratori aliquid; ut in foro, & in judicio (quancquam præsidiis salutaribus, & necessariis septi sumus) tamen ne non timere quidem sine aliquo timore possimus. Quæ si opposita Miloni putarem, cederem tempori Judices: nec inter tantam vim armorum existimarem oratori locum esse. Sed me recreat & reficit Cn. Pompeji sapientissimi & justissimi viri consilium, qui profectò nec justitiæ suæ putaret esse, quem reum sententiis judicum tradidisset; eundem telis militum dedere: nec sapientiæ, temeritatem concitatae multitudinis auctoritate publicâ armare.

3. Quamobrem illa arma, centuriones, cohortes, non periculum nobis, sed præsidium denunciant: neque solum ut quieto, sed etiam magno animo simus, hortantur: neque auxilium modò defensionis meæ, verum etiam silentium pollicentur. Reliqua verè multitudo, quæ quidem est civium, tota nostra est: neque eorum quisquam, quos undique intuentes ex hoc ipso loco cernitis, unde aliqua pars fori aspici potest, & hujus exitium judicii expectant; non, cum virtuti Milonis favet, tum de se, de liberis

2. Prima est Cn. Pompeij sapientia ac justitia.

3. Secunda, multitudo & accursus civium ad hoc judicium: Tertia Adversariorum clamor, & incendium Curia, in qua cadaver Clodii crematum fuerat.

### ANNIO MILONE.

ris suis, de patria, de fortunis, hodierno die decertari putat. Unum genus est adversum, infestumque nobis, eorum, quos P. Clodii furor rapinis, & incendiis, & omnibus exitiis publicis pavit. Qui hesternâ etiam concione incitati sunt; ut vobis voce præirent, quid judicaretis. Quorum clamor, si quis fortè fuerit, admonere vos debet, ut eum civem retineatis, qui semper genus illud hominum, clamorésque maximos, pro vestra salute neglexit.

4. Quamobrem adeste animis, Judices: & timorem, si quem habetis, deponite. Nam si unquam de bonis, & fortibus viris, si unquam de benemeritis civibus potestas vobis judicandi fuit, si denique unquam locus amplissimorum ordinum delectis viris datus est, ubi sua studia erga fortes & bonos cives, quæ vultu & verbis sæpe significassent, re, & sententiis declararent: hoc profectò tempore eam potestatem omnem vos habetis: ut statuatis, utrum nos, qui semper vestræ auctoritati dediti fuimus, semper miseri lugeamus: an diu vexati à perditissimis civibus, aliquando per vos ac vestram fidem, virtutem; sapientiamque recreamur.

5. Quid enim nobis duobus, Judices, laboriosius, quid magis sollicitum, magis exercitum dici, aut fingi potest? qui spe amplissimorum præmiorum ad Remp. adducti, metu crudelissimorum exitiorum carere non possumus. Et quidem cæteras tempestates & procellas, in illis duntaxat fluctibus concionum, semper putavi Miloni esse subeundas: quòd semper pro bonis contra improbos senserat. In iudicio verò, & in consilio, in quo ex cunctis ordinibus amplissimi viri judicarent, nunquam existimavi, spem ullam esse habituros Milonis inimicos, ad  
ejus

4. *Quarta per Apostrophem studium. Iudicum, erga fortes! & bonos cives.*

5. *Quinta. quam Allegoria ornat. Milonis fortitudo contra improbos.*



PRO. T.

ejus non salutem modò extinguendam, sed etiam gloriam per tales viros infringendam.

6. *Propositio.* Ququam in hac causa Judices Titi Annii tribunatu, rebus omnibus pro salute Reip. gestis, ad hujus criminis defensionem non abutemur: nisi oculis videritis insidias Miloni á Clodio factas, nec deprecaturi sumus, ut crimen hoc nobis multa propter præclara in Remp. merita condonetis nec postulaturi, ut si mors P. Clodii salus vestra fuerit, idcirco eam virtuti Milonis potius, quàm pop. Ro. felicitati assignetis. Sed si illius insidiæ clariores hac luce fuerint: tum denique obsecrabo, obtestaborque vos Judices: si cætera amisimus, hoc saltem nobis ut relinquatur: ab inimicorum audacia telisque vitam, ut impunè liceat defendere.

7. *Confutatio.* Sed antequam ad eam orationem venio, quæ est propria nostræ quæstionis: videntur ea esse refutanda, quæ in senatu sæpè ab inimicis, ab improbis sæpè jactata sunt, & in contione etiam paulò ante ab accusatoribus: ut omni errore sublato, rem planè, quæ venit in iudicium, videre possitis. Negant intueri lucem fas ei, qui á se hominem occitum fateatur. In qua tandem urbe hoc homines stultissimi disputant? nempe in ea, quæ primum iudicium de capite vidit M. Horatii fortissimi viri, qui nondum libera civitate, tamen populi Rom. comitiis liberatus est: cùm sua manu sororem interfecit esse fateretur.

8. An

6. *Propositio.* Duo argumenta affert. primum: Clodius fuit insidiatus Miloni Secundum: Clodius sceleratus vir fuit.

7. *Confutatio.* quam Confirmationi Cicero hic præmittit ac iria præjudicia resellit primum. nefas eum vivere, qui á se hominem occisum fateatur, consuetur exemplo Horatii, qui sororem occiderat.

110

ANNIO MILONE.

8. An est quisquam, qui hæc ignoret, cum de homine occiso quaeratur: aut negari solere omnino esse factum, aut rectè ac jure factum esse defendi? n' si verò existimatis dementem P. Africanum fuisse: qui cum à C. Carbone Tribuno pl. in concione seditiose interrogaretur: quid de T. Gracchi morte sentiret? respondit jure cæsum videri. Neque enim posset aut Ahala ille Servilius, aut P. Nasicus, aut L. Opimius; aut C. Marius, aut me consule Senatus, non nefarius haberi: si sceleratos cives interfici nefas esset. Itaque hoc Jud. non sine causa fictis fabulis doctissimi homines memoriæ prodiderunt: eum, qui patris ulciscendi causâ matrem necavisset: variatis hominum sententiis, non solum humanâ, sed etiam Dæ sapientissimæ sententiâ liberatum.

9. Quòd si duodecim tabulæ nocturnum furem, quoquo modo, diurnum autem, si se telo defenderit, interfici impunè voluerunt: quis est, qui, quoquo modo quis interfectus sit, puniendum putet: cum videat aliquando gladium nobis ad occidendum hominem ab ipsis porrigi legibus? atqui si tempus est ullum jure hominis necandi, quæ multa sunt certè illud est non modò justum, verùm etiam necessarium: cum vis illata defenditur. Pudicitiam cum eriperet militi tribunus militaris in exercitu C. Marii, propinquus ejus imperatoris; interfectus ab eo est, cui vim afferebat. Facere enim probus adolescens periculose, quàm perpeti turpiter maluit. Atque hunc ille vir summus scelere solum pericu-

8. *P. Africani qui non damnavit interfectorem Gracchi, neque Senatus Achalam. Nasicam. Opimium: Marium Fabulæ Orestrem patricidam à Deo absolutum fierunt.*

9. 12. *Tabulæ furem nocturnum occidi non vetant ut pater exemplo Clavii &c.*



PRO T.

periculo liberavit. Infidiatore verò, & latroni, quæ potest afferri injusta nex?

10. Quid comitatus nostri, quid gladii volunt? quos habere certè non liceret, si uti illis nullo pacto liceret. Est enim hæc, Judices, non scripta, sed nata lex: quam non didicimus, accepimus, legimus verùm ex natura ipsa arripuimus, hausimus, expressimus, ad quam non docti, sed facti: non instituti, sed imbuti sumus: ut, si vita nostra in aliquas insidias, si in vim, in tela aut latronum, aut inimicorum incidisset, omnis honesta ratio esset expediendæ salutis. Silent enim leges inter arma; nec se expectari jubent; cùm ei, qui expectare velit, antè injusta pœna luenda sit, quam justa repetenda.

11. Et si persapienter, & quodammodo tacitè, dat ipsa lex potestatem defendendi: quæ non modò hominem occidi, sed esse cum telo hominis occidendi causâ, vetat: ut, cùm casu, non telum quæreretur, qui sui defendendi causâ telo esset usus; non hominis occidendi causâ habuisse telum judicaretur. Quapropter hoc maneat in causa, Judices. Non enim dubito, quin probaturus sim vobis defensionem meam: si id memineritis, quod oblivisci non potestis: infidiatorem jure interfici posse.

12. Sequitur illud, quod à Milonis inimicis sæpissimè dicitur: cædem, quâ Clodius occisus, Senatum judicasse contra Remp. esse factam. Illam verò Senatus non sententiis suis solum, sed etiam studiis comprobavit. Quoties enim est illa causâ à nobis acta in Senatu? quibus assensionibus universi ordinis?

10. *Lex naturæ est, vim vi repellere. Et Cornelia infidiatorem occidi posse Anthitheton, Compar, Repetito.*

12. *Alterum præjudiciem: Senatus hanc cædam nemque vim illatam contra Remp. factam esse judicavit. Confutatur, non item judicavit vim à Milone actam aut Clodio contra fas illatam.*

### ANNIO MILONE.

ordinis? quam nec tacitis, nec occultis? quando enim frequentissimo Senatu quatuor, ad summum quinque sunt inventi, qui Milonis causam non probarent? declarant hujus ambusti Tribuni plebis illæ intermortuæ conciones, quibus quotidie meam potentiam, invidiosè criminabatur: cum diceret. Senatum, non quod sentiret, sed quod ego vellem, decernere. Quæ quidem si potentia est appellanda potius, quàm propter magnam in Rempub. merita mediocris in bonis causis auctoritas, aut propter officiosos labores meos nonnulla apud bonos gretia: appelletur ita sanè, dummodo eâ nos utamur pro salute bonorum, contra amentiam perditorum.

13. Hanc verò quæstionem, etsi non est iniqua, nunquam tamen Senatus constituendam putavit. Erant enim leges: erant quæstiones vel de cæde, vel de vi. Nec tantum mœrorem ac luctum Senatui mors P. Clodii afferebat, ut nova quæstio constitueretur. Cujus enim Senatui de illo incesto stupro judicium decernendi potestas esset erepta; de cujus interitu quis potest credere Senatum judicium novum constituendum putasse? cur igitur incendium curiæ, oppugnationem ædium Marci Lepidi, cædem hanc ipsam, contra Remp. Senatus factam esse decrevit?

14. Quia nulla vis unquam est in libera civitate suscepta inter cives non contra Rempublicam. Non enim est ulla defensio contra vim unquam optanda: sed nonnunquam est necessaria. Nisi verò aut ille dies, in quo T. Gracchus est cæsus: aut ille, quo Cæjns; aut quo arma Saturnini oppressa sunt; etiam si à Republica, Rempublicam tamen non vulnerarunt. Itaque ego ipse decrevi, cum cædem in Appia factam esse constaret non eum, qui in defendisset,

13. Quod de cæde hac quæstionem novam haberi voluit, id propter vim factam, Et intercessionem tribuni Munatii contigit.



PRO T.

diffet, contra Remp. fecisse: sed cū inesset in re vis, & insidiæ, crimen judicio reservavi, rem notavi Quod si per furiosum illum tribunum Senatui, quod sentiebat, perficere licuisset: novam quæstionem nunc nullam haberemus. Decernebat enim, ut veteribus legibus tantummodo extra ordinem quæreretur. Divisa sententia est, postulante nescio quo. Nihil enim necesse est omnium flagitia proferre, Sic reliqua auctoritas Senatûs empta intercessione sublata est.

15. At enim Cn. Pompejus rogatione sua, & de re, & de causa judicavit. Tulit enim de cæde, quæ in Appia via facta esset, in qua P. Clodius occisus fuit. Quid ergo tulit? factumne sit? at constat. A quo? at patet. Vidit etiam in confessione facti, juris tamen defensionem suscipi posse. Quod nisi vidisset, posse absolvi eum, qui fateretur, cum videret nos fateri; neque quæri unquam jussisset, nec vobis tam salutarem hanc in judicando literam, quam illam tristem dedisset. Mihi verò Cn. Pompejus non modò nihil gravius contra Milonem judicasse: sed etiam statuissè videtur, quid vos in judicando spectare oporteret. Nam qui non pœnam confessioni, sed defensionem dedit: is causam interritûs quærendam, non interitum putavit. Jam illud dicet ipse profectò, quod sua sponte fecit Publione Clodio tribuendum putet, an tempori?

16. Domi suæ nobilissimus vir, Senatûs propugnator,

15. *Tertium præjudicium: Milo damnatus est ipsius Pompeij sententia, confutatur; nam Pompejus quæstionem hanc instituit, non ob facti sed juris controversiam, nec de cæde, quam Milo fatetur, sed de jure quo rectè à se factum defendat.*

16. *Nec instituit Pompejus ob dignitatem cæsi: quia item nulla quæstio instituta fuit de cæde P. Africani Drusi &c. clarissimorum virorum. Comparatio majorum.*

### ANNIO MILONE.

tor, atque illis quidem temporibus penè patronus, avunculus hujus nostri judicis fortissimi viri Cato-  
nis, Tribunus pleb. M. Drusus occisus est. Nihil de  
ejus morte populus consultus; nulla quæstio decre-  
ta á Senatu est. Quantum luctum in hac urbe  
fuisse á nostris patribus accepimus cum P. Africa-  
no, domi suæ quiescenti, illa nocturna vis esset il-  
lata? quis tum non gemit? quis non arsit dolore?  
quem immortalem, si fieri posset, omnes esse cupe-  
rent: ejusne necessariam quidem expectatam esse  
mortem?

17. Cur igitur nulla quæstio de Africani morte  
lata est? certè nulla. Quid ita? quia non alio fa-  
cinore clari homines, alio obicuri necantur. Inter-  
fit inter vitæ dignitatem summorum atque infimo-  
rum: mors quidem illata per scelus iisdem poenis re-  
neatur, & legibus. Nisi forte magis erit parricida,  
si quis Consularem patrem, quam si quis humilem  
necaverit: aut eo mors atrocior erit P. Clodii, quod  
is in monumentis majorum suorum sit interfectus?  
hoc enim sæpe ab istis dicitur. Perinde quasi Ap-  
pius ille cæcus viam munierit; non quâ populus u-  
teretur, sed ubi impune sui posteri latrocinarentur.

18. Itaque in eadem ista Appia via cum ornatissi-  
mum equitem Rom. Marcum Papirium occidisset;  
non fuit illud facinus puniendum? Homo enim no-  
bilis in suis monumentis equitem Ro. occiderat.  
Nunc ejusdem Appiæ nomen quantas tragœdias ex-  
citât? quæ cruentata antea cæde honesti atque in-  
nocentis viri filebatur: eadem nunc crebrò usurpa-  
tur: posteaquam latronis & parricidæ sanguine im-  
buta est. Sed quid ego illa commemoro? com-  
prehensus est in templo Castoris servus P. Clodii:  
quem ille ad Cn. Pompejum interficiendum collo-  
carat.

18. Neque propter locum, ubi cæsus est, quia  
idem Clodius in hac ipsa Appia via Papirium in-  
terfecit.



carat. Extorta est confitenti fida de manibus. Caruit foro postea Pompejus: caruit Senatu: caruit publicæ: januâ se ac parietibus, non jure legum, judiciorumque, texit.

19. Num quæ rogatio lata, num quæ nova quæstio decreta est? atqui si res, si vir, si tempus nullum dignum fuit, certè hæc in illa causa summa omnia fuerunt. Insidiator erat in foro collocatus, atque in vestibulo ipso Senatûs. Ei viro autem mors parabatur, cujus in vita nitebatur salus civitatis: eo porrò Reipubl. tempore, quo si unus ille occidisset non hæc solum civitas, sed gentes omnes concidisset. Nisi forte, quia perfecta res non est, non fuit punienda. Perinde quasi exitus rerum, non hominum consilia legibus vindicentur. Minus dolendum fuit re non perfectâ, sed puniendum certè nihilominus.

20. Quoties Ipse, Judices, ex P. Clodii telis, & ex cruentis ejus manibus effugi? ex quibus si me non mea, vel Reipublicæ fortuna servasset: quis tandem de interitu meo quæstionem tulisset? Sed stulti sumus, qui Drusum, qui Africanum, Pompejum, nosmetipsos, cum P. Clodio conferre audeamus. Tolerabilia fuerunt illa: P. Clodii mortem æquo animo nemo conferre potest; luget Senatus: moeret equeiter ordo: tota civitas confecta senio est: squallent municipia: affliçantur coloniæ: agri denique ipsi tam beneficium, tam salutarem, tam mansuetum civem desiderant.

21. Non fuit ea causa Judices, non fuit cur sibi

cen-

19. Idem Clodius Ciceroni toties insidiatus, in ipso vestibulo Senatus servum ad cædem Pompeij collocavit nulla ob id nova quæstione decreta.

20. Concludit parva Anacephalæosi, Et Ironia.

21. Ait sapienter hanc à Pompejo quæstionem institutam; pluribus è causis præsertim ob perfectam æquitatem lectorum extra ordinem judicium.

cenfer  
mo sa  
vidit  
nem:  
gande  
con  
r axin  
fortite  
ordini  
li die  
meos  
nequ  
etiam  
tibus  
ptere  
eum  
mus,  
quibu  
me a  
it leg  
22.  
esse  
am, g  
fulare  
nus e  
& pe  
vit  
popu  
maxim  
23.  
do ad  
mnis  
quicq  
judica

23.  
nm.  
hto f

## ANNIO MILONE.

cenferet Pompejus quæſtionem ferendam. Sed homo ſapiens, & alta quadam mente præditus, multâ vidit: fuiſſe ſibi ullum mimicum, familiarem Milonem: in communi omnium lætitia, ſi etiam ipſe ganderet, timuit, ne videretur infirmior fides reconciliatæ gratiæ. Multa etiam alia vidit, ſed illud maxime: quamvis atrociter ipſe tuliſſet, vos tamen fortiter iudicatuſ. Itaque delegit è florentiſſimis ordinibus ipſa lumina. Neque verò quod nonnulli diſtitant, ſecrevit in iudicibus legendis amicos meos. Neque enim hoc cogitavit vir juſtiſſimus: neque in bonis viris legendis id aſſequi potuiſſet, etiamſi cupiſſet. Non enim mea gratia familiaritatibus continetur, quæ latè patere non poſſunt propterea quòd conſuetudines victus non poſſunt eſſe cum multis. Sed ſi quid poſſumus, ex eo poſſumus, quòd Reſpub. nos conjunxit cum multis, Ex quibus ille cum optimos viros legeret, idque maxime ad fidem ſuam pertinere arbitraretur; non poſſit legere non ſtudioſos mei.

22. Quòd verò te L. Domiti huic quæſtioni præeſſe maxime voluit, nihil quæſivit aliud, niſi juſtitiam, gravitatem, humanitatem, fidem. Tulit, ut Conſularem neceſſe eſſet; credo, quòd principum munus eſſe ducebat, reſiſtere & levitati multitudinis, & perditorum temeritati, ex Conſularibus te creavit poſſimum. Dederas enim, quam contemneres populares inſanias, jam ab adoleſcentia documenta maxima.

23. *Narratio.* Quamobrem Iudices, ut aliquando ad cauſam crimenque veniamus: ſi neque omnis conſeſſio facti eſt inuſitata: neque de cauſa quicquam noſtra aliter, ac nos vellemus, à Senatu iudicatum eſt: & lator ipſe legis, cum eſſet controverſia

23. *Narratio.* Præmittit Confirmationi Narrationem. quæ probabiles Clodii inſidias, ab ejus propoſito ſine, timere, & loco pugne opponit.



PRO T.

versia nulla facti, juris tamen disceptationem esse voluit: & electi iudices, & isti præpositus quæstioni, qui hæc iuste, sapienterque disceptet: reliquum est Iudices, ut nihil jam aliud quærere debeatis: nisi uter utri insidias fecerit. Quod quò facilius argumentis perspicere possitis; rem gestam vobis dum breviter expono, quæso diligenter attendite.

24. P. Clodius cum statuisset omni scelere in prætura vexare Rempublicam: videretque ita tractata esse comitia anno superiore, ut non multos menses præturam gerere posset: qui non honoris gradum spectaret, ut cæteri, sed & L. Paulum, collegam effugere vellet, singulari virtute civem, & annum integrum ad dilacerandam Rempub: quæreret: subito reliquit annum suum: seque in annum proximum transtulit: non religione aliquâ, sed ut haberet, quod ipse dicebat, ad præturam gerendam, hoc est, ad evertendam Rempublicam, plenum annum atque integrum.

25. Occurrebat, mancā ac debilem præturam suam futuram Consule Milone: eum porro, summo consensu populi Romani Consulem fieri videbat. Contulit se ad ejus competitores: sed ita, totam aut petitionem ipse solus, etiam invitis illis gubernaret, tota ut comitia suis, ut dictabat, humeris sustineret. Convocabat tribus: se interponebat: coloniam novam, delectum perditissimorum scribebat civium. Quāto ille plura miscebat, quāto hic magis in dies convalescebat. Ubi vidit homo ad omne facinus paratissimus fortissimum virum, inimicissimum suum, certissimum consulem: idque intellexit non solum sermoni-

24. Clodius cum Præturam, nec cum Milone, nec L. Paulo Emilio gerere vellet ejus petitionem in alterum annum differt.

25. At cum hoc anno Milonem Consulem fore nec id impediri posse videret, eum tollere statuit, idque palam prædicavit.

ANNIO MILONE.

fermonibus, sed etiam suffragiis populi Romani sepe esse declaratum: palam agere cepit, & aperte dicere, occidendum Milonem.

26. Servos Agrestes, & barbaros, quibus sylvas publicas depopulatus erat, Hetruriamque vexarat, ex Appennino deduxerat, quos videbatis. Res erat minime obscura. Etenim palam dictitabat. Consulatum Miloni eripi non posse, vitam posse. Significavit hoc sæpe in Senatu, dixit in concione. Quinetiam Favonio, fortissimo viro, quærenti ex eo: quâ spe fureret, Milone vivo? respondit, triduo illum, ad summum quadriduo periturum. Quam vocem ejus ad hunc M. Catonem statim Favonius detulit.

27. Interim cum sciret Clodius (neque enim erat difficile scire) iter solenne, legitimum, necessarium, ante diem III. Calend. Febr. Miloni esse Lanuvium ad Flaminem prodendum, quod erat Dictator Lanuvii Milo: Roma subito ipse profectus pridie est: ut ante suum fundum (quod re intellectum est) Miloni insidias collocaret. Atque ita profectus est: ut concionem turbulentam, in qua ejus furor desideratus est, quæ illo ipso die habita est, relinquereet. Quam, nisi obire facinoris locum, tempusque voluisset, nunquam reliquisset.

28. Milo autem, cum in Senatu fuisset eo die, quoad Senatus dimissus est, domum venit: calceos & vestimenta mutavit: paulisper, dum se uxor, ut fit, comparat, commoratus est, deinde profectus est id temporis, cum jam Clodius, siquidem eo die Romam venturus erat, redire potuisset. Obviam fit ei Clodius expeditus in equo, nulla rheda, nullis impedimentis, nullis Græcis comitibus; ut solebat sine uxore, quod nunquam ferè: cum hic insidiator, qui iter illud ad cædem faciendam apparasset, cum uxore

27. Miloni necessarium fuit iter Lanuvium. Ivit tardè cum uxore pueris &c. Clodius jubitò, prius &c.



## PRO T

uxore veheretur in rheda, penulatus, vulgi magno impedimento ac muliebri, & delicato ancillarum puellorumque comitatu.

29. Fit obviam Clodio ante fundum ejus hora serè undecima, non aut multò secus. Statim complures cum telis in hunc faciunt de loco superiore impetum: adversi rhedarium occidunt. Cùm autem hic de rheda rejectâ penulâ desiluisset, seque acri animo defenderet; illi, qui erant cum Clodio, gladiis eductis, partim recurrere ad rhedam, ut á tergo Milonem adorirentur; partim, quòd hunc jam interfectum putarent, cædere incipiunt ejus servos, qui post erant. Ex quibus, qui animo fideli indominum erant; & præsentes fuerunt, partim occisi sunt, partim cùm ad rhedam pugnari viderent, & domino succurrere prohiberentur, Milonemque occisum etiam ex ipso Clodio audirent, & ita esse putarent; fecerunt id servi Milonis (dicam enim non derivandi criminis causâ, sed ut factum est) neque imperante, neque sciente, neque præsente domino, quòd suos quisque servos in tali re facere voluisset.

30. Hæc, sicut exposui, ita gesta sunt Judices: infidiator superatus, vi victa vis, vel potius oppressa virtute audacia est. Nihil dico, quid Resp. consecuta sit, nihil, quid vos, nihil quid omnes boni, nihil sanè id profit Miloni, qui hoc fato natus est, ut ne se quidem servare potuerit, quin unâ Rempubl. vosque servaret. Si id jure non posset, nihil habeo, quòd defendam. Sin hoc & ratio doctis, & necessitas barbaris, & mos gentibus, & feris natura ipsa præscripsit: ut omnem semper vim, quâcunque ope possent, á corpore, á capite, á vita sua propulsarent,

non

29. *Fit pugna in loco Clodio aptiore: defendit se Milo, cujus servi nec sciente; nec imperante hero occidunt Clodium.*

30. *Narratio Epiphonemate: & brevi capitulatione clauditur.*

## ANNIO MILONE.

non potestis facinus improbum judicare: quin simul judicetis, omnibus, qui in latrones inciderint, aut illorum telis, aut vestris sententiis, esse pereundum.

31. Quod si ita putasset, certè optabilius Miloni fuit dare jugulum P. Clodio, non semel ab illo, neque tum primùm petittum; quàm jugulari á vobis, quia se illi non jugulandum tradidisset. Sin hoc nemo vestrum ita sentit, illud jam in judicium venit: non, occisusne sit, quod fatemur; sed jure, an injurià? quod multis antea in causis jam quæsitum est, Insidias factas esse constat: & id est, quod Senatus contra Remp. factum judicavit. Ab utro factæ sint? incertum est. De hoc igitur latum est, ut quæreretur. Ita & Senatus rem, non hominem notavit: & Pompejus de jure, non de facto quæstionem tulit. Nunquid igitur aliud in judicium venit, nisi uter utri insidias fecerit? profectò nihil. Si hic illi, ut ne sit impunè: si ille huic, tum nos scelerè solvamus.

32. *Confirmatio.* Argumentum I. Quonam igitur pacto probari potest, insidias Miloni fecisse Clodium? satis est quidem in illa tam audaci, tam nefaria bellua docere; magnam ei causam, magnam spem, in Milonis morte propositam, magnas utilitates fuisse. Itaque illud Cassianum, cui bono fuerit: in his personis valeat: & si boni nullo emolumento impelluntur in fraudem, improbi sæpe parvo. Atqui Milone interfecto Clodius hoc assequabatur, non modò ut prætor esset, non eo Consule, quo sceleris nihil facere posset, sed etiam, ut iis consulibus prætor esset,

Q

quibus

32. *Confirmatio:* Primum argumentum: Clodius multas causas habuit insidiandi Miloni, Milo nullas: probatur enumeratione causarum & dissimili collocacione utriusque. Prima causa, quam habuit Clodius, quia Milone interfecto Prætor erat futurus, & legibus perniciosis, quas jam tota urbe sparserat, maximas turbas daturus.



PRO T.

quibus, si non adjuvantibus, at conniventibus certè, sperasset, se posse Rempublicam eludere in illis suis cogitatis furoribus. Cujus illi conatus, ut ille ratiocinabatur, nec, si cuperent, reprimere possent: cum tantum beneficium ei se debere arbitrarentur; & si vellent, fortasse vix possent frangere hominis sceleratissimi corroboratam jam vetustate audaciam.

33. An verò, Judices, vos soli ignoratis? vos hospites in hac urbe versamini? vestrae peregrinantur aures? neque in hoc pervagato civitatis sermone versantur; quas ille leges (si leges nominandae sunt, ac non faces urbis, & pestes Reipublicae) fuerit impositurus nobis omnibus, atque iniustus? Exhibe quæso Sexte Clodi, exhibe librarium illud legum vestrarum; quod te ajunt eripuisse è domo, & ex mediis armis, turbaque nocturna, tanquam Palladium sustulisse: ut præclarum inde munus, ac instrumentum tribunatus ad aliquem, si nactus esses, qui tuo arbitrio tribunatum gereret, deferre posses. Et aspexit me quidem illis oculis; quibus tum solebat, cum omnia omnibus minabatur. Movet me quippe lumen curiae. Quid? tu me iratum, Sexte, putas tibi? cujus tu inimicissimum multò crudelius etiam punivisti, quàm erat humanitatis meae postulare. Tu P. Clodii cruentum cadaver ejecisti domo; tu in publicum ejecisti; tu spoliatum imaginibus, exequiis, pompâ, laudatione, infelicissimis lignis semistulatum nocturnis canibus dilaniandum reliquisti. Quam rem etsi necessario fecisti: tamen quoniam in meo inimico crudelitatem exprompsisti tuam, laudare non possum; irasci certe non debeo.

34. P. Clodii præturam non sine maximo rerum novarum motu proponi solitam esse videbatis; nisi esset

33. *Interferitur falso excursio in Sexto Clodium qui librarium harum legum Clodii domo extulit: Et exposito noctu cadavere incendii curiae author fuerat.*

## ANNIO MILONE,

se is Consul, qui eam auderet, possetque confringere. Eum Milonem esse cum sentiret universus populus Romanus; quis dubitaret suffragio suo se metu, periculo Remp. liberare? At non P. Clodio mortuo usitatis jam rebus obnitendum est Miloni; ut tueatur dignitatem suam. Singularis illa huic uni concessa gloria. quæ quotidie augebatur frangendis furoribus Clodianis. jam morte Clodii cecidit. Vos adepti estis, ne quem civem metueretis. Hic exercitationem virtutis, suffragationem Consulatus, fontem perennem gloriæ suæ perdidit. Itaque Milonis Consulatus, qui vivo Clodio labefactari non potuerat, mortuo denique tentari coëptus est. Non modò igitur nihil prodest, sed obest etiam P. Clodii mors Miloni.

35. At valuit odium: fecit iratus: fecit inimicus: fecit ultor injuriæ, punitor doloris sui. Quid si hæc non dico majora fuerunt in Clodio, quàm in Milone, sed in illo maxima, nulla in hoc? quid vultis amplius? quid enim odisset Clodium Milo segetem ac materiam suæ gloriæ; præter hoc civile odium, quo omnes improbos odimus? ille erat, ut odisset primùm defensorem salutis meæ; deinde vexatorem furoris, domitorem armorum suorum: postremo etiam accusatorem suum. Reus enim Milonis lege Plotia fuit Clodius, quoad vixit. Quo tandem animo hoc tyrannum tulisse creditis? quantum odium illius, & in homine injusto quàm etiam justum esse?

36. Reliquum est, ut jam illum natura ipsius, con-

Q2

sue-

35. *Contra: Milo causam non habuit, qui vel vivo Clodii Consul fuisset & hujus furores fregisset, quâ gloriâ per necem sublata obest potius Miloni quam prodest mors Clodii.*

36. *Secunda causa insidiandi fuit maximum odium Clodii in Milonem: nullum Milonis in Clodium nisi commune.*



PRO T

suetudoque defendat; hunc autem hæc eadem co-  
arguant. Nihil per vim unquam Clodius: omnia  
per vim Milo, Quid ergo iudices? cum mœrentibus  
vobis urbe cessi: non servos, non arma, non vim in-  
tentavit? quæ fuisset igitur causa restituendi mei  
nisi fuisset injusta ejiciendi? diem mihi, credo, di-  
xerat, multam irrogarat, actionem perduellionis in-  
tenderat. Et mihi Iudices in causa aut vestra mala,  
aut mea præclarissima, etiam iudicium timendum fu-  
it? servorum, & egentium civium, & facinorosum  
armis, meos cives, meis consiliis periculisque fer-  
vatos, pro me obijci nolui.

37. Vidi enim, vidi hunc ipsum Q. Hortensium,  
lumen & ornamentum Reipublicæ penè interfici ser-  
vorum manu, cum mihi adesset. Qua in turba C.  
Vibienus Senator, vir optimus, cum hoc, cum esset  
unâ, ita est multatus, ut vitam amiserit. Itaque  
quando illius postea sica illa, quam a Catilina acce-  
perat, conquirent? hæc intentata nobis est: huic ego  
vos obijci pro me non sum passus: hæc insidiata Pom-  
pejo est: hæc istam Appiam viam monumentum sui  
nominis, nece Papirii cruentavit: hæc eadem longo  
intervallo conversa rursus est in me: nuper qui-  
dem, ut scitis, me ad regiam penè confecit.

38. Quid simile Milonis? cujus vis omnis hæc  
semper fuit; ne P. Clodius, cum in iudicium detra-  
hi non posset, vi oppressam civitatem teneret. Quem  
si interficere voluisset, quantæ, quoties occasiones,  
quam præclaræ fuerunt? potuitne, cum domum, ac  
deos penates suos, illo oppugnante defenderet, jure  
se ulcisci? potuitne, cive egregio & viro fortissimo

P. Sextio

37. Tertia fuit consueta violentia, nam Clodius sæ-  
pe vim fecit, nempe alias Ciceroni, Hortensio, Pompejo  
ipsi insidiatus, & nuper Papirii interfector.

38. Milo nunquam vim fecit, etsi plurimas, quæ  
per Repetitionem enumerantur, Clodium impune occi-  
dendi occasiones habuerat.

### ANNIO MILONE.

P. Sextio collega suo vulnerato? potuitne Fabricio viro optimo, cum de reditu meo legem ferret, pulso, crudelissimâ in foro cæde facta potuitne L. Cæcilius iustissimi fortissimique prætoris oppugnata domo? potuitne illo die, cum est lata lex de me, cum totius Italiæ concursus, quam mea salus concitaret, facti illius gloriam libens agnovisset; ut etiam si id Milo fecisset, cuncta civitas eam laudem pro sua vendicaret?

30. Atqui erat id temporis, clarissimus & fortissimus Consul, inimicus Clodio, P. Lentulus, ultor sceleris illius, propugnator Senatûs, defensor vestræ voluntatis; patronus illius publici consensus, restitutor salutis meæ, septem prætores, octo tribuni pl. illius, adversarii, defensores mei: Cn. Pompejus, auctor & dux mei reditus, illius hostis: cujus sententiam Senatus omnis de salute mea gravissimam & ornatissimam secutus est: qui populum Rom. cohortatus est; qui cum de me decretum Capuæ fecisset, ipse cunctæ Italiæ cupienti, & ejus fidem imploranti signum dedit, ut ad me restituendum Romam concurrerent. Omnia tum denique in illum odia civium ardebant desiderio mei: quem qui tum interemisset, non de impunitate ejus, sed de præmiis cogitaretur.

40. Tamen se Milo continuit; & P. Clodium ad judicium bis, ad vim nunquam vocavit. Quid? privato Milone, & reo ad populum accusante P. Clodio; cum in Cn. Pompejum pro Milone dicentem impetus factus est, quæ tum non modò occasio, sed etiam causa illius opprimendi fuit? nupcr verò cum M. Antonius summam spem salutis bonis omnibus attulisset gravissimamque adolescens nobilissimus Reipublicæ partem fortissimè suscepisset: atque illam belluam judicii laqueos declinantem, jam irretitam teneret: qui locus, quod tempus illud, Dii immortales fuit? cum se ille fugiens in scalarum tenebras  
abdidit.



PRO T.

abdidisset, nullâ suâ invidia, Antonii verò maximâ gloria?

41. Quid? comitiis in campo, quoties potestas fuit? cum ille ut in septa irruisset; gladios distringendos, lapides jaciendos curasset; dein subito, vultu Milonis perteritus fugeret ad Tyberim; vos & omnes boni vota faceretis, ut Miloni uti virtute sua liberet. Quem igitur cum omnium gratia noluit, hunc voluit cum aliquorum querela? quem jure, quem loco, quem tempore, quem impune non est ausus; hunc injuriâ, iniquo loco, alieno tempore, periculo capitis, non dubitavit occidere?

42. Præsertim judices, cum honoris amplissimi contentio, & dies comitiorum subesset. Quo quidem tempore (scio enim, quam timida sit ambitio, quantaque & quam sollicita cupiditas consulatus) omnia, non modo quæ reprehendi palam, sed etiam quæ obscurè cogitari possunt, timemus; rumorem, fabulam fictam, falsam perhorrescimus, ora omnium atque oculos, intuemur. Nihil enim est tam molle tam tenerum, tam aut fragile, aut flexibile. quam voluntas erga nos, sensusque civium, qui non modo improbitati irascuntur candidatorum, sed etiam in rectè factis sæpe fastidiunt.

42. Hunc diem igitur campi speratum atque exoptatum sibi proponens Milo; cruentis manibus scelus & facinus præ se ferens & confitens, ad illa angusta Centuriarum auspicia veniebat? quam hoc non credibile in hoc? quam idem in Clodio non dubitandum? qui se, interfecto Milone regnaturam putaret?

41. Potuit loco oportuno eum occidere, quando Clodius impetum fecit in Pompejum, aut in Comitibus à Milone fugatus ad Tyberim,

42. Concludit pulchre Cicero à majori ad minus, Milonem non attulisse vim aut necem Clodio. Confirmatur ab imminente Comitiorum die quo tempore omnes Consulatus Candidati populum offendere timent.

ANNIO MILONE.

putaret? quid? quod caput audaciæ est Judices, quis ignorat, maximam illecebram esse peccandi impunitatis spem? in utro igitur hæc fuit? in Milone? qui etiam nunc reus est facti, aut præclari, aut certè necessarii. An in Clodio? qui ita judicia pœnamque contempserat; ut eum nihil delectaret: quod aut per naturam fas esset, aut per leges liceret.

44. Sed quid ego argumentor? quid plura disputo? Te Q. Petili appello optimum & fortissimum civem, Te, M. Cato, testor, quos mihi divina quædam fors dedit judices: vos ex M. Favonio audistis, Clodium sibi dixisse, & audistis vivo Clodio, periturum Milonem triduo. Post diem tertium gesta res est, quam dixerat. Cum illè non dubitaret aperire, quid cogitaret; vos potestis dubitare quid fecerit?

45. Quemadmodum igitur eum dies non fefellit? dixi equidem modò. Dictatoris Lanuvini stata sacrificia nosse, negotii nihil erat; vidit necesse esse Miloni, proficisci Lanuvium illo ipso, quo profectus est, die. Itaque antevertit. At quo die? quo, ut ante dixi, insanissima concio ab ipsius mercenario Tribunopl. est concitata: quem diem ille, quam concionem, quos clamores, nisi ad cogitatum facinus appropinquaret, nunquam reliquisset. Ergo illi ne causa quidem itineris; etiam causa manendi. Miloni nulla facultas manendi: exeundi, non causa solùm, sed etiam necessitas fuit. Quid si, ut ille scivit Milonem fore eo die in via, sic Clodium Milo ne suspicari quidem potuit?

46. Primum

44. Quarta causa fuit sperata à Clodio, qui sæpe judicia & pœnas evaserat, impunitas. Hanc Milo non sperabat etiam nunc reus ac causæ ambiguus.

45. Hæc spes impunitatis confirmatur ipsis verbis & confessione Clodii per præteritionem & Apostrophen ad Judices. Tertio enim die dixit periturum Milonem, & ex urbe sine causa profectus est, cum Miloni necessario ob stata sacrificia proficiscendum esset.



PRO T.

46. Primum quæro, quî scire potuerit? quod vos idem in Clodio quærere non potestis. Ut enim neminem alium, nisi T, Patinam familiarissimum suum rogasset; scire potuit, illo ipso die Lanuvii à Dictatore Milone prodi Flaminem necesse esse. Sed erant permulti alii, ex quibus id facillimè scire posset; omnes scilicet Lanuvini. Milo de Clodii re situ unde quæsit? quæfiverit sanè. Videte, quid vobis largiar? servum etiam, ut Arius meus amictus dixit, corruperit. Legite testimonia testium vestrorum. Dixit C. Gassinius, cognomentò Scola, Interamnis, familiaris meus & idem comes P. Clodii? cujus jam pridem testimonio Clodius eadem hora Interamnæ fuerat, & Romæ P. Clodium illo die in Albano mansurum fuisse, sed subito ei fuisse nunciatum, Cyrum architectum esse mortuum. Itaque Romam repente constituisse proficisci. Dixit hoc comes item Publii Clodii C. Clodius.

47. Videte, Iudices, quantæ res his testimoniis sint confectæ. Primum certè liberatur Milo, non eo consilio profectus esse; ut insidiaretur in via Clodio: quippe quiei obviurus futurus omnino non erat. Deinde (non enim video, cur non meum quoque agam negotium) scitis iudices fuisse; qui in hac rogatione suadenda dicerent: Milonis manu cædem esse factam, consilio verò majoris alicujus: videlicet me latronem ac ficarium, abjecti homines & perditione describebant. Jacent suis testibus ii, qui Clodium negant eo die Romam, nisi de Cyro auditum esset, rediturum fuisse. Respiravi, liberatus sum: non vereor, ne, quod ne suspicari quidem potuerim, videar id cogitasse.

48. Nunc

46. Facile hoc rescire è variis poterat Clodius, cum de ejus reditu nihil suspicari posset Milo nec Clodii servos ad id corrupti, quod quidem nullius fidei testes edixerant.

ANNIO MILONE.

48. Nunc persequar cætera. Nam occurrit illud, ne Clodius quidem de insidiis cogitavit; quoniam fuit in Albano mansurus, siquidem exiturus ad cædem è villa non fuisset. Video enim illum, qui dicitur de Cyri morte nunciassse, non id nunciassse, sed Milonem appropinquare. Nam quid de Cyro nunciaret; quem Clodius Româ proficiscens, reliquerat morientem? unâ fui: testamentum simul obsignavi cum Clodio. Testamentum autem palam fecerat; & illum hæredem, & me scripserat. Quem pridie horâ tertia animam efflantem reliquisset; eum mortuum postridie hora decima ei nunciabatur? Age, si ita factum: quæ causa, cur Romam properaret? cur in noctem se conijceret? quid asseribat festinationem? quod hæres erat? primum erat nihil, cur properato opus esset. Deinde si quid esset; quid tandem, quòd ea nocte consequi posset? amitteret autem, si postridie manè Romam venisset.

49. Atque ut illi nocturnus ad urbem adventus vitandus potius, quam expetendus fuit, sic Miloni, cum insidiator esset, si illum ad urbem noctu accessurum sciebat, subsistendum atque expectandum fuit.

50. Noctu, invidioso, & pleno latronum in loco, occidisset, nemo ei neganti non credidisset; quem esse omnes salvum etiam confitentem volunt. Sustinisset hoc crimen primum ipse ille latronum occultator & receptor locus: dum neque muta solitudo indicasset, neque cæca nox ostendisset Milonem: deinde uti multi ab illo violati, spoliati, bonis expulsi,

48. *Quia horum testimonia pro se Cicero interpretatur, quia si Clodius in Albano ob mortem Cyri eo die manurus erat, ejus reditus Miloni ignotus fuit. Cum igitur Clodius in Albano non mansisset, Romam reverà ad insidias rediit, non ob mortem Cyri, quem pridie morientem reliquerat.*

50. *Confirmatur ex festinatione Clodii.*



si, multi etiam hæc timentes, in suspicionem caderent, tota denique rea citaretur Hetruria.

51. Atque illo die certè Ariciâ rediens divertit Clodius ad Albanum. Quòd, nisi sciret illum Milo Ariciæ fuisse; suspicari tamen debuit, eum, etiam si Romam illo die reverti vellet, ad villam suam, quæ viam tangeret, diversurum. Curneque ante occurrat, ne in villa resideret; nec eo in loco subsedit, quo ille noctu venturus esset? Video adhuc constare omnia Judices: Miloni etiam utile fuisse, Clodium vivere; illi ad ea, quæ concupierat, optatissimum interitum Milonis fuisse. Odium illius in hunc acerbissimum, in illum hujus nullum. Consuetudinem illius perpetuam in vi inferenda; hujus tantum in repellenda.

52. Mortem ab illo denunciata[m] palam Miloni, & prædictam: nihil unquam auditum ex Milone. Profectionis hujus diem illi notum, reditum illius huic ignotum fuisse. Hujus iter necessarium, illius etiam potius alienum. Hunc præ se tulisse, illo die Româ exiturum: illum eo die se dissimulasse rediturum. Hunc nullius rei mutasse consilium: illum causam matandi consilii finxisse. Huic, si insidiaretur, nocte prope urbem expectandum: illi, etiamsi hunc non timeret, tamen accessum ad urbem nocturnum fuisse metuendum,

53. Videamus nunc id, quod caput est: locus ad insidias ille ipse, ubi congressi sunt, utri tandem fuerit aptior. Id verò Judices etiam dubitandum, & diutius cogitandum est? ante fundum Clodii, quo in fundo, propter insanas illas substructiones; facile mille hominum versabatur, valentium adversari. Atqui excello loco superiorem se fore putabat Milo:  
& ob

51. *Contra suspicionem insidiarum absolvitur Milo, quia ei ante ejus fundum non fuisset occurrurus.*

52. *Itaque perspicua repetitione concludit Orator, probabiles esse insidias Clodii, non Milonis.*

## ANNIO MILONE.

& ob eam causam eum locum ad pugnam potissimum delegerat? An in eo loco potius expectandum ab eo, qui ipsius loci spe facere impetum cogitarat? res loquitur Iudices ipsa, quæ semper valet plurimum.

54. Si hæc non gesta audiretis, sed picta videretis; tamen appareret, uter esset insidiator; uter nihil cogitaret mali; cum alter veheretur in rheda penulatus, una federet uxor. Quid horum non impeditißimum? vestitus? an vehiculûm, an comes? quid minus promptum ad pugnam? cum penula irretitus, rheda impeditus, uxore penè confrißtus esset. Videte nunc illum primum egredientem è villa subito. Cur vesperi? quid necesse est tarde? quî convenit, præsertim id temporis? divertit in villam Pompeij. Pompejum ut videret? solebat in Alsiensi esse procul inde. Villam ut perspiceret? millies in ea fuerat. Quid ergo erat moræ, & tergiversationis? dum hic veniret, locum relinquere noluit.

55. Age, nunc iter expediti latronis, cum Milonis impedimentis comparate. Semper ille antea cum uxore, tum sine ea: nunquam non in rheda, tum in equo: comites Græculi, quocunque ibat, etiam cum in castra Hetrusca properabat: tum nugarum in comitatu nihil. Milo, qui nunquam, tum casu pueros symphonicos uxoris ducebat, & ancillarum greges. Ille, qui semper secum scorta, semper exoletos, semper lûpas ducebat, tum neminem: nisi ut virum à viro lectum esse diceres. Cur igitur victus est? quia non semper viator à latrone, nonnunquam etiam latro à viatore occiditur: quia quanquam paratus in imparatos Clodius; tamen mulier inciderat in viros.

56. Nec

54 *Mirificè locum pugne insidiis aptiorem exprimit Cicero per Hypotyposim, & comparisonem ab Ad-junctis; comitatu, facultate, & tempore.*



PRO T.

56. Nec vero sic erat unquam non paratus Milo contra illum, ut non satis fere esset paratus. Semper ille, & quantum interesset P. Clodii se perire, & quanto illi odio esset, & quantum ille auderet cogitabat. Quamobrem vitam suam, quam maximis præmiis propositam & penè addictam sciebat nunquam in periculum sine præsidio & sine custodia provehebat. Adde casus, adde incertos exitus pugnarum, martemque communem; qui sæpe spoliante jam & exulante evertit, & perculit ab abjecto. Adde incitiam pransi, poti, oscitantis ducis; qui cùm à tergo hostem interclusum reliquisset, nihil de ejus extremis comitibus cogitavit: in quos incensos ira, vitamque domini desperantes um incidisset; hæsit in iis pœnis, quas ab eo servi fideles pro domini vita expetiverunt.

57. Cur igitur eos manumisit? metuebat scilicet, ne indicarent: ne dolorem perferre non possent: ne tormentis cogerentur, occisum esse à servis Milonis in Appia via P. Clodium, consiteri. Quid opus est tortore? quid quæris? occideritne? Occidit, Jure, an injuria? nihil ad tortorem. Facti enim in equuleo quæstio est, juris, in judicio. Quod igitur in causa quærendum est, id agamus: hoc quod tormentis invenire vis, id fatemur. Manu verò cur miserit, si id potius quæris, quàm cur parum amplis affecerit ræmiis, nescis inimici factum reprehendere.

58. Dixit enim hic idem, qui omnia semper con-

56, *Digreditur Cicero Et ad tres Prolepseis respondet. 1. Victus est Clodius, Incerti sunt exitus Pugnae. Clodius incitus, effeminatus: Milo providus Et circumspectus.*

57. 2. Milo servos manumisit: Et merebantur quod ita herum defenderant. Nec ea causa manumisit, ne in questionem vocarentur, nec enim tormentis opus, ubi facti confessio est.

ANNIO MILONE.

stanter & fortiter, M. Cato: dixitque in turbulenta concione. quæ tamen hujus auctoritate placata est; non liberate solum, sed etiam omnibus præmiis dignissimos fuisse; quod domini caput defendissent. Quod enim præmium satis magnum est tam benevolis, tam bonis, tam fidelibus servis, propter quos vivit? etsi id quidem non tanti est; quam quod propter eosdem, non sanguine & vulneribus suis crudelissimi inimici mentem oculosque satiavit. Quos nisi manumisisset, tormentis etiam dedendi fuerunt conservatores domini, ultores sceleris defensores necis? hic vero nihil habet in his malis, quod minus molestè ferat; quam etiam si quid ipsi accidit, esse tamen illis meritum præmium persolutum.

59. Sed quæstiones urgent Milonem, quæ sunt habitæ nunc in atrio libertatis. Quibusnam de servis? rogas? de P. Clodii. Quis eos postulavit? Appius. Quis produxit? Appius. Unde? ab Appio. Dii boni, quid potest agi severius? de servis nulla quæstio est in dominum, nisi de incestu, ut fuit in Clodium. Proximè Deos accessit Clodius; propius, quam tum, cum ad ipsos penetrarat, cujus de morte, tanquam de ceremoniis violatis, quæritur. Sed tamen majores nostri in dominum de servo quæri noluerunt: non, quia non posset verum inveniri; sed quia videbatur, indignum esse, & dominis morte ipsa tristiùs. In reum de servis accusatoris cum quæritur, verum inveniri potest?

60. Age verò, quæ erat, aut qualis quæstio? heus ubi Ruscio? Cave mentiaris. Clodius insidias fecit Miloni? fecit, certa crux, Nullas fecit? sperata liber-

59. Ab Appio quæstiones habitæ sunt de servis Clodii. *Id quidem nihil ad rem. Nec enim licet contra hunc de servis quæri, minus contra Domini inimicum. Quæstiones has faceta Ironia. complexione & Prosopopæia Cicero refellit à persona Appii; & ejus modo quærendi non legitimo.*



PRO T.

libertas. Quid hac quæstione certius? subito arrepti in quæstionem tamen separantur a cæteris, & in arcas conjiciuntur, ne quis cum iis colloqui possit. Hi centum dies penes accusatorem cùm fuissent, ab eo ipso accusatore producti sunt. Quid hac quæstione dici potest integrius? quid incorruptius?

61. Quod si nondum satis cernitis, cùm res ipsa tot, tam claris argumentis signisque luceat, purâ mente atque integra Milonem, nullo scelere imbutum, nullo metu perterritum, nulla conscientia exanimatum, Romam revertisse: recordamini per Deos immortales, quæ fuerit celeritas reditus ejus: qui ingressus in forum ardente curia, quæ magnitudo animi, qui vultus, quæ oratio; neque verò se populo solum, sed etiam Senatui tradidit: neque Senatui modò, sed etiam publicis præfidiis & armis: neque his tantum, verùm etiam ejus potestati, cui Senatus totam Rempublicam, omnem Italiæ pubem, cuncta populi Romani arma commiserat. Cui se nunquam profectò tradidisset, nisi causæ suæ consideret: præsertim omnia audienti, magna metuenti, multa suspicanti, nonnulla credenti. Magna vis est conscientia, Judices, & magna in utramque partem: ut neque timeant, qui nihil commiserint: & poenam semper ante oculos versari putent, qui peccarint.

62. Neque verò sine ratione certa, causa Milonis semper à Senatu probata est. Videbant enim sapientissimi homines facti rationem, præsentiam animi, defensionis constantiam. An verò obliti estis Judices; recenti illo nuncio necis Clodianæ, non modò inimicorum Milonis sermones, & opiniones, sed nonnullorum etiam imperitorum, qui negabant eum Romam esse rediturum?

63. Sive

61. *Redit ex digressionē; Et pluribus, ab adjunctis temporis, loci, à consequentibus signis à Milone insidiarum suspicionem removet, imprimis ejus fiduciam prædicat: quâ se in Urbem retulit, Et conscientia vum.*

ANNIO MILONE.

63. Sive enim illud animo irato ac percito fecisset, ut incensus odio trucidaret inimicum; arbitrabantur eum tanti mortem P. Clodii putasse, ut æquo animo patria careret, cum sanguine inimici expleisset odium suum. Sive etiam illius morte patriam liberare voluisset, non dubitaturum fortem virum, quin, cum suo periculo salutem Reipub. attulisset, cederet æquo animo legibus; secum auferret gloriam sempiternam; nobis hæc fruenda relinqueret, quæ ipse servasset. Multi etiam Catilinam atque illa portenta loquebantur: erumpet, occupabit aliquem locum, bellum patriæ faciet. Miseros interdum cives optimè de Repub. meritos! in quibus homines non modò res præclarissimas obliviscuntur, sed etiam nefarias suspicantur. Ergo illa falsa fuerunt; quæ certè vera extitissent, si Milo admisisset aliquid, quod non posset honestè verèque defendere.

64. Quid, quæ postea sunt in eum congesta? quæ quamvis etiam mediocrium delictorum conscientiam perculissent, ut sustinuit, Dii immortales? sustinuit? immò verò ut contempsit, ac pro nihilo putavit? quæ neque maximo animo nocens, neque innocens, nisi fortissimus vir, negligere potuisset. Scutorum, gladiorum, frenorum, sparorum, pilorumque etiam multitudo deprehendi posse judicabatur; nullum angiportum esse dicebant, in quo Miloni non esset conducta domus; arma in villam Oriculanam devectora Tyberis; domus in clivo Capitolino scutis referta; plena omnia malleolorum ad urbis incendia comparatorum. Hæc non delata solum, sed penè credita: nec ante repudiata, quam quæsitæ.

65. Laudabam equidem incredibilem diligentiam Cn. Pompeij. Sed dicam, ut sentio, Judices, nimis multa audire coguntur, neque aliter sacre possunt ii, quibus tota commissa est Respublica. Quin etiam

64. Deinde ejus fortitudinem, quæ sparsos de se rumores contempserat.



PRO T.

am audiendus sit Popa Licinius, nescio quis de circo maximo: servos Milonis apud se ebrios factos sibi confessos esse, de interficiendo Cn. Pompejo conjurasse. Deinde postea se gladio percussum esse ab uno de illis, ne indicaret, Pompejo in hortos nunciavit. Arcessor imprimis. De amicorum sententia rem desert ad Senatum. Non poteram in illius mei, patriæque custodis tanta suspicione, non metu exanimari. Sed mirabar tamen credi Popæ; ebriorum confessionem servorum audiri; vulnus in latere, quod acu punctum videretur, pro ictu gladiatoris utari.

66. Verum etiam, ut intelligo, cavebat magis Pompejus, quam timebat, non ea solum quæ timenda erant, sed omnia, ne aliquid vos timeretis. Oppugnata domus C. Cæsaris, clarissimi & fortissimi viri, per multas noctis horas nunciabatur; nemo audierat tam celebri loco: nemo senserat: tamen audiebatur. Non poteram Cn. Pompejum præstantissima virtute civem, timidum suspicari. Diligentiam totâ Rep. suscepta, nimiam nullam putabam. Frequentissimo Senatu nuper in Capitolio senator inventus est, qui Milonem cum telo esse diceret. Nudavit se in sanctissimo templo; quoniam vita talis & civis & viri, fidem non faciebat, nisi eo tacente res ipsa loqueretur.

67. Omnia falsa atque insidiosè ficta comperta sunt: cum tamen, si metuitur etiam nunc Milo, non hoc jam Clodianum crimen timemus; sed tuis Cn. Pompei (te enim jam appello eâ voce, ut me audire possis) tuas inquam suspensiones perhorrescimus. Si Milonem times: si hunc de tua vita nesci-

66. Digreditur hinc ad diluendas suspensiones Pompeij, quem operosè multaque arte conciliare studet. Elevat has suspensiones 1. à persona Licinii & furiorum servorum.

67. 2. Falstitate plurium ejusmodi rumororum de Milone.

## ANNIO MILONE.

riè aut nunc cogitare, aut meditatum aliquando aliquid putas; si Italiæ delectus, ut nonnulli conquiritores tui dictitant: si hæc arma, si Capitoliæ cohortes, si excubiæ, si vigiliæ, si delecta juvenus, quæ tuum corpus domumque custodit, contra Milonis impetum armata est: atque illa omnia in hunc unum instituta, parata, intenta sunt; magna in hoc certè vis, & incredibilis animus, & non unius viri vires atque opes indicantur: siquidem in hunc unum & præstantissimus dux electus, & tota Reip. armata est.

68. Sed quis non intelligit, omnes tibi Reip. partes ægras, & labentes, ut eas his armis sanares, & confirmares, esse commissas? Quodd si Miloni locus datus esset, probasset profectò tibi ipsi, neminem unquam hominem homini chariorem fuisse, quàm te sibi; nullum se unquam periculum pro tua dignitate fugisse; cum illa ipsa teterrima peste sæpissimè pro tua gloria contendisse; Tribunatum suum ad salutem meam, quæ tibi charissima fuisset, consiliis tuis gubernatum; sed à te postea defensum in periculo capitis; adjutum in petitione præturæ; duos se habere semper amicissimos sperasse: te tuo beneficio, me suo. Quæ si non probaret, si tibi ita penitus infedisset ista suspicio, nullo ut evelli modo posset; si denique Italia à delectu, urbs ab armis, sine Milonis clade nunquam esset conquietura, næ iste haud dubitans celsisset patriâ. Is, qui ita natus est, & ita consuevit, te Magne tamen attestaretur, quod nunc etiam facit.

69. Vide, quàm sit varia vitæ, commutabilisque  
R
ratio,

68. 3. *A consilio & testimonio ipsius Pompeij, quæ arma non contra Milonis insidias, sed adversariorum vim Reipubl. causa paravit.*

69. 4. *Probata toties Milonis fide, atque animo erga Pompejum; cui fors etiam olim prodesse posset.*



ratio, quàm vaga volubiliſque fortuna; quantæ infidelitates in amicis; quàm ad tempus aptæ ſimulationes; quantæ in periculis fugæ proximorum; quantæ timiditates? erit, erit illud profectò tempus; & illuceſcet aliquando ille dies: cùm tu ſalutaribus, ut ſpero rebus tuis, ſed fortasſe motu aliquo communium temporum immutatis ( qui quàm crebrò accidat, experti debemus ſcire ) & amiciſſimi benevolentiam, & graviffimi hominis fidem, & unius poſt homines natos fortiffimi viri magnitudinem animi deſideres.

70. Quanquam quis hoc credat, Cn. Pompejum juris publici, majorum, rei denique publicæ periffimum, cùm Senatus ei commiſerit, ut videret, ne quid Reſpub. detrimenti caperet; quo uno verſiculo ſatis armati ſemper Conſules fuerunt, etiam nullis armis datis, hunc exercitu, hunc delectu dato, judicium expectaturum fuiſſe in ejus conſiliis judicandis, qui vel judicia ipſa tolleret? Satis iudicatum eſt à Pompejo, falſò iſta conferri in Milonem; qui legem tulit, quæ, ut ego ſentio, Milonem abſolvi oporteret; ut omnes conſententur, liceret.

71. Quod verò in illo loco, atque in illis publicorum præſidiorum copiis circumſuſus ſedet; ſatis declarat, non ſe terrorem inferre vobis ( quid enim illo minus dignum quàm cogere, ut vos eum condemnentis, in quem animadvertere ipſe, & more majorum, & ſuo jure poſſet? ) ſed præſidio eſſe: ut intelligatis, contra heſternam concionem illam licere vobis, quod ſentiat, libere judicare.

72. Ar-

71. 5. *A Præjudicio Pompeij: qui vel ſine iudicio poterat in Milonem animadvertere, præſidiumque ideò ſolùm in foro collocavit, quo libertatem iudicium, contra Clodianorum concionem tueretur.*

## ANNIO MILONE.

72. Argumentum II. Nec verò me Iud. Clodianum crimen movet: nec tam sum demens. tamque vestri sensus ignarus atque expers: ut nesciam, quid de morte Clodii sentiat. De qua si jam nollem ita deluere crimen, ut divi, tamen impunè Miloni passim clamare, atque mentiri gloriosè liceret: Occidi, occidi non Spurius Melius, qui annonam levandam, iacturisque rei familiaris, quia nimis amplecti plebem putabatur, in suspicionem incidit regni appetendi: non T. Gracchum, qui collegæ magistratum per seditionem abrogavit: quorum interfectores implerunt orbem terrarum nominis sui gloriâ: sed eum (auderet enim dicere, cum patriam periculo suo liberasset) cujus nefarium adulterium in pulvinaribus sanctissimis nobilissimæ sceminae comprehenderunt: eum cujus supplicio Senatus solennes religiones expiandas sæpe censuit.

73. Eum, quem cum sorore germana nefarium stuprum fecisse, L. Lucullus iuatus se quæritonibus habitis dixit comperisse: eum, qui civem, quem Senatus, quem populus, quem omnes gentes urbis, ac vitæ civium conservatorem judicabant, servorum armis exterminavit: eum, qui regna dedit, ademit, orbem terrarum; quibuscum voluit partitus est: eum, qui pluribus cædibus in foro factis, singulari virtute & gloriâ civem, domum vi & armis compulit.

74. Eum, cui nihil unquam nefas fuit nec in facino-

72. *Argumentum 2.* Miloni est gloriosum, sceleraturn & noxium civem occidisse. *Probatur Syllogismo:* Gloriosum est malum & perniciosum civem tollere, sed talis fuit Clodius, ergo ejus cædes gloriosa Miloni. *Major amplificatur in fine Prosopopœia Milonis, gloriantis de cæde perniciosioris civis; quâ in Sp. Melius &c.*

73. *Minor, multa Clodii scelera supra, acervatim continet.*



PRO T.

cinore, nec in libidine: eum, qui ædem Nympharum incendit, ut memoriam publicæ recensionis tabulis publicis impressam extingueret: eum denique, cui jam nulla lex erat, nullum civile jus, nulli possessionum termini: qui non calumniâ litium, non injustis vindictis ac Sacramentis alienos fundos, sed castris, exercitu, signis inferendis petebat: qui non solum Hetruscos ( eos enim penitus contempserat ) sed hunc Cn. Pompejum, virum fortissimum, atque optimum civem, judicem nostrum, pellere possessionibus, armis, castrisque conatus est: qui cum architectis & decempedis villas multorum hortosque peragrabat: qui Janiculò & Alpibus spem possessionum terminabat suarum: qui cum ab equite Romano splendidissimo & forti viro, T. Pacanio non impetrasset, ut insulam in lacu pretio venderet, repente lintribus in eam insulam, materiam, calcem, cæmenta, atque arma convexit; dominoque trans ripam inspectante, non dubitavit ædificium extruere in alieno.

75. Quid huic T. Furfanio, cui viro, Dii immortales? ( quid enim de muliercula Sanctia, quid de adolescente Apronio dicam? quorum utrique mortem est minatus, nisi sibi hortorum possessione cessisset ) sed ausus est Furfanio dicere, si sibi pecuniam, quantam poposcerat, non dedisset, mortuum se in domum ejus illaturum: quâ invidiâ huic esset tali viro conflagrandum? qui Appium fratrem, hominem mihi conjunctum fidelissimâ gratiâ, absentem de possessione fundi dejecit: qui parietem sic per vestibulum sororis instituit ducere, sic agere fundamenta; ut sororem non modò vestibulo privaret, sed omni aditu & limine.

76. Quanquam hæc quidem jam tolerabilia videbantur etfi æqualiter in Rempublicam, in privatos,

76. Amplificat hæc per incrementum ex iis; quæ nejaris facturus erat, si Prætor fuisset.

## ANNIO MILONE

in propinquos in alienos, in suos irruebat. Sed nescio, quomodo jam usu obduruerat & percalluerat civitatis incredibilis patientia. Quæ verò aderant jam, & impendebant; quònam modo ea aut depellere po- uissetis, aut ferre imperium, si id ille nactus esset? omitto socios, exteras nationes, Reges, Tetrarchas. Vota enim faceretis, ut in eos se potius mitteret; quàm in vestras possessiones, vestra tecta, vestras pecunias. Pecunias dico? à liberis medius fidius, & conjugibus vestris, nunquam ille effrenatus suas libidines cohibuisset. Fingi hæc putatis, quæ patent, quæ nota omnibus, quæ tenentur? servorum exercitus illum in urbe conscripturum fuisse, per quos totam Rempubl. résque privatas omnium possideret.

77. Quamobrem si cruentum gladium tenens clamaret T. Annius: Adeste quæso, atque audite cives: P. Clodium interfeci: ejus furores, quos nullis jam legibus, nullis judiciis frænare poteramus, hoc ferro, & hac dextra, à cervicibus vestris repuli: per me unum effectum est, ut jus, æquitas, leges, libertas, pudor, pudicitia in civitate manerent: enimverò timendum, quonam modo id factum ferret civitas? nunc enim quis est, qui non probet? qui non laudet? qui non unum post hominum memoriam T. Annium plurimum Reip. profuisse, maximâ lætitiâ populum Romanum, cunctam Italiam, nationes omnes affecisse & dicat, & sentiat? Neque vetera illa populi Romani, quanta fuerint, gaudia judicate. Multas tamen jam summorum Imperatorum clarissimas victorias ætas nostra vidit; quarum nulla neque tam diuturnam attulit lætitiâ, nec tantam.

78. Mandate hoc memoriæ, Judices. Spero multa

77. *Amplificat à Prosopopœja Milonis.*

78. *Auget Milonis laudem à comparatione sperati ejus Consulatus, & Præturæ Clodii, quam omnes timebant.*



PRO T.

ta vos, liberosque vestros in Republ. bona esse vi-  
furos. In his singulis ita semper existimabitis, vivo  
P. Clodio nihil horum vos visuros fuisse. In spem  
maximam, & quemadmodum confido, verissimam  
adducti sumus; hunc ipsum annum, hoc summo vi-  
ro Consule, concussa hominum licentiâ, cupiditati-  
bus fractis, legibus & judiciis constitutis, saluta-  
rem civitati fore. Num quis igitur est tam demens  
qui hoc, P. Clodio vivo, contingere potuisse arbi-  
tretur? Quid? ea, quæ tenetis privata atque vestra,  
dominante homine furioso, quod jus perpetuæ pos-  
sessionis habere potuissent? non timeo Jud. ne o-  
dio inimicitiarum mearum inflammatus, libentiùs  
hæc in illum evomere videar, quàm veriùs. Ete-  
nim etsi præcipuum esse debebat, tamen ita com-  
munis erat omnium ille hostis: ut in communi odio  
penè æqualiter versaretur odium meum. Non po-  
test dici satis, ne cogitari quidem; quantum in illo  
sceleris, quantum exitii fuerit.

79. Quin sic attendite Judices, nempe hæc est  
quæstio de interitu P. Clodii. Fingite animis ( li-  
beræ enim sunt cogitationes nostræ: quæ volunt, sic  
intuentur, ut ea cernimus, quæ videmus ) fingite  
igitur cogitatione imaginem hujus conditionis meæ;  
si possim efficere, ut Milonem absolvatis; sed ita, si  
P. Clodius revixerit. Quid vultu extimuisitis? quo-  
nam modo ille vos vivus afficeret, qui mortuus ina-  
ni cogitatione percussit? quid? si ipse Cn. Pom-  
pejus, qui eâ virtute ac fortuna est, ut ea potuerit  
semper, quæ nemo præter illum; si is, inquam, po-  
tuisset, ut quæstionem de morte P. Clodii ferre, sic  
ipsum ab inferis excitaret: utrum putatis potius fa-  
ciurum fuisse? Etiam si propter amicitiam vellet il-  
lum ab inferis revocare, propter Remp. non fecisset.  
Ejus

79. Item alio Prosofopoja; nam si ab inferis re-  
vocari posset Clodius, nemo ja, nec Pompejus, a-  
ceret.

### ANNIO MILONE,

Ejus igitur mortis seletis ultores, cujus vitam si putetis per vos restitui posse, nolitis: & de ejus nece lata quaestio est, qui si eadem lege reviviscere posset, lata lex nunquam esset. Hujus ergo intersector, non esset etiam confitendo ab iis impetraturus, ne poenam timeret, quos liberavisset?

80. Græci homines Deorum honores tribuunt iis viris, qui Tyrannos necaverunt. Quæ ego vidi Athenis? quæ aliis in urbibus Græciæ? quas res Divinas talibus institutas viris? quos cantus? quæ carmina? propè ad immortalitatis & religionem, & memoriam consecrantur. Vos tanti conservatorem populi, tanti sceleris ultorem, non modò honoribus nullis afflicietis, sed ad supplicium rapi etiam patiemini? confiteretur inquam, si fecisset, & magno animo, libenter, se fecisse libertatis omnium causâ, quod certè ei non confitendum modo, verum etiam prædicandum.

81. Etenim si id non negat, ex quo nihil petit, nisi ut ignoscatur; dubitaret id fateri, ex quo etiam præmia laudis essent petenda? nisi verò gratius putat esse vobis sui se capitis, quàm vestri ordinis, defensorem fuisse: cùm præsertim in ea confessione, si grati esse velletis, honores assequeretur amplissimos. Si factum vobis non probaretur (quanquam quî poterat salus sua cuique non probari?) sed tamen si minùs fortissimi viri virtus civibus grata cecidisset, magno animo constantique cederet ex ingrata civitate. Nam quid esset ingratius, quàm lætari cæteros; lugere eum solùm, propter quem cæteri lætarentur?

82. Quanquam hoc animo semper omnes fuimus, in patriæ proditoribus opprimendis; ut quoniam nostra futura esset gloria, periculum quoque & invidia

82. *Jubet Milonem nunquam pœnitere facti, quia viri sortis est propostâ invidia, morte; pœna; nihilominus defendere rempublicam.*



PRO T.

am nostram putaremus. Nam quæ mihi ipsi tribuenda laus esset; cum tantum in consulatu meo pro vobis ac liberis vestris ausus essem: si id, quod conabar, sine maximis dimicationibus meis me esse ausurum arbitrarer? quæ mulier sceleratum ac perniciosum civem occidere non auderet, si periculum non timeret? propositâ invidia, morte, pœna, qui nihilo segnius Rempubl. defendit, is vir certè putandus est. Populi grati est, præmiis afficere benemeritos de Republ. cives; viri fortis, ne suppliciis quidem moveri, ut fortiter fecisse pœniteat.

83. Quamobrem uteretur eâdem concessione T. Annius quâ Ahala, quâ Nasica, Opimius, quâ Marius, quâ nosmetipsi: & si grata Resp: esset, lætaretur; si integra, tamen in gravi fortuna conscientia suâ niteretur. Sed hujus beneficii gratiam jud. fortuna populi Romani & vestra felicitas, & Dii immortales, sibi deberi putant. Nec verò quisquam aliter arbitrari potest: nisi qui nullam vim cœlestem existimat, numénve divinum: quem neque imperii vestri magnitudo, neque sol ille, nec cœli & signorum motus, nec vicissitudines rerum atque ordines movent, neque id, quod maximum est, majorum sapientia; qui sacra, qui cæremonias, qui auspicia & ipsi sanctissimè coluerunt, & nobis suis posteris prodiderunt.

84. Et, est profectò illa vis; neque in his corporibus, atque in hac imbecillitate nostra inest quiddam, quod vigeat & sentiat; & non inest in hoc tanto naturæ, tam præclaro motu. Nisi fortè idcirco esse putant; quia non apparet, nec cernitur. Perinde quasi nostram ipsam mentem, quâ sapimus, quâ providemus, quâ hæc ipsa agimus ac dicimus videre, aut planè qualis, aut ubi sit, sentire possimus.

84. *Verum non sine artificio altius extollit Milonis factum: cujus quidem manu, sed Deorum numine ac vi interjectus sit Clodius.*

*ANNIO MILONE.*

possimus. Ea vis, ea est igitur, quæ sæpe incredibiles huic urbi felicitates atque opes attulit: quæ illam perniciem extinxit ac sustulit: cui primum mentem injecit, ut vi irritare ferroque laceffere orthissimum virum auderet; vincereturque ab eo, quem si vicisset, habiturus esset impunitatem, & licentiam sempiternam.

85. Non est humano consilio, ne mediocri quidem. Judices, Deorum immortalium curâ, res illa perfecta. Religiones me hercule ipsæ, aræque cum illam belluam cadere viderunt, commovisse se videntur; & jas in illo suum retinuisse. Vos enim Albani tumuli atque luci, vos, inquam, imploro, atque obtestor: vosque Albanorum obrutæ aræ, sacrorum populi Romani focia, & æquales: quas ille præceps amentia, cælis, prostratisque sanctissimis lucis substructionum infanis molibus oppreserat: vestrae tum aræ, vestrae religiones viguerunt: vestra vis valuit, quam ille omni scelere polluerat: tuque ex tuo edito monte Latiali, sancte Jupiter! cujus ille lacus, nemora, finesque sæpè omni nefario stupro & scelere maculârat, aliquando ad eum puniendum oculos aperuisti: vobis ille, vobis vestro in conspectu, feræ, sed justæ tamen & debitæ pœnæ solutæ sunt.

86. Nisi fortè hoc etiam casu factum esse dicemus: ut ante ipsum sacrarium Bonæ deæ, quod est in fundo T. Sextii Galli; in primis honesti & ornati adolescentis; ante ipsam, inquam, Bonam deam, cum prælium commisisset, primum illud vulnus acceperit, quo teterrimam mortem obiret; ut non absolutus juicio illo nefario videretur, sed ad hanc insignem

85. *Coelestem enim vim esse demonstrat, quæ Romano Imperio providet; Et in scelera animadvertat.*

86. *Testes ejus rei facit Albanos tumulos; Jovem Latialem; sacrarium Bonæ Deæ, quorumque religiones impie violârat, inque eorum conspectu occisus fuerit ne sepulturæ quidem honore concessio.*



PRO T.

signem pœnam reservatus. Nec verò non eadem ira Deorum hanc ejus satellitibus iniecit amentiam; ut sine imaginibus, sine cantu, sine ludis, sine exequiis, sine lamentis: sine laudationibus, sine funere; cblitus cruore & luto; spoliatus illius supremi diei celebritate, quam concedere etiam inimici solent, ambureretur etiam abjectus. Non fuisse credo fas, clarissimorum virorum formas illi teterrimo parricidæ aliquid decoris afferre; neque ullo in loco potius mortem ejus lacerari, quàm in quo vita esset damnata.

87. Dura mihi medius fidijs jam fortuna populi Romani, & crudelis videbatur; quæ tot annos illum in hanc Rempubl. insultare videret, & pateretur. Polluerat stupro sanctissimas religiones: Senatûs gravissima docreta persregerat: pecuniâ se palam à judicibus redemerat: vexârat in tribunatu Senatum: omnium ordinum consensu pro salute Reipubl. gesta reciderat: me patriâ expulerat: bona diripuerat: domum incenderat: liberos, conjugem meam vexaverat: Cn. Pompejo nefarium bellum indixerat: magistratuum privatorumque cædes effecerat: domum mei fratris incenderat: vastarat Hetruriam: multos sedibus ac fortunis ejecerat: instabat: urgebat: capere ejus amentiam civitas, Italia, provinciæ, regna non poterant. Incidebantur jam domui leges, quæ nos nostris servis addicerent: nihil erat cujusquam, quod quidem ille adamâisset; quod non hoc anno suum fore putaret.

88. Obstabat ejus cogitationibus nemo, præter illum Milonem ipsum, qui poterat obstare: Cn. Pompejum novo reditu in gratiam quasi devinctum arbitrabatur: Cæsaris potentiam, suam potentiam esse dicebat: bonorum animos etiam in meo casu contempserat: Milo unus urgebat. Huic Dii immortales,

87. Iterum enumerat Clodii scelera, quæque Prætor jactus mala inaurus fuisset.

*ANNIO MILONE,*

les, ut supra dixi, mentem dederunt illi perdito, ac furioso, ut huic faceret insidias. Aliter perire peffis illa non potuit. Nunquam illum Resp. suo iure esset ulta. Senatus, credo, prætorem eum circumscripsisset. Ne cum solebat quidem id facere in privato eodem hoc, aliquid profecerat.

89. An Consules in prætore còercendo fortes fuissent? primum Milone occiso habuisset suos Consules. Deinde quis in eo prætore Consul fortis esset, per quem tribunum, virum consularem, crudelissimè necatum esse meminisset? omnia possideret, teneret lege novâ, quæ est inventa apud eum cum reliquis legibus Clodianis; servos nostros libertos suos fecisset; postremò, nisi eum Dii immortales in eam mentem impulsissent, ut homo effeminatus fortissimum virum conaretur occidere, hodie Rempubl. nullam haberetis.

90. An ille prætor, ille verò Consul, si modò hæc templa, atque ipsa mœnia stare eo vivo tamdiu, & consulatum ejus expectare potuissent; ille denique vivus mali nihil fecisset, qui mortuus, uno ex suis satellitibus Sex. Clodio duce, curiam incenderit? Quo quid miserius, quid acerbius, quid luctuosius vidimus? templum sanctitatis, amplitudinis, mentis; consilii publici, caput urbis, aram sociorum, portum omnium genti m, sedem ab universo populo concessam uni ordini, inflammari, excindi, funestari? neque id fieri á multitudine imperita, quanquam esset miserum id ipsum, sed ab uno, qui, cum tantum ausus sit ultor pro mortuo, quid signifer pro vivo non esset ausus? in curiam potissimum abjecit, ut eam mortuus incenderet; quam vivus everterat.

91. Et

89. *Nemo præter fortissimum Milonem Consulem hujus prætoris furias coercere potuisset.*

90. *Auget à confectione minorum: si mortuus Clodius Curiam incendit, Et omnia permiscet, quid à viveret?*



PRO T.

91. Et sunt, qui de via Appia querantur, taceant decuria? & qui ab eo spirante forum potuisset defendi, cujus non restiterit cadaveri Curia? excitate eum, si potestis, ab inferis, frangetis impetum vivi, cujus sustinetis furias insepulti? nisi verò sustinuis-  
tis eos, qui cum facibus ad Curiam cucurrerunt, cum falcibus ad Castoris, cum gladiis toto foro volitarunt. Cædi vidistis populum Romanum, concionem gladiis disturbari: cùm audiretur silentio M. Cælius Tribunus pl. vir fortissimus, & in suscepta causa firmissimus, & bonorum voluntati & auctoritati Senatûs deditus: & in hac Milonis sive invidia, sive fortuna, singulari, divinâ, & incredibili fide.

92. *Peroratio.* Sed jam satis multa de causa: extra causam etiam nimis fortasse multa. Quid restat, nisi ut orem, obtesterque vos, Judices; ut eam misericordiam tribuatis fortissimo viro, quam ipse non implorat, ego autem repugnante hoc, & imploro, & posco. Nolite, si in nostro omnium fletu nullam lachrymam aspexistis Milonis; si vultum semper eundem, si vocem, si orationem stabilem, ac non mutatam videtis; hoc minus ei parcere, Atque haud scio; an multò etiam sit adjuvandus magis. Etenim si in gladiatoriiis pugnis, & in infimi generis hominum conditione atque fortuna, timidos & supplices, & ut vivere liceat, obsecrantes, etiam odisse solemus: fortes & animosos, & se acriter ipsi morti offerentes, servare cupimus: eorumque nos non magis miseret, qui nostram misericordiam non requirunt, quàm qui illam efflagitant, quantò hoc magis in fortissimis civibus facere debemus.

93. Me

92. *Peroratio est insignis ad commiserationem Milonis 1. Apostrophe ad Judices, ac deprecatione, addita comparatione gladiatorum: quorum timidos & supplices odisse solemus, fortes servare cupimus.*

*ANNIO MILONE.*

93. Me quidem, Iudices: exanimant & interimunt hæc voces Milonis, quas audio assiduè, & quibus intersum quotidie: valeant inquit, valeant cives mei, sint incolumes, sint florentes, sint beati: stet hæc urbs præclara, mihiq; patria charissima, quoquo modo merita de me erit: tranquillâ Rep. cives mei, quoniam mihi cum illis non licet, sine me impli, sed per me tamen, perfruantur: ego cedam, atque abibo. Si mihi Republ. bonâ frui non licuerit, at carebo malâ: & quam primum tetigero bene moratam & liberam civitatem, in ea conquiescam.

94. O frustra, inquit, suscepti mei labores! O spes fallaces! O cogitationes inanes meæ! Ego cum Tribunus plebis Republ. oppressâ me Senatui dedissem, quem extinctum acceperam: equitibus Romanis, quorum vires erant debiles: bonis viris, qui omnem auctoritatem Clodianis armis abjecerant: mihi unquam honorum præsidium defuturum putarem; ego cum te (mecum enim sæpissimè loquitur) patriæ reddidissem; mihi non futurum in patria putarem locum? Ubi nunc Senatus est, quem secuti sumus? Ubi equites Romani illi, illi inquit, tui? Ubi studia municipiorum? Ubi Italiæ voces? Ubi denique tua M. Tulli, quæ plurimis fuit auxilio, vox & defensio? mihi nunc ea soli, qui pro te toties mort me obtuli, nunc potest opitulari?

95. Nec verò hæc Jud. ut ego nunc, flens, sed hoc eodem loquitur vultu, quo videtis. Negat enim se, negat ingratis civibus fecisse, quæ fecerit: timidus, & omnia circumspicientibus pericula, non negat. Plebem & intimam multitudinem, quæ P. Clodio duce fortunis vestris imminabat, eam, quo tutior esset vita vestra, se fecisse commemorat, ut non modò virtute flecteret, sed etiam tribus suis

patri-

93. 2. *Prospopœia Milonis commemorantis suos labores, spe nullâ proposita, præter salutem patriæ.*



PRO T.

patrimoniis deliniret; nec timet, ne cum plebem numeribus placârit, vos non conciliârit meritis in Reipubl. singularibus. Senatûs erga se benevolentiam temporibus his ipsis sæpe esse perspectam; vestras verò & vestrorum ordinum occurrationes, studia, sermones quemcunque casum fortuna dederit, secum se ablaturum esse dicit.

96. Meminit etiam sibi vocem præconis modò defuisse, quàm minime desiderârit; populi verò cunctis suffragiis, quod unum cupierit, se Consulem declaratum. Nunc denique si hæc ar na contra se sint futura, sibi facinoris suspensionem, non facti crimen ob stare. Addit hæc, quæ certè vera sunt, fortes & sapientes viros non tam præmia se qui solere rectè factorum, quàm ipsa rectè facta. Se nihil in vita, nisi præclarissimè fecisse. Si quidem nihil sit præstabilius viro, quam periculis patriam liberare; beatos esse, quibus ea res honori fuerit à suis civibus.

97. Ne tamen eos miseros, qui beneficio cives suos vicerint. Sed tamen ex omnibus præmiis virtutis, si esset habenda ratio præmiorum, amplissimum esse præmium, gloriam. Esse hanc unam, quæ brevitate vitæ, posteritatis memoriâ consolaretur; quæ efficeret, ut absentes adessemus, mortui viveremus: hanc denique esse, cujus gradibus etiam homines in coelum videantur ascendere.

98. De me, inquit, semper populus Romanus, semper omnes gentes loquentur; nulla unquam obmutescet vetustas. Quin hoc tempore ipso, cum omnes à suis inimicis faces invidiæ meæ subijciantur, tamen omni in hominum cœtu gratiis agendis, & gratulationibus habendis, & omni sermone celebramur. Omitto Hetruriæ festos & actos & institutos dies. Centesima lux est hæc ab iuteritu P. Clodii: & opinor, ultra quàm fines imperii populi Romani sunt, non solum fana jam de illo, sed etiam læticia peragravit. Quamobrem ubi corpus hoc sit, non in-

quit,

ANNIO MILONE.

quít, laboro; quoniam omnibus in terris & jam ver-  
fatur, & ſemper habitabit nominis mei gloria.

99. Hæc tu mecum sæpe his abſentibus, ſed iſſ-  
dem audientibus hæc ego tecum Milo. Te qui-  
dem, quod iſto animo es, ſatis laudare non poſſum:  
ſed quò eſt iſta magis divina virtus, eò maiore á te  
dolore divellor. Nec verò, ſi mihi eriperis, reliqua  
eſt illa tamen ad conſolandum querela, ut iis irasci  
poſſim, á quibus tantum vulnus accepero. Non e-  
nim inimici mei te mihi eripient, ſed amiciſſimi;  
non malè aliquando de me meriti, ſed optime. Nul-  
lum unquam, Iudices, mihi tantum dolorem inure-  
tis ( & ſi quis poteſt eſſe tantus? ) ſed ne hunc qui-  
dem ipſum, ut oblivifcar, quanti me ſemper feceris.  
Quæ ſi vos cœpit oblivio, aut ſi in me aliquid  
offendiſtis; cur non id meo capite potius luitur,  
quàm Milonis? præclare enim vixero, ſi quid mihi  
acciderit prius, quam hoc tantum mali videro.

100. Nunc me una conſolatio ſuſtentat; quod tibi,  
O T. Anni! nullum á me amoris, nullum ſtudii,  
nullum pietatis officium deſuit. Ego inimicitias po-  
tentium pro te appetivi: ego meum sæpe corpus &  
vitam objeci armis inimicorum tuorum: ego me  
plurimis pro te ſupplicem abjeci: bona, fortunas me-  
as, ac liberorum meorum, in communionem tuorum,  
temporum contuli: hoc denique ipſo die, ſi qua viſ-  
eſt parata, ſi qua dimicatio capitis futura, depoſco,  
quid jam reſtat? quid habeo, quod dicam quod fa-  
ciam pro tuis in me meritis? niſi ut eam fortunam,  
quæcunque erit tua, ducam meam? non recuſo, non  
abnuo; vosque obſecro iudices; ut veſtra beneficia  
quæ in me contuliſtis, aut in huius ſalute augeatis  
aut in ejusdem exitio occaſura eſſe jubeatis.

101. His lachrymis non movetur Milo; eſt quo-  
dam

100. *Altera Proſopopœia Cicero Miloni ſuum a-  
morem teſtatur, doloremque, ſi ab amiciſſimo capite  
avelleretur.*



dam incretibili robore animi septus: exilium ibi esse putat, ubi virtuti non sit locus; mortem naturæ finem esse, non pœnam. Sit hic ea mente, qua natus est. Quid vos Iudices? quo tandem animo eritis? memoriam Milonis retinebitis, ipsum eiicietis? & erit dignior locus in terris nullus, qui hanc virtutem excipiat, quam hic, qui procreavit? Vos, vos appello, fortissimi viri, qui multum pro Republ. sanguinem effuditis; vos in viri, & in civis invicti appello periculo Centuriones, vosque milites. Vobis non modo inspectantibus, sed etiam armatis, & huic iudicio præsidentibus; hæc tanta virtus ex hac urbe expelletur? exterminabitur? eiicietur?

102. O me miserum! O infelicem! revocare tu me in patriam Milo potuisti per hos; ego te in patria per eosdem retinere non potero? quid respondebo liberis meis, qui te parentem alterum putant? quid tibi, quid fratri, qui nunc abest, consorti mecum temporum illorum? me non potuisse Milonis salutem tueri per eosdem, per quos nostram ille servasset? at in qua causa non potuisse? quæ est grata gentibus. A quibus non potuisse? ab iis, qui maxime P. Clodii morte acquieverunt. Quo deprecante? me.

103. Quodnam ego concepì tantum scelus? aut quod in me tantum facinus admisi Iudices: cum illa indicia communis exitii indagavi, patefeci, protuli, extinxi? omnes in me meosque redundant ex illo fonte dolores. Quid me reducem esse voluistis? an ut inspectante me expellerentur ii, per quos

102. Iterum commendatâ Milonis constantiâ afflantes in foro milites compellat, ut virum adeo fortem servant, nec perire sinant.

103. Milonis de se Cicero merita, cum ab exilio revocaretur, commemorat: suæque adeo causâ parci petit à iudicibus. Nimis sibi acerbum; si exulem videre oporteret, à quo ipse reductus esset.

# ANNIO MILONE.

quos esse restitutus? nolite obsecro vos, pati, mihi acerbiorum redditum esse, quàm fuerit ille ipse discessus. Nam qui possum putare me restitutum esse, si distrahor ab iis, per quos restitutus sum? Utinam Dii immortales fecissent, (pace tua patria dixerim: metuo enim, ne sceleratè dicam in te, quod pro Milone dicam piè) ut P. Clodius non modò viveret; sed etiam Prætor, Consul, Dictator esset, antequam hoc spectaculum viderem.

104. O Dii immortales! fortem, & à vobis Jud. conservandum virum. Minimè, minimè inquit: immò verò pœnas ille debitas luerit, nos subeamus, si ita necesse est, non debitas. Hiccinè vir patriæ natus, usquam nisi in patria morietur? aut si forte pro patria? hujus vos animi monumenta retinebitis corporis in Italia nullum sepulchrum esse patiemini? hunc suâ quisquam sententiâ ex hac urbe expellet; quem omnes urbes expulsus à vobis ad se vocabunt?

105. O terram illam beatam! quæ hunc virum exceperit; hanc ingratam, si ejecerit; miseram, si amiserit; sed finis sit, neque enim præ lachrymis jam loqui possum: & hic se lachrymis defendi vetat. Vos oro, obtestorque Judices, ut in sententiis ferendis, quod sentietis, id audeatis. Vestram virtutem; justitiam, fidem, mihi credite, is maximè probabit, qui in iudiciis legendis, optimum & sapientissimum quemque legerit.

105. *Lachrymis orationem abrumpit.*





X \* \* \* X  
P R O  
L E G E M A N I L I A

S E U  
De IMPERATORE POMPEJO  
DELIGENDO.

O R A T I O    I I .

A R G U M E N T U M .

**L.** Manlius Tribunus plebis promulgarat legem, seu decretum, quo omnes populi Romani copiae in Asia contra Mithridatem & Tigranem uni Pompeio Imperatori optimo committerentur: huic legi reclamaverunt plures Viri Consulares, praesertim L. Hortensius, & Q. Catulus; ille negans uni deferenda omnia, hic affirmans esse contra instituta maiorum. At Cicero valere legem pronunciat, & evincit. Habita est, Oratio elegantissima a. u. c. 687.

S Y N O P S I S .

*Exordium.* Ab adjunctis Rostrorum, è quibus primum licet Ciceroni dicere.

*Narratio.* Recenset grave bellum à Mithridate & Tigrahe; ab hoc discessisse Lucullum, deposci Pompejum.

*Propositio.* Gerendum est populo R. bellum in Asia, eique praeficiendus Pompejus.

*Argumentum 1.* Quia hoc bellum est ex genere suo grave & necessarium. *Argumentatio.* Agitur in hoc bello gloria populi R., salus sociorum, Vectigalia maxima, ergo &c. *Amplificatio.* Populus R. adeo gloriae appetens, & injuriarum vel minimarum tam intolerans, non ulciscetur Mithridatem, qui tot injuriis affecti Romam per 23 annos? non defendet, maiorum exemplo, socios adeo periclitantes? finet non pendi vectigalia Asiae? fortunis everti tot cives, ipsamque Rempublicam?

*Argumentum 2.* Est magnitudine periculosum. Ar-  
gumen-

## PRO LEGE MANILIA.

*Argumentatio.* Hoc bellum coniungunt duo potentissimi Reges, suscipiunt agitatæ nationes, ergo &c.

*Amplificatio.* Mithridates novis copiis est auctus, L. Lucullus secundo prælio fugatus.

*Argumentum 3. Cne. Pompeius est bonus Imperator. Argumentatio.* In Pompejo est scientia rei militaris, virtus, auctoritas, felicitas, ergo &c. *Amplificatio.* Nullum bellum est, in quo à pueritia versatus non sit, idque summa felicitate, virtute, innocentia, temperantia, incredibili, autoritate & divinitus data felicitate.

*Conjunctio.* Respondet Hortensio à præjudicio: sic etiam lege Gabinia eidem Pompejo summam potestatem datam in bello Pyratice. Deinde Catulo: Populum R. sæpe pro ratione temporum mutasse consilium, multaque Pompejo extra ordinem dedisse.

*Peroratio.* I. Laus L. Manilii ob legem latam. II. Studium Ciceronis in tuendis Reipubl. commodis.

I. **Q**uanquam mihi semper frequens conspectus vester multo jucundissimus, hic autem locus ad agendum amplissimus, ad dicendum ornatissimus est visus, Quirites; tamen hoc aditu laudis, qui semper optimo cuique maxime patuit, non meam voluntas, sed meæ vitæ rationes ab ineunte ætate susceptæ prohibuerunt. Nam cum antea per ætatem nondum hujus auctoritatem loci contingere auderem, statueremque, nihil huc, nisi perfectum ingenio, elaboratum industria, asserri oportere; omne meum tempus amicorum temporibus transmittendum putavi.

S2

2. Ita

I. *Orditur ab adjunctis Rosiorum, è quibus dicendi nondum sibi auctoritatem, facultatemque juve ait.*



## ORATIO

2. Ita neque hic locus vacuus unquam ab iis, qui vestram causam defenderent: & meus labor in privatorum periculis caste integreque versatus, & vestro iudicio, fructum est amplissimum consecutus. Nam cum propter dilationem comitorum, ter Prætor primus Centuriis cunctis renuntiatus sum, facile intellexi, Quirites, & quid de me iudicaretis, & quid aliis præscriberetis. Nunc, cum & auctoritatis in me tantum sit, quantum vos honoribus mandandis esse voluistis; & ad agendum facultatis tantum quantum homini vigilantī, ex forensi usu, prope quotidiana dicendi exercitatio potuit asferre; certe & si quid auctoritatis in me est, ea apud eos utar, qui eam mihi dederunt; & si quid etiam dicendo consequi possum, iis ostendam potissimum, qui ei quoque rei fructum, suo iudicio, tribuendum esse consuerunt.

3. Atque illud imprimis mihi lætandum jure esse video, quod in hac insolita mihi ex hoc loco ratione dicendi causa talis oblata est, in qua Oratio nemini deesse potest. Dicendum est enim de Cn. Pompeij singulari, eximiaque virtute; hujus autem Orationis difficilior est exitus, quam principium invenire; itaque non mihi tam copia, quam modus in dicendo quærendus est.

*II* 4. Atque ut inde Oratio mea proficiatur, unde hæc omnis causa ducitur; bellum grave, & periculosum vestris vectigalibus, atque sociis a duobus potentissimis Regibus infertur, Mithridate, & Tygrane quorum alter relictus, alter laceßitus, occasionem sibi

2. Nunc ab ætate & gestis honoribus eam sibi auctoritatem accessisse lætatur.

3. Præsertim, quod in causa cum Pompeij laudibus coniuncta dicendum sit.

4. Narratio. Refert Cicero bellum grave esse a duobus Asiæ Regibus. Lucullum inde discedere, Pompejum eo deposci.

PRO LEGE MANILIA.

sibi ad occupandam Asiam oblatam esse arbitratur. Equitibus Romanis, honestissimis viris, afferuntur ex Asia quotidie litteræ, quorum magnæ res aguntur in vestris vectigalibus exercendis occupatæ: qui ad me pro necessitudine, quæ mihi est cum illo ordine, causam Reipublicæ, periculaque rerum suarum detulerunt.

5. Bithyniæ, quæ nunc vestra provincia est, vicis exustos esse complures: Regnum Ariobarzanis, quod finitimum est vestris vectigalibus, totum esse in hostium potestate: Lucullum magnis rebus gestis ab eo bello discedere: huic qui succurrerit, non satis esse paratum ad tantum bellum administrandum: unum ab omnibus sociis, & civibus ad id bellum Imperatorem Pompejum deposci, atque expeti: eundem hunc unum ab hostibus metui, præterea neminem.

6. Causa quæ sit, videtis: nunc quid agendum sit, considerate. Primum mihi videtur de genere belli, deinde de magnitudine, tum de Imperatore deligendo esse dicendum. Genus est enim ejusmodi, quod maxime vestros animos excitare, atque inflammare debet, in quo agitur Pop. Rom. gloria, quæ vobis à majoribus cum magna in rebus omnibus, tum summa in re militari, tradita est: agitur salus sociorum atque amicorum, pro qua multa majores vestri magna & gravia bella gesserunt: aguntur certissima Pop. Rom. vectigalia, & maxima, quibus amissis, & pacis ornamenta, & subsidia belli frustra requiretis: aguntur bona multorum civium, quibus est & à nobis, & ab Imperatoribus Reipubl. consulendum.

7. Et

5. Distributio, seu Partitio 1. bellum est grave & necessarium. 2. magnitudine periculosum, & 3. ideo Pompejo Imperatori bono committendum.

6. Bellum est grave & necessarium. Agitur enim de gloria, fortunisque Populi R. & sociorum.



## ORATIO

**III** 7. Et quoniam semper appetentes gloriæ, præter cæteras gentes, atque avidi laudis fuitis, delenda est vobis illa macula Mithridatico bello superiore suscepta, quæ penitus jam infedit, atque inveteravit in populi Rom. nomine: quod is, qui una die, tota Asia, tot in civitatibus, uno nuncio, atque una literarum significatione cives Rom. necandos, trucidandosque denotavit, non modo adhuc poenam nullam suo dignam scelere suscepit, sed ab illo tempore annum jam tertium & vicesimum regnat, ut se non Ponto, neque Cappadociæ latebris occultare velit, sed emergere è patrio Regno, atque in vestris vestigalibus, hoc est, in Asiæ luce versari.

8. Etenim adhuc ita vestri cum illo Rege contenderunt Imperatores, ut ab illo insignia victoriæ, non victoriam reportarent. Triumphavit L. Sylla, triumphavit L. Murena de Mithridate, duo fortissimi viri, & summi Imperatores, sed ita triumpharunt, ut ille pulsus, superatusque regnaret. Verumtamen illis Imperatoribus laus est tribuenda, quod egerunt: venia danda, quod reliquerunt; propterea quod ob eo bello Syllam in Italiam Resp. Murænam Sylla revocavit.

**IV** 9. Mithridates autem omne reliquum tempus, non ad oblivionem veteris belli, sed ad comparationem novi contulit: qui posteaquam maximas ædificasset, ornassetque classes, exercitusque permagnos quibuscunque ex gentibus potuisset, comparasset, Bosphoranis finitimis suis bellum inferre simulasset, usque

7. Indignum Populo R. non ulcisci Regem qui uno die omnes Romanos tota Asia trucidavit.

8. Augetur dedecus: quod Mithridates nec à Sylla, nec Lucullo plene victus societatem cum Sertorio fecerit.

9. Et si Sertorium domuerit Pompejus, belli tamen reliquas in Asia Lucullus non coniecit.

*PRO LEGE MANILIA.*

usque in Hispaniam Legatos Ecbatanis misit ad eos duces, quibuscum tum bellum gerebamus: ut cum duobus in locis disjunctissimis, maximeque diversis, uno consilio, ut binis hostium copiis bellum terra, marique gereretur, vos ancipiti contentione distracti de Imperio dimicaretis.

10. Sed tamen alterius partis periculum Sertorianæ, atque Hispaniæ, quæ multo plus firmamenti, ac roboris habebat, Cn. Pompeij Divino consilio, ac singulari virtute depulsum est; in altera parte ita res à Lucullo summo viro est administrata, ut initia illa gestarum rerum magna atque præclara, non felicitati ejus, sed virtuti; hæc autem extrema, quæ nuper acciderunt, non culpæ, sed fortunæ tribuenda esse videantur. Sed de Lucullo dicam alio loco, & ita dicam, Quirites, ut neque vera laus ei detracta Oratione nostra, neque falsa afficta esse videatur.

II. Sed pro vestri Imperii dignitate atque gloria quoniam is est exorsus Orationis meæ, videte, quem vobis animum suscipiendum esse putetis. V Majores vestri sæpe mercatoribus, ac navigatoribus injuriosius tractatis, bella gesserunt: vos tot civium Rom. millibus, uno nuntio, atque uno tempore necatis, quo tandem animo esse debetis? Legati quod erant appellati superbius, Corinthum patres vestri totius Græciæ lumen extinctum esse voluerunt: vos eum Regem inultum esse patiemini, qui Legatum Popul. Rom. Consularem, vinculis, ac verberibus, atque omni supplicio excruciatum necavit? Illi libertatem civum Rom. imminutam non tulerunt: vos vitam ereptam negligetis? Jus legationis verbo violatum illi persecuti sunt: vos Legatum Pop. Rom. omni supplicio interiectum, inultum relinquetis?



## ORATIO.

12. Videte, ne, ut illis pulcherrimum fuit tantam vobis imperii gloriam relinquere, sic vobis turpissimum sit, illud, quod accepistis tueri & conservare non posse. Quid, quod salus sociorum summum in periculum ac discrimen vocatur? Regno expulsus est Ariobarzanes Rex, socius Pop. Rom. atque atque amicus: imminet duo. Reges toti Asiæ, non solum vobis inimicissimi, sed etiam vestris sociis, atque amicis; civitates autem omnes, cuncta Asia, atque Græcia, vestrum auxilium expectare propter periculi magnitudinem coguntur: Imperatorem à vobis certum deprecari, cum præsertim vos alium miseritis, neque audent, neque se id facere summo sine periculo posse arbitrantur.

13. Vident, & sentiunt hoc idem, quod & vos, unum virum esse, in quo summa sint omnia: & eum prope esse, quo etiam carent ægrius; cujus adventu ipso, atque nomine, tametsi ille ad maritimum bellum venerit, tamen impetus hostium repressos esse intelligunt, ac retardatos. Hi vos, quoniam libere loqui non licet, tacite rogant, ut se quoque, sicut cæterarum provinciarum socios, dignos existimetis, quorum salutem tali viro commendetis, atque hoc etiam magis, quam cæteros, quod ejusmodi in provinciam homines cum imperio mittimus, ut etiam si ab hoste defendant, tamen ipsorum adventus in urbes sociorum non multum ab hostili expugnatione differant. Hunc audiebant ante, nunc præsentem vident, tanta temperantia, tanta mansuetudine, tanta humanitate, ut ii beatissimi esse videantur, apud quos ille diutissime commoratur.

14. Quare si propter socios nulla ipsi injuria lacerasti

12. Agitur salus sociorum: quia Ariobarzanes, & Asiæ civitates, in summo suo periculo Pompejum deprecant.

14. Concludit hanc partem Orator adhortatione, & exemplo majorum.

*PRO LEGE MANILIA.*

cessiti majorem vestri cum Antiocho. cum Ætolis, cum Pœnis bella gesserunt; quanto vos studio convenit injuriis provocatos sociorum salutem, una cum Imperii vestri dignitate, defendere, præsertim cum de vestris maximis vectigalibus agatur? Nam cæterarum Provinciarum vectigalia, Quirites, tanta sunt, ut iis ad ipsas provincias tutandas vix contenti esse possimus; Asia vero tam opima est, & fertilis, ut ubertate agrorum, & varietate fructuum, & magnitudine pastionis, & multitudine earum rerum, quæ exportantur, facile omnibus terris antecellat. Itaque hæc vobis provincia, Quirites, si & belli utilitatem, & pacis dignitatem sustinere vultis, non modò à calamitate, sed etiam à metu calamitatis est defendenda.

15. Nam cæteris in rebus, cum venit calamitas, tum detrimentum accipitur; at in vectigalibus non solum adventus mali, sed etiam metus ipse affert calamitatem. Nam cum hostium copiarum non longe absunt, etiam si irruptio facta nulla sit, tamen pecora relinquuntur, agricultura deseritur, mercatorum navigatio conquiescit: ita neque ex portu, neque ex decumis, neque ex scriptura vectigal conservari potest, quare sæpe totius anni fructus uno rumore periculi, atque uno belli terrore amittitur.

16. Quo tandem animo esse existimatis, aut eos, qui vectigalia vobis pensitant, aut eos, qui exercent atque exigunt? cum duo Reges cum maximis copiis prope absint; cum una excurso equitatus per brevi tempore totius anni vectigal auferre possit; cum publicani familias maximas, quas in salinis habent, quas in agris, quas in portubus atque custodiis, magno periculo se habere arbitrentur? Putatisne vos illis rebus frui posse, nisi eos, qui vobis  
fructuo-

15. Agitur de vectigalibus maximis. Quæ non solum bello, sed etiam belli rumore pendunt, designantur.



## ORATIO

fructuosi sunt, conservaveritis, non solum ( ut antea dixi ) calamitate, sed etiam calamitatis formidine liberatos?

¶ 17. Ac ne illud quidem vobis negligendum est, quod mihi ego extremum proposueram, cum essem de belli genere dicturus, quod ad multorum bonâ civium Rom. peatinet: quorum vobis pro vestra sapientia, Quirites, habenda est ratio diligenter. Nam & publicani, homines & honestissimi, & ornatissimi, suas rationes & copias in illam provinciam contulerunt, quorum ipsorum per se res & fortunæ curæ vobis esse debent. Etenim si vectigalia nervos esse Reipubl. semper duximus, eum certe ordinem, qui oxercet illa, firmamentum cæterorum ordinum recte esse dicemus.

18. Deinde cæteris ex ordinibus homines navi & industrij partim in Asia negotiantur, quibus vos absentibus consulere debetis, partim suas & suorum in ea provincia pecunias magnas collocatas habent. Erit igitur humanitatis vestræ, magnam eorum civium numerum calamitate prohibere: sapientiæ, videre, multorum civium calamitatem à Rep. sejunctam esse non posse. Etenim illud primum parvi refert, vos publicanis amissa vectigalia postea victoria recuperare, neque enim iisdem redimendi facultas erit propter calamitatem, neque aliis voluntas propter timorem.

19. Deinde quod nos eadem Asia, atque idem iste Mithridates initio belli Asiatici docuit id, quod certe calamitate docti memoria retinere debemus. Nam tum, cum in Asia res magnas permulti amiserunt, scimus Romæ solutione impedita fidem concidisse.

Non

17. Agitur de fortunis multorum civium, qui in Asia negotiantur, vel vectigalia conduxerunt, quibus eversis & Resp. patiatur necesse est.

19. In fine fit brevis complexio totius Enthymematis.

*PRO LEGE MANILIA.*

Non enim possunt una in civitate multi rem atque fortunas amittere, ut non plures secum in eandem calamitatem trahant. A quo periculo prohibete Remp. & mihi credite id, quod ipsi videtis: hæc fides, atque hæc ratio pecuniarum, quæ Romæ, quæ in foro versatur, implicita est cum illis pecuniis Asiaticis, & cohæret: ruere illa non possunt, ut hæc non eodem labefactata motu concidunt. Quare videte, num dubitandum vobis sit, omni studio ad id bellum incumbere, in quo gloria nominis vestri, salus sociorum, vectigalia maxima, fortunæ plurimorum civium cum Repub. defenduntur.

*VIII* 20. Quoniam de genere belli dixi, nunc de magnitudine pauca dicam. Potest enim hoc dici; belli genus esse ita necessarium, ut sit gerendum; non esse ita magnum, ut sit pertimescendum. In quo maxime laborandum est, ne forte à vobis, quæ diligentissime providenda sunt, contemnenda esse videantur. Atque ut omnes intelligant me L. Lucullo tantum impertiri laudis, quantum forti viro, & sapientissimo homini, & magno Imperatori debeatur; dico ejus adventu maximas Mithridatis copias omnibus rebus ornatas atque instructas, esse deletas, urbemque Asiæ clarissimam, nobisque amicissimam Cyzicenorum obsessam ab ipso Rege maxima multitudine, & oppugnatam vehementissime, L. Luculli virtute, assiduitate, consilio, summis obsidionis periculis liberatam.

21. Ab eodem Imperatore classem magnam, & ornata, quæ ducibus Sertorianis ad Italiam studio

inflamma-

20, *Argumentum secundum.* Bellum Asiaticum est magnitudine periculosum. Probatur 1, nam Lucullus Regem quidem copii, urbibus, Sertoriano subsidia ex Regno exiit, non tamen coniecit.



# ORATIO

inflammato raperetur, superatam esse, atque depres-  
sam: magnas hostium præterea copias multis præ-  
liis esse deletas: patefactumque nostris legionibus  
esse Pontum, qui ante populo Rom. ex omni aditu  
clausus esset: Sinopen atque Amisum, quibus in op-  
pidis erant domicilia Regis, omnibus rebus ornata  
atque referta, cæterasque urbes Ponti, & Cappa-  
docię permultas, uno aditu, atque adventu esse  
captas; Regem spoliatum regno patrio, atque avito,  
ad alios se Reges, atque alias gentes supplicem con-  
tulisse: atque hæc omnia salvis Pop. Rom. sociis,  
atque integris vectigalibus esse gesta. Satis opinor  
hoc esse laudis; atque ita reputo, ut hoc vos intel-  
ligatis, à nullo istorum, qui huic obtreçant legi,  
atque causæ, L. Lucullum similiter ex hoc loco esse  
laudatum.

**IX** 22. Requiretur fortasse nunc, quemadmodum,  
cum hæc ita sint, reliquum possit esse magnum bel-  
lum. Cognoscite, Quirites, non enim sine causa  
queri videtur. Primum ex suo regno sic Mithri-  
dates profugit, ut ex eodem Ponto Medea illa quon-  
dam profugisse dicitur, quam prædicant in fuga  
fratris sui membra in his locis, qua se parens per-  
sequeretur, dissipavisse, ut eorum collectio dispersa,  
mærorque patrius celeritatem persequendi retarda-  
ret. Sic Mithridates fugiens maximam vim auri  
atque argenti, pulcherrimarumque rerum omnium,  
quas & à majoribus acceperat, & ipse bello su-  
periore ex tota Asia direptas in suum regnum con-  
gesserat, in Ponto omnem reliquit, hæc dum no-  
stri colligunt omnia diligentius, Rex ipse è mani-  
bus effugit, ita illum in persequendi studio mæror,  
hos lætitia retardavit.

23. Hunc

22. Nam r. exemplo fugientis Medæ ad Tigna-  
um Armeniæ Regem evasit.

PRO LEGE MANILIA.

23. Hunc in illo timore & fuga Tigranes Rex Armenius excepit, diffidentemque rebus suis confirmavit, & afflictum erexit, perditumque recreavit, cujus in regnum posteaquam L. Lucullus cum exercitu venit, plures etiam gentes contra Imperatorem nostrum concitatae sunt. Erat enim metus injectus iis nationibus, quas nunquam populus Rom. neque laceffendas bello, neque tentandas putavit; erat etiam alia gravis, atque vehemens opinio, quae per animos gentium barbararum pervaserat, fani locupletissimi & religiosissimi diripiendi causa in eas oras nostrum exercitum esse adductum. Ita nationes multae, atque magnae, novo quodam terrore, ac metu concitabantur. Noster autem exercitus, et si urbem ex Tigranis regno ceperat, & praeliis usus erat secundis, tamen nimia longinquitate locorum ac desiderio suorum commovebatur.

24. Hic jam plura non dicam: fuit enim illud extremum, ut ex iis locis a militibus nostris reditus magis maturus, quam processus longior, quaereretur. Mithridates autem & suam manum jam confirmarat, & eorum, qui se ex ejus regno collegerant, & magis adventitiis multorum regum & nationum copiis juvabatur. Hoc jam fere sic fieri solere accepimus, ut Regum afflictæ fortunæ facile multorum opes alliciant ad misericordiam, maximeque eorum, qui aut Reges sunt, aut vivunt in regno, quod regale iis nomen magnum & sanctum esse videatur.

25. Itaque tantum victus efficere potuit, quantum incolumis nunquam est ausus optare. Nam  
cum

23. Tigranes hunc excepit, & confirmavit; exteræ vero nationes contra Lucillum concitatae Regibus se adjunxere.

24. Itaque Mithridates copiis auxilium, Romanis sensim dilabentibus regno recuperato Lucillum ju-gavit.



## ORATIO

cum se in regnum recepisset suum, non fuit eo contentus, quod ei præter spem acciderat. ut e m, posteaquam pulsus erat, terram unquam attingeret, sed in exercitum vestrum clarum atque victorem impetum fecit. Sinite hoc loco Quirites (sicut Poetae solent, qui res Romanas scribunt) præteririre me nostram calamitatem, quæ tanta fuit, ut eam ad aures L. Luculli non ex prælio nuntius, sed ex sermone rumor afferret.

26. Hic in ipso illo malo, gravissimæque belli offensione, L. Lucullus, qui tamen aliqua ex parte iis incommodis mederi fortasse potuisset, vestro iussu coactus, quod Imperii diuturnitati modum statuendum veteri exemplo putavistis, partem militum, qui jam stipendiis confecti erant, dimisit, partem Glabriori tradidit. Multa præterea consulto, sed ea vos conjectura perspiciatis, quantum illud bellum futurum putetis, quod conjungant Reges potentissimi, renovent agitatae nationes, suscipiant integre gentes, novus Imperator vester accipiat, vetere expulso exercitu.

X 27. Satis mihi multa verba fecisse videor, quare hoc bellum esset genere ipso necessarium, magnitudine periculosum: restat, ut de Imperatore ad id bellum deligendo, ac tantis rebus præficiendo dicendum esse videatur. Utinam, Quirites, virorum fortium, atque innocentium copiam tantam haberetis, ut hæc vobis deliberatio difficilis esset, quoniam potissimum tantis rebus, ac tanto bello præficiendum putaretis. Nunc vero, cum sit, unus Cn. Pompejus, qui non modo eorum hominum, qui nunc sunt, gloriam, sed etiam antiquitatis memoriam virtute superarit: quæ res est, quæ cujusquam  
animum

26. *Conclusio Argumenti cum Anacephaleosi.*

27. *Argumentum tertium.* Pompejus est bonus Imperator, cui nempe insunt quatuor virtutes, *Scientis, Virtus, Authoritas, Felicitas.*

PRO LEGE MANILIA.

animum in hac causa dubium facere possit?

28. Ego enim sic existimo, in summo Imperatore quatuor has res inesse oportere: scientiam rei militaris, virtutem, authoritatem, felicitatem. Quis igitur hoc homine scientior unquam aut fuit, aut esse debuit? qui è ludo, atque pueritiæ disciplina bello maximo, atque acerrimis hostibus, ad patris exercitum, atque in militiæ disciplinam profectus est: qui extrema pueritia miles fuit summi Imperatoris, inunte adolescentia maximi ipse exercitus Imperator: qui sæpius cum hoste confligit, quam cæteri legērunt: plures provincias confecit, quam alii concupiverunt: cujus adolescentia ad scientiam rei militaris non alienis præceptis, sed suis Imperiis; non offensionibus belli, sed victoriis; non stipendiis, sed triumphis est traducta. Quod denique genus belli esse potest, in quo illum non exercuerit fortuna Reip. Civile, Africanum, Transalpinum, Hispaniense; mistum ex civitatibus, atque ex bellicosissimis nationibus, servile, navale bellum, varia & diversa genera & bellorum, & hostium, non solum gesta ab hoc uno, sed etiam confecta nullam rem esse declarant in usu militari positam, quæ hujus viri scientiam fugere possit,

X 29. Jam vero virtuti Cn. Pompeij quæ potest par Oratio inveniri? quid est, quod quisquam aut dignum illo, aut vobis novum aut cuiquam inauditum possit asferre? non enim illæ sunt solæ virtutes Imperatoriæ, quæ vulgo existimantur, labor in negotiis, fortitudo in periculis, industria in agendo, celeritas in conficiendo, consilium in providendo: quæ tanta sunt in hoc uno, quanta in omnibus reliquis Imperatoribus, quos aut vidimus, aut audivimus, non fuerunt.

30. Te-

28. 1. Peritia rei militaris, enumeratione ætatis, & bellorum Pompeij, summa laude gestorum probatur.

29. Virtus militaris probatur rebus gestis, & testimoniis bellorum Italiæ, Siciliæ, &c.



## ORATIO

30. Testis est Italia, quam ille ipse victor L. Sylla hujus virtute, & consilio confessus est liberatam. Testis est Sicilia, quam multis undique cinctam periculis, non terrore belli, sed celeritate consilii explicavit. Testis est Africa, quæ magnis oppressarum hostium copiis, eorum ipsorum sanguine redundavit. Testis est Gallia, per quam legionibus nostris in Hispaniam iter Gallorum internecione patefactum est. Testis est Hispania, quæ sæpissime plurimos hostes ab hoc superatos; prostratosque conspexit. Testis est iterum, & sæpius Italia, quæ cum servili bello terrore periculosoque premeretur, ab hoc auxilium absente expetivit; quod bellum expectatione Pompeij attenuatum atque imminutum est, adventu sublatum ac sepultum.

31. Testes vero jam omnes oræ, atque omnes exteræ gentes, ac nationes: denique maria omnia, tum universa, tum in singulis oris omnes sinus, atque portus. Quis enim toto mari locus per hos annos aut tam firmum habuit præsidium ut tutus esset? aut tam fuit abditus, ut lateret? quis navigavit, qui non se aut mortis, aut servitutis periculo committeret? cum aut hyeme, aut referto prædonum mari navigaretur. Hoc tantum bellum, tam turpe, tam vetus, tam late divisum atque dispersum, quis unquam arbitraretur aut ab omnibus Imperatoribus uno anno, aut omnibus annis ab uno Imperatore confici posse? Quam provinciam tenuistis à prædonibus liberam per hosce annos? quod vestigal vobis tutum fuit? quem socium defendistis? cui præsidio classibus vestris fuistis? quam multas existimatis insulas esse desertas? quam multas aut metu relictas, aut à prædonibus captas urbes esse sociorum? Sed quid ego longinqua commemoro?

32. Fu-

XII

31. Describit pericula. Et damna populi Romani ex bello prædonum.

## PRO LEGE MANILIA.

32. Fuit hoc quondam, fuit proprium pop. Rom. longe à domo bellare, & propugnaculis Imperii sociorum fortunas, non sua tecta defendere. Sociis vestris ego mare clausum per hosce annos dicam fuisse? cum exercitus nostri Brundisio nunquam, nisi summa hyeme, transmiserint. Quid, ad nos cum ab exteris nationibus venirent, captos querar? cum Legati Popul. Rom. redempti sint. Mercatoribus tutum mare non fuisse dicam? cum duodecim secures in prædonum potestatem pervernerint,

33. Quid aut Colophonem, aut Samum, nobilissimas urbes, innumerabilesque alias captas esse commemorem? cum vestros portus, atque eos portus, quibus vitam & spiritum ducitis in prædonum fuisse potestate sciat. An vero ignoratis, portum Cajetæ celeberrimum, atque plenissimum navium, inspectante Prætoris, à prædonibus esse direptum? Ex Miseno autem, ejus ipsius liberos, qui cum prædonibus antea ibi bellum gesserat, à prædonibus esse sublato? Nam quid ego Ostiense incommodum, atque ignominiam Reip, querar? cum prope inspectantibus vobis, classis ea, cui Consul Pop. Rom, præpositus esset, à prædonibus capta, atque oppressa est. Pro Dii immortales! tantane unius hominis incredibilis ac Divina virtus, tam brevi tempore, lucem afferre Reip. potuit, ut vos, qui modo ante ostium Tyberinum classem hostium videbatis, iis nunc nullam intra Oceani ostium prædonum navem esse audiat?

34. Atque hæc, qua celeritate gesta sint, quam videtis, tamen à me in dicendo prætereunda non sunt. Quis enim unquam, aut obeundi negotii, aut consequendi quæstus studio, tam brevi tempore,

T

32. Multas ab iis acceptas clades.

33. Exclamatione miratur, tot bella, tam late & diu pervagata, tantulo tempore confici potuisse.



# ORATIO

pore, tot loca adire, tantos cursus conficere potuit, quam celeriter, Cn. Pompejo duce, belli impetus navigavit? qui Siciliam adiit, Africam exploravit, inde Sardiniam cum classe venit, nondum tempestivo ad navigandum mari: atque hæc tria frumentaria subsidia Reipub. firmissimis præsidis, classibusque munivit.

35. Inde se cum in Italiam recepisset, duabus Hispaniis, & Gallia Cisalpina præsidis, ac navibus confirmata, missis item in oram Illyrici maris, & in Achajam, omnemque Græciam navibus, Italiae duo maria maximis classibus, firmissimisque præsidis adornavit: ipse autem, ut à Brundusio profectus est, unde quinquagesimo die totam ad Imperium Pop. Rom. Ciliciam adiunxit: omnes, qui ubique prædones fuerunt, partim capti interfectique sunt, partim unius hujus Imperio ac potestati se dediderunt. Idem Crétensibus cum ad eum usque in Pamphiliam legatos, deprecatoresque misissent, spem deditionis non ademit, obsidesque imperavit: ita tantum bellum, tam diuturnum, tam longe lateque dispersum, quo bello omnes gentes ac nationes premebantur, Cn. Pompejus extrema hyeme apparavit, ineunte vere suscepit, media æstate confecit.

XIII

36. Est hæc Divina, atque incredibilis virtus Imperatoris: quid cæteræ, quas paulo ante commemorare cœperam, quantæ atque quam multæ sunt? non enim solum bellandi virtus in summo atque perfectio Imperatore quærenda est, sed multæ sunt artes eximiae, hujus administræ, comitesque virtutis. Ac primum quanta innocentia debent esse Imperatores! quanta deinde omnibus in rebus temperantia, quanta fide, quanta facilitate, quanto ingenio, quanta humanitate! quæ breviter, qualia sint in Cn. Pompejo, consideremus. Summa enim omnia sunt, Quirites,

36. Huic virtuti militari alias quasi socias, & administras adjungit.

140

PRO LEGE MANILIA.

rites. sed ea magis ex aliorum contentione, quam ipsa per sese cognosci, atque intelligi possunt.

37. Quem enim possumus Imperatorem aliquo in numero putare, cujus in exercitu vaneant Centuriatus, atque vœnierint? quid hunc hominem magnum, aut amplum de Repub. cogitare, qui pecuniam ex ærario depromptam ad bellum administrandum, aut propter cupiditatem provinciæ magistratibus dividerit, aut propter avaritiam Romæ in quæstu reliquerit? Vestra admurmuratio facit, Quirites, ut agnoscere videamini, qui hæc fecerint; ego autem neminem nomino, quare irasci mihi nemo poterit, nisi qui ante de se voluerit confiteri. Itaque propter hanc avaritiam Imperatorum quantas calamitates, quocunque ventum sit, nostri exercitus ferant, quis ignorat?

38. Itinera, quæ per hosce annos in Italia per agros atque oppida civium Rom. nostri Imperatores fecerunt, recordamini; tum facilius statuetis: quid apud exterarum nationes fieri existimetis: utrum plures arbitramini per hosce annos militum vestrorum armis hostium urbes, an hybernis sociorum civitates esse deletas? Neque enim potest exercitum is continere Imperator, qui se ipsum non continet; neque severus esse in iudicando, qui alios in se severos esse iudices non vult.

39. Hic miramur hunc hominem tantum excellere cæteris, cujus legiones sic in Asiam pervenerunt, ut non modo manus tanti exercitus, sed ne vestigium quidem cuiquam pacato nocuisse dicatur. Jam vero, quemadmodum milites hybernent, quotidie sermones ac literæ perferuntur; non modo, ut sumptum faciat in militem, nemini vis affertur, sed ne cupienti quidem cuiquam permittitur. Hyemis enim, non avaritiæ, perfugiam majores nostri in so-

T2

cio-

37. Innocentiam Pompeij extollit comparatione quorundam Imperatorum longe rapacissimorum.



## ORATIO

ciorum, atque amicorum tectis esse voluerunt,

XIV 40. Age vero, cæteris in rebus quali sit temperantia, considerate, unde illam tantam celeritatem, & tam incredibilem cursum initum putatis? non enim illum eximia vis remigum, aut venti aliqui novi tam celeriter in ultimas terras pertulerunt; sed hæ res, quæ cæteros remorari solent, non retardarunt: non avaritia ab instituto cursu ad prædam aliquam revocavit, non libido ad voluptatem, non amœnitas ad delectationem, non nobilitas urbis ad cognitionem, non denique labor ipse ad quietem. Postremo signa, & tabulas, cæteraque ornamenta Græcorum oppidorum, quæ cæteri tollenda esse arbitrantur, ea sibi ille ne visenda quidem existimavit.

41. Itaque omnes quidem nunc in his locis Cn. Pompejum, sicut aliquem non ex hac urbe missum, sed de cælo delapsum intuentur: nunc denique incipiunt credere, fuisse homines Romanos hac quondam abstinentia, quod jam nationibus exteris incredibile, ac falso memoriæ proditum videbatur, nunc Imperii nostri splendor illis gentibus lucet: nunc intelligunt, non sine causa majores suos tum, cum hac temperantia magistratus habebamus, servire Populo Roman. quam imperare aliis maluisse. Jam vero ita faciles aditus ad eum privatorum, ita liberæ querimonix de aliorum injuriis esse dicuntur, ut is, qui dignitate principibus excellit, facilitate par infimis esse videatur.

42. Jam, quantum consilio, quantum dicendi gravitate & copia valeat, in quo ipso inest quædam dignitas Imperatoria, vos Quirites, hoc ipso in loco sæpe

40. *Imo. Temperantiam arguit ex celeritate confecti belli; nec enim eum avaritia aut libido, aut regionum amœnitas morata est.*

41. *Reliquas Imperatorias virtutes breviter enumerat,*

## PRO LEGE MANILIA.

sæpe cognostis. Eidem vero ejus inter socios quantum existimari putatis, quam hostes omnium gentium sanctissimam esse judicarint? Humanitate jam tanta est, ut difficile dictu sit, utrum hostes magis virtutem ejus pugnares timuerint, an mansuetudinem victi dilexerint. Et quisquam dubitabit, quin huic tantum bellum hoc transmittendum sit, qui ad omnia vestræ memoriæ bella conficienda Divino quodam consilio natus esse videatur.

**XV** 43. Et quoniam autoritas multum in bellis, quæ administrandis, atque Imperio militari valet, certe nemini dubium est, quin ea in re idem ille Imperator plurimum possit; vehementer autem pertinere ad bella administranda, quid hostes, quid socii de Imperatoribus vestris existiment, quis ignorat? cum sciamus homines in tantis rebus, ut aut contempnant, aut metuant, aut oderint, aut ament, opinione non minus famæ, quam aliqua certa ratione commoveri. Quod igitur nomen unquam in orbe terrarum clarius fuit? cujus res gestæ pares? de quo homine vos, id quod maxime facit auctoritatem, tanta, & tam præclara judicia fecistis?

44. An vero ullam usquam esse oram tam desertam putatis, quo non illius diei fama pervaserit, cum univærsus populus Romanus, referto foro, repletisque omnibus templis, ex quibus hic locus conspici potest, unum sibi ad commune omnium gentium bellum Cn. Pompejum Imperatorem depoposcit? itaque, ut plura non dicam, neque aliorum exemplis confirmem, quantum hujus autoritas valeat in bello ab eodem Cn. Pompejo omnium rerum egregiarum exempla sumantur. Qui quo die à vobis maritimo bello præpositus est Imperator, tanta repente vilitas

anthonæ

43. 3tio. Cn. Pompeij autoritas non solum apud Romanos sed & hostes est maxima.

44. Nam tanta est de eo existimatio, ut populus communi suffragio hoc ei bellum deferret.



## ORATIO

annonæ ex summa inopia & caritate rei frumentariæ consecuta est, unius spe & nomine, quod tantum vix ex summa ubertate agrorum diuturna pax efficere potuisset.

45. Jam vero, accepta in Ponto calamitate ex eo prælio, de quo vos paulo ante invitatus admonui, cum socii pertinuissent, hostium opes, animique crevissent, cum satis firmum præsidium provincia non haberet, amisissetis Asiam, Quirites, nisi ipsum id temporis divinitus Cn. Pompejum ad eas regiones fortuna populi Romani attulisset. Hujus adventus & Mithridatem insolita inflammatum victoria continuit, & Tigranem magnis copiis minitantem Asiæ retardavit: & quisquam dubitabit, quid virtute perfecturus sit, qui tantum autoritate perfecit? aut quam facile Imperio atque exercitu socios, & vectigalia conservaturus sit, qui ipso nomine ac rumore delenderit?

XV 46. Age vero, illa res quantam declarat ejusdem hominis apud hostes populi Romani auctoritatem, quod ex locis tam longinquis, tamque diversis, tam brevi tempore omnes una huic se dediderunt? quod Cretenfium Legati, cum in eorum insula noster Imperator, exercitusque esset, ad Cn. Pompejum in ultimas prope terras venerunt, eique se omnes Cretenfium civitates dedere velle dixerunt? Quid? idem ipse Mithridates, nonne ad eundem Cn. Pompejum Legatum usque in Hispaniam misit? eumque Pompejus Legatum semper judicavit: ii, quibus semper erat molestum ad eum potissimum esse missum. Speculatorem, quam Legatum, judicare maluerunt? Potestis igitur jam constituere, Quirites, hanc auctoritatem multis postea rebus gestis, magnisque vestris

45. *Apud exteros vero, ut solo ipsius adventu, ab hostibus cognito, caritas annonæ diminuta sit.*

46. *Et plurimæ Urbes deditione, vel missa legatione receptæ.*

*PRO LEGE MANILIA.*

stris judiciis amplificatam, quantum apud illos Reges, quantum apud exterarum nationes valituram esse existimetis.

47. Reliquum est, ut de felicitate ( quam præstare de se ipso nemo potest, meminisse & commemorare de altero possumus, sicut æquum est homini de potestate deorum ) timide & pauca dicamus. Ego enim sic existimo, Maximo, Marcello, Scipioni, Mario, & cæteris magnis Imperatoribus, non solum propter virtutem, sed etiam propter fortunam, sæpius Imperia mandata, atque exercitus esse commissos. Fuit enim profecto, quibusdam summis viris quædam ad amplitudinem, & gloriam, & ad res magnas bene gerendas divinitus adjuncta Fortuna. De hujus autem hominis felicitate, quo de nunc agimus, hac utar moderatione dicendi, non ut in illius potestate fortunam positam esse dicam, sed ut præterita meminisse, reliqua sperare videamur; ne aut ut invisæ diis immortalibus Oratio nostra, aut ingrata esse videatur.

48. Itaque non sum prædicaturus, Quirites, quantas ille res domi, militiæque, terra, marique, quantaque felicitate gesserit; ut ejus semper voluntatibus non modo cives assenserint, focii obtemperarint, hostes obedierint, sed etiam venti, tempestatesque obsecundarint. Hoc brevissime dicam, neminem unquam tam impudentem fuisse, qui à diis immortalibus tot & tantas res tacitus, auderet optare, quot & quantas dii immortales ad C. Pompejum detulerunt. Quod ut illi proprium, ac perpetuum sit, Quirites, cum communis salutis atque Imperii, tum ipsius hominis causa, sicuti facitis, velle, & optare debetis.

49. Quare

47. 4to Felicitas Pompeij extollitur comparatione aliorum Ducum, tum singulari benevolentia deorum.



## ORATIO

40. Quare cum & bellum ita necessarium, ut negligi non possit; ita magnum, ut accuratissime sit administrandum; & cum ei Imperatorem præficere possitis, in quo sit eximia belli scientia, singularis virtus, clarissima auctoritas, egregia fortuna; dubitabitis, Quirites, quin hoc tantum boni, quod à diis immortalibus oblatum & datum est, in Rempublicam conservandam, atque amplificandam conferatis?

*XVII* 50. Quod si Romæ Cn. Pompejus privatus esset hoc tempore; tamen ad tantum bellum is erat deligendus, atque mittendus. Nunc, cum ad cæteras summas utilitates hæc quoque opportunitas adiungatur, ut in iis ipsis locis adlit, ut habeat exercitum, ut ab iis, qui habent, accipere statim possit; quid expectamus? aut cur non ducibus diis immortalibus eidem, cui cætera summa cum salute Reipubl. commissa sunt, hoc quoque bellum regium committimus?

51. At enim vir clarissimus Reipubl. vestris beneficiis amplissimis affectus, Q. Catulus; itemque summis ornamentis honoris, fortunæ, virtutis, ingenii præditus Q. Hortensius, ab hac ratione dissentiant; quorum ego auctoritatem apud vos multis locis plurimum valuisse, & valere oportere confiteor: sed in hac causa, tametsi cognoscitis auctoritates contrarias fortissimorum virorum, & clarissimorum, tamen omnis auctoritatis ipsa re & ratione exquirere possumus veritatem: atque hoc facilius, quod ea omnia, quæ adhuc à me dicta sunt, iidem isti vera esse concedunt, & necessarium bellum esse, & magnum, & in uno Cn. Pompejo summa esse omnia.

52. Quid igitur ait Hortensius? si uni omnia tribuenda

49. Concluditur totum argumentum anacephalæosi.

52. Confutatio. Refutatur Hortensius, qui negabat uni tribuenda omnia exemplo legis Gabinice, uni Pompejo bellum prædonum tribuentis, frustra reclamante Hortensio.

PRO LEGE MANILIA.

buenda sunt, unum dignissimum esse Pompejum, sed ad unum tamen omnia deferri non oportere. Obsolevit jam ista Oratio re multo magis, quam verbis refutata. Nam tu idem, Quinte Hortensi, multa pro tua summa copia, ac singulari facultate dicendi, & in Senatu contra virum fortem A. Gabinium graviter, ornateque dixisti, cum is de uno Imperatore contra prædones constituendo legem promulgasset: & ex hoc ipso loco per multa item contra legem verba fecisti.

53. Quid? tum per deos immortales, si plus apud populum Rom. autoritas tua, quam ipsius populi. Roman, salus & vera causa valuisset, hodie hanc gloriam, atque hoc orbis terræ Imperium teneremus? an tibi tum Imperium esse hoc videbatur, cum populi. Rom. Legati, Prætores, Quæstoresque capiebantur? cum ex omnibus provinciis comineatu & privato & publico prohibebamur? cum ita clausa erant nobis omnia maria, ut neque privatam rem maritimam, neque publicam jam obire possemus?

*XVII* 54. Quæ civitas antea unquam fuit, non dico Atheniensis, quæ satis late quondam mare tenuisse dicitur; non Carthaginensium, qui permultum classe, maritimisque rebus valuerunt; non Rhodiorum, quorum usque ad nostram memoriam disciplina navalis, & gloria remanuit; quæ civitas antea unquam tam tenuis, quæ tam parva insula fuit, quæ non portus suos, & agros, & aliquam partem regionis, atque oræ maritimæ per se ipsa defenderet? At Hercle, aliquot annos continuos ante legem Gabiniam ille populus Rom. cujus usque ad nostram memoriam nomen invictum in navalibus pugnis permanerat, magna, ac multo maxima parte non modo utilitatis,

sed

53. Deinde exclamando Et exaggerando mala obventura, nisi lex Gabinia valuisset.

54. Amplificat has clades exemplis civitatum, quæ olim portus suos apertos habuere.



# ORATIO

sed dignitatis atque Imperii caruit. Nos quorum majores Antiochum Regem classe, Persemque superarunt, omnibusque navalibus pugnis Carthaginenses, homines in maritimis rebus exercitatissimos, paratissimosque vicerunt, ii nullo in loco jam prædonibus pares esse poteramus.

55. Nos quoque, qui antea non modo Italiam tutam habebamus, sed omnes socios in ultimis oris auctoritate nostri Imperii salvos præstare poteramus, tum, cum insula Delos tam procul a nobis in Ægæo mari posita, quo omnes undique cum mercibus, atque oneribus commeabant, referta divitiis, parva, sine muro, nihil timebat: iidem non modo provincius, atque oris Italiæ maritimis, ac portibus nostris, sed etiam Appia jam via carebamus: & his temporibus non pudebat magistratus populi Romæ, in hunc ipsum locum ascendere, cum eum vobis majores vestri exuviis nauticis, & classum spoliis ornatum reliquissent.

XIX 56. Bono te animo tum, Q. Hortensi, popul. Romæ & cæteros, qui erant in eadem sententia, dicere existimavit ea, quæ sentiebatis; sed tamen in salute communi idem popul. Roman. dolori suo maluit, quam auctoritati vestræ obtemperare. Itaque una lex, unus vir, unus annus, non modo nos illa miseria, ac turpitudine liberavit; sed etiam effecit, ut aliquando vere videremur omnibus gentibus, ac nationibus, terra marique imperare.

57. Quo mihi etiam indignius videtur obrectatum esse adhuc, Gabinio, dicam, an Pompejo, an utrique?

55. 2do. *Comparatione majorum. populus Romanus semper mari victor, prædonibus par esse non potuit.*

56. *Quare approbat legem Gabiniam.*

57. *Digreditur; queriturque, quod Gabinus Pompejo petenti legatus non sit datus, quam se injuriam ad Senatum relaturum dicit.*

PRO LEGE MANILIA.

utrique? ( id quod est verius: ) ne legaretur A. Gabinus Cn. Pompejo expetenti, ac postulanti? utrum ille, qui postulat Legatum ad tantum bellum, quem velit, idoneus non est, qui impetret, cum cæteri ad expilandos socios, diripiendasque provincias, quos voluerunt, Legatos eduxerint? an ipse, cujus lege salus, ac dignitas populo Romano atque omnibus gentibus constituta est, expers esse debet gloriæ ejus Imperatoris, atque ejus exercitus, qui consilio ipsius atque periculo est constitutus?

58. An C. Falcidius, Q. Metellus, Q. Cælius Latinensis, Cn. Lentulus, quos omneis honoris causa nomino, cum Tribuni pleb. fuissent, anno proximo legati esse potuerunt: in hoc uno Gabinio sunt tam diligentes, qui in hoc bello, quod lege Gabinia geritur, in hoc Imperatore, atque exercitu, quem per se ipse constituit, etiam præcipuo jure esse deberet? de quo legando spero Consules ad Senatum relatuross: qui si dubitabunt, aut gravabuntur, ego me profiteor relaturum; neque me impedit cujusquam, Quirites, inimicum editum, quo minus fretus vobis, vestrum jus, beneficiumque defendam: neque, præter intercessionem, quicquam audiam: de qua ( ut arbitror ) isti ipsi, qui minantur, etiam atque etiam, quæ id liceat, considerabunt. Mea quidem sententia, Quirites, unus A. Gabinus bellimaritimi, rerumque gestarum Auctor, comes Cn. Pompejo adscribitur, propterea quod alter uni id bellum suscipiendum vestris suffragiis detulit; alter delatum, susceptumque confecit.

XX 59. Reliquum est, ut de Q. Catuli autoritate, & sententia dicendum esse videatur: qui cum ex vobis quæreret, si in uno Cn. Pompejo omnia poneretis, si quid de eo factum esset, in quo spem essetis

59. Contra Catulum objeientem, esse rem contra instituta majorum, ait, summi hominis viri & viri tute fruendum.



# ORATIO

tis habituri, capit ma n u n suæ virtutis fructum, ac dignitatis; cum omnes prope una voce in eo ipso vos spem habituros esse dixistis. Etenim talis est vir, ut nulla res tanta sit, ac tam difficilis, quam ille non & consilio regere, & integritate tueri, & virtute conficere possit. Sed in hoc ipso ab eo vehementissime dissentio, quod quo minus certa est hominum ac minus diuturna vita, hoc magis Reip. dum per deos immortales licet, frui debet summi hominis vita, atque virtute.

60. At enim nihil novi fiat contra exempla, atque instituta majorum. Non dico hoc loco majores nostros semper in pace consuetudini, in bello utilitati paruisse; semper ad novos casus temporum novorum consiliorum rationes accommodasse: non dicam duo bella maxima, Punicum & Hispaniense, ab uno Imperatore esse confecta: duas urbes potentissimas, quæ huic Imperio maxime minabantur, Carthaginem atque Numantiam, ab eodem Scipione esse deletas: non commemorabo, nuper ita vobis, patribusque vestris esse visum, ut in uno C. Mario spes Imperii poneretur, ut idem cum Jugurtha, idem cum Cimbris, idem cum Teutonis bellum administraret.

61. In ipso Cn. Pompejo, in quo novi constitui nihil vult Q. Catulus, quam multa sint nova, summaque, Catuli voluntate constituta, recordamini. Quid enim tam novum, quam adolescentulum privatum, exercitum difficili Reip. tempore conficere? confecit: huic præesse? præfuit: rem optime ductu suo gerere? gessit. Quid tam præter consuetudinem, quam homini peradolescenti, cujus à Senatorio gradu ætas longe abesset, Imperium, atque exercitum

60. *Majores pro temporum ratione instituta mutasse, quod exemplis probat.*

61. *Imo ipsi jam Pompejo multa extra morem à populo concessa.*

*PRO LEGE MANILIA.*

xercitum dari? Siciliam permitti, atque Africam, bellumque in ea administrandum? fuit in his provinciis singulari innocentia, gravitate, virtute: bellum in Africa maximum confecit, victorem exercitum deportavit.

62. Quid vero tam inauditum, quam Equitem Rom. triumphare? at eam quoque rem popul. Rom. non modo vidit, sed etiam studio omni visendam putavit. Quid tam inusitatum, quam ut, cum duo Consules clarissimi, fortissimique essent, Eque Rom. ad bellum maximum, formidolosissimumque pro Consule mitteretur? missus est. Quo quidem tempore. cum esset non nemo in Senatu, qui diceret, non oportere mitti hominem privatum pro Consule, L. Philippus dixisse dicitur, non se illum sua sententia pro Consule, sed pro Consulibus mittere. Tanta in eo Reip. bene gerendæ spes constituebatur, ut duorum Consulum munus unius adolescentis virtuti committeretur. Quid tam singulare, quam ut ex Senatus Consulto legibus solutus, Consul ante fieret, quam ullum alium Magistratum per leges capere licuisset? quid tam incredibile, quam ut iterum Eques Rom. ex S. C. triumpharet? quæ in omnibus hominibus nova post hominum memoriam constituta sunt, ea tam multa non sunt, quam hæc, quæ in hoc uno homine vidimus.

63. Atque hæc tot exempla, tanta, ac tam nova profecta sunt in eundem hominem à Q. Catulo; atque à cæterorum ejusdem dignitatis amplissimorum hominum autoritate. Quare videant, ne sit periculum, & non ferendum, illorum, autoritatem de Cn. Pompeij dignitate à vobis comprobata semper esse, vestrum ab illis de eodem homine iudicium populique Rom. autoritatem improbari; præsertim cum jam suo jure Pop. Rom. in hoc homine  
suam

63. *Reprehendit adversarios, qui populi Rom. autoritati dissentiant.*



## ORATIO

suam auctoritatem vel contra omnes, qui dissentiunt, possit defendere: propterea quod istis reclamantibus vos unum illum ex omnibus delegistis, quem bello prædonum præponeretis.

64. Hoc si vos temere fecistis, & Reip. parum consulistis, recte isti studia vestra suis consiliis regere conantur; sin autem vos plus tum in Republ. vidistis, vos, his repugnantibus per vosmetipsos dignitatem huic Imperio, salutem orbi terrarum attulistis; aliquando isti principes, & sibi, & cæteris populi Romani universi auctoritati parendum esse fateantur. Atque in hoc bello Asiatico, & Regio, non solum militaris illa virtus, quæ est in Cn. Pompejo singularis, sed aliæ quoque virtutes animi multæ, & magnæ requiruntur. Difficile est in Asia, Cilicia, Licia, Syria, regnisque exterarum nationum ita versari vestrum Imperatorem, ut nihil aliud, quam de hoste ac de laude cogitet. Deinde etiam, si qui sunt pudore, ac temperantia moderatiores, tamen eos esse tales propter multitudinem cupidorum hominum nemo arbitratur.

65. Difficile est dictu, Quirites, quanto in odio simus apud exteras nationes, propter eorum, quos ad eas hoc anno cum Imperio misimus, injurias ac libidines. Quod enim sanum putatis in illis terris nostris Magistratibus religiosum, quam civitatem sanctam, quam domum satis clausam ac munitam fuisse? urbes jam locupletes, ac copiosæ requiruntur, quibus causa belli propter diripiendi cupiditatem inferatur.

66. Libenter hæc coram cum Q. Catulo & Q. Hortensio disputarem, summis & clarissimis viris noverunt enim sociorum vulnura, vident eorum calamitates, querimonias audiunt. Pro sociis vos contra

65. Rursus prædicat Pompeii virtutes huic bello necessarias, objecta aliorum Imperatorum avaritias &c.

PRO LEGE MANILIA.

tra hostes exercitum mittere putatis? an hostium simulatione contra socios atque amicos? quæ civitas est in Asia, quæ non modo unius Imperatoris, aut Legati, sed unius Tribuni militum animos, ac spiritus capere possit? Quare etiam si habetis, qui collatis signis exercitus regios superare posse videatur; tamen, nisi erit idem, qui se à pecuniis sociorum, qui ab eorum conjugibus, ac liberis, qui ab auro, gazaque regia manus, oculos, animum cohibere possit, non erit idoneus, qui ad bellum Asiaticum, Regiumque mittatur.

67. Ecquam putatis civitatem pacatam fuisse, quæ locuples sit? ecquam esse locupletem, quæ istis pacata esse videatur? Ora maritima, Quirites, Cn. Pompejum non solum propter rei militaris gloriam, sed etiam propter animi continentiam requisivit. Videbat enim Popul. Roman. non locupletari quotannis pecunia publica, præter paucos: neque eos quicquam aliud assequi classium nomine, nisi ut detrimentis accipiendis majori affici turpitudine videremur. Nunc qua cupiditate homines in provincias, quibus jacturis, quibus conditionibus profisciscantur, ignorant videlicet isti, qui ad unum deferenda esse omnia non arbitrantur, quasi vero Cn. Pompejum non cum suis virtutibus, tum etiam alienis vitiis magnum esse videamus.

68. Quare nolite dubitare, quin huic uni credatis omnia, qui inter annos tot unus inventus sit, quem socii in urbes suas cum exercitu venisse gaudeant. Quod si auctoritatibus hanc causam, Quirites, confirmandam putatis; est vobis auctor vir bellorum omnium, maximarumque rerum peritissimus, P. Servilius, cujus tantæ res gestæ terra, marique extiterunt, ut cum de bello deliberetis, auctor vos

68. *Ad extremum proposita authoritate Servilii, Curionis, Lentuli, Cassii; horum sententias Catuli & Hortensii judiciis præferendas contendit.*



## ORATIO

his gravior esse nemo debeat. Est C. Curio summis vestris beneficiis, maximisque rebus gestis, summo ingenio, & prudentia præditus: est Cn. Lentulus, in quo omnes pro amplissimis vestris honoribus summum consilium, summam gravitatem esse cognoscitis: est C. Cassius integritate, virtute, constantia singulari. Quare videte, num horum auctoritatibus, illorum Orationi, qui dissentiunt, respondere posse videamur.

**69.** Quæ cum ita sint, C. Manili, primum istam tuam & legem, & voluntatem, & sententiam laudo vehementissimeque comprobo: deinde te hortor, ut auctore popul. Rom. maneas in sententia, neve cuiusquam vim, aut minas pertimescas. Primum in te satis esse animi, constantiæque arbitror: deinde cum tantam multitudinem, cum tanto studio adesse videamus, quantam non iterum in eodem homine præficiendo vidimus; quid est, quod aut de re, aut de perficiendi facultate dubitemus? ego autem, quidquid in me est studii, consilii, laboris, ingenii, quidquid hoc beneficio pop. Rom. atque hac potestate Prætoria, quidquid auctoritate, fide, constantia possum, id omne ad hanc rem conficiendam tibi, & pop. Rom. polliceor & defero.

**70.** Testorque omnes deos, & eos maxime, qui huic loco, temploque præsident, qui omnium mentes eorum, qui ad Rempublicam adeunt, maxime perspiciant, me hoc neque rogatu facere cuiusquam, neque quo Cn. Pompeij gratiam mihi per hanc causam conciliari putem, neque quo mihi ex cuiusquam amplitudine, aut præsidia periculis, aut adjumenta honoribus quæram; propterea quod pericula facile, ut hominem præstare oportet, innocentia tecti pellemus; honorem autem, neque ab uno neque ex hoc loco, sed eadem nostra illa laboriosissima ratione vitæ, si vestra voluntas feret, consequemur.





[X] \* \* \* [X]

PRO

M. MARCELLO

ORATIO III.

ARGUMENTUM.

**M.** *Marcellus Anno U. C. 703. Consul evicerat in Senatu, ut ni Cæsar exercitum dimittat, hostis indicaretur, Pompejo vero legiones retinere & augere liceret. Victis deinde Pompejanis partibus, veniam quidam obtinere, ut Cicero & Optimates multi; quidam bellum continuarunt, ut Cato & Scipio; quidam exulare permisi. Hos inter Marcellus Mytilenis inter liberos suave exilium tolerabat. Cum autem ejus mentio in Senatu fieret, C. Marcellus frater, ac totus Senatus pro ejus reditu Cæsari supplicavit. Ille multa de eo quæstus dixit, se Marcellum Senatui concedere, & quamquam non deessent, qui vitæ suæ insidiarentur, nihil se esse de morte sollicitum, qui sibi satis & gloriæ vixisset. Gratias egere Patres, ac Cicero imprimis, etsi tacere statuerat, facundissimam hanc Orationem dixit. A. U. 707.*

SYNOPSIS.

*Exordium:* A clementia Cæsaris, qui M. Marcello summa gloria restituto, simul Rempubl. ac Senatum maxima omnium lætitia restituit.

*Propositio:* Laudanda Cæsaris clementia ob Marcellum hodie, & Senatum restitutum.

*Argumentum:* Quia maxime gloriosum Cæsari, restituisse eos, à quibus offensus fuerat. *Argumentatio:* Cæsar majorem inde, quam ex omnibus suis victoriis, laudem collegit, ergo &c. *Amplificatio:* imo: Magna sunt ejus decora bellica, sed communicanda cum multis, fortuna &c. clementia unius laus propria. 2do: Iram vincere, ac se ipsum majus est, quam populos &c.

Con-

## PRO MARCELLO

*Confutatio:* Dicti Cæsaris, à quo timeret infidias Cæsar? à suis? à Pompejanis? quos parcent lo suos fecit. Vixit satis Cæsar sibi & gloriæ, at nondum Reipublicæ &c.

*Peroratio:* Iteratò Cæsaris clementiæ grates agit.

1. **D**luturni silentii, Patres conscripti, quod eram his temporibus usus, non timore aliquo, sed partim dolore, partim verecundia, finem hodiernus dies attulit; idemque initium, quæ vellem quæque sentirem, meo pristino more dicendi. Tantam enim mansuetudinem, tam inusitatam, inauditamque clementiam, tantum in summa potestate rerum omnium modum, tam denique incredibilem sapientiam, ac pene Divinam, tacitus nullo modo præterire possum.

2. M. enim Marcello vobis, Patres conscripti, Reique publicæ reddito, non solum illius, sed meam etiam vocem, & authoritatem, & vobis, & Reipublicæ conservatam, ac restitutam puto. Dolebam enim, Patres conscripti, & vehementer angebar, cum viderem, virum talem, tum in eadem causa, in qua ego fuisset, non in eadem esse fortuna; nec mihi persuadere poteram, nec fas esse ducebam, versari me in nostro veteri curriculo, illo æmulo atque imitatore studiorum ac laborum meorum, quasi quodam socio à me, & comite distracto. Ergo & mihi, & meæ pristinæ vitæ consuetudinem, C. Cæsar, interclusam aperuisti, & his omnibus ad bene de omni Republica sperandum, quasi signum aliquod sustulisti.

U2

3. In-

1. *Causam reddit. cur siluerit hactenus. jam vero flere nequeat.*

2. *Dolorem suum indicat. ex absentia Marcelli, ut hoc major sit lætitia e proximo ejus reditu.*



## ORATIO

3. Intellectum est enim mihi quidem in multis, & maxime in me ipso, sed paulo ante omnibus, cum M. Marcellum Senatui populoque Romano concessisti, commemoratis præsertim offensionibus, te auctoritatem hujus Ordinis dignitatemque Reip. tuis vel doloribus, vel suspicionibus anteferre. Ille quidem fructum omnis vitæ anteaetæ hodierno die maximum cepit, cum summo consensu Senatus, tum præterea judicio gravissimo tuo & maximo: ex quo profecto intelligis, quanta in dato beneficio sit laus, cum in accepto tanta sit gloria. Est vero fortunatus ille, cujus ex salute non minor pene ad omnes, quam ad illum ventura sit, lætitia pervenerit. Quod ei quidem merito atque optimo jure contigit. Quis enim est illo aut probitate, aut optimarum artium studio, aut innocentia, aut ullo genere laudis præstantior?

4. Nullius tantum est flumen ingenii, nulla dicendi, aut scribendi tanta vis, tantaque copia, quæ non dicam exornare, sed enarrare, C. Cæsar. res tuas gestas possit. Tamen hoc pace dicam tua, nullam in his esse laudem ampliorem, quam eam, quam hodierno die consecutus es,

5. Soleo sæpe ante oculos ponere, idque libenter crebris usurpare sermonibus: omnes nostrorum Imperatorum, omnes exterarum genitum, potentissimorumque populorum, omnes clarissimorum Regum res gestas, cum tuis nec contentionum magnitudine, nec número præliorum, nec varietate regionum,

3. *Ex beneficio tam insigni, Senatum sibi ac Rempublicam restitutam.*

4. *Argumentum. Cæsar à restituto Marcello majorem, quam ex omnibus suis victoriis, gloriam collegit. Probatur rmo. quia hæc victoria ejus unius est propria.*

5. *Exaggerat bellicas Cæsaris laudes, quibus Imperatores ante se omnes superavit.*

PRO MARCELLO.

onum, nec celeritate conficienti, nec dissimilitudine bellorum posse conferri. Nec vero disjunctissimas terras citius cujusquam passibus potuisse peragrari, quam tuis, non dicam cursibus, sed viatoriis lustratae sunt.

6. Quæ quidem ego nisi ita magna esse fatear, ut ea vix cujusquam mens aut cogitatio capere possit, amens sim; sed tamen sunt alia majora. Nam bellicas laudes solent quidam extenuare verbis, easque detrahere ducibus, communicare cum multis, ne propriae sint Imperatorum. Et certe in armis militum virtus, locorum opportunitas, auxilia fortiorum, classes, commeatus, multum juvant; maximam vero partem, quasi suo jure, fortuna sibi vindicat, & quidquid est prospere gestum, id pene omne ducit suum.

7. At vero hujus gloriæ; C. Cæsar, quam es paulo ante adeptus, socium habes neminem. Totum hoc, quantumcunque est (quod certe maximum est) totum est, inquam, tuum. Nihil sibi ex ista laude Centurio, nihil Præfectus, nihil cohors, nihil turma decerpit. Quin etiam illa ipsa rerum humanarum domina fortuna in istius se societatem gloriæ non offert: tibi cedit, tuam esse totam & propriam fateatur. Numquam enim temeritas cum sapientia commiscetur, nec ad consilium casus admittitur.

8. Domuisti gentes, immanitate barbaras, multitudine innumerabiles, locis infinitas, omni copiarum genere abundantes; sed tamen ea vicisti, quæ & naturam, & conditionem, ut vinci possent, habebant. Nulla est enim tanta vis, quæ non ferro, ac viribus

6. Sed has laudes cum pluribus necessario communicandas.

7. Laudem clementiæ uni Cæsari propriam.

8. Pr. 2do. Facilius est populos vincere, quam iracundiam: Pergit Orator Cæsaris victorias elevare, ut hanc attollat.



## ORATIO

bus debilitari, frangique possit. Animum vincere, iracundiam cohibere, victoriam temperare, adversarium nobilitate, ingenio, virtute præstantem, non modo extollere jacentem, sed etiam amplificare ejus pristinam dignitatem, hæc qui faciat, non ego eum cum summis viris comparo, sed simillimum Deo judico.

9. Itaque, C. Cæsar, bellicæ tuæ laudes celebrantur, illæ quidem non solum nostris, sed pene omnium gentium, literis atque linguis, neque una unquam ætas de tuis laudibus conticescet. Sed tamen ejusmodi res, nescio, quomodo, etiam cum leguntur, obstrepi clamore militum videntur, & tubarum sono. At vero cum aliquid clementer, mansuete, juste, moderate, sapienter factum, in iracundia præsertim, quæ est inimica consilio, & in victoria, quæ naturâ insolens & superba est, aut audimus, aut legimus; quo studio incendimur, non modo in gestis rebus, sed etiam in fictis, ut eos sæpe, quos nunquam vidimus, diligamus? Te vero, quem præsentem intuemur, cujus mentem, sensusque, & os cernimus, ut quidquid belli fortuna reliquum reipublicæ fecerit, id esse salvum velis, quibus laudibus efferemus? quibus studiis prosequemur? qua benevolentia complectemur? Parietes, medius fidius, C. Cæsar, ut mihi videtur, hujus curiæ tibi gratias agere gestiunt, quod brevi tempore futura sit illa auctoritas in his majorum suorum, & suis sedibus.

10. Equidem cum C. Marcelli, viri optimi, & commemorabili pietate præditi, lacrymas modo vobiscum viderem, omnium Marcellorum meum petitis memoria effodit. Quibus tu etiam mortuis, M. Marcello conservato, dignitatem suam reddidisti, nobilissimamque familiam jam ad paucos redactam,

9. *Rursus bellicam & clementiæ laudem inter se comparat.*

PRO MARCELLO.

Etiam, pene ab interitu vindicasti. Hunc tu igitur diem tuis maximis & innumerabilibus gratulari onibus jure antepones. Hæc enim res unius est propria C. Cæsaris, cæteræ duce te gestæ, magnæ illæ quidem, sed tamen multo magnoque comitatu. Hujus autem rei tu idem es & dux, & comes. Quæ quidem tanta est, ut trophæis monumentisque tuis nulla unquam allatura sit finem ætas. Nihil est enim opere aut manu factum, quod aliquando non conficiat & consumat vetustas.

11. At vero hæc tua justitia & lenitas animi florescet quotidie magis, ita, ut quantum operibus tuis diuturnitas detrahet, tantum afferat laudibus. Et cæteros quidem omnes victores bellorum civilium jam ante æquitate & misericordia viceras, hodierno vero die te ipsum vicisti. Vereor, ut hoc, quod dicam, non perinde intelligi auditu possit, atque ego ipse cogitans sentio. Ipsam victoriam vicisse videris, cum ea ipsa, quæ illa erat adepta, victis remisisti. Nam cum ipsius victoriæ conditione jure omnes victi occidissemus, clementiæ tuæ judicio conservati sumus. Recte igitur unus victus es, à quo etiam ipsius victoriæ conditio, visque devicta est.

12. At hoc C. Cæsaris judicium, Patres conscripti, quam late pateat, attendite. Omnes enim, qui ad illa arma fato sumus nescio quo reipublicæ misero funestoque compulsi, etsi aliqua culpa tenemur erroris humani, à scelere certe liberati sumus. Nam cum M. Marcellum, deprecantibus vobis, Reipublicæ Cæsar conservavit, memet mihi, & iterum Reipublicæ, nullo deprecante; reliquos amplissimos viros & sibi ipsis, & patriæ reddidit: quorum & frequentiam & dignitatem hoc ipso in confesso videtis;

11. *Auget à personis Et familia Marcellorum Cæsaris laudem, nunquam interituram.*

12. *Cæsar hodie ipsam victoriam vicit.*



## ORATIO

tis; non ille hostes induxit in curiam, sed iudicavit, á plerisque ignoratione potius, & falso atque inani metu, quam cupiditate, aut crudelitate civile bellum esse susceptum.

13. Quo quidem in bello semper de pace agendum, audiendum putavi, semperque dolui, non modo pacem, sed orationem etiam civium pacem efflagitantium repudiari. Neque enim ego illa, nec ulla unquam secutus sum arma civilia; semperque mea consilia, pacis & togæ socia, non belli atque armorum fuerunt. Hominem sum secutus privato officio, non publico; tantumque apud me grati animi fidelis memoria valuit, ut nulla non modo cupiditate, sed ne spe quidem, prudens & sciens, tanquam ad interitum ruerem voluntarium.

14. Quod quidem meum consilium minime obscurum fuit. Nam & in hoc ordine, integra re, multa de pace dixi, & in ipso bello eadem etiam cum capitis mei periculo sensi. Ex quo nemo erit tam injuitus rerum æstimator, qui dubitet, quæ Cæsaris voluntas de bello fuerit, cum pacis auctores conservandos statim censuerit, cæteris fuerit iratior. Atque id minus mirum fortasse tum, cum esset incertus exitus, & anceps fortuna belli. Qui vero victor pacis auctores diligit, is profecto declarat, se maluisse non dimicare, quam vincere.

15. Atque hujus quidem rei M. Marcello sum testis, nostri enim sensus, ut in pace semper, sic tum etiam in bello congruebant. Quoties ego eum, quanto cum dolore vidi, cum insolentiam certorum hominum, tum etiam ipsius victoriæ ferocitatem extimescentem? quo gratior tua liberalitas, C. Cæsar, nobis, qui illa vidimus, debet esse? Non enim jam causæ sunt inter se, sed victoriæ comparandæ.

16. Vidimus

*13. Quia cæsar duos maximos pacis auctores, Ciceronem & marcelum servavit.*

### PRO MARCELLO.

16. Vidimus tuam victoriam, præliorum exitu terminatam, gladium vagina vacuum in urbe non vidimus. Quos amissim is cives, eos Martis vis percudit, non ira victoriæ; ut dubitare debeat nemo, quin multos, si fieri posset, C. Cæsar ab inferis excitaret, quoniam ex eadem acie conservat, quos potest. Alterius vero partis nihil amplius dicam, quam id, quod omnes verebamur, nimis iracundam futuram fuisse victoriam.

17. Quidam enim non modo armis, sed interdum etiam otiosis, minabantur; nec, quid quisque sensisset, sed ubi fuisset cogitandum esse dicebant: ut mihi quidem videantur. Dii immortales, etiamsi pœnas, à populo Romano ob aliquod delictum expetiverunt, qui civile bellum tantum & tam luctuosum excitaverunt, vel placati jam, vel etiam satiati aliquando, omnem spem salutis ad clementiam victoris & sapientiam contulisse.

18. Quare gaude tuo isto tam excellenti bono, & frui fortuna & gloria, tum etiam natura, & moribus tuis. Ex quo quidem maximus est fructus, jucunditasque sapienti. Cætera cum tua recordare, etsi persæpe virtuti, tamen plerumque felicitati tuæ congratulabere. De nobis, quos in Republica tecum simul salvos esse voluisti, quoties cogitabis, toties de maximis tuis beneficiis, toties de incredibili liberalitate, toties de singulari sapientia tua cogitabis, quæ non modo summa bona, sed nimirum audebo vel sola dicere. Tantus est enim splendor in laude vera, tanta in magnitudine animi & consilii dignitas, ut hæc à virtute donata, cætera à fortuna commodata esse videantur.

19. Noli igitur in conservandis bonis viris defatigari,

16. Moderatio Cæsaris in E post victoriam ex effectis cernitur, quia servat, quos potest.

18. Amplificat hanc moderatorem à contrario, opposita Pompejanorum ferocia.



## ORATIO

tigari, non cupiditate præsertim, aut pravitate aliqua lapsis, sed opinione officii stulta fortasse, certe non improba & specie quadam Reipublicæ. Non enim tua ulla culpa est, si te aliqui timuerant; contraque summa laus, quod plerique minime timendum fuisse senserunt.

20. Nunc vero venio ad gravissimam querelam, & atrocissimam suspicionem tuam, quæ non tibi ipsi magis, quam cum omnibus civibus, tum maxime nobis, qui a te conservati sumus, providenda est. Quam etsi spero esse falsam nunquam tamen verbis extenuabo. Tua enim cautio, nostra cautio est, ut si in alterutro peccandum sit, malim videri nimis timidus, quam parum prudens. Sed quisnam est iste tam demens? de tuisne? tametsi qui magis sunt tui, quam quibus tu salutem insperantibus reddidisti? an ex eo numero, qui una tecum fuerunt? non est credibilis in ullo tantus furor, ut quo duce omnia summa sit adeptus, hujus vitam non anteponat suæ. At si tui nihil cogitant sceleris, cavendum est, ne quid inimici, qui? omnes enim, qui fuerant aut sua pertinacia vitam amiserunt, aut tua misericordia retinuerunt; ut aut nulli supersint de inimicis, aut qui superfuerunt, amicissimi sint?

21. Sed tamen, cum in animis hominum tantæ latebræ sint, & tanti recessus, augeamus sane suspicionem tuam; simul enim augebimus & diligentiam. Nam quis est omnium tam ignarus rerum, tam rudis in Republica, tam nihil unquam nec de sua, nec de communi salute cogitans, qui non intel-

20. *Gratulatur Cæsari tantam virtutem; hortatur ut bonos servare non desistat, quorum culpa fato potius cuipiam adscribenda.*

21. *Confutatio. Cæsar insidias metuere non debet. Ait hanc cautionem non minus prudentem Cæsari, quam omnibus necessariam, cum omnium vita ex eius vita pendeat.*

PRO MARCELLO.

telligat, tua salute contineri suam? & ex unius tua vita pendere omnium? Equidem de te dies noctesque, ut debeo, cogitans casus duntaxat humanos, & incertos eventus valetudinis, & naturæ communis fragilitatem extimesco, doleoque, cum Respublica immortalis esse debeat, eam in unius mortalis animo consistere. Si vero ad humanos casus, incertosque eventus valetudinis, sceleris etiam accedat, insidiarumque consensio, quem Deum, si cupiant, opitulari posse reipublicæ credamus?

22. Omnia sunt excitanda tibi, C, Cæsar, uni, quæ jacere sentis, belli ipsius impetu, quod necesse fuit, perculsa, atque prostrata: constituenda judicia, revocanda fides, comprimendæ libidines, propaganda soboles; omnia quæ dilapsa jam fluxerunt, severis legibus vincienda sunt.

23. Non fuit recusandum in tanto civili bello, tantoque animorum ardore & armorum, quin quassata Respublica, quicunque belli eventus fuisset, multa perderet & ornamenta dignitatis, & præsidia stabilitatis læ, multaque uterque dux faceret armatus, quæ idem togatus fieri prohibuisset. Quæ quidem nunc tibi omnia belli vulnera curanda sunt, quibus, præter te, mederi nemo potest.

24. Itaque illam tuam præclarissimam & sapientissimam vocem invitus audiui: satis te diu vel naturæ vixisse, vel gloriæ: at, quod maximum est, patriæ

22. *Confutat hunc metum dilemmate: Vel à suis metuit, à qua omnia consecuti sunt; vel à Pompejanis? Verum & hi ob acceptam salutem sunt amicissimi.*

23. *Confirmat eum in hac suspitione, ut tanto diligentius caveat vitæ suæ, quæ jalus omnium nititur.*

24. *Non tam insidiæ, quam valetudinis & casuum humanorum incerta fors metuenda illi, quem omnes & immortalem capeant, ut vulnera Respubl. sanet.*



## ORATIO

triæ certe parum. Quare o mitte, quæso, istam doctorum hominum in contemnenda morte prudentiam, noli nostro periculo sapiens esse. Sæpe enim venit ad aures meas, te idem istud nimis crebro dicere, satis te tibi vixisse. Credo: sed tum id audirem, si tibi soli viveres, aut si tibi etiam soli natus esses. Nunc, cum omnium salutem civium, cunctamque Rempublicam res tuæ gestæ complexæ sint, tantum abes à perfectione maximorum operum, ut fundamenta, quæ cogitas; nondum jeceris. Hic tu modum tuæ vitæ, non salute Reipublicæ, sed æquitate animi definies? quid, si istud ne gloriæ quidem tuæ satis est? cujus te esse avidissimum, quamvis sis sapiens, non negabis.

25. Parumne igitur, inquies, gloriam magnam relinquemus? imo vero aliis, quamvis multis, satis; tibi uni parum. Quidquid enim est, quamvis amplum sit, id certe parum est tui, cum est aliquid amplius. Quod si rerum tuarum immortalium, C. Cæsar, hic exitus futurus fuerit, ut devictis adversariis, rempublicam in eo statu relinqueres, in quo nunc est; vide, quæso, ne tua Divina virtus admirationis plus sit habitura, quam gloriæ; siquidem gloria est illustris, ac pervagata multorum & magnorum, vel in patriam, vel in omne genus hominum, fama meritorum.

26. Hæc igitur tibi reliqua pars est, hic restat actus, in hoc elaborandum est, ut Rempublicam constituas, eaque tu in primis cum summa tranquillitate & otio perfruare; tum te, si voles cum & patriæ, quod debes, solveris; & naturam ipsam expleveris satietate vivendi, satis diu vixisse dicito. Quid est enim omnino hoc ipsum diu, in quo est aliquid extremum,

26. Confutationis pars altera: Cæsar nec libi; nec gloriæ satis diu vixit. *Cum enim vulneribus Reipubl. unus maxima mederi possit, nondum satis vixit Patriæ.*

*PRO MARCELLO.*

tremum quod cum venerit, omnis voluptas præterita pro nihilo est, quia postea nulla futura sit? quanquam iste tuus animus nunquam his angustiis quas natura nobis ad vivendum dedit, contentus fuit, semperq; immortalitatis amore flagravit.

27. Nec vero hæc tua vita ducenda est, quæ corpore & spiritu continetur. Illa, inquam, illa vita est, quæ vigebit memoria sæculorum omnium, quam posteritas alet, quam ipsa æternitas semper tuebitur. Huic tu inservias, huic te ostentes, oportet, quæ quidem, quæ miretur, jam pridem multa habet; nunc etiam, quæ laudet, expectat. Obstupescant posteritæ certe Imperia, Provincias, Rhenum, Oceanum, Nilum, pugnas innumerabiles, incredibiles victorias, monumenta innumera, triumphos audientes, & legentes tuos.

28. Sed nisi hæc Urbs stabilita tuis consiliis, & institutis erit, vagabitur modo nomen tuum longe atque late, sedem quidem stabilem & domicilium certum non habebit. Erit inter eos etiam, qui nascentur, sicut inter nos fuit, magna dissensio; cum alii laudibus ad cœlum res tuas gestas efferent, alii tortasse aliquid requirent; idque vel maximum, nisi belli civilis incendium salute patriæ restinxis; ut illud fati fuisse videatur, hoc consilii. Servi igitur iis etiam iudicibus, qui multis post sæculis de te iudicabunt. Et quidem haud scio, an incorruptius, quam nos. Nam & sine amore, & sine cupiditate, & rursus sine odio, & sine invidia iudicabunt.

29. Id autem etiam si tunc ad te, ut quidam falso putant, non pertinebit, nunc certe pertinet, esse te talem, ut tuas laudes obscuratura nulla unquam sit oblivio. Diversæ voluntates civium fuerunt, distractæ-

27. *Confirmat id definitione gloriæ, & vitæ brevitate & æternitate, cui servire debeat.*

29. *Et iudicio posterorum.*



# ORATIO

fractæque sententiæ. Non enim consiliis solum, & studiis, sed armis etiam & castris dissidebamus.

30. Erat autem obscuritas quædam, erat certamen inter clarissimos duces; multi dubitabant, quid optimum esset; multi, quid sibi expediret; multi, quid deceret; nonnulli etiam, quidliceret. Perfuncta Respublica est hoc misero fatalique bello; vicit is, qui non fortuna inflammaret odium suum, sed bonitate leniret, nec, qui omnes, quibus iratus esset, eosdem etiam exilio, aut morte dignos judicaret. Arma ab aliis posita, aliis erepta sunt. Ingratus est injustusque civis, qui armorum periculo liberatus, animum tamen retinet armatum; ut etiam ille sit melior, qui in acie cecidit, qui in causa animam profudit. Quæ enim pertinacia quibusdam, eadem aliis constantia videri potest.

31. Sed jam omnis fracta diffensio est armis, & extincta æquitate victoris: restat, ut omnes unum velint, qui modo habent aliquid non solum sapientiæ, sed etiam sanitatis. Nisi te, C. Cæsar, salvo in ista sententia, qua cum antea, tum hodie vel maxime usus es, manente, salvi esse non possumus. Quare omnes te, qui hæc salva esse volumus, & hortamur, & obsecramus, ut vitæ, ut salutis tuæ consulas, omnesque tibi, ut pro aliis etiam loquar, quod de me ipso sentio, quoniam subesse aliquid putas, quod cavendum sit, non modo excubias, & custodias, sed etiam laterum nostrorum oppositus & corporum pollicemur.

32. Sed ut, unde est orsa, in eodem terminetur Oratio, maximas tibi omnes gratias agimus, C. Cæsar, majores etiam habemus. Nam omnes idem sentiunt,


31. *Parta jam inter Cives pace diu fruendum Cæsari.*

32. *Postremò suo & Reipubl. nomine hortatur & obsecrat, ut vitæ suæ consulat, excubias, & co. poris custodes ponat, &c.*

PRO MARCELLO.

tiunt, quod ex omnium precibus & lacrymis sentire potuisti. Sed quia non est stantibus omnibus necesse dicere, á me certe dici volunt. & quod decet & quod M. Marcello á te huic ordini, populoque Romano, & Reipublicæ reddito, fieri intelligo. Nam latari omnes, non ut de unius solum, sed ut de communi omnium salute, sentio.

33. Quod autem summæ benevolentiae est, quæ mea erga illum omnibus semper nota fuit, ut vix C. Marcello, optimo & amantissimo fratri, præter eum quidem, cederem nemini; cum id sollicitudine, cura, labore tamdiu præstiterim, quamdiu est de illius salute dubitatum, certè hoc tempore magnis curis, molestiis, doloribus liberatus, præstare debeo. Itaque, C. Cæsar, sic tibi gratias ago, ut omnibus me rebus á te non conservato solum, sed etiam or-  
nato, tamen ad tua innumerabilia in me unum  
merita, quod fieri jam posse non arbi-  
trabar, maximus hoc tuo fa-  
cto cumulus ac-  
cesserit.





## PHILIPPICA SECUNDA

## ORATIO IV.

## ARGUMENTUM.

**H**Abitu à Cicerone post necem C. Cæsaris oratione primâ in Antonium, contulit hic se in villam Tiburtinam, ibique dies septemdecim, quod Ciceroni responderet, commentatus est: postea in urbem reversus senatum vocavit, & in absentem Ciceronem (prohibitum ab amicis non aderat propter arma Antonii, quæ manifestam vim spectabant) quæ cogitaverat, evomuit. Ei Cicero hac oratione, quam meritò divinam appellat Juvenalis, respondit. Ac primâ quidem parte purgat se adversus Antonii calumnias, & ita purgat, ut omni eum loco non leviter pingat: Deinde singulas ejus vitæ partes à puerili præexta exorsus, & singulos ejus magistratus vehementer exagitat. Quidam domi scriptam tantum putant, alii, Octavii, Antonio tum infensi, & veteranorum militum præsitio confisum in senatu at præsentem Antonium dictam contendunt. A. U. C. 709.

## SYNOPSIS.

**Exordium.** Fato quodam nemo est Reipubl. hostis, quin idem Ciceroni sit inimicus. Verùm Antonius hoc stultior est Catilinâ, & Clodio & aliis, quò magis voluntariè laceffit Ciceronem, cui omnis hostis poenas dedit.

**Confutatio.** Post exordium diluit Cicero crimina sibi objecta ab Antonio, 1. De amicitia violata. 2. Consulatu crudeliter gesto. 3. De nece Clodii. 4. Bello civili. 5. Nece Cæsaris. 6. Alienatione Pompeij & aliorum, quorum hæres non fuit. Violatæ amicitiae crimen negat ab adjunctis & causis; sic enim Cicero in senatu questus est de Antonio, ut id Reipub. causa postulabat: sic quendam  
tami-

## PHILIPPICA II.

familiarē contra rem Antonii defendit, ut ius & amicitia exigebat. Impudens verò Antonius, & inhumanus & amens est, qui beneficia exprobrat, quæ Cicero vel negare, vel concedere potest. *Consulatus crudeliter gesti* crimen primum universim diluit testimonio Consularium virorum, seu communi approbatione bene gestæ Reip. Deinde speciatim opposito Consulatu Antonii contra Rempub. armati, sum probat ē Republ. fuisse, quando togatus in templo Concordiæ extinxit conjurationem Catilinariam: quare pugnantiā ab Antonio redarguit, quem iterum impudentem, stultumque appellat, qui eum Consulatum vituperaret apud illos, qui eum maximè approbarunt; quique salutaria Reipub. senatus consulta reprehendit; quam ipse armis opprimit. *Clo dii cæsi* crimen regerit in Antonium. *Belli civilis* crimen confutat contrariis effectis consilii, ac providentiæ. *Necis Cæsaris* crimen primum dissimulando elevat, & à persona & numero conjuratorum inficiari videtur, mox aperte crimen (si crimen est occidisse Tyrannum) præsefert, gloriaturque. Stupidum autem Antonium rursus redarguit, qui Cæsaris interfectores laudat, Ciceronem necis conscium vituperat. Postremò ampliùs irridens, hanc necem in eum retorquet. *Alienati Pompeij* crimen, & aliorum amicorum negat à causis. Demum confutationem claudit novis facetiis, quibus hic orator abundat.

*Propositio* M. Antonius est homo vitiosus, & hostis Reipublicæ.

*Partitio & Argumenta.* Quia in vita privata decoctor fuit & audax, impurus, seditiosus. 2. In Magistratibus, oppressor Reipubl.

*Argumentatio II. Argumenti.* M. Antonius in Quæstura, Tribunatu, Magisterio Equitum, Consulatu oppressit Rempublicam; ergo in Magistratibus oppressit Rempubl. *Amplificatio & affectus.* M. Antonius Quæstor factus sine senatus consulto & for-



## PHILIPPICA II.

te ivit ad Cæsarem: postea *Tribunus* iniquissimè intercessit, ex qua intercessionē bellum civile, & clades Italiæ, quam ipse lustrationibus suis vexavit, secuta est. *Magister Equitum* quot decretis & hæreditatū rapinis, quam robustā violentiā, quam turpi emptione bonorum Pompeij, quā molli ac libidinosa defectione à Cæsare in persequendis civilis belli reliquis, tam in Africa, quam Hispania, insignis fuit Antonius: *Consul* denique Consulatum gestit injustè partum, id est jussu Tyranni Cæsaris, non populi voluntate: Infestum Consuli Dolabellæ, quando imperitè & mendaciter opposuit Comitibus auspicia: Invisum populo Rom. quando Luperæ suasit, obtulitque Cæsari diadema regium, hoc est tyrannidem: Consulatum denique Reipubl. detestabilem, quod dissimulata tantisper ob timorem audaciā & improbitate, mox legibus Cæsaris rescissis, suis promulgatis, & ementitis chirographis immunitates dedit, ingentem pecuniam rapuit, exules damnatosque restituit: acerbis patriæ peregrinationes suscepit: corrupto etiam magna vi & cupiditate M. Varronis fundo.

*Argumentatio I. Argumenti.* M. Antonius in pueritia decoctor fuit & audax; in adolescentia impurus, in reliqua ætate seditiosus; ergo in vita privata decoctor, impurus seditiosus fuit.

*Amplificatio Et Affectus.* Antonius coactus cedere bonis paternis, tamen ausus est sedere in quatuordecim ordinibus; & corruptor adolescentuli Curionis multa stupra & flagitia commisit: postea deditus tribuno Clodio plura contra senatum & religiones, & amicos egit. Quæ omnia breviter ac invidesè perstringit Cicero, quia festinat ad majora.

*Peroratio.* Major erit securitas, gloriaque Antonio ex civium suorum charitate, rebusque pro Reipubl. honestè gestis, quam ex isto armorum præsidio.

*PHILIPPICA II.*

dio, quo Senatum obsidet: nam non deest populo Rom. præsidium & animus Reges tollendi, quod patet ex Cæsaris aliorumque nece. Quare se & majores respiciat, cumque Repub. redeat in gratiam. Ciceronis jam emeriti senis nihil interest, an inimicitia Antonii, an gloriosa mors accadat, dum salva perftet Patria.

O R A T I O,

**I. Exordium.** Quonam meo fato P. C. fieri dicam, ut nemo his annis viginti Reipub. hostis fuerit; qui non bellum eodem tempore mihi quoque indixerit? Nec verò necesse est à me ququam nominari vobis, cum ipsi recordemini. Mihi poenarum illi plus, quam optarem, dederunt. Te miror Antoni! quorum facta imitère, eorum exitus non perhorrescere. Atque hoc in aliis minus mirabar. Nemo illorum mihi inimicus fuit voluntarius; omnes à me Reip. causâ laceffiti. Tu ne verbo quidem violatus; ut audacior, quam Catilina; furiosior, quam Clodius viderè, ultro me maledictis laceffisti, tuamque à me alienationem ad cives impios tibi gloriæ fore putavisti.

2. Quid putem? contemptumne me? non video, nec in vita, nec in gratia, nec in rebus gestis, nec in hac mea mediocritate ingenii, quid despiciere possit Antonius. An in Senatu facillimè de me detrahi posse credidit? qui ordo clarissimis civibus benè gestæ Reipublicæ testimonium multis, mihi uni conservatæ dedit. An decertare mecum voluit contentione dicendi? hoc quidem beneficium est.

X2

Quid

**I. Exordium.** *Afert causam Orator, cur Antonium inimicum habeat, nempe fatum Reipubl. quo ejus à 20. annis nemo hostis fuit, quin & Ciceronis esset, nemo item poenas dederit. Quare per apostrophem infectatur stultitiam Antonii.*



## PHILIPPICA II.

Quid enim plenius, quid uberius, quàm mihi, & pro me, & contra Antonium dicere? Illud profectò est, non existimavit sui similibus probari posse, esse se hostem patriæ, nisi mihi esset inimicus.

3. *Confutatio.* Cui priusquam de cæteris rebus respondeo; de amicitia, quam à me violatam esse criminatus est, quod ego gravissimum crimen iudico, pauca dicamus. Contra rem suam me, nescio quando, venisse questus est. An ego non venirem contra alienum, pro familiari & necessario? non venirem contra gratiam, non virtutis specie, sed ætatis flore collectam? non venirem contra injuriam, quam iste intercessoris iniquissimi beneficio obtinuit, non jure prætorio? Sed hoc idcirco commemoratum à te puto, ut te infimo ordini commendares; cùm te omnes recordarentur libertini generum, & liberos tuos nepotes Q. Fabii libertini hominis fuisse. At enim te in disciplinam meam tradideras (nam ita dixisti) domum meam ventitâras. Næ tu, si id fecisses, melius famæ, melius pudicitiae tuæ consuluisse. Sed nec fecisti; nec si cuperes, tibi id per C. Curionem facere licuisset.

4. Auguratûs petitionem mihi te concessisse dixisti. O incredibilem audaciam? ô impudentiam prædicandam! Quo enim tempore me Augurem à toto Collegio expetitum Cn. Pompejus & Q. Hortensius nominaverunt (neque enim licebat à plurimis nominari) tu nec solvendo eras; nec te ullo modo, nisi eversa Republica, fore incolumem putabas. Poteras

3. *Confutatio, Objectum ab Antonio violatæ amicitiae crimen diluit. Nec enim imò se ingratum esse, quod Bambalionem familiarem Antonii gratia & iniqua intercessione Tribuni oppressum defenderit. 2do. Nec eum unquam se in Ciceronis disciplinam tradidisse.*

4. 3tio. Antonius propter æs alienum, & Ciceronis absentiam augur fieri non potuit, non igitur in ejus gratiam auguratûs petitione desistit.

## PHILIPPICA II.

teras autem eo tempore Auguratum petere, cū in Italia Curio non esset? aut tum, cū es factus, unam tribum sine Curione ferre potuisses? cujus etiam familiares de vi condemnati sunt, quod tui nimis studiosi fuissent.

5. At beneficio sum usus tuo. Quo? quanquam illud ipsum, quod commemoras, semper prae me tuli. Malui me tibi debere confiteri, quā cuiquam minus prudenti non satis gratus videri. Sed quo beneficio? quod me Brundisii non occideris? quem ipse victor, qui tibi, ut tute gloriari solebas, detulerat ex latronibus suis principatum, salvum esse voluisset, in Italiam ire iussisset, eum tu occideres? Fac potuisses. Quod est aliud P. C. beneficium latronum, nisi ut commemorare possint, iis se dedisse vitam, quibus non ademerint? quod si esset beneficium; nunquam ii, qui illum interfecerunt, à quo erant servati, quos tu ipse clarissimos viros appellare soles, tantam essent gloriam consecuti. Quale autem beneficium est, quod te abstinueris nefario scelere? quā in re non tam jucundum videri mihi debuit, non interfectum à te; quam miserum, id te impunè facere potuisse.

6. Sed sit beneficium; quandoquidem majus accipi à latrone nullam potuit. In quo potes me dicere ingratum? an de interitu Reipubl. queri non debui, ne in te ingratus viderer? At in illa querela misera quidem & luctuosa, sed mihi pro hoc gradu, in quo me Senatus populusque Romanus collocavit, necessaria, quid est dictum à me cum contumelia? quid non amicè? Et quidem cujus temperantiae fuit, de M. Antonio querentem, abstinere maledictò?

5. 4to. *Negat Cicero, quem Cæsar salvum voluerit, vitam accepisse ab Antonio, nec hoc aliud beneficium esse, ac latronis.*

6. 5to. *Ait sibi Consulari in Reipubl. interitu de iniquis ejus actis necessario quaerendum fuisse.*



## PHILIPPICA II.

maledicto? præsertim, cum tu reliquias Reipublicæ dissipavisses; cum domi tuæ turpissimo mercatu omnia essent venalia, cum leges eas, quæ nunquam promulgatæ essent, & de te, & á te latas coniterere, cum auspicia Augur, intercessionem Consul sustulisses, cum esses foedissimè stipatus armatis, cum omnes impuritates pudica in domo quotidie susceperes, vino lustrisque confectus.

7. At ego, tanquam mihi cum M. Crasso contentio esset, quicum multæ, & magnæ tuerunt, non cum uno gladiatore nequissimo, de Republ. graviter querens, de homine nihil dixi. Itaque hodie periciam, ut intelligat, quantum á me beneficium tum acceperit. At etiam litteras, quas me sibi misisse diceret, recitavit homo & humanitatis expers, & vitæ communis ignarus. Quis enim unquam, qui paululum, modò bonorum consuetudinem nosset, litteras ad se ab amico missas, offensione aliqua interposita, in medium protulit, palamque recitavit? quid hoc est aliud, quàm tollere à vita vitæ societatem? tollere amicorum colloquia absentium? Quàm multa joca solent esse in epistolis, quæ prolata si sint, inepta esse videantur? quàm multa seria, neque tamen ullo modo divulganda?

8. Sit hoc inhumanitatis tuæ; stultitiam incredibilem videte. Quid habes, quod mihi opponas homo disertè? ut Mustelæ Tamilio, & Tyroni Numisio videris, qui cum hoc ipso tempore stent cum gladiis in conspectu Senatûs; ego quoque te disertum putabo, si ostenderis, quomodo sis eos interficarios defensurus. Sed quid opponas tandem? si negem, me unquam istas litteras ad te misisse, quomodo te teste convinces? an chirographo? in quo habes scientiam quæstuosam. Quis possis? sunt enim  
librarii

7. 6to: Inhumanum esse dicit, literas amicorum absentium in publicum proferre, nihil autem in suis litteris non moderatum, & officiosum fuisse.

## PHILIPPICA IX.

librarii manu. Jam invideo magistro tuo, qui te tanta mercede, quantam jam proferam, nihil sapere docuit.

9. Quid enim est minus, non dico Oratoris, sed hominis, quàm id obicere adversario, quod ille si verbo negarit, longius progredi non possit, qui obicerit? At ego non nego, teque in isto ipso convinco non inhumanitatis solum, sed etiam amentiae. Quod enim verbum in istis litteris est non plenum humanitatis, officii, benevolentiae? omne autem crimen tuum est, quod de te in his litteris non male existimem; quod scribam tanquam ad civem, tanquam ad bonum virum, non tanquam ad sceleratum & latronem. At ego tuas literas etsi jure poteram à te laceffitus, tamen non proferam, quibus petis, ut tibi per me liceat quendam de exilio reducere; adjurasque, id te invito me non esse facturum, idque à me impetras. Quid enim me interponerem audaciae tuae, quem neque auctoritas hujus ordinis, neque existimatio populi Romani, neque leges ullae possent coercere? verumtamen quid erat, quod me rogares; si erat is, de quo rogabas, Caesaris lege reductus? sed videlicet meam gratiam voluit esse; in quo ne ipsius quidem ulla esse poterat, lege lata.

10. Sed cum mihi P. C. & pro me aliquid, & in M. Antonium multa dicenda sint; alterum peto à vobis, ut me pro me dicentem benignè; alterum ipse efficiam ut contra illum cum dicam, attentè audiat. Simul illud oro, si meam cum in omni vita, um in dicendo moderationem modestiamque cognostis; ne me hodie, cum isti, ut provocavit, re, spondebo, oblitum putetis esse mei. Non tractabo, ut Consulem; ne ille quidem me, ut Consularem. Etsi ille nullo modo Consul; vel quod ita vivit, ve

quod

10. *Alterum crimen gesti crudeliter Consulatus, ad quod Cicero parva attentionis petitione & injuratione respondet.*



## PHILIPPICA II.

quod ita Rempublicam gerit, vel quod ita factus est Consul; ego sine ulla controversia Consularis.

II. Ut igitur intelligeretis, qualem ipse se Consulem profiteretur; objecit mihi Consulatam meum. Qui Consulatus verbo meus, re P. C. vester fuit. Quid enim constitui, quid gessi, quid egi, nisi ex hujus ordinis consilio, auctoritate, sententiâ? Hæc tu homo sapiens, non solum eloquens, apud eos, quorum consilio sapientiaque gesta sunt, ausus es vituperare? Quis autem meum Consulatam, præter P. Clodium, qui vituperaret, inventus est? cujus quidem te fatum, sicuti C. Curionem manet: quoniam id domitæ est, quod fuit illorum utrique fatale.

12. Non placet M. Antonio Consulatam meus. At placuit P. Servilio; ut eum primum nominem ex illius temporis Consularibus, qui proximè mortuus est: placuit Q. Lutatius Catulo, cujus semper in hac Rep. vivet auctoritas: placuit duobus Lucullis, M. Crasso, Q. Hortensio, C. Curioni, M. Lepido, C. Pitoni, M. Glabroni, L. Volcatio, C. Figulo, D. Silano, L. Muræna, qui tunc erant Consules designati: placuit idem, quod Consularibus, Marco Cato; qui cum multa, vitâ excedens, providit; tum, quod te Consulem non vidit. Maximè verò Consulatam meum Cn. Pompejus probavit: qui ut me primum decedens ex Syria vidit, complexus & gratulans, meo beneficio Patriam se visurum esse dixit. Sed quid singulos commemoro? frequentissimo Senatui sic placuit, ut esset nemo, qui mihi non ut parenti gratias ageret; qui non mihi vitam suam, fortunas, liberos, Rempubl. referret acceptam.

13. Sed

II. Stultum ridet Antonium, qui hunc Consulatam apud eos criminetur. quorum consilio, auctoritate, sententiâ ita gestus est.

12. Nemo enim præter Antonium non maxime hunc Consulatam probavit, quod repetitione & inductione amplificat.

## PHILIPPICA II.

13. Sed quoniam illis, quos nominavi, tot & talibus viris Respubl. orbata est; veniamus ad eos, qui duo è Consulari numero reliqui sunt. L. Cotta vir summo ingenio, summaque prudentiâ, rebus iis gestis, quas tu reprehendis, supplicationem decrevit verbis amplissimis, eique illi ipsi, quos modo nominavi, Consulares, Senatusque cunctus assensus est. Qui honos post conditam hanc Urbem habitus est togato ante me nemini.

14. L. Cæsar avunculus tuus, quâ oratione, quâ constantiâ, quâ gravitate, sententiam dixit in sororis suæ virum, vitricum tuum? hunc tu, cum auctorem & præceptorem omnium consiliorum, totiusque vitæ debuisses habere; vitrici te similem, quàm avunculi, esse maluisti. Hujus ego alienus consiliis Consul usus sum. Tu sororis filius, ecquid ad eum unquam de Republica retulisti? At ad quos refert, Dii immortales? ad eos scilicet, quorum nobis etiam dies natales audiendi sunt.

15. Hodie non descendit Antonius. Cur? dat natalitia in hortis. Cui? neminem nominabo. Putatoce, cum Phormioni alicui, tum Gnathoni, tum etiam Ballioni. O fœditatem hominis flagitiosam! ô impudentiam, nequitiam, libidinem non ferendam! Tu, cum principem Senatorem, civem singularem, tam propinquum habeas, ad eum de Republica nihil referas? referas ad eos, qui domum suam nullam habent, tuam exhauriunt? Tuus videlicet salutaris

13. Duos Consulare viros superstites L. Cottam, L. Cæsarem testes adducit.

14. Dialogismo & exclamatione indignatur, quod de libidine lenones, & parasitos consulat: de Republ. nihil ad avunculum referat.

15. Improbè obijcit Ciceroni tum Consuli armatos in templo Concordiæ locasse è Senatûs autoritate, qui in eodem loco nunc ad opprimendum Senatum & Rempubl. idem faciat.



## PHILIPPICA II.

taris Consulatus, perniciosus meus? adeone pudorem cum pudicitia perdidisti; ut hoc in eo templo dicere ausus sis, in quo ego Senatum illum; qui quondam florens orbi terrarum præsidebat, consulebam, tu homines perditissimos cum gladiis collocavisti?

16. At etiam ausus es ( quid autem est, quod tu non audeas? clivum Capitolinum dicere me Consule plenum servorum armatorum fuisse. Ut illa, credo, nefaria Senatûs consulta tum fierent, vim afferebam. Senatui. O miserum, sive illa tibi nota non sunt ( nihil enim boni nosti ) sive sunt, qui apud tales viros tam impudenter loquare! quis enim Eques Romanus: quis præter te adolescens nobilis, quis ullius ordinis, qui se civem esse meminisset; cùm Senatus in hoc templo esset, in clivo Capitolino non fuit? quis nomen non dedit? quanquam nec scribæ sufficere, nec tabulæ nomina illorum capere poterunt.

17. Etenim cùm homines nefarii de patriæ paricidio confiterentur, consociorum indiciis, sua manu, voce penè litterarum coacti, se Urbem inflammare, cives trucidare, vastare Italiam, delere Rempublicam consensisse; quis esset, qui ad salutem communem defendendam non excitaretur? præsertim cùm Senatus populusque Rom. haberet ducem; qualis si quidem nunc esset, tibi idem, quod illis accidit, contigisset. Ad sepulturam corpus vitrici sui negat á me datum. Hoc verò ne P. quidem Clodius dixit unquam; quem, quia jure ei inimicus fui, doleo á te jam omnibus vitiis esse superatum.

18. Qui autem tibi venit in mentem, redigere in memoriam nostram, te domi P. Lentuli esse educatum: an verebare, ne non putaremus naturâ te potuisse

17. Ipse secum pugnat Antonius laudans Ciceronem. quod comprehenderit conjuratos, Senatum vituperat obnegatum Lentulo sepulturam.

160

PHILIPPICA II.

tuisse tam improbum evadere, nisi accessisset etiam disciplina? Tam autem eras excors, ut tota in oratione tua tecum ipse pugnares? ut non modò non cohærentia inter se diceres, sed maximè disjuncta atque contraria; ut non tanta mecum, quanta tecum tibi esset contentio? Vitricum tuum in tanto fuisse scelere fatebare, pœna affectum querebare. Ita quod proprium meum est, laudasti: quod totius Senatus est, reprehendisti. Nam comprehensio fontium, mea; animadversio, Senatûs fuit. Homo disertus non intelligit, eum, quem contradicit, laudari à se; eos, apud quos dicit, vituperari.

19. Jam illud cuius est, non dico audaciæ (cupit enim se audacem dici) sed, quod minimè vult, stultitiæ, quâ vincit omnes, clivi Capitolini mentionem facere? cùm inter subsellia nostra versentur armati; cùm in hac cella Concordiæ (ô Dii immortales) in qua me Consule salutare sententiæ dictæ sunt, quibus ad hanc diem viximus, cum gladiis homines collocati stent: accusa Senatum, accusa Equestrem ordinem, qui tum cum Senatu copulatus fuit; accusa omnes ordines, omnes cives; dum confiteare, hunc ordinem, hoc ipso tempore, ab Ithyræis circumfenderi. Hæc tu non propter audaciam dicis tam impudenter; sed quia tantarum rerum repugnantiam non videas. Nihil profectò sapis. Quid est enim dementius, quam cùm Reipub. perniciofa arma ipse ceperis, objicere alteri salutaria?

20. At etiam quodam loco facetus esse voluisti. Quàm id te (Dii boni) non decebat! in quo tua est culpa nonnulla. Aliquid enim salis ab uxore Mima trahere potuisti. Cedant arma togæ. Quid? tum nonne cesserunt? At postea tuis armis cessit toga.

Quæra-

19. *Sua in fano Concordiæ arma salutaria fuisse sibi, Senatui, Equitibus, civibus omnibus.*

20. *Antonius Ciceronis verum iners ipse Et armatus, oppressor libertatis infulsè ridet.*



## PHILIPPICA II.

Quæramus igitur, utrum melius fuerit, libertati populi Romani celeratorum arma, an libertatem nostram armis tuis cedere? Nec verò tibi de versibus respondebo. Tantùm dicam breviter: neque illas, neque ullas te omnino litteras nosse: me nec Reipublicæ, nec amicis unquam defuisse, & tamen omni genere monumentorum meorum perfecisse operis subsecivis; ut meæ vigiliæ, meæque literæ, & juventuti utilitatis, & nonnisi Romano laudis aliquid afferrent. Sed hæc non hujus temporis: majora videamus.

21. P. Clodium meo consilio interfectum esse dixisti. Quidnam homines putarent, si tum occisus esset, cùm tu illum in foro, spectante populo Romano, gladio stricto, insecutus es, negotiùmque transsegisses, nisi ille se sub scalas tabernæ librariæ conjecisset, hisque oppilatis, impetum tuum compressisset? Sed quid? ego favisse me tibi fateor, suavisse ne tu quidem dicis. At Miloni ne favere quidem potui; prius enim rem transsegit, quàm quisquam eum facturum id suspicaretur. At ego suasi. Scilicet is animus erat Milonis, ut prodesse Reipubl. sine suafore non posset? At lætatus sum. Quid ergo? in tanta lætitia cunctæ civitatis me unum tristem esse oportebat?

22. Quanquam de morte P. Clodii fuit quæstio non satis prudenter illa quidem constituta. Quid enim attinebat nova lege quæri de eo, qui hominem occidisset, cùm esset legibus quæstio constituta? Quæsitum est tamen. Quid ergo, cùm res agebatur, nemo in me dixit; & tot annis post tu es inventus, qui diceres? Quòd verò dicere ausus es, idque multis verbis, operâ meâ Pompejum à Cæsaris amicitia esse disjunctum; ob eamque causam meâ culpâ civile bellum

21. *Tertium crimen de nece Clodii refellit; Cicero Miloni eam necem nec suavit, nec Milo suafore egebat, neque per tot annos quisquam id Ciceroni objecit.*

## PHILIPPICA II.

lum esse natum; in eo non tu quidem tota re, sed quod maximum est, temporibus errâsti.

23. Ego M. Bibulo, præstantissimo cive, Consule, nihil prætermisi, quantum facere enitique potui; quin Pompejum á Cæsaris conjunctione avocarem, in quo Cæsar fuit felicior; ipse enim Pompejum á mea familiaritate disjunxit. Postea verò, quàm se totum Pompejus Cæsari tradidit, quid ego illum ab eo distrahere conarer? Stulti erat sperare, suadere impudentis.

24. Duo tamen tempora inciderunt quibus aliquid contra Cæsarem Pompejo suaferim: ea velim reprehendas, si potes. Unum, ne quinquennii imperium Cæsari propagaretur. Alterum ne pateretur fieri, ut absentis ejus ratio haberetur. Quorum si utrumvis persuasissem; in has misérias nunquam incidissemus. Atque idem ego, cum jam omnes opes suas, & populi Rom. Pompejus ad Cæsarem detulisset; seroque ea sentire cœpisset, quæ ego multò antè provideram, inferrique patriæ bellum nefarium viderem; pacis, concordiæ, compositionis auctor esse non destiti, meaque illa vox est nota multis: *Utinam Cn. Pompei cum C. Cæsare societatem aut nunquam colles, aut nunquam diremisses!* Fuit alterum gravitatis, alterum prudentiæ tuæ. Hæc mea M. Antoni, semper & de Pompejo, & de Rep. consilia fuerunt; quæ si valuissent, Resp. stare; tuis flagitiis, egestate, infamiâ concidisses.

25. Sed hæc vetera; illud verò recens, Cæsarem  
meo

23. Quartum De bello civili, cujus Cicero causa non fuit; quin nemo plus egit apud Pompejum, ne Cæsaris opes ad tyrannidem crescere sineret, tum vero pacem efficitum suadendo.

25. Quintum crimen necis Cæsaris. Nemo Ciceronis nomen inter conjuratos prodidit. Deinde ejus percussores hortatore non egebant & suas causas habebant peculiares.



## PHILIPPICA II.

meo consilio interfectum. Jam vereor P. C. ne, quod turpissimum est. prævaricatorem mihi apposuisse videar, qui me non solum meis laudibus ornaret, sed etiam ornaret alienis. Quis enim meum in ista societate gloriosissimi facti nomen audivit? Cujus autem, qui in eo numero fuisset, nomen est occultatum? occultatum dico, cuius non statim divulgatum? citius dixerim; jactasse se aliquos, ut fuisset in ista societate viderentur, qui socii non fuissent, quam ut quisquam celari vellet.

26. Quam verisimile porro est, in tot hominibus, partim obscuris, partim adolescentibus, neminem occultantibus, meum nomen latere potuisse? Etsi enim auctores ad liberandam patriam desiderarentur illis auctoribus; Brutos ego impellerem, quorum uterque L. Bruti imaginem quotidie videret? alter etiam Ahalæ. His igitur majoribus orti, ab alienis potius consilium peterent, quam a suis? & foris potius quam domi? quid? C. Cassius in ea familia natus, quæ non modo dominatum, sed ne potentiam quidem cujusquam ferre potuit, me auctorem credo desideravit? qui etiam sine his clarissimis viris, hanc rem in Cilicia, ad ostium fluminis Cydni confecisset; si ille ad eam ripam, quam constituerat, non ad contrariam, naves appulisset.

27. Cn. Domitium non Patris interitus, clarissimi viri, non avunculi mors, non spoliatio dignitatis, ad recuperandam libertatem, sed mea auctoritas excitavit, an C. Trebonio persuasi, cui ne suadere quidem ausus essem? quo etiam majorem ei Resp. gratiam debet, qui libertatem populi Romani unius amicitiae præposuit, depulsorquæ dominatûs, quam particeps, esse maluit. An L. Tullius Cimber me

est  
27. *Etsi Brutus à cæde recens cruentum gladium extollens nominatim Ciceronem inclamavit. non inde author necis argui potest, cum omnes boni de cæde tyranni gauderent.*

## PHILIPPICA II.

est auctorem secutus? quem ego magis fecisse illam rem sum admiratus, quam facturum putavi. Admiratus sum autem ob eam causam, quod immemor beneficiorum, memor patriæ fuisset. Quid duos Servilios, Cascas dicam, an Ahalas? & auctoritæ meæ censetis excitatos potius, quam charitatē Reipublicæ? Longum est persequi cæteros; idque Reip. præclarum, fuisse tam multos, ipsis gloriosius est.

28. At quemadmodum me coarguerit homo acutus, recordamini. Cæsare interfecto, inquit statim cruentum altè extollens M. Brutus pugionem, Ciceronem nominatim exclamavit: atque ei recuperatam libertatem est gratulatus. Cur mihi potissimum? quî sciebam? Vide, ne illa causa fuerit appellandi me; quod cum rem gessisset consimilem rebus iis, quas ipse gesseram, me potissimum testatus est, se æmulum mearum laudum extitisse.

29. Tu autem omnium stultissime non intelligis, si id, quod me arguis, voluisse interfici Cæsarem, crimen sit; etiam lætatum esse morte Cæsaris, crimen esse? quid enim interest inter suasorem facti, & probatorem? Aut quid refert, utrùm voluerim fieri, an gaudeam factum? Ecquis est igitur, te excepto, qui illum regnare gaudebas, qui illud fieri aut noluerit, aut factum improbarit? Omnes enim in culpa. Etenim omnes boni, quantum in ipsis fuit, Cæsarem occiderunt. Aliis consilium, aliis animus, aliis occasio defuit, voluntas nemini.

30. Sed stuporem hominis, vel dicam pecudis, attendite. Sic enim dixit: *M. Brutus, quem ego honoris causa nomino, cruentum pugionem tenens, Ciceronem exclamavit. Ex quo intelligi debet, eum conscium fuisse.* Ergo ego scelératus appellor á te, quem

30. *Pugnat secum Antonius, qui Brutum allosque non parricidas, sed libratores patriæ honore & Provinciis dignos existimat, Ciceronem eorum familiarem arguit.*



## PHILIPPICA II.

quem tu suspicatum aliquid suspicaris? ille qui stillantem præ se pugionem tulit, is à te honoris causa nominatur? Esto sit in verbis tuis hic stupor; quantò in rebus sententiisque major? constitue hoc Consul aliquando: Brutorum, C. Cassii, Cn. Domitii, C. Trebonii, reliquorum, quam velis esse causam? edormi crapulam, inquam, & exhala. An faces admoventæ sunt, quæ te excitent tantæ causæ indormientem? nunquamne intelligis, statuendum tibi esse; utrùm illi, qui istam rem gesserunt, homicidæ sint, an vindices libertatis?

31. Attende enim paulisper, cogitationemque sobrii hominis punctum temporis suscipe, Etenim ego, qui sum illorum, ut ipse fateor, familiaris; ut à te arguor, socius; nego quicquam esse medium; confiteor eos, nisi liberatores populi Romani, conservatoresque Reip. sint, plus quam sicarios, plus quam homicidas, plus quam etiam parricidas esse. Siquidem est atrocius, patriæ parentem, quam suum occidere. Tu homo sapiens & considerate quid dicis? si parricidæ, cur honoris causâ à te sunt, & in hoc ordine, & apud populum Rom. semper appellati? Cur M. Brutus te referente legibus est solutus; si ab urbe plus quam decem dies absuisset? Cur ludi Appollinares incredibili M. Bruti honore celebrati? cur Provinciæ Bruto & Cassio datæ? cur quæstores additi? cur legatorum numerus auctus? Atque hæc acta per te. Non igitur homicidæ. Sequitur, ut liberatores tuo iudicio sint; quandoquidem tertium nihil potest esse.

32. Quid est? num conturbo te? non enim fortasse satis, quæ distinctius dicuntur, intelligis. Sed tamen hæc est summa conclusionis meæ: quoniam scelere à te liberati sunt, ab eodem te amplissimis præmiis dignissimi iudicati sunt. Itaque jam retexo oratio-

32. *Quin non dubitat se authorem cædis jateri,  
quod ante negabat, eoque gloriari.*

## PHILIPPICA II.

orationem meam; scribam ad illos, ut si qui forte, quod à te mihi objectum est, quærent, sitne verumne cui negent. Etenim vereor, ne aut celatum me, illis ipsis non honestum; aut invitatum refugisse, mihi sit turpissimum. Quæ enim res unquam, profancte Jupiter! non modò in hac urbe, sed in omnibus terris est gesta major? quæ gloriosior? quæ commendatior erit hominum memoriæ sempiternæ? In hujus me consilii societatem, tanquam in equum Trojanum, includi cum principibus non recuso.

33. Ago etiam gratias, quoquo animo facis. Tanta enim res est, ut invidiam istam, quam tu in me vis concitare, cum laude non comparem. Quid enim beatius illis, quos tu expulsos à te prædicas, & relegatos? qui locus est aut tam desertus, aut tam inhumanus, qui illos, quò accefferint, non affari, atque appetere videatur? qui homines tam agrestes, qui se, cum eos aspexerint, non maximum cepisse vitæ fructum putent? quæ verò tam immemor posteritas, quæ tam ingratae literæ reperientur, quæ eorum gloriam non immortalitatis memoriâ prosequantur? tu verò adscribe me talem in numerum.

34. Sed unam rem vereor, ne non probes. Si enim fuisset; non solùm Regem, sed regnum etiam de Republica sustulisset; & si meus stylus ille fuisset, ut dicitur, mihi crede, non solùm unum actum, sed totam fabulam confecisset. Quamquam si interfici Cæsarem voluisse crimen est, vide, quæso, Antoni, quid tibi futurum sit: quem & Narbone hoc consilium cum C. Trebonio cepisse notissimum est: & ob ejus consilii societatem, cum interficeretur Cæsar, tum te à Trebonio vidimus sevocari. Ego autem (vide quàm tecum agam non inimicè) quod

Y

benè

34. Imò irridens crimen detorquet in Antonium tum propter societatem consilii cum Trebonio, tum ob grande æs alienum, quod morte Cæsaris dissolvit.



# PHILIPPICAR.

benè cogitasti aliquando, laudo; quod non indicasti, gratias ago; quod non fecisti, ignosco. Virum res illa quærebat.

35. Quòd si te in iudiciũ quis adducat, usurpetque illud Cassianum: *Cui bono fuerit*: vide quæso, ne hæreas. Quanquam quidem illud fuit, ut tu dicebas, omnibus bono, qui servire volebant; tibi tamen præcipuè, qui non modò non servis, sed etiam regnas: qui máximo te ære alieno ad ædem Opis liberasti, qui per easdem tabulas innumerabilem pecuniam dissipavisti: ad quem è domo Cæsaris tam multa delata sunt: cujus domus quæstuosissima est falsorum commentariorum, & chirographorum officina, agrorum, oppidorum, immunitatum, vectigaliflagitiosissimæ nundinæ.

36. Etenim quæ res egestati, & æri alieno tuo, præter mortem Cæsaris, subvenire potuisset? nescio, quid conturbatus mihi videris? Nunquid subtimes, nè ad te hoc crimen pertinere videatur? Libero te metu. Nemo credet unquam; non est tuum de Repub. bene mereri; habet istius pulcherrimi facti clarissimos viros Resp. auctores; ego te tantum gaudere dico, fecisse non arguo. Respondi maximis criminibus: nunc etiam reliquis respondendum est.

37. Castra mihi Pompeij, atque illud omne tempus objecisti, quo quidem tempore, si, ut dixi, meum consilium auctoritasque valuisset; tu hodie egeres, nos liberi essemus; Respub. non tot duces & exercitus amisset. Fateor enim me, cum ea, quæ acciderunt, providerem futura, tanta in mœstitia fuisse, quantà cæteri optimi cives, si idem providissent, fuissent. Dolebam, P. C. Remp, vestris quondam meisque consiliis conservatam, brevi tempore esse peritram. Neque vero eram tam indoctus ignarusque rerum; ut frangerer animo propter vitæ cupiditatem;

37. *Sexto: Cicero in castris Pompeij non aliâ causa mœstus fuit, quam prospecta ruina Respub.*

PHILIPPICA II.

ditatem; quæ manens, conficeret angoribus; dimissa molestiis omnibus liberasset. Illos ego præstantissimos viros, lumina Reipub. vivere volebam, tot Consulares, tot Prætorios, tot honestissimos Senatores; omnem præterea florem nobilitatis, ac juventutis; tum optimorum civium exercitus. Qui si viverent, quamvis iniquâ conditione pacis ( mihi enim omnis pax cum civibus bello civili utilior videbatur ) Rempublicam hodie teneremus.

38. Quæ sententia si valuisset; ac non ii maximè mihi, quorum ego vitæ consulebam, spe victoriæ elati obstitissent; ut alia omittam, tu certè nunquam in hoc ordine, vel potius nunquam in hac urbe mansisses. Ac verò Cn. Pompeij voluntatem à me alienabat oratio mea. An ille quenkum plus dilexit? cum ullo aut sermones, aut consilia contulit sæpius? Quod quidem erat magnum de summa Repub, dissidentes, in eadem consuetudine amicitie permanere. Sed & ego, quid ille; & contra ille, quid & ego sentirem & spectarem, videbat. Ego incolumitati civium primùm, ut postea dignitati possemus; ille præsentì dignitati potius consulebat. Quod autem habebat uterque, quod sequeretur; idcirco tolerabilior erat nostra dissensio.

39. Quid verò ille Consularis vir, ac pene Divinus de me senserit, sciunt, qui eum Pharsalica fugâ Paphum profecuti sunt. Nunquam ab eo mentio de me, nisi honorifica, nisi plena amicissimi desiderii: cum me vidisse plus fateretur, se speravisse meliora. Et ejus viri nomine me infectari audes? cujus me amicum, te sectatorem esse fateare? sed omittatur bellum illud, in quo tu nimium felix fuisti. Ne jocus quidem respondebo, quibus me in castris

38. Nec enim Pompejum alienârat familiarissimum  
 & amicissimum, sed opinione dissidebat.

39. *Nec ditiſſimis jocuſive Pompeij conſilia reprehendit, ſed ut à mœrore animos advocaret.*



## PHILIPPICA II.

castris usum esse dixisti. Erant quidem illa castra plena curæ, verumtamen homines, quamvis in turbidis rebus sint, tamen, si modo homines sunt, interdum animis relaxantur.

40. Quod autem idem mœstitiam meam reprehendit, idem jocos; magno argumento est, me in utroque fuisse moderatum. Hæreditates mihi negasti venire. Utinam hoc tuum verum crimen esset. Plures amici mei & necessarii viverent. Sed quî istud tibi venit in mentem? ego enim amplius HS. ducenties acceptum hæreditatibus retuli. Quamquam in hoc genere fateor feliciorem esse te. Me nemo, nisi amicus, fecit hæredem; ut cum illo commodo, si quod erat, animi quidam dolor jungeretur. Te is, quem nunquam vidisti, L. Rubrius Cassinas fecit hæredem.

41. Et quidem vide, quàm te amavit is; qui albus atêrve fuerit, ignoras: fratris filium præterit? Q. Fufii honestissimi equitis Romani, sui que amicissimi quem palam hæredem semper factitarat, ne meminisset quidem; te, quem nunquam viderat, ac nunquam salutaverat, fecit hæredem. Velim mihi dicas, nisi molestum est, L. Turselius quâ facie fuerit, quâ staturâ? quo municipio? quâ tribu? nihil scio, inquires, nisi quæ prædia habuerit. Igitur fratrem exhæredans, te faciebat hæredem. In multis præterea pecunias alienissimorum hominum, ejectis veris hæredibus, tanquam hæres esset, invasit. Quamquam hoc maximè admiratus sum, mentionem te hæreditatum ausum esse facere; cum ipse hæreditatem Patris non adisses.

42. Hæc

40. *Negat sibi multorum amicorum opulentas hereditates non obvenisse, reprehendit improbitatem Antonii, qui in multorum etiam ignotorum hereditates invaserit.*

## PHILIPPICA II.

42. Hæc ut colligeres, homo amentissime, tot dies in aliena villa declamasti? quanquam tu quidem (ut tui familiarissimi dictitant) vini exhalandi, non acuendi ingenii causa declamitas. Et verò adhibes joci causâ magistrum suffragio tuo, & compotorum tuorum Rhetorem; cui concessisti, ut in te, quæ vellet, diceret, falsum omnino hominem. Sed materia facilis, in te & in tuos dicta dicere. Vide autem, inter te & avum tuum quid intersit? Ille sensim dicebat, quod causæ prodesset; tu cursim dicis aliena.

43. At quanta merces Rhetori data est? audite, audite P. C. & cognoscite Reipub. vulnera. Duo millia jugerum campi Leontini Sex. Clodio Rhetori assignasti, & quidem immunia; ut pro tanta mercede nihil sapere disceres. Num etiam hoc, homo audacissime, ex Cæsaris commentariis? Sed dicam alio loco & de Leontino agro. & de Campano; quos iste agros ereptos Reip. turpissimis possessoribus inquinavit. Jam enim, quoniam criminibus ejus satis respondi, de ipso emendatore & correctore nostro quædam dicenda sunt. Nec enim omnia effundam: ut si sæpius decertandum sit, ut erit, semper novus veniam. Quam facultatem mihi multitudo istius vitiorum peccatorumque largitur. Visne igitur, te inspiciamus á puero? sic opinor. A principio ordiamur.

44. *Confirmatio, Argumentum I. Tenésne memoriâ*

42. *Concludit ridens declamatorem ineptum, qui longo in villam secessu; adhibito item & mercede conducto magistro, nihil non, amens & futile objecisset.*

44. *Confirmationis Argumentum I. De vita privata Antonii: M. Antonius in pueritia decoctor & audax: in adolescentia impurus, in reliqua vita seditio-*



## PHILIPPICA II.

moriâ prætextatum te decoxisse? patris, inquires, ista culpa est. Concedo. Etenim est pietatis plena defensio. Illud tamen audaciæ tuæ, quod fedisti in 14. ordinibus, cum esset lege Roscia decoctoribus certus locus constitutus; quamvis quis fortunæ vitio, non suo, decoxisset. Sumpisti virilem togam, quam statim muliebrem togam reddidisti. Primò vulgare scortum, certa flagitii merces, nec ea parva. Sed citò Curio intervenit, qui te à meretricio quæstu abduxit; & tanquam stolam dedisset in matrimonio stabili & certo locavit.

45. Quoties te pater ejus domo suâ ejecit? quoties custodes posuit, ne limen intrares? Cum tamen tu nocte sociâ, hortante libidine, cogente mercede, per tegulas dimitterêre. Quæ flagitia domus illa diutius ferre non potuit. Scisne me de rebus mihi notissimis dicere? recordare tempus illud, cum Pater Curio mœrens jacebat in lecto; filius se ad pedes meos prosteruens, lachrymans te mihi commendabat: orabat, ut te contra suum patrem, si sestertiûm sexagies peteret, defenderem. Tantum enim pro te intercessisse dicebat. Ipse autem amore ardens confirmabat, quòd desiderium tui diffidii ferre non posset, se in exilium iturum.

46. Quo

fus fuit; ergo in privata vita decoctor &c. fuit. *pars 1ma Antecedentis exponitur Interrogatione & Communicatione, quod coactus cedere paternis bonis, tamen in 14. Ordinibus contra legem Rosciam sedere ausus fuerit.*

45. *Pars Antec. 2da. in adolescentia impurus fuit præcipuè consuetudine Curionis, à quâ nec contrahere alieno, nec patris imperio avelli potuit; nisi Cicero remedium tulisset.*

## PHILIPPICA II.

46. Quo ego tempore tanta mala florentissimæ familiæ sedavi; vel potius sustuli. Patri persuasi, ut æs alienum filii dissolveret; redimeret adolescentem summa spe & animi & ingenii prædium rei familiaris facultatibus; eumque à tua non modò familiaritate, sed etiam congressione, patrio jure & potestate prohiberet. Hæc tu, cùm per me acta meminisses; nisi illis, quos videmus, gladii confideres, maledictis me provocare ausus esses?

47. Sed jam stupra & flagitia omittam. Sunt quædam, quæ honestè non possum dicere; tu autem edidiceris, quòd ea in te admisisti, quæ à verecundo inimico audire non posses. Sed reliquum vitæ cursum videte, quem quidem celeriter perstringam. Ad hæc enim quæ in civili bello, in maximis Reipublicæ miseriis fecit, & ea, quæ quotidie facit, festinat animus, quæ peto, ut quanquam multò notiora vobis, quam mihi sunt, tamen, ut facitis, attente audiatis. Debet enim talibus in rebus excitare animos non cognitio solùm rerum, sed etiam recordatio. Tamen si incidamus oportet media, nè nimis serò ad extrema veniamus.

48. Intimus erat in Tribunatu Clodio; qui sua erga me beneficia commemorat. Ejus omnium incendiorum fax. Cujus etiam domi quiddam jam tum molitus est. Quid dicam, ipse optimè intelligit. Inde itum Alexandriam contra Senatûs auctoritatem, contra religiones. Sed habebat ducem Gabinium, quicum quidvis rectissimè facere posset. Qui tum inde reditus? aut qualis? prius in ultimam Galliam ex Ægypto, quam domum. Quæ autem do-

mus

47. Stupra & flagitia præterit Orator quadam insinuatione.

48. In reliqua ætate seditiosus. Enumerantur multa ejus acta seditiosa, ut quod Clodio intimus fuerit; quod contra Senatûs auctoritatem Alexandriam ierit, &c.



## PHILIPPICA II,

mus? suam enim quisque domum tum obtinebat, neque erat usquam tua. Domum dico? quid erat in terris, ubi in tuo pedem poneress? præter unum Misenum, quod cum focis tanquam Sisapone[m] tenebas?

49. Venisti è Gallia ad quæsturam petendam. Aude dicere, te prius ad parentem tuum venisse, quàm ad me. Acceperam jam ante Cæsaris litteras, ut mihi satisfieri paterer à te. Itaque ne loqui quidem sum te passus de gratia. Postea custoditus sum à te; tu à me observatus in petitione Quæsturæ. Quo quidem tempore P. Clodium, approbante populo Romano, in foro es conatus occidere. Cumque eam rem tuâ sponte conarè; non impulsu meo; tamen ita prædicabas, te non existimare, nisi illum interfecisses, unquam mihi pro tuis in me injuriis satis esse facturum. In quo, demiror, cur Milonem impulsu meo rem illam egisse dicas; cum te ultrò mihi idem illud deferentem nunquam sim adhortatus. Quanquam, si in eo perseverares, ad tuam gloriam rem illam referri malebam, quam ad meam gloriam.

50. *Argumentum II.* Quæstor es factus. Deinde continuo sine Senatus consulto, sine sorte, sine lege ad Cæsarem cucurristi. Id enim unum in terris, egestatis, æris alieni, nequitiae, perditis vitæ rationibus perfugium esse ducebas. Ibi te cum & illius

50. *Confirmationis Argumentum II.* Est ab inductione: M. Antonius in Quæstura, Tribunatu, Magisterio Equitum, Consulatu oppressit Rem publ. ergo in Magistratu oppressit. *Primo in Quæstura.* Quæstor factus continuo sine Senatus consulto, sine lege ad Cæsarem concurrat, ubi cum se ejus largitionibus & suis rapinis explevit, advolavit egens ad Tribunatum. Amplificatur, quod cum Senatus decrevisset, ut Cæsar ad certam diem exercitum dimitteret, se opposuerit audax Antonius. & hostis Reipubl. judicatus sit.

PHILIPPICA II.

illius largitionibus, & tuis rapinis explevisſes ( ſi hoc eſt explere, quòd ſtatim effundas ) advolaſti e-  
gens ad Tribunatum: ut in eo magiſtratu, ſi poſſes,  
vitrici tui ſimilis eſſes. Accipite nunc, quæſo, non  
ea, quæ ipſe in ſe, atque in domesticum dedecus  
impurè, atque intemperanter; ſed quæ in nos fortu-  
naſque noſtras, id eſt in univerſam Rempubli-  
cam, impiè, ac nefariè fecerit. Ab hujus enim  
ſcelere omnium malorum principium natum repe-  
rietis.

51. Nam cùm L. Lentulo, C. Marcello, Coſſ. Cal.  
lan. labantem, & prope cadentem Rempub. fulcire  
cuperetis: ipſique C. Cæſari, ſi ſana mente eſſet,  
conſulere velletis; tum iſte venditum atque manci-  
patum Tribunatum, conſiliis veſtris oppoſuit; cervi-  
cèſque ſuas ei ſubjecit ſecuri, quâ multi minori-  
bus in peccatis occiderunt. In te M. Antoni id de-  
crevit Senatus, & quidem incolumis, nondum tot  
luminibus extinctis, quod in hoſtem togatum de-  
cerni ſolitum more majorum. Et tu apud Patres  
conſcriptos contra me dicere auſus es, cùm ab hoc  
ordine ego conſervator eſſem, tu hoſtis Reipub. ju-  
dicatus? commemoratio illius tui ſcleris intermiſſa  
eſt, non memoria deleta. Dum genus hominum,  
dum populi Romani nomen extabit, ( quod quidem  
erit, ſi per te licuerit, ſempiternum ) tua illa peſti-  
fera interceſſio nominabitur.

52. Quid cupidè à Senatu, quid temerè fiebat?  
cùm tu unus adoleſcens univerſum ordinem decer-  
nere de ſalute Reipub. prohibuiſti, neque id ſemel,  
ſed ſæpiùs? neque tu tecum de Senatûs auctori-  
tate agi paſſus es? Quid autem agebatur, niſi ne de-  
lere & evertere Rempub. funditus velles? Cùm  
te neque principes civitatis rogando, neque ma-  
jores natu monendo, neque frequens Senatus a-  
gendo, de vendita atque addita ſententia movere  
potuit.

53. Tum



PHILIPPICA II.

53. Tum illud, multis antè rebus tentatis, necessario tibi vulnus inflictum, quod paucis ante te, quorum incolumis fuit nemo, tum contra te dedit arma hic ordo Consulibus, reliquisque imperiis & potestatibus. Quæ non effugisses, nisi te ad arma Cæsaris contulisses. Tu inquam, M. Antoni, princeps C. Cæsari omnia perturbare cupienti, causam belli contra patriam inferendi dedisti. Quid enim aliud ille dicebat, quàm causam dementissimi sui consilii & facti asseribat, nisi quod intercessio neglecta, jus Tribunitium sublatum, circumscriptus esset Antonius? omitto, quam hæc falsa, quam levia; præsertim cum omnino nulla causa justa cuiquam esse possit, contra patriam arma capiendi. Sed nihil de Cæsare tibi certè confitendum est, causam perniciosissimi belli in persona tua constitisse.

54. O miserum te, si intelligis! miseriorem, si non intelligis. Hoc literis mandari, hoc memoriæ prodi, hujus rei nè posteritatem quidem omnium seculorum unquam immemorem fore: Consules ex Italia expulsos: cumque his Cn. Pompejum, qui Imperij populi Romani decus ac lumen fuit: omnes Consulares, qui per valetudinem exequi cladem illam fugamque potuissent, Prætores, Prætorios, Tribunosplebis, magnam partem Senatûs, omnem sobolem juventutis, unoque verbò Remp. expulsam atque exterminatam suis sedibus.

55. Ut igitur in seminibus causa est arborum & stirpium; sic hujus luctuosissimi belli semen tu fisti. Doletis tres exercitus populi Rom. interfectos? interfecit Antonius. Desideratis clarissimos cives? eos quoque eripuit vobis Antonius. Auctoritas hujus ordinis afflicta est? afflixit Antonius. Omnia denique, quæ postea vidimus ( quid autem mali non vidimus)

53. *Ejus intercessio Tribunitia, causa fuit belli civilis, cujus clades Orator enumerat exclamatione duplici, Comparatione & Conversione.*

## PHILIPPICA II.

dimus) si rectè ratiocinabimur, uni accepta referemus Antonio. Ut Helena Trojanis, sic iste Reip. causa belli, causa pestis, atque exitii fuit. Reliquæ partes Tribunatûs principiis similes. Omnia perfecit, quæ Senatus salvâ Repub. ne fieri possent, perfecerat. Cujus tamen scelus in scelere cognoscite,

56. Restituebat multos calamitosos. In his patui nulla mentio. Si severus, cur non in omnes? si misericors, cur non in suos? sed omitto cæteros. Licinium Denticulam de alea condemnatum, colluforem suum restituit. Quasi verò ludere cum condemnato non liceret; sed ut, quod in alea perdiderrat, beneficio legis dissolveret. Quam attulisti rationem populo Romano, cur eum restitui deberet? absentem credo in reos relatum, rem indictâ causâ judicatam; nullum fuisse de alea lege judicium; vi oppressum & armis, postremò, quod de patruo tuo dicebatur, pecuniâ judicium esse corruptum. Nihil horum. At vir bonus & Repub. dignus. Nihil id quidem ad rem. Ego tamen, quoniam condemnatum esse pro nihilo est, si ita esset, ignoscerem. Hominem omnium nequissimum, qui non dubitaret vel in foro alea ludere, lege, quæ est de alea, condemnatum, qui in integrum restituit, is non apertissimè studium suum ipse profitetur?

57. In eodem verò Tribunatu, cum Cæsar in Hispaniam proficiscens, huic conculcandam Italiam tradidisset, quæ fuit ejus peragratio itinerum? lustratio municipiorum? scio me in rebus celebratissimis omnium sermone versari; eaque, quæ dico, dicturusque sum, notiora esse omnibus, qui in Italia tum  
fuere,

56. *Amplificatur 2do. quòd neglecto patruo suo iniquè multos exules restituerit, præcipue Licinium de alea condemnatum.*

57. *Amplif. 3tio. quod Italiam sibi traditam a Cæsare conculcarit, cujus itinera invidiosa hypotyposi describuntur.*



PHILIPPICA II.

fuere, quam mihi, qui non fui. Notabo tamen singulas res; etsi nullo modo poterit oratio mea satisfacere vestrae scientiae. Ecquod enim unquam in terris tantum flagitium extitisse auditum est? tantam turpitudinem? tantum dedecus?

58. Vehabatur in effedo Tribunus plebis; lictores laureati antecedeabant; inter quos aperta leſtica Miſſa portabatur, quam ex oppidis municipales homines honesti obviam necessario prodeuntes. non noto illo & mimico nomine, sed Voluminiam salutabant. Sequebatur rheda cum lenonibus, comites nequissimi. Reſecta mater, amicam impuri filii, tanquam nurum, sequebatur. O miseræ mulieris foecunditatem calamitosam! Horum flagitiorum iste vestigiis omnia municipia, praefecturas, colonias, totam denique Italiam impressit.

59. Reliquorum factorum ejus P. C. difficilis est sane reprehensio & lubrica. Versatus in bello est; faturavit se sanguine dissimillimorum sui civium; fuit felix, si potest ulla esse in scelere felicitas. Sed quoniam veteranis cautum esse volumus (quanquam dissimilis est militum causa & tua: illi secuti sunt, tu quaesisti ducem) tamen, ne apud illos me in invidiam voces, nihil de genere belli dicam. Victor est Thessalia Brundisium cum legionibus revertisti. Ibi me non occidisti. Magnum beneficium! Potuisse enim fateor. Quanquam nemo erat eorum, qui tunc tecum fuerunt, qui mihi non censeret parci oportere.

60. Tanta enim est charitas patriae, ut vestris etiam legionibus sanctus essem, quod eam a me servatam esse meminissent. Sed fac te id dedisse mihi, quod non ademisti: meque a te habere vitam, quia

59. Reliqua hujus itineris, Et in bello civili acta ita perstringit, ne veteranos offendant. Beneficio Brundisii accepto opponit contumelias Antiochi. Etc.

## PHILIPPICA II.

quā ā te non sit erepta; licuitne mihi per tuas contumelias hoc beneficium sic tueri, ut tuerar, præsertim cū te hæc auditorum vi res?

61. Venisti Brundisium in sinum & quidem complexum tuæ mimulæ. Quid est? num mentior? quam miserum est id negare non posse, quod sit turpissimum confiteri? si te municipiorum non pudebat, ne veterani quidem exercitus? quis enim miles fuit, qui Brundisii illam non viderit? Quis, qui nescierit, venisse eam tibi tot dierum viam gratulatum? quis, qui non indoluerit, tam serò se, quam nequam hominem secutus esset cognoscere?

62. Italiæ rursus percursatio, eādem comite Mimā; in oppida militum crudelis & misera deductio; in urbe auri, argenti, maximeque vini, foeda directio. Accessit, ut Cæsare ignaro, cū esset ille Alexandriæ, beneficio amicorum Magister equitum constitueretur. Tum existimavit se suo jure cum Hippia vivere, & equos rectigales Sergio Mimo tradere. Tum sibi non hanc, quam nunc malè tuetur, sed M. Pisonis domum, ubi habitaret, legerat. Quid ego istius decreta, quid rapinas, quid hæreditatum possessiones datas, quid ereptas proferam? cogebat egestas; quò se verteret, non habebat, nondum ei tanta ā L. Rubrio, non ā L. Turselio hæreditas venerat; nondum in Cn. Pompeij locum multorumque aliorum, qui aberant, repentinus hæres successerat. Erat ei vivendum latronum ritu, ut tantum haberet, quantum rapere potuisset,

63. Sed hæc, quæ robustioris improbitatis sunt, omittamus. Loquamur potius de nequissimo genere levitatis. Tu istis faucibus, istis lateribus, ista gladiatoria totius corporis firmitate, tantum vini in Hippiae nuptiis exhauseras; ut tibi necesse esset in  
populi

62. In Magisterio Equitum oppressit Rempubl. ostenditur ex decretis rapinis, uti & ejus violentia ac vomitu, quem per Incrementum describit Cicero.



## PHILIPPICA II.

populi Romani conspectu vomere postridie. O rem non modò visu foedam, sed etiam audita? Si inter cœnam, in tuis immanibus illis poculis, hoc tibi accidisset, quis non turpe diceret? in cœtu verò populi R. negotium publicum gerens, Magister equitum, cui ructare turpe esset; is vomens frustis esculentis, vinum redolentibus, gremium suum, & totum Tribunal implevit. Sed hoc ipse fatetur esse in suis sordibus. Veniamus ad splendidiora.

64. Cæsar Alexandriam se recepit felix, ut sibi quidem videbatur: mea autem sententiâ, si quis Rep. sit infelix, felix esse nemo potest. Hastâ positâ pro æde Jovis Statoris, bona Cn. Pompeij ( miserum me! consumptis enim lachrymis, tamen infixus animo hæret dolor ) bona, inquam, Cn. Pompeij Magni, voci acerbissimæ subjecta præconis. Una in illa re servitutis oblita civitas ingemuit; servientibusque animis, gemitus tamen populi Romani liber fuit. Expectantibus omnibus, quisnam esset tam impius, tam demens, tam Diis hominibusque hostis, qui ad illud scelus sectionis auderet accedere, inventus est nemo. præter Antonium; præsertim cum tot essent circa hastam illam, qui alia omnia audent. Unus inventus est, qui id auderet, quod omnium fugisset & formidasset audacia.

65. Tantus igitur te stupor oppressit; vel ut verius dicam, tantus furor: primùm, ut cum sector sis isto loco natus, deinde cum Pompeij sector, non te execrandum populo Romano, non detestabilem, non omnes tibi Deos, non omnes homines, & esse inimicos, & futuros scias? At quàm insolenter statim  
helluo

64. Deinde maximo indignationis affectu bona Cn. Pompeij vendita & empta ab uno Antonio exaggerat.

65. Hæc tanti viri bona ab helluone hoc statim devorata, hyperbola, comparatione, hypotyposi mirifice amplificat.

170

PHILIPPICA II.

helluo invasit in ejus viri fortunas? cujus virtute terribilior erat populus Romanus exteris gentibus, justitiâ charior. In ejus igitur copias cum se subito ingurgitasset, exultabat gaudio persona de Mimo, modò egens, repente dives.

66. Sed ut est apud Poetam nescio quem: *Malè parata, malè dilabuntur*: incredibile, ac simile portenti est, quonam modo illa tam multa, quam paucis, non dico mēsis, sed diebus effuderit. Maximus auri numerus fuit; permagnum optimi pondus argenti: pretiosa vestis, multa & lauta suppellex, & magnifica multis locis; non illa quidē luxuriosi hominis, sed tamen abundantis, Horum paucis diebus nihil erat.

67. Quæ charybdis tam vorax? Charybdis dico? quæ si fuit, animal unum fuit. Oceanus mediū fidius vix videtur tot res, tam dissipatas, tam diutius in locis positas, tam citò absorbere potuisse, Nihil erat clausum, nihil obsignatum, nihil scriptum; apothecæ totæ nequissimis hominibus condonabantur. Alia mimi rapiebant, alia mimæ. Domus erat aleatoribus referta, plena ebriorum; totos dies potabatur, atque id locis pluribus. Suggerebantur etiam sæpè ( non enim semper iste felix ) damna aleatoria. Conchiliatis Cn. Pompeij peristromatis, servorum in cellis lectos stratos videres. Quomobrem definite mirari, hæc tam celeriter esse consumpta. Non modò unius patrimonium, quamvis amplum, ut illud fuit; sed urbes & regna celeriter tanta nequitia devorare potuisset.

68. At idem ædes etiam & hortos. O audaciam immanem! tu ingredi illam domum ausus es? tu illud sanctissimum limen intrare? tu illarum ædium Diis Penatibus os importunissimum ostendere?

quam

68. *Domum Pompeij occupatam esse, exclamatio-  
ne & novo affectu à disparitate utriusque domini in-  
jettatur.*



## PHILIPPICA II.

quam domum aliquandiu nemo aspicere poterat, nemo sinè lachrymis præteritè; hac te in domo tam diu diversari non pudet? in qua, quamvis nihil sapias, tamen nihil tibi potest esse jucundum. An tu illa in vestibulo hostium spolia cùm aspexisti, domum tuam te introire putasti? fieri non potest. Quamvis enim sinè mente, sine sensu sis, ut es, tamen & te, & tua, & tuos nosti. Nec verò te unquam, neque vigilantem, neque in somnis credo mente posse consistere. Necesse est, quamvis sis, ut es violentus & furens, cùm tibi objecta sit species singularis viri, perterritum te de somno excitari, fure re etiam sæpe vigilantem.

69. Me quidem miseret parietum, ipsorum atque tectorum. Quid enim unquam domus illa viderat, ni si pudicum? quid? nisi ex optimo more & sanctissima disciplina? fuit enim ille vir P. C. sicut scitis, cùm foris clarus, tum domi admirandus; neque rebus externis magis laudandus, quàm institutis domesticis. Hujus in ædibus, pro cubiculis stabula, pro tricliniis popinæ sunt. Et si jam negat, nolite quærere. Frugi factus est; mimam illam suam suas res sibi habere jussit ex duodecim tabulis; claves ademit, forasquæ exegit. Quam porrò spectatus civis? quam probatus? cujus ex omni vita nihil est honestius, quam quod cum mima fecit divortium

70. Ad quam crebrò usurpat, & Consul & Antonius? hoc est dicere, & Consul & impudicissimus: & Consul, & homo nequissimus. Quid enim aliud Antonius? nam si dignitas significaretur in nomine, dixisset aliquando, credo, avus tuus se & Consulem & Antoniam. Nunquam dixit. Dixisset etiam

71. Verùm omissis aliis peccatis, quibus Rem-publ. vexavit, redit ad civile bellum, cujus cùm causa sit Antonius, ejus tamen reliquias confiscare noluit.

## PHILIPPICA II.

etiam collega meus, patruus tuus: nisi es solus Antonius. Sed omitto ea peccata, quæ non sunt earum partium propria, quibus tu Rempub. vexavisti. Ad ipsas tuas partes redeo, id est, ad civile bellum; quod natum, conflatum, susceptum operâ tuâ est.

71. Cur ei bello tum propter timiditatem tuam, tum propter libidines defuisti? gustaras civilem sanguinem, vel potiùs exorbueras; fueras in acie Pharsalica antesignanus; L. Domitium nobilissimum & clarissimum virum occideras; multosque præterea, qui è prælio effugerant, quos Cæsar, ut nonnullos, fortasse servasset, crudelissimè persecutus, trucidaras. Quibus rebus tantis, talibus gestis, quid fuit causæ, cur in Africam Cæsarem non sequerere? cum præsertim belli pars tanta restaret? Itaque quem locum apud ipsum Cæsarem post ejus ex Africa reditum obtinuisti? quo numero fuisti? cujus tu Imperatoris quæstor fueras, Dictatoris Magister equitum, belli princeps, crudelitatis auctor, prædæ socius, testamenti, ut dicebas ipse, filius; appellatus es de pecunia, quam pro domo, pro hortis, pro sectione debebas.

72. Primò respondisti planè ferociter; & nè omnia videar contra te, propemodum æqua & justa dicebas. A me C. Cæsar pecuniam? cur potiùs, quam ego ab illo? an ille finè me vicit? at ne potuit quidem. Ego ad illum belli civilis causam attuli; ego leges perniciosas rogavi; ego arma contra Consules, Imperatoresque, pop. Rom. contra Senatum populumque Romanum, contra Deos patrios, arasque & focos, contra patriam tuli. Num sibi soli

Z

vicit?

71. Nam propter timiditatem & libidines Cæsarem in Africam secutus non est, quare ab Cæsare offenso appellatus de pecunia ex sectione bonorum Pompeij reducta, suorum bonorum auctionem facere coactus est, quam per prosopopœjam irridet Cicero.



## PHILIPPICA II.

vicit? quorum facinus est commune, cur non sit eorum præda communis? Jus postulabas, sed quid ad rem? plus ille poterat.

73. Itaque excussis tuis vocibus, & ad te, & ad prædes tuos milites misit; cum repente à te præclara illa tabula prolata, qui risus hominum? tantam esse tabulam, tam varias, tam multas possessiones? ex quibus, præter partem Miseni, nihil erat; quod is, qui auctionaretur, posset suum dicere. Auctionis verò miserabilis aspectus. Vestis Pompeij non multa, eaque maculosa. Ejusdem quædam argentea vasa collisa; sordidata mancipia; ut doleremus, quicquam esse ex illis reliquiis, quod videre possemus.

74. Hanc autem auctionem hæredes L. Rubrii decreto Cæsaris prohibuerunt. Hærebat nebulo: quò se verteret, non habebat. Quin his ipsis temporibus, domi Cæsaris percussor ab isto missus, deprehensus dicebatur esse cum fica. De quo Cæsar in Senatu apertè in te invehens, quæstus est. Proficiscitur in Hispaniam Cæsar; paucis tibi ad solvendum propter inopiam tuam prorogatis diebus. Ne tum quidem sequeris. Tam bonus gladiator rudem tam citò accepisti? hunc igitur quisquam, qui in suis partibus, id est, in suis fortunis tam timidus fuërit, pertimescat?

75. Profectus est aliquando tandem in Hispaniam; sed tuto, ut ait, pervenire non potuit. Quoniam modo igitur Dolabella pervenit? aut non suscipienda fuit ista causa, Antoni! aut cum suscepisses, defendenda usque ad extremum. Ter depugnavit Cæsar cum civibus, in Thessalia, Africa, Hispania.

74. *Neque in Hispaniam secutus est Cæsarem, nisi serò admodum, quod Cicero irridet imò; à Comparatione constantis Dolabellæ; cum tamen magis huic bello interesse oportuisset Antonium, nempe sectorem bonorum Pompeij.*

## PHILIPPICA II.

spania. Omnibus affuit his pugnis Dolabella. In Hispaniensi vulnus accepit. Si de meo iudicio quæris, nollem; sed tamen consilium à principio reprehendendum; laudanda constantia. Tu verò quid es Cn. Pompeij liberi primùm patriam repetebant. Esto: fuerit partium hæc causa communis. Repetebant præterea Deos Penates, Patrios, aras, focos, Larẽ suum familiarem, in quæ tu invaseras. Hæc cùm repeterent armis ii, quorum erant legibus ( etsi in rebus iniquissimis quid potest esse æqui? ) tamen erat æquissimum, contra Cn. Pompeij liberos, Cn. Pompeij pugnare sectorem.

76, At tu Narbone in mensas hospitum cùm voveres, Dolabella pro te in Hispania dimicaret? qui verò Narbone reditus? & tamen etiam quærebat, cur ego ex ipso cursu tam subito revertissem. Exposui nuper P. C. causam reditûs mei. Volui, si possem, etiam ante Calen. Jan. prodesse Reip. Nam quod quærebas, quomodo redissem: primùm luce, non tenebris; deinde cum calceis & toga, nullis, nec Gallicis, nec lacerna. At etiam aspicias me, & quidem, ut videris, iratus. Næ tu mecum jam in gratiam redeas; si scias, quàm me pudeat nequitia tuæ, cujus te ipsum non pudet. Ex omnium omnibus flagitiis nullum turpius vidi, nullum audivi; quam quod, qui Magister equitum fuisse tibi videre, in proximum annum Consulatum peteres, vel potius rogares; is per municipia coloniasque Gallia, à qua nos tum, cùm Consulatus petebatur, non rogabatur, petere Consulatum solebamus; cum Gallicis & lacerna cucurristi.

76. 2do: ridet illum facete Narbone ficto prætextu in poculis resistentem facta dissimili comparatione suæ reversionis; Et petitionis Consulatus.



## PHILIPPICA II.

77. At videte levitatem. Cùm hora diei decima ferè ad saxa rubra venisset, delituit in quadam cauponula, atque ibi se occultans perpotavit ad vesperrum. Inde cisso celeriter ad urbem advectus, domum venit capite involuto. Janitor: quis tu? à Marco tabellarius. Confestim ad eam, cujus causa venerat, deducitur, eique epistolam tradidit. Quam cùm illa legeret flens (erat enim amatorie scripta) Caput autem literarum: sibi cum illa mima posthac nihil futurum; omnem se amorem abjecisse illinc, atque in hanc transfudisse; cùm mulier fleret uberius; homo misericors ferre non potuit, caput aperuit, in collum invasit. O hominem nequam; quid enim aliud dicam? magis proprie nihil possum dicere. Ergo, ut te Catamitum, nec opinato cùm ostendisses, præter spem mulier aspiceret, idcirco urbem ferore nocturno, Italiam multorum dierum metu perturbasti?

78. Et domi quidem causam amoris habuit, foris etiam turpiorem, ne L. Plancus prædes tuos venderet. Productus in concionem à Trib. pl. cùm respondisses, te rei tuæ causa venisse, populum etiam dicacem reddidisti. Sed nimis multa de nugis; ad majora veniamus. Cæsari ex Hispania redeunti obviam longissimè processisti. Celeriter isti, & reddisti; ut cognosceret te; si minus fortem, attamen strenuum. Factus es ei rursus nescio quomodo familiaris. Habebat hoc omnino Cæsar, quem planè perditum ære alieno, egentemque, si eundem nequam

77. 3tio. Iterum Dialogismo irridet levitatem Antonii, qui ut inopinato se conjugii ostenderet, nocte urbem iniit, quamquam & aliæ causæ turpiores fuisse noctu redeundi.

78. Consulatu oppressit Rempubl. imo: Ante Kal. Jan. egens & ære alieno perditus in Cæsaris gratiam receptus, hujus non item populi jussu Consul dicitur, eluso perfide Dolabella,

PHILIPPICA II.

quam hominem audacemque cognoverat, hunc in familiaritatem libentissimè recipiebat.

79. His igitur rebus præclarè commendatus, iussus est renunciari Consuli; & quidem cum ipso. Nichil queror de Dolabella, qui tum est impulsus, inductus, elusus. Qua in re quanta fuerit utriusque vestrum perfidia in Dolabellam, quis ignorat? ille induxit, ut peteret; promissum & ereptum intervertit, ad seque transtulit; tu ejus perfidiæ voluntatem tuam adscripsisti. Veniunt Calen. Januarij; cogimur in Senatum; invecus est copiosius multò in istum, & paratius Dolabella, quàm nunc ego. Hic autem iratus, quæ dixit, dii boni!

80. Primùm cum Cæsar ostendisset, se prius quàm proficisceretur, Dolabellam Consulem esse iussurum; quem negant regem, qui & faceret semper ejusmodi aliquid, & diceret; sed cum Cæsar ita dixisset, tum hic bonus augur, eo se sacerdotio præditum esse dixit, ut comitia auspiciis vel impedire, vel vitare posset; idque se facturum esse asseveravit. In quo primùm incredibilem stupiditatem hominis cognoscite

81. Quid enim? isthuc, quod te sacerdotii jure facere posse dixisti, si augur non esses, & Consul esses, minus facere potuisses? Vide, ne etiam facilius. Nos enim nunciationem solum habemus; Consules, & reliqui magistratus etiam spectionem. Esto hoc imperitè (nec enim ab homine nunquam sobrio postulanda providentia) sed videte impudentiam. Multis ante mensibus in Senatu dixit, sed Dolabellæ comitia aut prohibiturum auspiciis; aut id facturum esse quod fecit. Quisquamne divinare potest, quid vitii in auspiciis futurum sit, nisi qui de cælo servare constituit? quod neque licet comitiis per leges, & si quis

80. *Postquam Magistratum iniit, audiretque Cæsari in Parthos abituro Dolabellam Consulem subrogandum, impudenter & imperitè se ad Sacerdotium rediturum, & auspicia oppositurum dicit,*



## PHILIPPICA II.

quis servavit, non habitis comitiis, sed prius quam habeantur, debet nunciare. Verum implicata inscitia impudentia est; nescit, quod augurem, nec facit, quod pudentem decet.

82. Atque ex illo die recordamini ejus usque ad Idus Martias Consulatum. Quis unquam apparitor tam humilis? tam abjectus? nihil ipse poterat; omnia rogabat; caput in adversam lecticam inferens, beneficia, quæ venderet, à collega petebat. Ecce Dolabellæ comitiorum dies; fortitio prærogativæ; quiescit, renunciatur, tacet. Prima classis vocatur; renunciatur. Ita, ut assolet, suffragia. Tum secunda classis; quæ omnia sunt citius facta, quam dixi. Confecto negotio, bonus Augur (Læium diceret) alio die, inquit.

83. O impudentiam singularem! quid videras? quid senseras? quid audieras? nec enim te de cælo servasse dixisti, neque hodie dicis. Id igitur obvenit vitium, quod tu jam Calendis Januar. futurum esse provideras, & tantò antè prædixeras. Ergo hercule magna, ut spero, tuâ potius, quam Reipub. calamitate, ementitus es auspicia; obstrinxisti populum Roman. Religione; Augur Auguri, Consul Consuli, obnunciasti. Noli plura, ne acta Dolabellæ videar convellere; quæ necesse est, aliquando ad nostrum collegium deferantur.

84. Sed arrogantiam hominis, insolentiamque cognoscite. Quamdiu tu voles, vitiosus Consul Dolabella; rursus, cum voles, salvis auspiciis creatus. Si nihil est, cum Augur his verbis nunciat, quibus

tu

82. *A Kal. Jan. ad Idus Martias pari inscitia & Impudentia obnunciavit Comitiis, cum nihil inesset vitii, religiones fingendo.*

84. *Digreditur ad Lupercalia, quibus Ant. Cæsari diadema supplex obtulit, idque fastis inscribi voluit, quod flagitium Orator maximo populi R. odio & morte dignum amplificat exemplis multorum.*

## PHILIPPICA II.

tu nunciasti, confitere te, cùm alio die dixeris, sobrium non fuisse. Sin est aliqua vis in istis verbis, ea quæ sit, Augur à collega requiro. Sed ne fortè ex multis rebus gestis, M. Antonii rem unam pulcherrimam transfiliat oratio, ad Lupercalia veniamus. Non diffimulat P. C. apparet esse commotum; sudat, pallet. Quidlibet, modò ne nauseet, faciat; quod in porticu Minutia fecit. Quæ potest esse turpitudinis tantæ defensio? cupio audire; ut videam, ubi Rhetoris tanta merces, ubi campus Leontinus appareat.

85. Sedebat in rostris collega tuus, amictus togâ purpureâ, in sella aurea, coronatus. Ascendis; accedis ad sellam; ita eras Lupercus, ut te esse Consul memuisse deberes. Diadema ostendis, gemitus toto foro. Unde diadema? non enim abjectum sustuleras; sed attuleras domo meditatam & cogitatum scelus. Tu diadema imponebas cum plan-gore populi; ille cum plausu rejiciebat. Tu ergo unus, scelerate, inventus es; qui, cùm auctor regni esses, eum, quem collegam habebas, dominum habere velles, & idem tentares, quid populus Rom. ferre & pati possit.

86. At etiam misericordiam captabas; supplex te ad pedes abijciebas. Quid petens? ut servires? tibi uni peteres, qui ita à puero. vixeras, ut omnia paterere, ut facile servires. A nobis populoque Romano mandatum id certè non habebas. O præclaram illam eloquentiam tuam! cùm es nudus concionatus: Quid hoc turpius? quid foedius? quid suppliciiis omnibus dignius? num expectas, dum testimulis fodiam? hæc te, si ullam partem habes sensûs, lacerat, hæc cruenta: oratio. Vereor, ne imminuam virorum summorum gloriam. Dicam tamen dolore commotus. Quid indignius, quàm vivere eum, qui imposuerit diadema? cùm omnes fateantur, jure interfectum esse, qui abjecerit.

87. At



## PHILIPPICA II.

87. At etiam inscribi jussit in fastis ad Lupercalia: *C. Cæsari Dictatori perpetuo M. Antonium Consulem populi jussu regnum detulisse, Cæsarem uti noluisse.* Jam jam minimè miror, te otium perturbare; non modò urbem odisse, sed etiam lucem; cum perditissimis latronibus non solum de die, sed etiam in diem vivere. Ubi enim tu in pace consistes? qui locus tibi in legibus, & in judiciis esse potest? quæ tu, quantum in te fuit, dominatu regio sustulisti? Ideone L. Tarquinius exactus? Spurius Cassius, Melius, M. Manlius necati? ut multis pòst seculis à M. Antonio, quod fas non est, Rex Romæ constitueretur?

88. Sed ad auspicia redeamus. De quibus rebus Idib. Martiis fuit in Senatu Cæsar acturus. Quæro, tum tu quid egisses? Audiebam equidem, te paratum venisse; quòd me de e mentitis auspiciis, quibus tamen parère necesse erat, putares esse dicturum. Sustulit illum diem fortuna Reipub. Num etiam tuum de auspiciis judicium interitus Cæsaris sustulit? Sed incidi in id tempus, quod iis rebus; in quas ingressa erat oratio, prævertendum est. Quæ tua fuga? quæ formido illo præclaro die? Quæ propter conscientiam scelerum desperatio vitæ? cum ex illa fuga beneficio eorum, qui te, si sanus esses, salvum esse voluerunt, clam te domum recepisti?

89. O mea semper frustra verissima auguria rerum futurarum! dicebam illis in Capitolio liberatoribus nostris, cum me ad te ire vellent; ut ad defendendam Rempub. te adhortarer; quoad metueres, omnia te promissurum; simul ac timere desisses, similem

88. *Ipsas Idus Martias, quo die cæsus est Cæsar, e mentita iterum auspicia parabat. Hujus verò præclari auguris timorem & fugam conscientie præteritorum scelerum ascribit Cicero, ac futura ejus scelera verissimè prospexit.*

PHILIPPICA II.

lem te futurum tui. Itaque cum cæteri Consulares irent, redirent, in sententia mansi; neque te illo die, neque postero vidi; neque ullam societatem optimis civibus eum importunissimo hoste fœdere ullo confirmari posse credidi. Post diem tertium veni in ædem Telluris, & quidem invitus, cum omnes aditus armati obsiderent.

90. Qui tibi dies ille M. Antoni fuit? Quanquam mihi subito inimicus extitisti; tamen me tui miseret, quod tibi iavideris. Qui tu vir, dii immortales, & quantus fuisses; si illius diei mentem servare potuisses? Pacem haberemus, quæ erat facta per obsidem puerum nobilem M. Bambalionis nepotem. Quanquam te bonum timor faciebat. non diuturnus magister officii; improbum fecit ea, quæ, dum timor abest, à te non discedit, audacia. Etsi tum, cum optimum te putabant, me quidem dissentiente, funeri Tyranni, si illud funus fuit, sceleratissime præfuisi. Tua illa pulchra laudatio, tua miseratio, tua cohortatio.

91. Tu, tu inquam, illas faces incendisti; & eas quibus semiustulatus ille est: & eas, quibus incensa L. Bellieni domus deslagravit. Tu illos impetus perditorum, & ex maxima parte servorum, quos nos vi manuque repulimus, in nostras domos immisisti. Idem tamen, quasi fuligine abstersâ, reliquis diebus in Capitolio præclara Senatusconsulta fecisti; ne qua post Idus Martias immunitatis tabula, neve cuius beneficii figeretur. Meministi ipse de exulibus, scis; de immunitate quid dixeris. Optimum verò, quod Dictaturæ nomen in perpetuum de Republica sustulisti. Quo quidem facto tantum te cepisse odium regni videbatur; ut ejus omnem propter proximum Dictatorem metum tolleres.

92. Con-

90. *Quidquid lude rectè & à Repub. fecit, timore & simulatione fecit; postea verò redeunte audacia, nihil non improbè facturum prævidet & vaticinatur Cicero.*



## PHILIPPICA II.

92. Constituta Respub. videbatur aliis; mihi verò nullo modo; qui omnia, te gubernante, naufragia metuebam. Num igitur me fefellit? aut num diutius fui potuit esse dissimilis? Inspectantibus vobis, toto Capitolio tabulæ figebantur, neque solùm singulis veniebant immunitates, sed etiam populis civitas non jam singillatim, sed provinciis totis dabatur. Itaque si hæc manent, quæ stante Repub. manere non possunt, provincias universas, Patres Conscripti, perdidisti; neque vectigalia solùm, sed etiam imperium populi Rom. hujus domesticis nundinis diminutum est.

93. Ubi est septies millies sestertiùm? quod est in tabulis, quæ sunt ad Opis? funesta illius quidem pecunia, sed tamen quæ nos, si iis, quorum erat, non redderetur, à tributis posset vindicare. Tu autem quadringenties sestertiùm, quod Idibus Martiis debuisti, quonam modo ante Calend. April. debere desisti? quid ego de commentariis infinitis, quid de innumerabilibus chirographis loquar? sunt ea quidem innumerable, quæ à diversis emebantur, non insciente te. Sed unum egregium de Rege Dejotaro, populi Romani amicissimo, decretum in Capitolio fixum. Quo proposito nemo erat, qui in ipso dolore risum posset continere.

94. Quis enim cuiquam inimicior, quàm Dejotaro Cæsar? æque atque huic ordini, ut Equestri, ut Massiliensibus, ut omnibus, quibus Rempub. populi Rom. charam esse sentiebat. Igitur, à quo vivo, nec præsens, nec absens quicquam æqui boni impetravit, apud mortuum factus est gratosus. Compellârat hospitem

92. *Opinionem suam confirmat ex immunitatibus palam venditis & ex septies milles sestertium, quos rapuit.*

93. *Item ex restituta & vendita Dejotaro Regi parte Gallo-Græciæ & Armeniæ, quas Cæsar eripuerat.*

PHILIPPICA II.

spitem præsens, computârat, pecuniam impetrârat; in ejus tetrarchia unum ex Græcis comitibus suis collocârat; Armeniam abstulerat à Senatu datam. Hæc vivus eripuit, reddit mortuus.

95. At quibus verbis? modo æquum sibi videri, modò non iniquum. Mira verborum complexio. At ille nunquam (semper enim absenti affui Deiotaro) quicquam sibi, quod nos pro illo postularem, æquum dixit videri. Syngrapha HS. centies per legatos viros bonos, sed timidos & imperitos sine Sexti, sine reliquorum hospitem regis sententia facta in gynæceo. Quo in loco plurimæ res venierunt, & veneunt. Qua ex syngrapha quid sis aucturus, meditare censeo. Rex enim ipse suâ sponte, nullis commentariis Cæsaris, simul atque audivit ejus interitum, suo Marte res suas recuperavit.

96. Sciebat homo sapiens, jus semper hoc fuisse; ut quæ Tyranni eripuissent, ea, Tyrannis interfectis, ii quibus erepta essent, recuperarent. Nemo igitur Jure consultus, ne iste quidem, qui tibi uni est Jureconsultus, per quem hæc agis, ex ista syngrapha debere dicit pro iis rebus, quæ erant ante syngrapham recuperatæ. Non enim à te emit; sed prius, quàm tu suum sibi venderes, ipse possedit. Ille vir fuit; nos quidem contemnendi, qui auctorem odimus, acta defendimus.

97. Quid ego de commentariis infinitis, quid de innumerabilibus chirographis loquar? quorum etiam imitatores sunt, qui ea, tanquam gladiatorum libellos, palam venditent. Itaque tanti acervi nummorum apud istum construuntur; ut jam appendantur, non numerentur pecuniæ. At quam cæca avaritia est? nuper fixa tabula est, qua civitates locupletissimæ Cretensium vectigalibus liberantur; statuiturque, nè post M. Brutum Proconsulem sit Creta Provincia.

Tu

97. Tum ex Creta vectigalibus liberata fittis pro libidine commentariis & chirographis Cæaris.



## PHILIPPICA II.

Tu mentis es compos? Tu non constringendus? an Cæsaris decreto Creta post M. Bruti decessum potuit liberari? cum Creta nihil ad Brutum, Cæsare vivo, pertineret? At hujus venditione decreti (nō nihil actum putetis) Provinciam Cretam perdidistis. Omnino nemo ullius rei fuit emptor, cui defuerit hic venditor.

98. Et de exulibus legem, quam fixisti, Cæsar tulit? nullius infector calamitatem; tantum queror, primum eorum reditus inquinatos, quorum causam Cæsar dissimilem judicavit. Deinde nescio, cur non reliquis idem tribuas. Neque enim plus, quam tres aut quatuor reliqui sunt, qui simili in calamitate sunt. Cur tuâ misericordiâ simili non fruuntur? Cur eos habes in loco patruī? de quo ferre, cum de reliquis ferres, noluisti. Quem etiam ad censuram petendam impulisti; eamque petitionem comparâsti, quæ & risus hominum, & querelas moveret.

99. Cur autem ea comitia non habuisti? an quia Tribunus plebis sinistrum fulmen nunciabat? Cum tuâ quid interest, nulla auspia sunt; cum tuorum, tam sis religiosus. Quid? eundem in Septemviratu nonne destituisti? intervenit enim, cum metuisti; credo, ne salvo capite negare non posses. Omnibus eum contumeliis onerâsti; quem patris loco, si ulla in te pietas esset, colere debebas; filiam ejus, sororem tuam eiecisti, alia conditione quæsitâ, & antè perspectâ. Non es satis; probri insimulâsti pudicissimam sceminam. Quid est, quod addi possit? contentus eo non fuisti. Frequentissimo Senatu Cal. Jan. sedente Patruo, hanc tibi esse cum Dolabella causam odii dicere ausus es; quod ab eo sorori, & uxori tuæ stuprum esse oblatum comperisses. Quis interpretari potest, impudentiorne, qui in Senatu; an improbior, qui in Dolabellam; an impurior,

98. *Ex lege etiam ficta nomine Cæsaris, de restituendis exulibus derelictio impie patruo. Parva hinc fit digressio ad injurias; quibus affecti patrum.*

## PHILIPPICA II.

impurior, qui patre audiente, an crudelior, qui in illam miseram tam spurcè, tam impiè dixeris?

100. Sed ad chirographa redeamus, quæ tua fuit cognitio: acta enim Cæsaris, pacis causa confirmata sunt à Senatu; quæ quidem Cæsar egisset, non ea, quæ Cæsarem egisse dixisset Antonius. Unde ista erumpunt? quo auctore proferuntur? si sunt falsa, cur probantur? si vera, cur veneunt? at si placuerat, ut ex Calend. Junius de Cæsaris actis cum consilio cognosceretis, quod fuit consilium? quem unquam convocasti? quas Cal. Junias expectasti? an eas, ad quas te, peragratis veteranorum coloniis, stipatum armis, retulisti? O præclaram illam percursionem tuam mense Aprilis atque Majo! tum, cum etiam Capuam coloniam deducere conatus es, quemadmodum illinc abieris, vel potius penè non abieris, scimus.

101. Cui tu urbi minitaris! utinam conère, ut aliquando illud penè tollatur. At quam nobilis tua illa peregrinatio? quid prandiorum apparatus, quid furiosam vinolentiam tuam proferam? Tua ista detrimenta sunt; illa nostra. Agrum Campanum, qui cum de vetigalibus eximebatur, ut militibus daretur, tamen infligi magnum Reip. vulnus putabamus; hunc tu compransoribus tuis, & collusoribus dividebas. Mimos dico, & mimas in agro P. C. Campano collocatos. Quid jam querar de agro Leontino? quoniam quidem hæ quondam arationes in populi Romani patrimonio grandi fœnore & fructuosæ ferebantur. Medico tria milia jugerum, quasi te sanasset; Rhetori duo, quasi disertum facere potuisset. Sed ad iter, Italiamque redeamus.

102. Dedu-

100. *Inde redit ad chirographa Cæsaris adulterata; & percursionem ejus ironice traducit, quod coloniam Capuam deducere conatus sit, item alteram ejus peregrinationem ut veteranis Leontinum & Campanum agrum largiretur.*



## PHILIPPICA II.

102. Deduxisti coloniam Casilinum, quo Cæsar ante deduxerat. Consulueris me per literas de Capua tu quidem, sed idem de Casilino respondissem; possesne, ubi colonia esset, eò coloniam novam jure deducere. Negavi in eam coloniam, quæ esset auspiciato deducta, dum esset incolumis, coloniam novam jure deduci; colonos novos adscribi posse, rescripsi. Tu autem insolentiâ elatus, omni auspiciorum jure turbato, Casilinum coloniam deduxisti, quò erat paucis annis antè deducta; ut vexillum tolleres, & aratrum circumduceres; cujus quidem vomere portam Capuæ penè perstrinxisti, ut florentis colonix territorium minueretur.

103. Ab hac religionum perturbatione advolas in M. Varronis, sanctissimi atque integerrimi viri fundum Cassinatem. Quo jure? quò ore? eodem, inquires, quo in hæredum L. Rubrii, quo in hæredum L. Turselii prædia, quo in reliquis innumerabiles possessiones. Et si ab hasta, valeat hasta, valeant tabulæ; modo Cæsaris, non tuæ; quibus debuisti, non quibus tu te liberavisti. Varronis quidem Cassinatem fundum quis veniisse dicit? quis hastam istius venditionis vidit? quis vocem præconis audivit? misisse te dicis Alexandriam. qui emeret à Cæsare. Ipsum enim expectare magnum fuit.

104. Quis verò audivit unquam (nullius autem salus curæ pluribus fuit) de fortunis Varronis rem ullam esse detractam? Quid si etiam scripsit ad te Cæsar, ut redderes; quid satis potest dici de tanta impudentia? Remove gladius parumper illos, quos videmus: jam intelliges aliam causam esse hastæ Cæsaris,

102. *Ad iter Italiæ reversus reprehendit, quod auspiciorum jure turbato Casilinum coloniam deduxerit.*

103. *Item quod M. Varronis fundum sine jure pudore vel auctionis mentione, vi & magna cupiditate occupavit.*

104. *In isto autem fundo insectatur exclamatione & hypotyposi temulentiam Antonii opposita Varrouis frugalitate ac sapientia.*

*PHILIPPICA II.*

ris, aliam confidentiæ & temeritatis tuæ. Non enim te dominus modò illis sedibus, sed quivis amicus, vicinus, hospes, procurator arcebit. At quam multos dies in ea villa turpissimè es perbacchatus? ab hora tertia bibebatur, ludebatur, vomebatur. O tecta ipsa misera, quàm dispari domino (quanquam quomodo iste dominus?) sed tamen quam à dispari tenebantur! Studiorum enim suorum M. Varro voluit esse illud, non libidinum diversorium.

105. Quæ in illa villa antè dicebantur? quæ cogitabantur? quæ literis mandabantur? jura pop. Rom. Monumenta majorum, omnis sapientiæ ratio, omnisque doctrina. At verò te inquilino (non enim domino) personabant omnia vocibus ebriorum; natabant pavimenta vino; mædebant parietes; ingenui pueri cum meritoriis, scorta inter matres familias versabantur. Caesilino salutatum veniebant, Aquino, Interamna, admissus est nemo. Jure id quidem. In homine enim turpissimo obsolescebant dignitatis insignia.

106. Cùm inde Romam proficiscens ad Aquinum accederet; obviam processit (ut est frequens municipium) magna sanè multitudo. At iste opertâ lecticâ latus est per oppidum, ut mortuus. Stultè Aquinates. Sed tamen in via habitabant. Quid Anagnini? qui cùm essent devii, obviam ei descenderunt; ut istum, tanquam si esset, Consulem salutarent, Incredible dictum; sed tamen inter omnes constabat, neminem esse resalutatum. Præsertim cùm duos secum Anagninos haberet, Mustellam & Laconem; quorum alter gladiatorum est princeps, alter poculorum. Quid ego illas itius minas contumeliasque commemorem, quibus inVectus est in Sidicinos? vexavit Puteolanos, quod C. Cassium & Brutos patronos adoptassent, magno quidem judicio, studio, benevolentia, charitate non

106. *Exaggerat in eodem fundo & itinere quod Aquinates & Anagninos non resalutaverit, Sidicinos & Puteolanos divexaverit.*



## PHILIPPICA II.

non ut te; ut Basilum, vi & armis, & alios vestri similes, quos clientes nemo habere velit, non modo illorum cliens esse.

107. Interea dum tu abes, qui dies ille Collegæ tui? cum illud, quod tu venerari solebas, bustum in foro evertit? qua re tibi nunciata, ut constabat inter eos, qui una fuerunt, concidisti. Quid evenit postea, nescio. Metum credo valuisse, & arma. Collegam quidem de cœlo detraxisti; effecistique, non tu quidem etiam nunc, ut sit similis tui, sed certè dissimilis esset sui.

108. Qui verò reditus inde Romam? quæ perturbatio totius urbis? memineras Cinnam nimis potentem, Syllam postea dominantem modò Cæsarem regnantem videramus. Erant fortasse gladii, sed absconditi, nec ita multi. Ista verò quæ, & quanta barbaria est? agmine quadrato cum gladiis sequuntur; milites scutorum lecticas portari videmus. Atque his quidem jam inveteratis P. C. consuetudine obduruimus. Calen. Jun. cum in Senatum, ut erat constitutum, venire vellemus; metu perterriti repente diffugimus.

109. At iste qui Senatu non egeret; neque desideravit quenquam, & potius discessu nostro lætatus est; statimque illa mirabilia facinora effecit, qui chirographa Cæsaris defendisset lucri sui causâ; is leges Cæsaris, easque præclaras, ut Remp. concutere posset, evertit. Numerum annorum provinciis prorogavit; idemque, cum actorum Cæsaris defensor esse deberet, & in publicis, & in privatis rebus acta Cæsaris rescidit. In publicis actis nihil est lege gravius; in privatis

107. *Post hoc reditum ejus in urbem amplificat dissimili exemplo Collegæ sui Dolabellæ, de Republ. bene meriti, & comparatione Tyrannorum Cinnæ Syllæ, Cæsaris.*

109. *Nam acta Cæsaris rescidit, & testamentum irritum fecit.*

## PHILIPPICA II.

vatis firmissimum est testamentum. Leges alias sine promulgatione sustulit; alias ut tolleret, promulgavit. Testamentum irritum fecit; quod etiam infimis civibus semper obtentum est. Signa, tabulas, quas populo Cæsar una cum hortis legavit, eas hic partim in hortos Pompeij deportavit, partim in villam Scipionis.

II. Et tu in Cæsaris memoria diligens? tu illum amas mortuum? quem is majorem honorem consecutus erat, quam ut haberet pulvinar, simulacrum, fastigium, Flaminem? Est ergo Flamen, ut Jovi, ut Marti, ut Quirino, sic Divo Julio M. Antonius. Quid igitur cessas? cur non inaugurare? sume diem: vide, qui te inauguret, collegæ sumus, nemo negabit. O detestabilem hominem! sive quod Tyranni sacerdos es, sive quod mortui. Quæro deinceps, num hodiernus dies, quis sit, ignores? nescis heri quartum in Circo diem ludorum Romæ fuisse? Te ipsum autem ad populum tulisse, ut quintus præterea dies Cæsari tribueretur? Cur non sumus prætextati? cur honorem Cæsaris tua lege datum deferri patimur? an supplicationes addendo diem contaminari passus es? pulvinaria noluisti? aut undique religionem tolle, aut usquequaque conserva.

III. Quæres: placeatne mihi pulvinar esse, fastigium, Flaminem? mihi verò nihil istorum placet. Sed tu, qui acta Cæsaris defendis, quid potes dicere? cur alia defendas, alia non cures? nisi fortè vis fateri, te omnia quæstu tuo, non illius dignitate metiri. Quid adhæc tandem? expecto enim eloquentiam tuam. Disertissimum cognovi avum tuum; at etiam apertio-rem in dicendo. Ille nunquam nudus est concionatus,

)o(

tuum

II. Quos honores vivo Cæsari diligenter curare visus est; nunc mortuo persolvere negligit, vel ex instantia, vel ex proprio quæstu.

III. Concludit longam insectationem comparando et cavillando, sed jam quasi victor insultat adversario.



## PHILIPPICA II.

taum hominis simplicis pectus vidimus. Respondebisne ad hæc? aut omnino hiscere audebis? ecquid reperies ex tam longa oratione mea: cui respondere posse confidas? sed præterita omittamus.

112. *Peroratio.* Hunc unum diem, hunc unum inquam, hodiernum diem, hoc punctum temporis, quo loquor, defende, si potes. Cur armatorum coronâ Senatus septus est? cur me tui satellites cum gladiis audiunt? cur valvæ Concordiæ non patent? cur homines omnium gentium, maximè barbaros Ithuræos, cum sagittis deducis in forum? præsidii sui causâ se facere dicit. Nonne igitur millies perire est melius, quàm in sua civitate sine armatorum præsidio, non posse vivere? sed nullum est istuc: mihi crede, præsidium Charitate & benevolentia civium septum oportet esse, non armis. Eripiet, extorquebit tibi ista populus Rom: utinam salvis nobis! sed quoquo modo nobiscum egeris, non potes, mihi crede, esse diuturnus. Etenim ista tua minimè avara conjux, quam ego sine contumelia describo, nimium debet diu populo Rom. pensionem tertiam. Habet populus Rom. ad quos gubernacula Reip. deferat; qui ubicunque terrarum sunt, ibi est omne Reip. præsidium, vel potius ipsa Resp. Quæ se adhuc tantummodo ulta est, nondum recuperavit. Habet quidem certè Resp. adolescentes nobilissimos, paratos defensores. Quam volent, illi cedant, otio consulentes; tamen à Republ. revocabuntur. Et nomen pacis dulce est, & ipsa res salutaris. Sed inter pacem & servitutem plurimum interest. Pax est tranquilla libertas; servitus, postremum malorum omnium, non modo bello, sed morte etiam repellendum. Quòd si seipsos illi nostri liberatores è conspectu nostro abstulerunt; at exemplum facti reliquerunt. Illi, quod nemo fecerat, fecerunt.

Tar-

112. *Peroratio. Avocat Antonium à consilio armorum; quibus Senatum obsidet ipsi interitum minatur exemplo Clodii & Curionis.*

180

PHILIPPICA II.

Tarquinius Brutus bello est persecutus, qui rex fuit, eum esse Romæ regem licebat. Spurii, Cassius, Mælius, M. Manlius, propter suspicionem regni appetendi, necati: Hi primi cum gladiis, non in regnum appetentem, sed in regnantem impetum fecerunt. Quod cum ipsum factum per se præclarum est atque Divinum, tum expositum ad imitandum; præsertim cum illi eam gloriam consecuti sint, quæ vix cælo capi posse videatur. Et si enim satis in ipsâ conscientia pulcherrimi facti fructus erat; tamen mortali immortalitatem non arbitror cotemneendam. Recordare illum, M. Antoni diem, quo Dictaturam sustulisti; pone ante oculos lætitiâ Senatus populique Romani; confer cum nundinatione tuâ, tuorumque; tum intelliges, quantum inter laudem & lucrum intersit. Sed nimirum, ut quidam morbo aliquo, & sensus stupore suavitatem cibi non sentiunt; sic libidinosi, avari, facinorosi, veræ laudis gustum non habent. Sed si te laus allicere ad recte faciendum non potest, ne metus quidem à foedissimis factis potest avocare. Iudicia non metuis. Si propter innocentiam, laudo, si propter vim, non intelligis, ei, qui isto modo iudicia non timeat, quid timendum sit? Quod si non metuis viros fortes, egregiosque cives, quod à corpore tuo prohibetur armis, tui, te, mihi crede, diutius non ferent: quæ est autem vita, dies & noctes timere à suis? nisi verò aut majoribus habes beneficiis obligatos, quam ille quosdam habuit ex iis, à quibus est interfectus; aut tu es ulla re cum eo comparandus? Fuit in illo ingenium, ratio, memoria, literæ, cura, cogitatio, diligentia. Res bello gesserat, quamvis Reip. calamitosas, attamen magnas. Multos annos regnare est meditatus: magno labore, magnis periculis, quod cogitaverat, effecerat, muneribus, monumentis; congiariis, epulis, multitudinem imperitam delinierat. Suos præmiis adversarios clementiæ specie devinxerat. Quid multa? attulerat jam liberæ civitati, partim metu, partim patien-

tia



PHILIPPICA II.

tia consuetudinem serviendi. Cùm illo ego te dominandi cupiditate conferre possum; cæteris verò rebus nullo modo es comparandus. Sed ex plurimis malis, quæ ab illo Reip. sunt inusta, hoc tamen boni est; quod didicit jam populus Rom. quantum cuique crederet, quibus se committeret, à quibus caveret. Hæc non cogitas? nec intelligis, satis esse viris fortibus didicisse, quàm sit re pulchrum, beneficio gratum, fama gloriosum, Tyrannum occidere? an, cùm illum homines non tulerint, te ferent? Certatim posthac, mihi crede, ad hoc opus curretur; nec occasionis tarditas expectabitur. Respice quæso aliquando Rempubl. M. Antoni; quibus ortus sis, non quibuscum vivis, considera: mecum, ut voles: cum Republ. redi in gratiam. Sed de te tu ipse videris. Ego de me ipso profitebor. Defendi Remp. adolescens, non deferam senex; contempsi Catilinæ gladios, non pertimescam tuos. Quin etiam corpus libenter obtulerim, si repræsentari morte mea libertas Civitatis potest; ut aliquando dolor populi Rom. pariat, quod jam diu parturit. Etenim si abhinc annos propè viginti hoc ipso in templo, negavi posse mortem immaturam esse Consulari; quantò verius nunc negabo seni? mihi verò P. C. jam etiam optanda mors est, persuncto rebus iis, quas adeptus sum, quasque gessi. Duo modò hæc opto: unum, ut moriens populum Romanum liberum relinquam. Hoc mihi majus à Diis immortalibus dari nihil potest. Alterum, ut ita cuique eveniat, ut de Republica quisque mereatur.




# CORNELII NEPOTIS

V I T Æ

Excellentium Imperatorum.

*Pars Posterior.*



XV.

E P A M I N O N D A S

*SYNOPSIS.*

I. Origo. Thebanus. II. Vita, ubi occurrunt. I. *Virtutes animi, scilicet; eruditio in musica, in Philosophia, in palæstra c. 2. Prudentia. Corporis robur. Animi magnitudo. Veracitas. Continentia. Patientia. Taciturnitas. Studium discendi. Liberalitas. c. 3. Abstinencia c. 4. Eloquentia c. 5. & 6. Injuriarum oblivio. c. 7. II. Res gestæ. Apud Leuctra Lacedæmonios superavit, solitoque diutius retentum imperium graviter excusavit. c. 7. & 8. Messenam obsidione cinxit. c. 8. Apud Mantineam Lacedæmonios sua morte superavit: c. 9. III. Mors. In prælio apud Mantineam mortiferum vulnus accepit, eoque fuit extinctus. c. 9. Elogium defuncti. c. 10.*

*Caput I.*

**E**PAMINONDAS Polymini filius, Thebanus. De hoc priusquam scribamus, hæc præcipienda videntur lectoribus, ne alienos mores ad suos referant; neve ea, quæ ipsis leviora sunt, pari modo apud cæteros fuisse, arbitrentur. Scimus enim, Musicen nostris moribus abesse à principis persona; saltare etiam in vitiis poni. Quæ omnia apud Græcos & grata & laude digna ducuntur. Cum autem exprimere imaginem consuetudinis atque vitæ velimus Epaminondæ, nihil videmur debere prætermittere, quod pertineat ad eam declarandam. Quare dicemus primum de genere ejus: deinde quibus disciplinis, & à

Aa

qui-



## CORN. NEPOTIS.

quibus sit eruditus: tum de moribus, ingeniiq; facultatibus, & si qua alia digna memoriâ erunt: postremo de rebus gestis, quæ a plurimis omnibus anteponuntur virtutibus.

*Cap. II.* Natus igitur patre, quo diximus, honesto genere, pauper jam a maioribus relictus. Eruditus autem sic, ut nemo Thebanus magis. Nam & citharizare, & cantare ad chordarum sonum doctus est a Dionysio: qui non minore fuit in musicis gloria, quam Damon, aut Lamprus; quorum pervulgata sunt nomina: carmina cantare tibiis ab Olympiodoro, saltare a Calliphrone. At Philosophiæ præceptorem habuit Lyfim Tarentinum, Pythagoreum: cui quidem sic fuit deditus, ut adolescens tristem & severum senem omnibus æqualibus suis in familiaritate anteposuerit: neque prius eum a se dimiserit, quam doctrinis tantò antecessit condiscipulos, ut facile intelligi posset, pari modo superaturum omnes in cæteris artibus. Atque hæc ad nostram consuetudinem sunt levia, & potius contemnenda: at in Græcia utique olim magnæ laudi erant. Postquam ephebus factus est, & palæstræ dare operam cœpit, non tam magnitudini virium servivit, quam velocitati. Illam enim ad athletarum usum, hanc ad belli existimabat utilitatem pertinere. Itaque exercebatur plurimum currendo & luctando, ad eum finem, quoad stans complecti\* posset, atque contendere. In armis plurimum studii consumebat.

*Cap. III.* Ad hanc corporis firmitatem, plura etiam animi bona accesserant. Erat enim modestus, prudens, gravis, temporibus sapienter utens, peritus belli; fortis manu, animo maximo: adeo veritatis diligens, ut ne joco quidem mentiretur. Idem continens, clemens, patiensque admirandum in modum non solum populi, sed etiam amicorum ferens injurias: inprimisque commissa celans: quod interdum  
nos

\* Complecti scilicet adversarium. Nam duplex erat pugna: erecta stantium, & volutatoria jacentium.

## *XV. EPAMINOND.*

non minus prodest, quam diserte dicere: Studiosus audiendi, ex hoc enim facillime disci arbitrabatur. Itaque cum in circulum venisset, in quo aut de republica disputaretur, aut de Philosophia sermo haberetur, nunquam inde prius discessit, quam ad finem sermo esset deductus. Paupertatem adeo facile perpessus est, ut de republica nihil, præter gloriam, ceperit. Amicorum in se tuendo caruit facultatibus. Fide ad alios sublevandos sæpe sic usus est, ut possit judicari, omnia ei cum amicis fuisse communia. Nam cum aut civium suorum aliquis ab hostibus fuisset captus, aut virgo amici nubilus propter paupertatem collocari non posset, amicorum concilium habebat, & quantum quisque daret, pro cuiusque facultatibus, imperabat. Eamque summam cum faceret, prius quam acciperet pecuniam, adducebat eum, qui quærebat, ad eos, qui conferebant; eique ut ipsi numerarent, faciebat; ut ille, ad quem ea res perveniebat, sciret, quantum cuique deberet.

*Cap. IV.* Tentata autem est ejus abstinentia à Diomedonte Cyziceno. Namque is rogatu Artaxerxis Epaminondam pecunia corrumpendum suscepit. Hic magno cum pondere auri Thebas venit, & Micythum adolescentulum quinque talentis ad suam perduxit voluntatem: quem tum Epaminondas plurimum diligebat. Micythus Epaminondam convenit, & causam adventus Diomedontis ostendit. At ille Diomedonte coram: Nihil, inquit, opus pecunia est: nam si ea Rex vult, quæ Thebanis sunt utilia, gratis facere sum paratus. Sin autem contraria, non habet auri atque argenti satis. Namque orbis terrarum divitias accipere nolo, pro patriæ caritate. Te, qui me incognitum tentasti, tuique similem existimasti, non miror, tibi que ignosco: sed egredere properè, ne alios corrumpas, cum me non potueris. Tu Micythe, argentum huic redde, nisi id confestim facis, ego te tradam magistratui. Hunc Dio-



### CORN. NEPOTIS.

medon cum rogaret, ut tuto exire, suaque, quæ attulisset, liceret efferre, istud, inquit, faciam; neque tua causa, sed mea: ne si tibi sit pecunia adempta, aliquis dicat, ad me ereptum pervenisse, quod delatum accipere noluissem. A quo cum quæfisset, quò se deduci vellet, & ille Athenas dixisset, præsidium dedit, ut eo tutò perveniret. Neque vero id satis habuit, sed etiam ut inviolatus in navem ascenderet, per Chabriam Atheniensem, de quo supra mentionem fecimus, effecit. Abstinentiæ erit hoc satis testimonium. Plurima quidem proferre possemus, sed modus adhibendus est: quoniam uno hoc volumine *vitas excellentium virorum* complurium concludere constituimus; quorum separatim multis millibus versuum complures scriptores ante nos explicarunt.

*Cap. V.* Fuit & disertus, ut nemo Thebanus ei par esset eloquentia; neque minus concinnus in brevitate respondendi, quam in perpetua oratione ornatus. Habuit obtrectatorem Meneclidem quandam, indidem Thebis, & adversarium in administranda republica, satis exercitatum in dicendo, ut Thebanum scilicet. Namque illi genti plus inest virium, quam ingenii. Is, quod in re militari florere Epaminondam videbat, hortari solebat Thebanos, ut pacem bello anteferrent, ne illius Imperatoris opera desideraretur. Huic ille, fallis, inquit, verbo cives tuos, quod hos à bello avocas: Otii enim nomine servitutem concilias. Nam paritur pax bello. Itaque qui ea diutina volunt frui, bello exercitati esse debent. Quare si Principes Græciæ esse vultis, castris est vobis utendum, non palæstra. Idem ille Meneclides cum huic objiceret, quod liberos non haberet, neque uxorem duxisset; maximeque insolentiam, quod sibi Agamemnonis belli gloriam videretur consecutus: at ille, desine, inquit, Meneclide, de uxore mihi exprobrare: Nam nullius in ista re minus uti consilio volo, (Habebat enim Meneclides suspi-



## XV. EPAMINOND.

suspicionem adulterii. ) Quod autem me Agamemnonem æmulari putas, falleris. Namque ille cum universa Græcia vix decem annis unam cepit urbem; ego contra ex una urbe nostra, dieque uno, totam Græciam, Lacedæmoniis fugatis, liberavi.

*Cap. VI.* Idem cum in conventum venisset Arcadum, petens, ut societatem cum Thebanis & Argivis facerent: Contraque Callistratus Atheniensium legatus, qui eloquentiâ omnes eo præstabat tempore, postulare, ut potius amicitiam sequerentur Atticorum; & in oratione sua multa investus esset in Thebanos & Argivos, in eisque hoc posuisset; animadvertere debere Arcades, quales utraque civitas cives procreasset, ex quibus de cæteris possent judicare: Argivos enim fuisse Orestem & Alcæonem matricidas: Thebis Oedipum natum, qui, cum patrem suum interfecisset, ex matre liberos procreasset. Hic in respondendo Epaminondas, cum de cæteris perorasset, postquam ad illa duo opprobria pervenit, admirari se dixit stultitiam Rhetoris Attici, qui non animadverterit innocentes illos natos, domi scelere admissio, cum patriâ essent pulsi, receptos esse ab Atheniensibus. Sed maximè ejus eloquentia eluxit Spartæ legati ante pugnam Leuctricam. Quò cum omnium sociorum convenissent legati, coram frequentissimo legationum conventu, sic Lacedæmoniorum tyrannidem corguit, ut non minus illa oratione opes eorum concusserit, quam Leuctrica pugna. Tum enim perfecit, quod post apparuit, ut auxilio sociorum Lacedæmonii privarentur.

*Cap. VII.* Fuisse autem patientem, suorumque injurias ferentem civium, quod se patriæ irasci nefas esse duceret, hæc sunt testimonia. Cum eum propter invidiam cives exercitui præficere noluissent, duxque esset delectus belli imperitus, cujus errore eo esset deducta res illa militum, ut omnes de salute pertimescerent, quod locorum angustiis clausi ab hostibus obsidebantur: desiderari coepta est Epami-



## CORN. NEPOTIS.

nondæ diligentia. Erat enim ibi privatus numero militis: á quo cum peterent opem, nullam adhibuit memoriam contumeliæ, & exercitum obsidione liberatum domum reduxit incolumem. Neque vero hoc semel fecit, sed sæpius. Maxime autem fuit illustre, cum in Peloponnesum exercitum duxisset adversus Lacedæmonios, haberetque collegas duos, quorum alter erat Pelopidas vir fortis ac strenuus. Hic cum criminibus adversariorum omnes in invidiam venissent, ob eamque rem imperium his esset abrogatum, atque in eorum locum alii prætores successissent, Epaminondas plebiscito non paruit, idemque ut facerent, persuasit collegis, & bellum, quod susceperat, gessit. Namque animadvertibat, nisi id fecisset, totum exercitum propter prætorum imprudentiam, inscitiamque belli perituum. Lex erat Thebis, quæ morte multabat, si quis imperium diutius tenuisset, quam lege præfinitum foret. Hanc Epaminondas, cum reipubl. conservandæ causa latam videret, ad perniciem civitatis conferre noluit, & quatuor mensibus diutius quam populus jusserat, gessit imperium.

*Cap. VIII.* Postquam domum reditum est, collegæ ejus hoc crimine accusabantur, quibus ille permisit, ut omnem causam in se transferrent, suæque operæ factum contenderent, ut legi non obedirent. Quæ defensione illis periculo liberatis, nemo Epaminondam responsurum putabat, quod, quid diceret, non haberet. At ille in judicium venit, nihil eorum negavit, quæ adversarii crimini dabant, omniaque, quæ collegæ dixerant, confessus est, neque recusavit, quominus legis pœnam subiret; sed unum ab iis petivit, ut in periculo \* suo conscriberent: **EPAMINONDAS A THEBANIS MORTE MULTATUS EST, QUOD EOS COEGIT APUD LEUCTRA-SU-PERA-**

\* *Periculum pro libello, sive tabula Judicium. Nam & Cic. ait: tabulæ publicæ periculæ: Magistratum. l. 3. in Verr.*



# *XV. EPAMINOND.*

PERARE LACEDÆMONIOS, QUOS ANTE SE  
IMPERATOREM NEMO BŒOTIORUM AUSUS  
FUIT ASPICERE IN ACIE; QUODQUE UNO  
PROELIO NON SOLUM THEBAS AB INTERI-  
TU RETRAXIT; SED ETIAM UNIVERSAM GRÆ-  
CIAM IN LIBERTATEM VINDICAVIT; EOQUE  
RES UTRORUMQUE PERDUXIT, UT THEBA-  
NI SPARTAM OPPUGNARENT; LACEDÆMONII  
SATIS HABERENT, SI SALVI ESSE POSSENT;  
NEQUE PRIUS BELLARE DESTITIT, QUAM  
MESSENA CONSTITUTA URBEM EORUM OB-  
SIDIONE CLAUSIT. Hæc cum dixisset, risus o-  
mnium cum hilaritate coortus est: neque quisquam  
iudex ausus est de eo ferre suffragium.

*Cap. IX.* Sic á iudicio capitis maxima discessit  
gloriâ. Hic extremo tempore Imperator apud Man-  
tineam, cum acie instructa audacius instaret hosti-  
bus, cognitus á Lacedæmoniis, quod in ejus unius  
perniciæ patriæ sitam putabant salutem, universi in  
unum impetum fecerunt, neque prius abfcesserunt,  
quam magna cæde facta multisque occisis, fortissimè  
ipsam Epaminondam pugnâtem sparo eminus per-  
cussum concidere viderunt. Hujus casu aliquantu-  
lum retardati sunt Bœotii: neque tamen prius pu-  
gna exceßerunt, quam repugnantes profligarunt.  
At Epaminondas cum animadverteret, mortiferum  
se vulnus accepisse, simulque, si ferrum, quod ex  
hastili in corpore remanserat, extraxisset, animam  
statim amissurum: usque eo retinuit, quoad renun-  
tium est, vicisse Bœotios. Id postquam audivit, *sa-  
tis*, inquit, *vixi: invidius enim morior.* Tum ferro  
extracto, confestim exanimatus est.

*Cap. X.* Hic uxorem nunquam duxit; In quo cum  
reprehenderetur á Pelopida, qui filium habebat in-  
famem; maleque eum in eo patriæ consulere diceret,  
quod liberos non relinqueret: vide, inquit, ne tu  
pejus consulas, qui talem ex te natum relicturus  
sis. Neque vero stirps mihi potest deesse; namque



## CORN. NEPOTIS.

ex me natam relinquo pugnam Leuſtricam, quæ non modo mihi ſuperſtes, ſed etiam immortalis ſit neceſſe eſt. Quo tempore duce Pelopida exules Thebas occuparunt, & præſidium Lacedæmoniorum ex arce expulerunt, Epaminondas, quamdiu facta eſt cædes civium, domi ſe retinuit; quod neque malos defendere volebat, neque impugnare, ne manus ſuorum ſanguine cruentaret: namque omnem civilem victoriam funeſtam putabat: Idemque, poſtquam apud Cadmeam pugnari cum Lacedæmoniis cœpit, in primis ſtetit. Hujus de virtutibus vitæque ſatis erit dictum, ſi hoc unum adjunxero, quod nemo eat inſicias, Thebas & ante Epaminondam natum, & poſt ejusdem interitum perpetuò alieno paruiſſe imperio: contra eas, quam diu ille præſuerit reipublicæ, caput fuiſſe totius Græciæ. Ex quo intelligi poſteſt, unum hominem pluris, quam civitatem fuiſſe.

### XVI.

## P E L O P I D A S.

### STNOPSIS.

I. Origo. Thebanus. II. Vita. à Lacedæmoniis patria pulſus, quam ipſe liberare ſtatuerat XII. a-  
doleſcentibus ſtipatus, inter epulas interfectio Magi-  
ſtratu, Urbem & Arcem obſidione liberavit. c. 2. 3.  
Leuſtricæ pugnæ interfuit c. 4. Spartam cum E-  
paminonda oppugnavit, ib. Legatus in Perſas eſt  
proſectus, quò Meſſena celerius reſtitueretur, ibid:  
III. Mors. Ab Alexandro Pheræo ſimul cum Iſme-  
nia comprehenſus, inque vincula conſectus eſt c. 5.  
Ab Epaminonda liberatus, ſubſidioque Thebanis pro-  
ſectus in prælio contra iſtum Alexandrum, cum ira  
incenſus equum in eum concitaſſet, & procul ſuis di-  
greſſus eſſet, conſectu telorum conſoſſus cecidit, ibid.

#### Caput 1.

**P**ELOPIDAS Thebanus magis historicis, quam vul-  
go notus. Cujus de virtutibus dubito quem-  
admodum

## XVI. PELOPID.

almodum exponam; quod vereor, ne, si res explicare incipiam, non vitam ejus enarrare, sed historiam videar scribere: si tantummodo summas attigero, ne rudibus literarum Græcarum minus lucidè appareat, quantus fuerit ille vir. Itaque utrique rei occurram, quantum potero, & medebor cum satietati, tum ignorantiae lectorum. Phœbidas Lacedæmonius, cum exercitum Olynthum duceret, iterque per Thebas faceret, arcem oppidi, quæ Cadmea nominatur, occupavit impulsu perpaucorum Thebanorum, qui, adversariæ factioni quo facilius resisterent, Latum rebus studebant: idque suo privato, non publico, fecit consilio. Quo facto eum Lacedæmonii ab exercitu removerunt, pecuniaque multarunt: neque eo magis arcem Thebanis reddiderunt, quod susceptis inimicitiis satius ducebant eos obsideri, quam liberari. Nam post Peloponnesium bellum, Athenasque devictas, cum Thebanis sibi rem esse existimabant: & eos esse solos, qui adversus resistere audent. Hac mente amicis suis summas potestates dederant; alteriusque factionis principes partim interfecerant, alios in exilium ejecerant: in quibus Pelopidas hic, de quo scribere exorsi sumus, pulsus patria carebat.

*Cap. 11.* Hi omnes fere Athenas se contulerant, non quo sequerentur otium, sed, ut quemque ex proximo locum fors obtulisset, eo patriam recuperare niterentur. Itaque cum tempus est visum rei gerendæ, communiter cum his, qui Thebis idem sentiebant, diem delegerunt ad inimicos opprimendos, civitatemque liberandam, eum, quo maximi magistratus simul consueverant epulari. Magnæ sæpe res non ita magnis copiis sunt gestæ; sed profecto nunquam ab tam tenui initio tantæ opes sunt profligatæ. Nam duodecim adoloscetuli coierunt ex his, qui exilio erant multati, cum omnino non essent amplius centum, qui tanto se offerrent periculo. Quæ paucita-



CORN. NEPOTIS.

paucitate perculsa est Lacedæmoniorum potentia. Hi enim non magis adversariorum factioni, quam Spartanis eo tempore bellum intulerunt, qui principes erant totius Græciæ. Quorum imperiosa majestas, neque ita multo post, Leuctricâ pugnâ, ab hoc initio perculsa concidit. Illi igitur duodecim, quorum erat dux Pelopidas, cum Athenis interdium exissent, ut vesperscente cœlo Thebas possent pervenire, cum canibus venaticis exierunt, retia ferentes, vestitu agresti, quo minore suspicione facerent iter. Qui cum tempore ipso, quo studuerant, pervenissent, domum Charonis diverterunt, à quo & tempus & dies erat datus.

Cap. III. Hoc loco libet interponere, etsi sejunctum à re proposita est. NIMIA FIDUCIA QUANTÆ CALAMITATIS SOLEAT ESSE. Nam magistratum Thebanorum statim ad aures pervenit, exules in urbem devenisse, id illi vino epulisque dediti, usque eo despexerunt, ut ne quærere quidem de tanta re laborarint. Accessit etiam, quod magis aperiret eorum dementia: Allata est enim epistola Athenis ab Archia Hierophante Archiæ, qui tum maximum magistratum Thebis obtinebat: in qua omnia de protectione exulum scripta erant, quæ cum accubanti in convivio esset data, sicut erat signata, in pulvinum subiciens, *in crastinum*, inquit, *differo res severas*. At illi omnes cum jam nox processisset, violenti ab exulibus, duce Pelopida, sunt interfecti. Quibus rebus confectis, vulgo ad arma libertatemque vocato, non solum qui in urbe erant, sed etiam undique ex agris concurrerunt, præsidium Lacedæmoniorum ex arce pepulerunt, patriam obsidione liberaverunt. Auctores Cadmeæ occupandæ partim occiderunt, partim in exilium ejecerunt.

Cap. IV. Hoc tam turbido tempore, sicut supra docuimus, Epaminondas, quoad cum civibus dimicatum est, domi quietus fuit. Itaque hæc liberandarum

## XVI. PELOPID.

darum Thebarum propria laus est Pelopidæ: cœteræ fere omnes communes cum Epaminonda. Namque in Leuctrica pugna, imperatore Epaminonda, hic fuit dux delectæ manûs, quæ prima phalangem prostravit Laconum. Omnibus præterea periculis affuit: sicut Spartam cum oppugnavit, alterum tenuit cornu: quoque Messena celerius restitueretur, legatus in Locras est profectus. Denique hæc fuit altera persona Thebis, sed tamen secunda, ita, ut proxima esset Epaminondæ.

*Cap. V.* Conflictatus autem est cum adversa fortuna. Nam & initio, sicut ostendimus, exul patria caruit: & cum Thessaliam in potestatem Thebanorum euperet redigere, legationisque jure satis tectum se arbitraretur, quod apud omnes gentes sanctum esse consueffet; à tyranno Alexandro Pheræo simul cum Ismenia comprehensus in vincula conjectus est: hunc Epaminondas recuperavit, bello persequens Alexandrum. Post id factum, numquam is animo placari potuit in eum à quo erat violatus. Itaque persuasit Thebanis, ut subsidio Thessaliæ proficiscerentur, tyrannosque ejus expellerent. Cujus belli cum summa ei esset data, eoque cum exercitu profectus esset, non dubitavit, simul ac conspexit hostem, configere. In quo prælio Alexandrum ut animadvertit, incensus ira equum in eum concitavit, proculque digressus à suis, conjectu telorum confossus concidit. Atque hoc secundâ victoriâ accidit. Nam jam inclinatæ erant tyrannorum copiæ. Quo facto omnes Thessaliæ civitates interfectum Pelopidam coronis aureis, & statuîs æneis, liberosque ejus multo agro donarunt.

## XVII.

A G E S I L A U S.

SYNOPSIS.

I. Origo. Patriâ Lacedæmonius. II. Vita. De  
Re-



## CORN. NEPOTIS

*Regno cum Leotychide fratris filio habuit contenti-  
onem. c. 1. Imperio potitus cum exercitu in Asiam  
proficiscitur, cumque Tissapherne præfectorum Regio-  
rum principe, inducias trimestres facit; quas ipse  
quidem summa fide servat, adversarius autem per-  
fide violat. c. 2. Phrygiam depopulatus Ephesum  
hiematum copias reducit, ibique variis modis exer-  
cet. c. 2. Sardes expugnavit c. 3. Regem Persa-  
rum adorandi consilium suscipit, sed ab Ephoris re-  
vocatus paret. c. 4. Athenienses apud Coroneam  
vicit. c. 4. Corinthiorum copias prostravit, sed  
urbem ipsorum expugnare noluit: quod adversus  
barbaros cum Lacedæmoniis steterat. c. 5. Spar-  
tam contra Epaminondam defendit. c. 6. Patriam  
suis opibus adjuvit, ipse modico contentus. c. 7. Ab  
Ægyptiis ob corporis deformitatem & abstinentiam,  
contemptus, nihilominus illis subsidio fuit. c. 8. III.  
Mors. Ex Ægypto reversus in portu Menelai, qui  
jacet inter Cyrenas & Ægyptum, in morbum impli-  
citus decessit. c. 8.*

### Caput I.

**A**GESILAUS Lacedæmonius, cum à cæteris scri-  
ptoribus, tum eximiè à Xenophonte Socratico  
collaudatus est. Eo enim usus est familiarissimè.  
Hic primum de regno cum Leotychide fratris filio  
habuit contentionem. Mos est enim à majoribus  
Lacedæmoniis traditus, ut duos haberent semper  
reges, nomine magis, quam imperio, ex duabus fa-  
miliis Procli & Euristhenis, qui principes, ex pro-  
genie Herculis, Spartæ reges fuerunt. Harum ex  
altera in alterius familiæ locum fieri non licebat, ita-  
que utraque suum retinebat ordinem. Primum  
ratio habebatur, qui maximus natus esset ex libe-  
ris ejus, qui regnans decessisset. Sin is virilem  
sexum non reliquisset, tunc eligebatur, qui pro-  
ximus esset propinquitate. Mortuus erat Agis rex  
frater Agésilai, filium reliquerat Leotychidem, quem  
ille

## XVII. AGESILAUS.

ille vivus non agnorat: eundem moriens suum esse dixerat. Is de honore regni cum Agesilao suo patruo contendit: neque id, quod petivit, consecutus est: Nam Lyfandro suffragante, homine ( ut ostendimus supra ) factioso; & his temporibus potente, Agesilaus antelatus est.

*Cap. II.* Hic simulatque imperii potitus est, persuasit Lacedæmoniis, ut exercitum emitterent in Asiam, bellumque Regi facerent, docens, satius esse, in Asia, quam in Europa, dimicari. Namque fama exierat, Artaxerxem comparare classem pedestresque exercitus, quos in Græciam mitteret. Data potestate, tanta celeritate usus est, ut prius in Asiam cum copiis pervenerit, quam regii satrapæ eum scirent profectum: quo factum est, ut omnes imparatos imprudentesque offenderet. Id ut cognovit Tissaphernes, qui summum imperium tum inter præfectos habebat regios, inducias á Lacone petivit, simulans se dare operam, ut Lacedæmoniis cum Rege conveniret: re autem vera ad copias comparandas: easque impetravit trimestres. Juravit autem uterque se sine dolo inducias conservaturum: in qua pactiōne summa fide mansit Agesilaus: contra ea Tyssaphernes nihil aliud, quam bellum comparavit. Id etsi sentiebat Laco, tamen jus iurandum servabat, multumque in eo consequi se dicebat, quod Tissaphernes perjurio suo & homines suis rebus abalienaret, & deos sibi iratos redderet: se autem servata religione confirmare exercitum. Cum animadverteret, deorum nūmen facere secum, hominesque sibi conciliari amiciores, quod his studere consueverant, quos conservare fidem viderent.

*Cap. III.* Postquam induciarum præterit dies, barbarus non dubitans, quod ipsius erant plurima domicilia in Caria, & ea regio his temporibus multo putabatur locupletissima, eo potissimum hostes impetum facturos, omnes suas copias eo contraxerat.



### CORN. NEPOTIS.

rat. At Agefilaus in Phrygiam se convertit, eamque prius depopulatus est, quam Tissaphernes usquam se moveret. Magna præda militibus locupletatis, Ephesium hyematum exercitum reduxit: atque ibi officinis armorum institutis, magnâ industriâ bellum apparavit: & quo studiosius armarentur, præmia proposuit, quibus donarentur, quorum egregia in ea re fuisset industria. Fecit idem in exercituum generibus, ut, qui cæteris præstitissent, eos magnis afficeret muneribus. His igitur rebus effecit, ut & ornatissimum, & exercitatissimum haberet exercitum. Huic cum tempus esset visum copias extrahere ex hybernaculis: vidit, si, quo esset iter facturus, palam pronunciaffet, hostes non credituros, aliasque regiones occupaturos, nec dubituros, aliud esse facturum, ac pronunciaffet. Itaque cum ille Sardes se iturum dixisset, Tissaphernes eandem Cariam defendendam putavit. In quo cum eum opinio fefellisset, victumque se vidisset consilio, sero suis præsidio profectus est. Nam cum illo venisset, jam Agefilaus multis locis expugnatis, magna erat præda potitus. Laco autem, cum videret hostes equitatu superare, nunquam in campo sui fecit potestatem, & his locis manum conseruit, quibus plus pedestres copię valerent. Pepulit ergo, quotiescunque congressus est, multo majores adversariorum copias: & sic in Asia versatus est, ut omnium opinione victor duceretur.

*Cap. IV.* Hic cum jam animo meditaretur proficisci in Persas, & ipsum regem adoriri, nuntius ei domo venit Ephorum jussu, bellum Athenienses & Bæotios indixisse Lacedæmoniis, quare venire non dubitaret. In hoc non minus ejus pietas suspicienda est, quam virtus bellica: qui cum victori præesset exercitui, maximamque haberet fiduciam regni Persarum potiundi, tanta modestia dicto audiens fuisset jussis absentium magistratuum, ut si privatus in comitio

## XVII. AGESIL.

comitio esset Spartæ. Cujus exemplum utinam Imperatores nostri sequi voluissent. Sed illuc redeamus. Agésilas opulentissimo regno præposuit bonam existimationem, multoque glorioſius duxit, si institutis patriæ paruiſſet, quam si bello Asiam superasset. Hac igitur mente Hellespontum copias trajecit, tantaque usus est celeritate, ut, quod iter Xerxes anno vertente confecerat, hic tranſierit triginta diebus. Cum jam haud ita lōge abeſſet à Peloponneſo, obſiſtere ei conati ſunt Athenienſes & Bœotii, cæterique eorum focii apud Coroneam: quos omnes gravi prælio vicit. Hujus victoriæ, vel maxima fuit laus, quod cum plerique ex fuga ſe in templum Minervæ conjeciſſent, quærereturque ab eo, quid his vellet fieri; etſi aliquot vulnera acceperat eo prælio, & iratus videbatur omnibus, qui adverſus arma tulerant, tamen antetulit iræ religionem, & eos vetuit violari. Neque hoc ſolum in Græcia fecit, ut templa deorum ſancta haberet: ſed etiam apud barbaros ſumma religione omnia ſimulacra, araſque conſervavit. Itaque prædicabat, mirari ſe, non ſacrilegorum numero haberi, qui ſupplicibus eorum nocuiſſent: aut non graviſſimis poenis affici, qui religionem minuerent, quam qui ſana ſpoliarent.

*Cap. V.* Poſt hoc prælium, collatum eſt omne bellum circa Corinthum: ideoque Corinthium eſt appellatum. Hic cum unâ pugnâ decem millia hoſtium Agēſilao duce cecidiſſent; eoque facto opes adverſariorum debilitatæ viderentur: tantum abſuit ab inſolentia gloriæ, ut commiſeratus ſit fortunam Græciæ, quod tam multi à ſe victi vitio adverſariorum concidiſſent. Namque illa multitudine, ſi ſana mens eſſet Græciæ, ſupplicium Perſas dare potuiſſet. Idem cum adverſarios intra moenia compuliſſet, & ut Corinthum oppugnaret, multi hortarentur: negavit id ſuæ virtuti convenire. Se enim  
eum



### CORN. NEPOTIS.

eum esse dixit, qui ad officium peccantes redire cogeret, non qui urbes nobilissimas expugnaret Græciæ. Nam si, inquit, cos extinguere voluerimus, qui nobiscum adversus barbaros steterunt, nosmet ipsi nos expugnaverimus, illis quiescentibus. Quo facto sine negotio, cum voluerint, nos oppriment.

*Cap. VI.* Interim accidit illa calamitas apud Leuctra Lacedæmoniis: quo ne proficisceretur, cum à plerisque ad exeundum premeretur, ut si de exitu divinaret, exire noluit. Idem, cum Epaminondas Spartam oppugnaret, essetque sine muris oppidum, talem se imperatorem præbuit, ut eo tempore omnibus apparuerit, nisi ille fuisset, Spartam futuram non fuisse. In quo quidem discrimine celeritas ejus consilii saluti fuit universis. Nam cum quidam adolescentuli, hostium adventu perterriti, ad Thebanos transfugere vellent, & locum extra urbem editum cepissent, Agefilaus, qui perniciosissimum fore videret, si animadversum esset, quemquam ad hostes transfugere conari, cum suis eò venit, atque, ut si bono animo fecissent, laudavit consilium eorum, quod eum locum occupassent, & se id quoque fieri debere, animadvertisse. Sic adolescentulos simulata laudatione recuperavit, & adjunctis de suis comitibus, locum tutum reliquit. Namque illi aucto numero eorum, qui expertes erant consilii, commovere se non sunt ausi, eoque libentius, quod latere arbitrabantur, quæ cogitarant.

*Cap. VII.* Sine dubio, post Leuctricam pugnam, Lacedæmonii se nunquam refecerunt, neque pristinum imperium recuperarunt: cum interim Agefilaus non destitit, quibuscunque rebus posset, patriam juvare. Nam cum præcipue Lacedæmonii indigerent pecuniâ, ille omnibus, qui à Rege defece-  
runt, præsidio fuit, à quibus magna donatus pecunia, patriam sublevavit. Atque in hoc illud inprimis fuit admirabile, cum maxima munera ei ab re-  
gibus,

## XVII. AGESIL.

gibus, & dynastis, civitatibusque conferrentur, nihil umquam in domum suam contulit, nihil de vestitu Laconum mutavit. Domo eadem fuit contentus, qua Eurysthenes, progenitor majorum suorum, fuerat usus: quam qui intrârat, nullum signum libidinis, nullum luxuriæ videre poterat: contra plurima patientiæ, atque abstinentiæ. Sic enim erat instructa, ut nulla in re differret á cujusvis inopis atque privati.

*Cap. VIII.* Atque hic tantus vir ut naturam faultricem habuerat in tribuendis animi virtutibus, sic maleficam nactus est in corpore: exiguus & claudus altero pede. Quæ res etiam nonnullam afferebat deformitatem: atque ignoti, faciem ejus cum intuerentur, contemnebant: qui autem virtutes novebant, non poterant admirari satis. Quod ei usu venit, cum annorum octoginta subsidio Thaco in Ægyptum ivisset, & in acta \* cum suis accubuisset, sine ullo tecto: stratumque haberet tale, ut terra tecta esset stramentis; neque huc amplius, quam pelliculis esset injecta: eodemque comites omnes accubissent, vestitu humili, atque obsoleto, ut eorum ornatus non modo in his regem neminem significaret, sed hominis non beatissimi suspensionem præberet. Hujus de adventu fama cum ad regiones esset perlata, celeriter munera eò cujusque generis sunt allata. His quærentibus Agesilaum, vix fides facta est, unum esse ex iis, qui tum accubabant, Qui cum regis verbis, quæ attulerant, dedissent, ille præter vitulina, & hujusmodi genera obsonii, quæ præsens tempus desiderabat, nihil accepit: unguenta, coronas, secundamque mensam servis dispartivit, cœtera referri jussit. Quo facto, eum barbari magis etiam contempserunt, quod eum ignorantia bonarum rerum illa potissimum summisse arbitrabantur. Hic cum ex Ægypto reverteretur, donatus a rege Nectanabe

Bb

ducen

\* *Acta vox Græca. Latin. littus.*



## CORN. NEPOTIS.

ducentis viginti talentis, quæ, ille muneri populo suo daret: venissetque in portum, qui Menelai vocatur, jacens inter Cyrenas & Ægyptum, in morbum implicitus decessit. Ibi eum amici, quo Spartam facilius perferre possent, quod mel non habebant, cera circumfuderunt, atque ita domum retulerunt.

### XVIII.

## E U M E N E S.

### STNOP SIS.

I. Ortus. *Cardianus.* II. Vita. Ubi I. Honores. *Scriba fuit Philippi Regis, & filii ejus Alexandri Magni. Præfectus alteri equitum alæ, quæ hetærice appellatur.* 2. Res gestæ. *Post mortem Alexandri M. Cappadocia ipsi est tradita c. 2. Perdicæ subsidium tulit, Craterumque ac Neoptolemum ad Hellepontum vicit c. 2. 3. 4. Bella gessit contra Antigonum, conclususque in castello Nora, simulata deditio inde evasit. c. 5. Olympiadi matri Alexandri M. optimâ quæque suadet, c. 6. Eiusdem insidit, bellum adversus Antigonum comparat. c. 7. Summam imperii sibi conciliavit, positis insignibus Regiis in tabernaculo. c. 7. In Parætacis cum Antigono feliciter confligit c. 8, Eundem viarum anfractibus fallere conantem, callidè vicit consiliò c. 8. 9. III. Mors. *Invidia Ducum, & perfidia militum deditus est Antigono, coniectusq; in vincula, ac per triduum fame fatigatus, jugulatus est c. 10. 11, 12. 13.**

#### Caput I.

**E**UMENES *Cardianus.* Hujus si virtuti par data esset fortuna, non ille quidem major fuisset, sed multo illustrior atque etiam honoratior: quod magnos homines virtute metimur, non fortuna. Nam cum ætas ejus incidisset in ea tempora, quibus Macedones florerent, multum ei detraxit inter eos viventi, quod alienæ erat civitatis: neque aliud huic defuit,

190

## XVIII. EUMENES.

defuit, quam generosa stirps. Et si enim ille domestico summo genere erat; tamen Macedones eum sibi aliquando anteponi indignè ferebant, neque tamen non patiebantur. Vincebat enim omnes curâ; vigilantia, patientia, calliditate, & celeritate ingenii. Hic peradolescens ad amicitiam accessit Philippi Amyntæ filii: brevique tempore in intimam pervenit familiaritatem. Fulgebat enim jam in adolescentulo indoles virtutis. Itaque eum habuit ad manum scribæ loco: quod multo apud Grajos honorificentius est, quam apud Romanos. Nam apud nos revera, sicut sunt, mercenarii scribæ existimantur; at apud illos contrariò nemo ad id officium admittitur, nisi honesto loco, & fide & industria cognita: quod necesse est, omnium consiliorum eum esse participem. Hunc locum tenuit amicitia apud Philippum annos septem. Illo interfecto, eodem gradu fuit apud Alexandrum annos tredecim. Novissimo tempore præfuit etiam alteri equitum alæ, quæ hætarice appellabatur. Utrique autem & in consilio semper affuit, & omnium rerum habitus est particeps.

*Cap. II.* Alexandro Babylone mortuo, cum regna singulis familiaribus dispertirentur, & summa rerum tradita esset tuenda eidem, cui Alexander moriens annulum suum dederat, Perdiccæ: ex quo omnes conjecerant, eum regnum ei commendasse, quoad liberi in suam tutelam pervenissent: aberant enim Craterus & Antipater, qui antecedere hunc videbantur: mortuus erat Hephæstio, quem unum Alexander, quod facile intelligi posset, plurimi fecerat. Hoc tempore data est Eumeni Cappadocia, sive potius dicta: \* Nam tum in hostium erat potestate. Hunc sibi Perdiccas adjunxerat magno studio, quod in homine fidem & industriam magnam videbat. non dubitans, si eum pellexisset, magno usui fore sibi in his rebus, quas apparabat. Cogitabat

Bb2

enim

\* Dicta: h. e. verbis destinata.



### CORN. NEPOTIS.

enim, quod fere omnes in magnis imperiis concupiscunt, omnium partes corripere, atque complecti. Neque vero hoc solus fecit, sed cæteri, quoque omnes, qui Alexandri fuerant amici. Primus Leonatus Macedoniam præoccupare destinaverat. Is multis magnis pollicitationibus persuadere Eumeni studuit, ut Perdiccam defereret, ac secum faceret societatem. Cum perducere eum non posset, interficere conatus est: & fecisset, nisi ille clam noctu ex præsidii ejus effugisset.

*Cap. III.* Interim conflata sunt illa bella, quæ ad internecionem, post Alexandri mortem, gesta sunt, omnesque concurrerunt ad Perdiccam opprimendum. Quem etsi infirmum videbat, quod unus omnibus resistere cogeatur, tamen amicum non deseruit, neque salutis, quam fidei, fuit cupidior. Præfecerat eum Perdiccas ei parti Asiæ, quæ inter Taurum montem jacet, atque Hellespontum, & illum unum opposuerat Europæis adversariis. Ipse Ægyptum oppugnatum adversus Ptolemæum erat profectus. Eumenes cum neque magnas copias, neque firmas haberet, quod inexercitatæ, & non multo antè erant contractæ: adventare autem dicerentur Hellespontumque transisse Antipater & Craterus magno cum exercitu Macedonum, viri tum claritate, tum usu belli præstantes: (Macedones vero milites ea tunc erant famâ, qua nunc Romani feruntur: etenim semper habiti sunt fortissimi, qui summam imperii potirentur:) Eumenes intelligebat, si copiæ suæ cognoscerent, adversus quos ducerentur, non modo non ituras, sed simul cum nuntio dilapsuras. Itaque hoc ejus fuit prudentissimum consilium, ut deviis itineribus milites duceret, in quibus vera audire non possent: & his persuaderet, se contra quosdam barbaros proficisci. Itaque tenuit hoc propositum, & prius in aciem exercitum eduxit, præliumque commisit, quam milites sui scirent, cum quibus

### XVIII. EUMENES.

quibus arma conferrent. Effecit etiam illud locorum præoccupatione, ut equitatu potius dimicaret, quo plus valebat, quam peditatu, quo erat deterior.

*Cap. IV* Quorum acerrimo concursu cum magnam partem diei esset pugnatum, cadit Craterus dux, & Neoptolemus, qui secundum locum imperii tenebat. Cum hoc concurrat ipse Eumenes. Qui cum inter se complexi in tertam ex equis decidissent, ut facile intelligi posset, inimica mente contendisse, animoque magis etiam pugnasse, quam corpore: non prius distracti sunt, quam alterum anima reliquerit. Ab hoc aliquot plagis Eumenes vulneratur, neque eo magis ex prælio excessit, sed acrius hostibus institit. Hic equitibus profligatis, interfecto duce Cratero, multis præterea & maxime nobilibus captis, pedestris exercitus, quod in ea loca erat deductus, ut invito Eumene elabi non posset, pacem ab eo petiit: quam cum impetrasset, in fide non mansit, & se, simul ac potuit, ad Antipatrum recepit, Eumenes Craterum, ex acie semivivum elatum, recreare studuit. Cum id non posset, pro hominis dignitate, proque pristina amicitia (namque illo usus erat, Alexandro vivo, familiariter) amplo funere extulit, ossaque in Macedoniam uxori ejus ac liberis remisit.

*Cap. V.* Hæc dum apud Hellepontum geruntur, Perdiccas apud flumen Nilum interficitur à Seleuco & Antigono: rerumque summa ad Antipatrum defertur. Hic qui deseruerant, exercitu suffragium ferente, capitis damnantur, in his Eumenes: Hacile perculsus plaga non succubuit, neque eo secius bellum administravit. Sed exiles res animi magnitudinem, etsi non frangebant, tamen imminuebant. Hunc persequens Antigonus, cum omni genere copiarum abundaret: sæpe in itineribus vexabatur: neque unquam ad manum accedere licebat, nisi his locis,



### CORN. NEPOTIS.

locis, quibus pauci possent multis resistere: Sed extremo tempore cum consilio capi non posset, multitudine circumventus est. Hinc tamen, multis suis amissis, se expedivit, & in castellum Phrygiæ, quod Nora appellatur, confugit. In quo cum circumfederetur, & vereretur, ne uno loco manens equos militares perderet, quod spatium non esset agitandi, callidum fuit ejus inventum, quemadmodum stans jumentum calefieri, exercerique posset, quo libentius & cibo uteretur, & à corporis motu non removeretur. Substringebat caput loro altius, quam ut prioribus pedibus planè terram posset attingere: deinde post verberibus cogebat exsultare, & calces remittere. qui motus non minus sudorem excutiebat, quam si in spatio decurreret. Quo factum est, quod omnibus mirabile est visum, ut jumenta æquè nitida ex castello educeret, cum complures menses in obsidione fuisset, ac si in campestribus ea locis habuisset. Ea conclusionē quotiescunque voluit, & apparatus, & munitiones Antigoni alias incendit, alias disjecit. Tenuit autem se uno loco, quamdiu fuit hiems, quod castrum sub dio habere non poterat. Ver appropinquabat: simulata deditiōne dum de conditionibus tractat, præfectis Antigoni imposuit: \* seque, ac suos omnes, extraxit incolumes.

*Cap. VI.* Ad hunc Olympias. mater quæ fuerat Alexandri, cum literas & nuntios misisset in Asiam consultum, utrum repetitum Macedoniam veniret, (nam tum in Epiro habitabat) & eas res occuparet huic ille primum suavit, ne se moveret, & expectaret, quoad Alexandri filius regnum adipisceretur. Sin aliqua cupiditate raperetur in Macedoniam, omnium injuriarum oblivisceretur & in neminem acerbiore imperio uteretur. Horum nihil ea fecit, nam & in Macedoniam profecta est, & ibi crudelissimè se gessit. Petiit autem ab Eumene absente,

ne

\* Imposuit, ipsos sefellit.

### XVIII. EUMENES.

ne pateretur Philippi domus & familiae inimicissimos stirpem quoque interimere, ferretque opem liberis Alexandri: quam veniam si sibi daret, quam primum exercitus pararet, quos sibi subsidio adduceret. Id quo facilius faceret, se omnibus praefectis, qui in officio manebant, misisse litteras, ut ei parerent, ejusque consiliis uterentur. His verbis Eumenes per-motus satius duxit, si ita tulisset fortuna, perire bene meritis referentem gratiam, quam ingratum vivere.

*Cap. VII.* Itaque copias contraxit, bellum adversus Antigonum comparavit: quod una erant Macedones complures nobiles: in his Peucestes, qui corporis custos fuerat Alexandri, tum autem obtinebat Persidem; Antigonus, cujus sub imperio phalanx erat Macedonum, invidiam verens, quam tamen effugere non potuit, si potius ipse alienigena summi imperii potiretur, quam alii Macedonum, quorum ibi erat multitudo: in principiis nomine Alexandri statuit tabernaculam, in eoque sessam auream cum sceptro ac diademate jussit poni, eoque omnes quotidie convenire, ut ibi de summis rebus consilia caperentur: credens minore se invidia fore, si specie imperii, nominisque simulatione Alexandri, bellum videretur administrare, quod & fecit. Nam cum non ad Eumenis principia, sed ad regia conveniretur, atque ibi de rebus deliberaretur, quodammodo latebat, cum tamen per eum unum omnia gererentur.

*Cap. VIII.* Hic in Parætaeis cum Antigono conflictit, non acie instructa, sed in itinere, enimque malè acceptum in Mediam hiematum cōegit redire. Ipse in finitima regione Persidis hiematum copias divisit, non ut voluit, sed ut militum coge-bat voluntas. Namque illa phalanx Alexandri Magni, quæ Asiam peragrarat, deviceratque Persas, inveterata cum gloriâ, tum etiam licentiâ, non parere se duci-bus,



CORN. NEPOTIS.

bus, sed imperare postulabat, ut nunc veterani faciunt nostri. Itaque periculum est, ne faciant, quod illi fecerunt suâ intemperantiâ, nimîâque licentiâ, ut omnia perdant, neque minus eos, cum quibus steterint, quam adversus quos fecerint. Quod si quis illorum veteranorum legat factâ, paria horum cognoscat: neque rem ullam, nisi tempus interesse iudicet. Sed ad illos revertar. Hiberna sumserant non ad usum belli, sed ad ipsorum luxuriam: longèque inter se discesserant. Hoc Antigonus cum comperisset, intelligeretque se parem non esse paratis adversariis, statuit aliquid sibi novi consilii esse capiendum. Dux erant viæ, qua ex Medis, ubi ille hiemabat, ad adversariorum hibernacula posset perveniri. Quarum brevior per loca deserta, quæ nemo incolebat, propter aquæ inopiam, cæterum dierum erat fere decem. Illa autem, qua omnes commeabant, altero tanto longiorem habebat anfractum, sed erat copiosa, omniumque rerum abundans. Hac si proficisceretur, intelligebat, prius adversarios rescituros de suo adventu, quam ille tertiam partem confecisset itineris. Sin per loca sola contenderet, sperabat se imprudentem hostem oppressurum. Ad hanc rem conficiendam imperavit quam plurimos utres, atque etiam culeos comparari; post hæc pabulum, præterea cibaria cocta decem dierum: utque quam minime fieret ignis in castris. Iter quod habebat, omnes celat.

Cap. LX. Sic paratus, qua constituerat, proficiscitur. Dimidium fere spatium confecerat, cum ex fumo castrorum ejus, suspicio allata est ad Eumenum, hostem appropinquare. Conveniunt duces, quæritur, quid opus sit factò, intelligebant omnes, tam celeriter copias ipsorum contrahi non posse, quam Antigonus assuturus videbatur. Hic omnibus titubantibus, & de rebus summis desperantibus, Eumenes ait: si celeritatem velint adhibere, & impe-

rata

### XVIII. EUMENES.

rata facere, quod ante non fecerint, se rem expediturum. Nam quod diebus quinque hostis transire posset, se effecturum, ut, non minus totidem dierum spatio retardaretur, quare circumirent, suas quisque copias contraheret. Ad Antigoni autem refrenandum impetum, tale capit consilium. Certos mittit homines ad infimos montes, qui obviant itineri adversariorum: hisque præcepit, ut prima nocte, quam latissime possent, ignes faciant quam maximos, atque hos secunda vigilia minuant, tertia perexiguos reddant, & assimulata castrorum consuetudine, suspicionem injiciant hostibus, his locis esse castra, ac de eorum adventu esse prænuntiatum idemque postera nocte faciant. Quibus imperatum erat, diligenter præceptum curant. Antigonus tenebris obortis, ignes conspicatur: credit de suo adventu esse auditum, & adversarios illic suas contraxisse copias. Mutat consilium. & quoniam imprudentes adoriri non posset, flectit iter suum, & illum anfractum longiorem copiosæ viæ capit, ibique diem unum opperitur, ad lassitudinem sedandam militum, ac reficienda jumenta, quo integriore exercitu decerneret.

*Cap. X.* Hic Eumenes callidum imperatorem vidit consilio, celeritatemque impedivit ejus: neque tamen multum profecit. Nam invidia ducum, cum quibus erat, perfidiaque militum Macedonum veteranorum, cum superior prælio disceßisset, Antigono est deditus, cum exercitus ei ter ante separatis temporibus jurasset, se eum defensurum, nec unquam deserturum. Sed tanta fuit nonnullorum virtutis obrectatio, ut fidem amittere mallent, quam eum non prodere. Atque hunc Antigonus, cum ei fuisset infestissimus, conservasset, si per suos esset licitum, quod ab nullo se plus adjuvari posse intellegebat in his rebus, quas impendere jam apparebat omnibus. Imminebant enim Seleucus, Lyfima-  
chus,



### CORN. NEPOTIS.

chus, Ptolemæus, opibus jam valentes: cum quibus ei de summis rebus erat dimicandum: sed non passi sunt ii, qui circa erant, quod videbant, Eumene recepto, omnes præ illo parvi futuros. Ipse autem Antigonus adeo erat incensus, ut nisi magna spe maximarum rerum, leniri non posset.

*Cap. XI.* Itaque cum eum in custodiam dedisset, & præfectus custodum quæssisset; *quemadmodum servari vellet? ut acerrimum, inquit, leonem. aut ferocissimum elephantum.* Nondum enim statuerat, eum conservaret, nec ne. Veniebat autem ad Eumenem utrumque genus hominum, & qui propter odium, fructum oculis ex ejus casu capere vellent, & qui propter veterem amicitiam, colloqui consolarique cuperent: multi etiam, qui ejus formam cognoscere studebant, qualis esset, quem tam diu, tamque valde timuissent: cujus in perniciem positam spem habuissent victoriæ. At Eumenes, cum diutius in vinculis esset, ait Onomarcho, penes quem summa imperii erat custodiæ, se mirari, quare jam tertium diem sic teneretur. Non enim hoc convenire Antigoni prudentiæ, ut sic se uteretur victo; quin aut interfici, aut missum fieri juberet. Hic cum ferocius Onomarcho loqui videretur: *Quid tu, inquit, animo si isto eras, cur non in prælio cecidisti potius, quam in potestatem inimici venires?* Huic Eumenes *utinam quidem istud evenisset, inquit, sed eo non accidit, quod nunquam cum fortiore sum congressus: non enim cum quoquam arma contuli, quin is mihi succubuerit, non enim virtute hostium, sed amicorum perfidia, decidi.* Neque id falsum, nam & dignitate fuit honesta, & viribus ad laborem ferendum firmis; neque tam magno corpore, quam figura venusta.

*Cap. XII.* De hoc Antigonus cum solus constitueret, non auderet, ad consilium retulit. Hic cum plerique omnes primo perturbati admirarentur, non jam de eo sumptum esse supplicium, à quo tot annos  
adeo

### XVIII. EUMENES.

adeo essent male habiti, ut sæpe ad desperationem forent adducti: quique maximos duces interfecisset: denique in quo uno esset tantum, ut, quoad ille viveret ipsi securi esse non possent: interfecto, nihil habituri negotii essent: postremo, si illi redderet salutem, quærebant, quibus amicis esset usurus? sese enim cum Eumene apud eum non futuros. Hic cognita consilii voluntate, tamen usque ad septimum diem deliberandi sibi spatium reliquit. Tum autem cum jam vereretur, ne qua seditio exercitus oriretur, vetuit ad eum quemquam admitti, & quotidianum victum amoveri iussit. Nam negabat se eum vim allaturum, qui aliquando fuisset amicus. Hic tamen non amplius, quam triduum, fame fatigatus, cum castra moverentur, insciente Antigono, jugulatus est à custodibus.

*Cap. XIII.* Sic Eumenes annorum quinque & quadraginta, cum ab anno vigesimo (ut supra ostendimus) septem annos Philippo apparuisset, & tredecim apud Alexandrum eundem locum obtinuisset, in his uni equitum alæ præfuisse; post autem Alexandri Magni mortem imperator exercitus duxisset, summosque duces partim repulisset, partim interfecisset: captus non Antigoni virtute, sed Macedonum perjurio, talem habuit exitum vitæ. De quo quanta fuerit omnium opinio eorum, qui post Alexandrum Magnum Reges sunt appellati, ex hoc facillime potest judicari, quod nemo, Eumene vivo, Rex appellatus est, sed præfectus. Eidem post hujus occasum, statim regium ornatum, nomenque sumpserunt: neque, quod initio prædicarant, se Alexandri liberis regnum servare, id præstare voluerunt: & uno propugnatore sublato, quid sentirent, aperuerunt. Hujus sceleris principes fuerunt Antigonus, Ptolemæus, Seleucus, Lyfimachus, Cassander. Antigonus autem Eumenem mortuum propinquis ejus sepeliendum tradidit. Hi militari, honestoque funere,



# CORN. NEPOTIS.

funere, comitante toto exercitu, humaverunt, ossaque ejus in Cappadociam ad matrem, atque uxorem liberosque ejus deportanda curarunt.

## XIX.

### P H O C I O N.

#### SYNOPSIS.

I. Origo. *Atheniensis. c. 1.* II. Vita, ubi primò Virtutes animi, *Morum integritas. Pecuniarum contemptus c. 1.* Deinde Res gestæ. *Cum Demade in urbe tradenda Antipatro consensit c. 2. Demosthenem in exilium eiecit. c. 2.* *Pyrræum Atheniensium portum, ut in manus Cassandri Nicanoris præfetti perveniret, neglexit c. 2. 3.* III. Mors. *Ob suspicionem prodicionis, capitis damnatus, ac undecim viris traditus hausta cicutâ vitam finit; c. 3. 4.*

#### Caput I.

**P**HOCION Atheniensis etsi sæpe exercitiis præfuit, summosque magistratus cepit, tamen multo ejus notior integritas est vitæ, quam rei militaris labor. Itaque hujus memoria est nulla, illius autem magna fama ex quo cognomine *Bonus* est appellatus. Fuit enim perpetuo pauper, cum divitissimus esse posset, propter frequentes delatos honores, potestatesque summas, quæ ei à populo dabantur. Hic cum à rege Philippo munera magnæ pecuniæ repudiaret, legatique hortarentur accipere, simulque admonerent, si ipse his facile careret, liberis tamen suis prospiceret; quibus difficile esset in summa paupertate tantam paternam tueri gloriam. His ille, *si mei similes erunt, idem hic, inquit, agellus illos alet, qui me ad hanc dignitatem perduxit; sin dissimiles sunt futuri, nolo meis impensis illorum ali augerique luxuriam.*

Cap. II. Eidem cum prope ad annum octogesimum prospera mansisset fortuna, extremis temporibus magnum in odium pervenit suorum civium.

Primo

### XIX. PHOCION.

Primo cum Demade, de urbe tradenda Antipatro, consenserat: ejusque consilio Demosthenes cum cæteris, qui bene de republica mereri existimabantur, plebiscito in exilium erant expulsi. Neque in eo solum offenderat, quod patriæ male consuluerat, sed etiam quod amicitiae fidem non præstiterat. Namque auctus adjutusque à Demosthene, eum, quem tenebat, ascenderat gradum, cum adversus Charetem eum subornaret: ab eodem in judiciis cum capitis causam diceret, defensus, aliquoties liberatus discesserat. Hunc non solum in periculis non defendit, sed etiam prodidit. Concidit autem maxime uno crimine, quia cum apud eum summum esset imperium populi, & Nicanorem Cassandri præfectum insidiari Piræeo Atheniensem à Dercillo moneretur: idemque postularet, ut provideret, ne commeatibus civitas privaretur: hic audiente populo, Phocion negavit esse periculum: seque ejus rei obfidem fore pollicitus est. Neque ita multo post Nicanor Piræeo est potitus. Ad quem recuperandum cum populus armatus concurrisset, ille non modo neminem ad arma vocavit, sed ne armatis quidem præesse voluit. Sine quo Athenæ omnino esse non possunt.

*Cap. III.* Erant eo tempore Athenis duæ factiones: quarum una populi causam agebat, altera optimatum. In hac erat Phocion, & Demetrius Phalereus: harum utraque Macedonum patrociniis nitebatur. Nam populares Polyperchonti favebant, optimates cum Cassandro sentiebant: Interim à Polyperchonte Cassander Macedonia pulsus est: quo facto, populus superior factus, statim duces adversariæ factionis capitis damnatos patria pepulit: in his Phocionem, & Demetrium Phalereum: deque ea re legatos ad Polyperchontem misit qui ab eo peterent, ut sua decreta confirmaret. Huc eodem profectus est Phocion, quo ut venit, causam apud  
Philip-



## CORN. NEPOTIS

Philippum regem verbo, re ipsa quidem apud Polyperchontem, iussus est dicere: namque is tum regis rebus præerat. Hic cum ab Agnonide accusatus esset, quod Piræeum Nicanori prodidisset, ex consilii sententia in custodiam conjectus, Athenas deductus est, ut ibi de eo legibus fieret iudicium.

*Cap. IV.* Huc ubi perventum est, cum propter ætatem pedibus jam non valeret, vehiculoque portaretur, magni concursus sunt facti: cum alii remisscentes veteris famæ, ætatis misererentur; plurimi vero ira exacuerentur propter prodicionis suspicionem Piræei: maximeque, quod adversus populi commoda in senectute steterat. Qua de re ne perorandi quidem ei data est facultas, & dicendi causam. Inde iudicio legitimis quibusdam confectis damnatus, traditus est undecim viris, quibus ad supplicium, more Atheniensium, publice damnati tradi solent. Hic cum ad mortem duceretur, obvius ei fuit Emphyletus, quo familiariter fuerat usus. Is cum lacrymans dixisset: *& quam indigna perpeteris Phocion!* huic ille, *at non inopinata*, inquit, *hunc enim exitum plerique clari viri habuerunt Athenienses.* In hoc tantum fuit odium multitudinis, ut nemo ausus sit eum liber sepelire. Itaque à servis sepultus est.

## XX.

### T I M O L E O N

*I. Origo. Corinthius c. 1. II. Vita. Patriam à tyranno Timophane, fratre majore natu oppressam liberavit. eumque Patriæ causâ occidendum curavit. c. 1. Dionysium tota Sicilia depulit c. 2. Cum Iceta bellavit. ib. Maximas copias Carthaginiensium apud Crimessum flamen fugavit. ib. Cepit Mamercum Italiæ ducem bellicosissimum. ib. Siciliam diuturnis bellis devastatam incolis restauravit. c. 3. III. Mors. Cæcus factus calamitatem i-*  
*flam*

## XX. TIMOLEON.

*flam patienter & modeste tulit. c. 4. Mortuus tandem in gymnasio Timoleonteo, à Syracusanis sepultus est, tota celebrante Sicilia. ib.*

### Caput I.

**T**IMOLEON Corinthius; sine dubio magnus omnium iudicio hic vir extitit. Namque huic uni contigit, quod nescio an ulli, ut & patriam, in qua erat natus oppressam à tyranno liberaret, & à Syracusis quibus auxilio erat missus, inveteratam feruitutem depelleret: totamque Siciliam multos annos bello vexatam, à barbarisque oppressam, suo adventu in pristinum restitueret. Sed in his rebus non simplici fortuna conflictatus est, & id quod difficilius putatur, multo sapientius tulit secundam, quam adversam fortunam. Nam cum frater ejus Timophanes, dux à Corinthiis delectus, tyrannidem per milites mercenarios occupasset, particepsq; regni posset esse, tantum abfuit à societate sceleris, ut antetulerit suorum civium libertatem fratris salutis: & patriæ legibus obtemperare satius duxerit, quam impèrare patriæ. Hac mente per haruspitem, communemque affinem, cui soror ex eisdem parentibus nata nupta erat fratrem tyrannum interficiendum curavit. Ipse non modo manns non attulit, sed ne aspicere quidem fraternum sanguinem voluit. Nam, dum res conficeretur, procul in præsidio fuit, ne quis fatelles posset succurere. Hoc præclarissimum ejus facinus non pari modo probatum est ab omnibus. Nonnulli enim læsam ab eo pietatem putabant, & invidia laudem virtutis obterebant. Mater vero post id factum, neque domum ad se filium admisit, neque aspexit, quin eum fratricidam impiumque detestans compellaret. Quibus rebus adeo ille est commotus, ut nonnunquam vitæ finem facere voluerit, atque ex ingratorum hominum conspectu morte decedere.

Cap. II. Interim Dione Syracusis interfecto, Dionysius



### CORN. NEPOTIS.

nyſius rurfus Syracuſarum potitus eſt: cujus adverſarii opem á Corinthiis petierunt, ducemque, quo in bello uterentur, poſtularunt. Huc Timoleon miſſus incredibili felicitate Dionyſium tota Sicilia depulſit; cum interficere poſſet, noluit, tutoque ut Corinthum perveniret, effecit, quod utrorumque Dionyſiorum opibus Corinthii ſæpe adjuti fuerant: cujus benignitatis memoriam volebat exſtare: eamque præclaram victoriam ducebat, in qua plus eſſet clementiæ, quam crudelitatis: poſtremo, ut non ſolum auribus acciperetur, ſed etiam oculis cerneretur, quem, & ex quanto regno, ad quam fortunam detruliſſet. Poſt Dionyſii deceſſum cum I-ceta bellavit, qui adverſatus fuerat Dionyſio, quem non odio tyrannidis diſſenſiſſe, ſed cupiditate, indicio fuit, quod ipſe, expulſo Dionyſio, imperium di-mittere noluit. Hoc ſuperato, Timoleon maximas copias Carthaginenſium apud Crimeſſum flumen fugavit, ac ſatis habere cõegit, ſi liceret Africam ob-tinere, qui jam complures annos poſſeſſionem Sici-liæ tenebant. Cepit etiam Mamercum, Italicum du-cem, hominem bellicoſum, & potentem, qui ty-rannos adjutum in Siciliam venerat.

*Cap. III.* Quibus rebus conſectis, cum propter diuturnitatem belli non ſolum regiones, ſed etiam urbes deſertas videret, conquiſivit quos potuit, pri-mum Siculos, deinde Corinthios arceſſivit colonos, quod ab his initio Syracuſæ erant conditæ. Civi-bus veteribus ſua reſtituit, novis bello vacuefactas poſſeſſiones diviſit: urbium mœnia diſjecta, ſanæque deleta, reſecit: civitatibus leges libertatemque red-didit: ex maximo bello tantum otium toti inſulæ conciliavit, ut hic conditor urbium earum, non illi qui initio deduxerant, videretur. Arcem Syracu-ſis, quam muniverat Dionyſius ad urbem obſiden-dam, á fundamentis diſjecit: cætera tyrannidis pro-pugnacula demolitus eſt, deditque operam, ut quam  
minime

## XX. TIMOL.

minime multa vestigia servitutis manerent. Cum tantis esset opibus, ut etiam invitis imperare posset, tantum autem haberet amorem omnium Siculorum, ut nullo recusante regnum obtineret; *maluit se diligere, quam metui*. Itaque, cum primum potuit, imperium deposuit, & privatus Syracusis, quod reliquum vitæ fuit, vixit. Neque vero id imperite fecit: Nam quod cæteri reges imperio potuerunt, hic benevolentia tenuit. Nullus honos huic defuit: neque postea Syracusis res ulla gesta est publica, de qua prius sit decretum, quam Timoleontis sententiâ cognitâ. Nullius umquam consilium non modo antelatum, sed ne comparatum quidem est. Neque id magis benevolentia factum est, quam prudentia.

*Cap. IV.* Hic cum ætate jam provectus esset, sine ullo morbo, lumina oculorum amisit. Quam calamitatem ita moderate tulit, ut neque eum querentem quisquam audierit, neque eo minus privatis publicisque rebus interfuerit. Veniebat autem in theatrum, cum ibi concilium populi haberetur, propter valetudinem vectus jumentis iunctis, atque ita de vehiculo, quæ videbantur, dicebat: neque hoc illi quisquam tribuebat superbix, nihil enim unquam neque insolens, neque gloriosum ex ore ejus exiit: qui quidem, cum suas laudes audiret prædicari, nunquam aliud dixit, quam se in ea re maximas diis gratias agere, atque habere, quod cum Siciliam recreare constituissent, tum se potissimum ducem esse voluissent. Nihil enim rerum humanarum, sine deorum numine agi putabat. Itaque suæ domi sacellum constituerat, idque sanctissime colebat. Ad hanc hominis excellentem bonitatem mirabiles accesserunt casus. Nam præliis maxima natali die suo fecit omnia: quo factum est, ut ejusdem natalem festum haberet universa Sicilia. Huic quidam Lamestius, homo petulans & ingratus, vadimonium



## CORN. NEPOTIS.

gum vellet imponere, \*quod cum illo se lege agere diceret, & complures concurrissent, qui procacitatem hominis manibus cœercere conarentur: Timoleon oravit omnes, ne id facerent. Namque id ut Lamestio, cæterisque liceret, se maximos labores, summaque adiisse pericula. Hanc enim speciem libertatis esse, si omnibus, quod quisque vellet, legibus experiri liceret. Idem, cum quidam Lamestii similis, nomine Demænetus, in concione populi de rebus gestis ejus detrahare cœpisset, ac nonnulla inveheretur in Timoleonta: dixit, nunc demum se voti esse damnatum, \*namque hæc à diis immortalibus semper precatum, ut talem libertatem restituerent Syracusanis, in qua cuivis liceret, de quo vellet, impune dicere. Hic cum diem supremum obiisset, publice à Syracusanis in gymnasio, quod Timoleonteum, appellatur, tota celebrante Sicilia, sepultus est.

XXI.

R E G E S.

### SYNOPSIS.

*Reges, quorum Nepos facit mentionem, sunt* I. Persarum. Cyrus. Darius. Xerxes. Artaxerxes Macrochir. Artaxerxes Mnemon. c. 1. II. Macedonum. Philippus. Alexander Magnus c. 2. III. Epirotarum Rex Pyrrhus. IV. Siculorum Dionysius prior, tyrannus felicissimus. c. 2. V. Alexandri M. amici Reges. Antigonus. Demetrius. Lyfimachus. Seleucus. Ptolemæus Ceraunus. c. 3.

#### Caput I.

**H**I fere fuerunt Græciæ gentis duces, qui memoria digni videbantur, præter reges. Namque eos attingere nolumus, quod omnium res gestæ separatim sunt relatæ. Neque tamen admodum sunt multi. Lacedæmonius autem Agesilaus nomine non potestate, fuit rex, sicut cæteri Spartani. Ex his vero,

\* *Adigere, ut vadibus datis in judicio adstet.*

\* *Necessitate voti persolvendi obligatum.*

## XXI. REGES.

vero, qui dominatum imperio tenuerunt, excellentissimi fuerunt ( ut nos iudicamus ) Persarum Cyrus, & Darius Hytaspis filius: quorum uterque privatus, virtute regnum est adeptus. Prior horum apud Massagetas in proelio cecidit. Darius senectute diem obiit supremum. Tres sunt præterea ejusdem generis, Xerxes, & duo Artaxerxes, Macrochir, & Mnemon. Xerxi maxime est illustre, quod maximis, post hominum memoriam, exercitibus, terrarumque, bellum intulit Græciæ. At Macrochir præcipuam habet laudem amplissimæ pulcherrimæque corporis formæ: quam incredibili ornavit virtute belli. Namque illo Persarum nemo fuit manu fortior. Mnemon autem justitiæ fama floruit. Nam cum matris suæ scelere amisisset uxorem, tantum indulgit dolori, ut eum pietas vinceret. Ex his duo eodem nomine, morbo naturæ debitum reddiderunt: tertius ab Artabano præfecto ferro interemptus est.

*Cap. II.* Ex Macedonum autem genere duo multo cæteros antecesserunt rerum gestarum gloria. Philippus Amyntæ filius, & Alexander Magnus. Horum alter Babylone morbo consumptus est. Philippus Ægis à Pausania, cum spectatum ludos iret, juxta theatrum occisus est. Unus Epirotes Pyrrhus, qui cum populo Romano bellavit. Is cum Argos oppidum oppugnaret in Peloponneso, lapide ictus interiit. Unus item Siculus Dionysius prior: nam & manu fortis, & belli peritus fuit, & id quod in tyranno non facile reperitur, minime libidinosus, non luxuriosus, non avarus, nullius rei denique cupidus, nisi singularis perpetuique imperii, ob eamque rem crudelis. Nam dum id studuit munire, nullius pepercit vitæ, quem ejus insidiatorem putaret. Hic cum virtute tyrannidem sibi peperisset, magna retinuit felicitate, majorque annis sexaginta natus decessit florente regno, neque in tam multis



## CORN. NEPOTIS.

annis cujusquam ex sua stirpe funus vidit, cum ex tribus uxoribus liberos procreasset, multique ei nati essent nepotes.

*Cap. III.* Fuerunt præterea multi reges ex amicis Alexandri Magni, qui post obitum ejus imperia ceperunt. In his Antigonus, & hujus filius Demetrius, Lyfimachus, Seleucus, Ptolemæus. Ex his Antigonus, cum adversus Seleucum Lyfimachumque dimicaret in prælio occisus est. Pari leto affectus est Lyfimachus à Seleuco. Nam societate dissoluta, bellum inter se gesserunt. At Demetrius cum filiam suam Seleuco in matrimonium dedisset, neque eo magis fida inter eos amicitia manere potuisset, captus bello, in custodia foveri generi, periit morbo. Neque ita multo post Seleucus à Ptolemæo Cerauno dolo interfectus est: quem ille à patre expulsum Alexandria, alienarum opum indigentem receperat, ipse autem Ptolemæus, cum vivus filio regnum tradidisset, ab illo eodem vita privatus dicitur. De quibus quoniam satis dictum putamus, non incommodum videtur, non præterire Hamilcarem & Hannibalem: quos & animi magnitudine, & calliditate, omnes in Africa natos præstitisse constat.

## XXII

## H A M I L C A R.

### STNOPSIS.

I. Origo. Patria, Carthagenensis. Pater Hannibal. II. Vita. Abello Punico. I. exercitui præesse cœpit in Sicilia, cum maximo Carthagenensium commodo. c. 1. Erycen Siciliæ oppidum strenuè defendit. c. 1. Pacem cum Romanis fecit, transigente Catulo Consule c. 1. Intestinum bellum sedavit. c. 2. Hasdrubali, qui post eum exercitui præfuit, filiam in matrimonium dedit. c. 3. In Hispania maximas res fortunæ secundæ gessit. c. 4. III. Mors. In prælio pugnans adversus Vettones occisus est. c. 4.

Caput I.

## XXII. HAMILCAR.

### Caput I.

**H**AMILCAR, Hannibalis filius, cognomine Barcas, Carthaginensis, primo Punico bello, sed temporibus extremis, admodum adolescentulus in Sicilia præesse cœpit exercitui. Cum ante ejus adventum, & mari & terra male res gererentur Carthaginensium; ipse ubi affuit, nunquam hosti cessit: neque locum nocendi dedit: sæpeque è contrario hostem occasione data laceffivit, semperque superior discessit. Quo facto, cum pæne omnia in Sicilia Pœni amisissent, ille Erycen sic defendit, ut bellum eo loco gestum non videretur. Interim Carthaginenses classe apud Insulas Ægates à C. Lutatius consule Romanorum superati, statuerunt belli finem facere, eamque rem arbitrio permiserunt Halmicar. Ille etsi flagrabat bellandi cupiditate, tamen paci servendum putavit, quod patriam exhaustam sumptibus diutius calamitatem belli ferre non posse intelligebat: sed ita, ut statim mente agitare, si paulo modo res essent refectæ, bellum renovare, Romanosque armis persequi, donec aut virtute vicissent, aut victi manum dedissent. Hoc consilio pacem conciliavit: in qua tantâ fuit ferociâ, ut, cum Catulus negaret se bellum compositurum, nisi ille cum suis, qui Erycem tenuerant, armis relictis, Sicilia decederent: succumbente patria ipse periturum se potius dixerit, quam cum tanto flagitio domum rediret. Non enim suæ esse virtutis, arma à patria accepta adversus hostes, adversariis tradere. Hujus pertinaciæ cessit Catulus.

*Cap. II.* At ille, ut Carthaginem venit, multo aliter ac sperabat, rempublicam se habentem cognovit. Namque diuturnitate externi mali tantum exarsit intestinum bellum, ut nunquam pari in periculo fuerit Carthago, nisi cum deleta est. Primo mercenarii milites, qui adversus Romanos fuerant, desceperunt, quorum numerus erat viginti millium. Hi  
totam



### CORN. NEPOTIS.

totam abalienarunt Africam, ipsam Carthaginem oppugnarunt. Quibus malis adeo sunt Pœni perterriti, ut auxilia etiam à Romanis petiverint eaque impetrarint. Sed extremo, cum prope jam ad desperationem, pervenissent, Hamilcarem imperatorem fecerunt. Is non solum hostes à muris Carthaginis removit, cum amplius centum millia facta essent armatorum, sed etiam eo compulit, ut locorum angustiis clausi, plures fame, quam ferro, interirent. Omnia oppida alienata, in his Uticam, atque Hipponem, valentissima totius Africæ, restituit patriæ. Neque eo fuit contentus, sed etiam fines imperii propagavit. Totâ Africâ tantum otium reddidit, ut nulum in ea bellum videretur multis annis fuisse.

*Cap. III.* Rebus his ex sententia peractis, fidenti animo atque infesto Romanis, quo facilius causam bellandi reperiret, effecit, ut imperator cum exercitu in Hispaniam mitteretur: eoque secum duxit filium Hanibalem annorum novem. Erat præterea cum eo adolescens illustris & formosus, Hasdrubal, quem nonnulli diligi turpius, quam par erat, ab Hamilcare loquebantur. Non enim maledici tanto viro deesse poterant. Quo factum est, ut à præfesto morum Hasdrubal cum eo vetaretur esse. Huic ille filiam suam in matrimonium dedit, quod moribus eorum non poterat interdici socero gener. De hoc ideo mentionem fecimus, quod, Hamilcare occiso, ille exercitui præfuit, resque magnas gessit: & princeps largitione vetustos pervertit mores Carthaginensium; ejusdemque post mortem Hannibal ab exercitu acceperit imperium.

*Cap. IV.* At Hamilcar posteaquam mare transiit, in Hispaniamque venit, magnas res secundâ gessit fortunâ: maximas bellicosissimasque gentes subegit: equis, armis, viris, pecunia, totam locupletavit Africam. Hic cum in Italiam bellum inferre meditaretur, nono anno post, quam in Hispaniam venerat, in proelio

200

XXIII. HANNIBAL.

proelio pugnans adversus Vettones occisus est. Hujus perpetuum odium erga Romanos maxime concitasse videtur secundum bellum Punicum. Namque Hannibal filius ejus, assiduus patris obtestationibus eo est perductus, ut interire, quam non Romanos experiri, mallet.

XXIII.

H A N N I B A L

SYNOPSIS.

I. Patriâ. Carthaginensis. Pater Hamilcar. c. 1.  
 II. Vitâ Romanorum hostis insensissimus c. 2. Annô ætat. 24. Imperator factus multa feliciter bella gessit. I. In Hispania. Quam triennio subegit c. 3.  
 II. In Italia. Cum P. Cornelio Scipione, & aliis Consulibus, quos profligavit. c. 4. Romam cum exercitu profectus, inde reversus Capuam, Qu. Fabii Dictatoris insidias callidissimo stratagemate elusit. c. 5. Minutium Rysum, Sempronium Gracchum, Claudium Marcellum sustulit & interfecit. ibid. III. In Africa. Commissio cum P. Scipione apud Zamam infelicitè præliis, domum revocatus, Prætorq; factus est. c. 6. Sed exproscantibus se apud Carthaginenses Romanorum legatis clam ad Antiochum in Syriam confugit. c. 7. IV. In Syria. Antiochum hortabatur ad Romanos opprimendos. c. 8. Cum Rhodiis prælium navale commisit; sed minus prosperè. ib. Itaq; veritus Antiochum, ad Gorthynios in cretam venit: quos callidissimè consiliis decepit. c. 9. V. In Ponto apud Prusiam Regem. Reges finitimos adversus Romanos concitavit. c. 10. Cum Eumene Persarum Rege, Romanorum socio in mari feliciter conflavit. c. 10. & 11. III. Mors. In Ponto à Romanorum legatis propriis in ædibus circumfessus, venenò, quod semper secum habebat, semet ipsum interfecit. c. 12.

Caput I.

**H**ANNIBAL Hamilcaris filius, Carthaginensis. Si verum



### CORN. NEPOTIS.

verum est, quod nemo dubitat, ut populus Romanus omnes gentes virtute superarit non est inficiandum Hannibalem tanto præstitisse cæteros imperatores prudentia, quanto populus Romanus antecedit fortitudine cunctas nationes. Nam quotiescunque cum eo congressus est in Italia, semper discessit superior, quod nisi domi civium suorum invidia debilitatus esset, Romanos videtur superare potuisse: sed multorum obtrectatio devicit unius virtutem. Hic autem velut hæreditate relictum odium paternum erga Romanos sic confirmavit, ut prius animam, quam id deposuerit: qui quidem cum patria pulsus esset, & alienarum opum indigeret, nunquam destiterit animo bellare cum Romanis.

Cap. II. Nam ut omittam Philippum, quem absens hostem reddidit Romanis, omnium his temporibus potentissimus rex Antiochus fuit. Hunc tanta cupiditate incendit bellandi, ut usque à rubro mari arma conatus sit inferre Italiæ. Ad quem cum legati venissent Romani, qui de ejus voluntate explorarent, darentque operam consiliis clandestinis, ut Hannibalem in suspicionem regi adducerent, tanquam ab ipsis corruptum, alia, atque antea sentire: neque id frustra fecissent: idque Hannibal comperisset, seque ab interioribus consiliis segregari vidisset: tempore dato adiit regem, eique cum multa de fide sua, & odio in Romanos commemorasset, hoc adjunxit: *Pater, inquit, meus Hamilcar, puerulo me, utpote non amplius novem annos nato, in Hispaniam imperator proficiscens Carthagine, Jovi optimo maximo hostias immolavit: quæ divina res dum conficiebatur, quæsit a me, vellentne secum in castra proficisci? Id cum libenter accepissem, atque ab eo petere cœpissem, ne dubitaret ducere: tum ille, faciam, inquit, si fidem mihi, quam postulo, dederis. Simulque ad aram adduxit, apud quam sacrificare instituerat: eamque cæteris remotis, tenentem jurare jussit,*

### XXIII. HANNIBAL

*fit, nunquam me in amicitia cum Romanis fore. Id ego iusjurandum patri datum, usque ad hanc diem ita servavi, ut memini dubium esse debeat, quin reliquo tempore eadem mente sim futurus. Quare si quid amicè de Romanis cogitabis, non imprudenter feceris, si me celaris; cum quidem bellum parabis, te ipsum frustraberis, si non me in eo principem posueris.*

*Cap. III.* Hac igitur ætate cum patre in Hispaniam profectus est: cujus post obitum, Hasdrubale imperatore successore, equitatu omni præfuit. Hoc quoque interfecto, exercitus summam imperii ad eum detulit. Id Carthaginem delatum, publice comprobatum est. Sic Hannibal minor. quinque & viginti annis natus, imperator factus proximo triennio omnes gentes Hispaniæ bello subegit: Saguntum, foederatam civitatem, vi expugnavit. Tres exercitus maximos comparavit. Ex his unum in Africam misit, alterum cum Hasdrubale fratre in Hispania reliquit, tertium in Italiam secum duxit. Saltum Pyrenæum transiit. Quacunque iter fecit cum omnibus incolis confligit, neminem nisi victum dimisit. Ad Alpes posteaquam venit, quæ Italiam ab Gallia sejungunt, quas nemo unquam cum exercitu ante eum, præter Herculem Grajum transierat: quo facto is hodie saltus Grajus appellatur: Alpico conantes prohibere transitum concidit, loca patefecit, itinera muniit, effecitque, ut ea elephantus oneratus ire posset, qua antea unus homo inermis vix poterat repere. Hac copias traduxit in Italiamque pervenit.

*Cap. IV.* Confluxerat apud Rhodanum cum P. Cornelio Scipione consule, eumque pepulerat. Cum hoc eodem de Claustidio apud Padum decernit: sauciumque inde ac fugatum dimittit. Tertio idem Scipio cum collega Tiberio Longo ad Trebiam adversus eum venit. Cum his manum conferuit, utrumque profligavit. Inde per Ligures, Appenninum transit, petens Etruriam. Hoc itinere adeo gravi morbo

affici-



## CORN. NEPOTIS.

afficitur oculorum, ut postea nunquam dextero æque bene usus sit: qua valetudine cum etiam tum premeretur, lecticaque ferretur, C. Flamminium consulem apud Trasimentum cum exercitu insidiis circumventum occidit. Neque multo post C. Centenium Proprætorem, cum delecta manu saltus occupantem. Hinc in Apuliam pervenit. Ibi obviam ei venerunt duo consules, C. Terentius Varro; & L. Æmilius Paulus. Utriusque exercitus uno prælio fugavit: L. Paulum consulem occidit, & aliquot præterea consulares. In his Cn. Servilium Geminum, qui anno superiore fuerat consul.

*Cap. V.* Hac pugna pugnata, Romam profectus est nullo resistente: in propinquis urbis montibus moratus est. Cum aliquot ibi dies castrababisset, & reverteretur Capuam, Qu. Fabius Maximus, dictator Rom. in agro Falerno ei se objecit. Hinc clausus locorum angustiis, noctu, sine ullo detrimento exercitus, se expedit. Fabio callidissimo imperatori verba dedit. \* Namque obducta nocte, farramenta in cornibus jumentorum deligata incendit, ejusque generis multitudinem magnam dispalatam immisit. Quo repentino objectu viso, tantum terrorem iniecit exercitui Romanorum, ut egredi extra vallum nemo sit ausus. Hanc post rem gestam, non ita multis diebus M. Minutium Rufum, magistrum equitum, pari ac dictatorem imperio, dolo perductum in prælium, fugavit. Tiberium Sempronium Gracchum, iterum consulem, in Lucanis absens in insidias inductum sustulit. M. Claudium Marcelum, quinquies consulem, apud Venusiam pari modo interfecit. Longum est enumerare prælia. Quare hoc unum satis erit dictum, ex quo intelligi possit, quantus ille fuerit. Quamdiu in Italia fuit, nemo ei in acie restitit, nemo adversus eum, post Cannen-

\* Verba dedit: eum elusit. Obducta nocte h. e.  
*Obscura.*

### XXIII. HANNIBAL.

Cannensem pugnam, in campo castra posuit.

*Cap. VI.* Hic invictus patriam defensum revocatus, bellum gessit adversus P. Scipionis filium, quem ipse primum apud Rhodanum, iterum apud Padum, tertio apud Trebiam fugaverat. Cum hoc exhaustis jam patriæ facultatibus, cupivit impræsentiarum bellum componere, quo valentior postea congrederetur. In colloquium convenit, conditiones non convenerunt. Post id factum, paucis diebus apud Zamam cum eo conflixit: pulsus (incredibile dictu) biduo & duabus noctibus Adrumetum pervenit, quod abest à Zama circiter millia passuum trecenta. In hac fuga Numidæ, qui simul cum eo ex acie excefferant, insidiati sunt ei: quos non solum effugit, sed etiam ipsos oppressit. Adrumeti reliquos ex fuga collegit, novis delectibus, paucis diebus, multos contraxit.

*Cap. VII.* Cum in apparando accerimo esset occupatus, Carthaginenses bellum cum Romanis composuerunt. Ille nihilo secius exercitui postea præfuit, resque in Africa gessit. Itemque Mago frater ejus, usque ad P. Sulpitium, C. Aurelium, consules. His enim magistratibus, legati Carthaginenses Romam venerunt, qui Senatui Populoque Rom. gratias agerent, quod cum his pacem fecissent; ob eamque rem corona aurea eos donarent, simulque peterent, ut obsides eorum Fregellis essent, captivique redderentur. His ex Senatus consulto responsum est: munus eorum gratum acceptumque esse: obsides quo loco rogarent, futuros: captivos non remisiuros, quod Hannibalem, cujus opera susceptum bellum foret, inimicissimum nomini Romano, & nunc cum imperio apud exercitum haberent, itemque fratrem ejus Magonem. Hoc responso Carthaginenses cognito, Hannibalem domum, Magonemque revocarunt. Hic, ut rediit, prætor factus est, postquam rex fuerat, anno secundo & vicesimo. Ut enim



### CORN. NEPOTIS.

enim Romæ consules, sic Carthagine quotannis annui bini reges creabantur. In eo magistratu paridiligentia se Hannibal præbuit, ac fuerat in bello. Namque effecit, ex novis vectigalibus non solum ut esset pecunia, quæ Romanis ex fœdere penderetur, sed etiam superesset, quæ in ærario poneretur. De inde anno post præturam, M. Claudio L. Furio Coss. Romani legati Carthaginem venerunt. Hos Hannibal sui exposcendi gratia missos ratus, priusquam his senatus daretur, navem conscendit clam, atque in Syriam ad Antiochum profugit. Hac re palam facta, Pœni naves duas, quæ eum prehenderent, si possent consequi, miserunt. Bona ejus publicarunt, domum à fundamentis disjecerunt, ipsum exulem judicarunt.

*Cap. VIII.* At Hannibal anno tertio, postquam domo profugerat, L. Cornelio, Q. Minucio Coss. cum quinque navibus Africam, accessit in finibus Cyrenæorum, si forte Carthaginenses ad bellum, Antiochi spe fiduciaque, inducere posset: cui jam persuaserat, ut cum exercitibus in Italiam proficisceretur. Huc Magonem fratrem excivit. Id ubi Pœni resciverunt, Magonem eadem, qua fratrem absentem, pœna affecerunt. Illi desperatis rebus, cum solvissent, naves, ac vela ventis dedissent, Hannibal ad Antiochum pervenit. De Magonis interitu duplex memoria prodita est: namque alii naufragio, alii à servis ipsius interfectum eum, scriptum reliquerunt. Antiochus autem si tam in agendo bello parere voluisset consiliis ejus, quam in suscipiendo instituerat, propius Tiberi, quam Thermopylis, de summa imperii dimicasset; quem etsi multa stultè conarividebat, tamen nulla deseruit in re. Præfuit paucis navibus, quas ex Syria jussus erat in Asiam ducere, hisque adversus Rhodiorum classem in Pamphylia mari conflixit. Quo cum multitudine adversariorum sui superarentur; ipse, quo cornu rem gessit, fuit superior.

*Cap. IX.*

### XXIII. HANNIBAL.

*Cap. IX.* Antiocho fugato, verens ne dederetur, quod sine dubio accidisset, si sui fecisset potestatem, Cretam ad Gortynios venit, ut ibi, quo se conferret, consideraret. Vidit autem vir omnium callidissimus, magno se fore in periculo, nisi quid providisset, propter avaritiam Cretensium. Magnam enim secum pecuniam portabat, de qua sciebat exisse famam. Itaque capit tale consilium. Amphoras complures complet plumbo, summas operit auro & argento; has Gortyniis præsentibus deponit in templo Dianæ, simulans se suas fortunas illorum fidei credere. His in errorem ductis, statuas æneas, quas secum portabat, omnes sua pecunia complet, easque in propatulo domi abiecit. Gortinii templum magna cura custodiunt non tam à cæteris, quam ab Hannibale, ne quid ille, inscientibus his, tolleret, secumque portaret.

*Cap. X.* Sic conservatis suis rebus Pœnus, illis Cretensibus omnibus, ad Prusiam in Pontum pervenit: apud quem eodem animo fuit erga Italiam: neque aliud quicquam egit, quam regem armavit, & excitavit adversus Romanos. Quem cum videret domesticis rebus minus esse robustum, conciliabat cæteros reges, adjuungebatque bellicosas nationes. Dissidebat ab eo Pergamenus rex Eumenes, Romanis amicissimus, bellumque inter eos gerebatur & mari & terra: quo magis cupiebat eum Hannibal opprimi. Sed utrobique Eumenes plus valebat propter Romanorum societatem: quem si removisset, faciliora sibi cætera fore arbitrabatur. Ad hunc interficiendum talem iniit rationem: Classe paucis diebus erant decertaturi, superabatur navium multitudine, dolo erat pugnandum, cum par non esset armis. Imperavit quam plurimas venenatas serpentes vivas colligi, easque in vasa fictilia conijci. Harum cum confecisset magnam multitudinem, die ipso, quo facturus erat navale prælium, classiarios convocat, his-

que



## CORN. NEPOTIS.

que præcipit, omnes ut in unam Eumēnis regis concurrant navem: à ceteris tantum satis habeant se defendere. Id facile illos serpentium multitudine consecuturos. Rex autem qua nave veheretur, ut scirent, se facturum: quem si aut cepissent, aut interfecissent, magno his pollicetur id præmio fore.

*Cap. XI.* Tali cohortatione militum facta classis ab utrisque in prælium deducitur, quarum acie constituta, priusquam signum pugnae daretur, Hannibal, ut palam faceret suis, quo loco Eumenes esset, tabellarium in scapha cum caduceo mittit: qui ubi ad naves adversariorum pervenit, epistolam ostendens, se regem professus est quærere. Statim ad Eumenem deductus est, quod nemo dubitabat, aliquid de pace esse scriptum. Tabellarius ducis nave declarata suis, eodem, unde erat, se recepit. At Eumenes soluta epistola nihil in ea reperit, nisi quod ad irridendum eum pertineret; cuius etsi causam mirabatur, neque reperiēbatur. tamen prælium statim committere non dubitavit. Horum in concursu Bythyni, Hannibalis præcepto, universi navem Eumēnis adoriuntur. Quorum vim cum rex sustinere non posset, fuga salutem petiit: quam consecutus non esset, nisi intra sua præsidia se recepisset, quæ in proximo littore erant collocata. Reliquæ Pergamenæ naves cum adversarios premerent acrius, repente in eas vasa fictilia, de quibus supra mentionem fecimus, conijci coepta sunt: quæ iacta initio risum pugnantibus excitarunt, neque, quare id fieret, poterat intelligi, postquam naves completas conspexerunt serpentibus, nova re perterriti, cum, quid potissimum vitarent, non viderent, puppes averterunt, seque ad sua castra nautica retulerunt. Sic Hannibal consilio arma Pergamenorum superavit; neque tum solum, sed sæpe alias pedestribus copiis pari prudentia pepulit adversarios.

*Cap. XII.* Quæ dum in Asia geruntur, accidit casu, ut

### XXIII. HANNIBAL.

su, ut legati Prusiae Romae apud L. Quintium Flaminium consularem coenarent, atque ibi de Hannibale mentione facta, ex his unus diceret, eum in Prusiae regno esse. Id postero die Flaminius Senatui detulit. Patres conscripti, qui Hannibalem vivo, nunquam se sine insidiis futuros existimabant, legatos in Bithyniam miserunt, in his Flaminium, qui à rege peterent, ne inimicissimum suum secum haberet, sibi-que ut dederet. His Prusias negare ausus non est: illud recusavit, id ne à se fieri postulerent, quod adversus jus hospitii esset: ipsi, si possent, comprehenderent: locum, ubi esset, facile inventuros. Hannibal enim uno loco se tenebat in castello, quod ei ab rege datum erat muneri, idque sic ædificarat, ut in omnibus patribus ædificii exitus haberet, semper verens, ne usu eveniret, quod accidit. Huc cum legati Romanorum venissent, ac multitudine domum ejus circumdedissent, puer ab janua prospiciens Hannibali dixit, plures præter consuetudinem, armatos apparere. Qui imperavit ei, ut omnes fores ædificii circumiret, ac propere sibi renunciaret, num eodem modo undique obsideretur. Puer cum celeriter, quid esset, renuntiasset, omnesque exitus occupatos ostendisset; sensit id non fortuito factum, sed se peti, neque sibi diutius vitam esse retinendam: quam ne alieno arbitrio dimitteret, memor pristinarum virtutum, venenum, quod semper secum habere consueverat, sumpsit.

*Cap. XIII.* Sic vir fortissimus, multis variisque perfunctus laboribus, anno acquievit septuagesimo. Quibus Consulibus interierit, non convenit. Namque Atticus M. Claudio Marcello, & Q. Labio Labone Coss. mortuum in annali suo scriptum reliquit. At Polybius L. Æmilio Paulo, & Cn. Bæbio Tamphilo; Sulpicius autem P. Cornelio Cethego, & M. Bæbio Tamphilo. Atque hic tantus vir, tantisque bellis districtus, nonnihil temporis tribuit litteris.

Namque



## CORN. NEPOTIS.

Namque aliquot ejus libri sunt Græco sermone confecti: in his ad Rhodios de Cn. Manlii Vulsonis in Asia rebus gestis. Hujus bella gesta multi memorie prodiderunt: sed ex his duo, qui cum eo in castris fuerunt, simulque vixerunt, quamdiu fortuna passa est, Philænius, & Sosilus Lacedæmonius: atque hoc Sosilio Hannibal literarum Græcarum usus est doctore. Sed nunc tempus est hujus libri facere finem, & Romanorum explicare Imperatores, quo facilius collatis utrorumque factis, qui viri præferendi sint, possit judicari.

### XXIV.

## M. PORCIUS CATO.

Ex libro secundo

ÆMILII PROBI,

*seu Cornelii Nepotis.*

### SYNOPSIS.

I. Origo. *Patrid Tusculanus. c. 1.* II. Vita, ubi notanda, 1. Vita ejus privata, & quidem quod *Adolescentulus versatus in Sabinis, Hortatu L. Valerij Flacci Romam inagraverit. deinde in foro esse cæperit. c. 1.* 2. Publica, eaque Sagata. Nam militavit *Sub Qu. Fabio Maximo. Tribunus militum fuit in Sicilia. Castra secutus est Cl. Neronis. P. Scipioni Africano Quæstor obtigit c. 1.* Togata, fuit enim *Ædilis pl. Prætor. ibid. Consul. c. 2.* Censor severe ei potestati præfuit. *ibid.* Nullas inimicitias Reip. causa suscipere metuit. *ibid.* In omnibus rebus singulari fuit prudentia & industria c. 3. Literis in senectute deditus historias scribere instituit. *ibid.* III. Mors. Teste Cicerone, annos 85. natus & vita excessit. *ibid.*

### Caput I.

CATO ortus municipiô Tusculô, adolescentulus, prius quam honoribus operam daret, versatus est in Sabinis; quod ibi hæredium à patre relictum habet.

#### XXIV. CATO

habebat. Hortatu L. Valerii Flacci, quem in consulatu censuraque habuit collegam, ut M. Perperenna Censorius narrare solitus est, Romam demigravit: in foro esse coepit. Primum stipendium meruit \*anno- rum decem septemque, Q. Fabio Maximo, M. Claudio Marcello Coss. Tribunus militum in Sicilia fuit. Inde ut rediit, castra secutus est C. Claudii Neronis: magnique ejus opera æstimata est in prælio apud Senam, quo cecidit Hasdrubal, frater Hannibal- lis. Quæstor obtigit P. Cornelio Scipioni Africano consuli; cum quo non pro sortis necessitudine vixit; namque ab eo perpetuâ diffensit vitâ. Ædilis pl. factus est cum C. Helvio, Prætor provinciam obti- nuit Sardiniam, ex qua Quæstor superiore tempore ex Africa decedens, Q. Ennium poëtam deduxerat: quod non minoris existimamus, quam quemlibet am- plissimum Sardiniensem triumphum.

Cap. II. Consulatum gessit cum L. Valerio Flac- co, \*forte provinciam nactus Hispaniam citeriorem, exque ea triumphum deportavit. Ibi cum diutius moraretur, P. Scipio Africanus consul iterum, cujus in priore consulatu quæstor fuerat, voluit eum de provincia depellere, & ipse ei succedere: neque hoc per senatum efficere potuit, cum quidem Scipio in civitate principatum obtineret. Quod tum non poten- tia, sed jure repub. administrabatur. Qua ex re i- ratus, senatu peracto, \*privatus in urbe mansit. At Cato, censor cum eodem Flacco factus, severe præ- fuit ei potestati. Nam & in complures nobiles ani- madvertit, & multas res novas in edictum addidit, qua re luxuria reprimeretur, quæ jam tum incipie- bat pellulare. Circiter annos octoginta usque ad extremam ætatem, ab adolescentia, reipub. causa su-

Dd

sci-

\* Militiæ initium fecit.

\* Sorte magistratus eligebantur, nominibus Pro- vinciarum in urnam conjectis.

\* Senatu peracto, h. e. finito consulatu.



## CORN. NEPOTIS.

scipere inimicitias non destitit. A multis tentatus, non modo nullum detrimentum existimationis fecit, sed quoad vixit, virtutum laude crevit.

*Cap. III.* In omnibus rebus singulari fuit prudentia & industria. Nam & agricola solers, & reipubl. peritus, & jurisconsultus, & magnus Imperator, & probabilis orator, & cupidissimus litterarum fuit. Quarum studium etsi senior arripuerat, tamen tantum in eis progressum fecit, ut non facile reperire possis, neque de Græcis, neque de Italicis rebus, quod ei fuerit incognitum. Ab adolescentia confecit orationes. Senex historias scribere instituit. quarum sunt libri septem. Primus continet res gestas regum Populi Romani: Secundus, & tertius, unde quæque civitas orra sit Italica: ob quam rem omnes Origines videtur appellasse. In quarto autem bellum Punicum primum: in quinto secundum. Atque hæc omnia capitulatim sunt dicta. Reliquaque bella pari modo persecutus est, usque ad præturam Ser. Galbæ, qui diripuit Lusitanos. Atque horum bellorum duces non nominavit, sed sine nominibus res notavit. In iisdem exposuit quæ in Italia Hispanisque viderentur admiranda. In quibus multa industria, & diligentia comparet, multa doctrina. Hujus de vita & moribus plura in eo libro persecuti sumus, quem seperatim de eo fecimus, rogatu T. Pomponij Attici. Quare studiosos Catonis ad illud volumen delegamus.

## XXV.

### VITA T. POMPONII ATTICI,

*ex Cornelio Nepote.*

I. Origo. *Patriâ Romanus.* II. Vita. Ubi consideranda. 1. *Educatio. Adolescens magna cum laude studijs operam dedit. c. 1.* 2. *Virtutes, fuit. Liberalis. c. 2.* *Eruditus & modestus, c. 3. & 4.* *Admodum pius erga alios. c. 5.* *Amicus M. & Q. Cicer-*

## XXV. T. P. ATTICI.

*ceronis* & Q. Hortensij c. 5. *Abstineus à factionibus, ut in bello Cæsariano neutri adhaereret parti* c. 7. *Occiso Cæsare, neque cum Bruto fecit, neque cum Cassio.* c. 8. *Neque Antonium violavit hostem iudicatum* c. 9. 10. *Pro amicis restituendis sedulo egit apud Antonium* c. 11. & 12. *Bonus Pater familias.* 1. *Parum emendo.* 2. *Nihil ædificando.* 3. *Familiam tamen alendo.* 4. *Sumptus non nisi necessarios faciendo* c. 13, & 14. *Mendacii inimicus, & contra fidei & veritatis amantiſſimus.* c. 15. *Amicitia studiosiſſimus* c. 16. *Pius erga parentes & propinquos.* c. 17. *Amans philosophiæ & antiquitatis* c. 18. *Affinitas cum Augusto Cæsare,* c. 19. *Amicitia cum eodem & Antonio.* c. 20. *Valetudo satis firma* c. 21. III. *Mors. Quam cibi abstinentia ultro acceleravit* c. 22. *Sepultura, elatus est in lectica sine ulla funeris pompa, & in via Appia sepultus.* c. 22.

### Caput I.

**P**OMPONIUS Atticus, ab origine ultima stirpis Romanæ generatus, perpetuo à majoribus acceptam equestrem obtinuit dignitatem. Patre usus est diligente, indulgente, & ut tum erant tempora, diti, imprimisque studioso litterarum. Hic, prout ipse amabat litteras, omnibus doctrinis, quibus puerilis ætas impertiri debet, filium erudivit. Erat autem in puero, præter docilitatem ingenii, summa suavis oris ac vocis, ut non solum celeriter arriperet, quæ tradebantur, sed etiam excellenter pronuntiaret. Quæ ex re in pueritia, nobilis inter æquales ferebatur, clariorque exsplendescēbat, quam generosi condiscipuli animo æquo ferre possent. Itaque incitabat omnes studio suo: quo in numero fuerunt L. Torquatus, C. Marius, C. filius, M. Cicero, quos consuetudine sua sic sibi devinxit, ut nemo iis perpetuo fuerit carior.

*Cap. II.* Pater mature decessit. Ipse adolescentulus, propter affinitatem P. Sulpici, qui tribunus plebi.



## CORN. NEPOTIS.

interfectus est, non expers fuit illius periculi. Namque Anicia, Pomponij consobrina, nupserat M. Servio, fratri P. Sulpicii. Itaque interfecto P Sulpicio posteaquam vidit, Cinnano tumultu civitatem esse turbatam, neq; sibi dari facultatem pro dignitate vendi, quin alterutram partem offenderet, dissociatis animis civium, cum alij Syllanis, alij Cinnanis faverent partibus: idoneum tempus ratus studiis obsequendi suis, Athenas se contulit: neque eo secius adolescentem Marium, hostem judicatum, juvit opibus suis, cujus fugam pecuniâ sublevavit. Ac ne illa peregrinatio detrimentum aliquod afferret rei familiaris, eodem magnam partem fortunarum trajecit suarum. Hic ita vixit, ut universis Atheniensibus merito esset carissimus. Nam, præter gratiam, quæ jam in adolescentulo magna erat, sæpe suis opibus inopiam eorum publicam levavit. Quum enim \*versuram facere publice necesse esset, neque ejus conditionem æquam haberent; semper se interposuit, atque ita, ut neque usuram unquam ab iis acceperit, neque longius, quam dictum esset, eos debere passus sit. Quod utrumque erat iis salutare. Nam neque indulgendo inveterascere eorum æs alienum patiebatur, neque multiplicandis usuris crescere. Auxit hoc officium alia quoque liberalitate. Nam universos frumento donavit, ita ut singulis septem modii tritici darentur. Qui modus mensuræ, medimnus, Athenis appellatur.

*Cap. III.* Hic autem sic se gerebat, ut communis infimis, par principibus videretur. Quo factum est, ut huic omnes honores, quos possent, publice haberent, civemque facere studerent: quo beneficio ille uti noluit. Quod nonnulli ita interpretantur, amitti civitatem Romanam, aliâ ascitâ. Quamdiu affuit, ne qua sibi statua poneretur, restitit: absens prohibere non

\* *Versuram facere, h. e. mutare Creditores, æsq; alienum solvere.*

XXV. T. P. ATTICI.

re non potuit. Itaque aliquot ipsi & Phidiæ locis sanctissimis posuerunt. Hunc enim in omni procuratione reipubl. actorem auctoremque habebant. Igitur primum illud munus fortunæ, quod in ea potissimum urbe natus est; in qua domicilium orbis terrarum esset imperii, ut eandem & patriam haberet, & dominam: hoc specimen prudentiæ, quod, cum in eam civitatem se contulisset, quæ antiquitate, humanitate, doctrina præstaret omnes, ei unus ante alios fuerit carissimus.

*Cap. IV.* Huc ex Asia Sylla decedens cum venisset, quam diu ibi fuit, secum habuit Pomponium, captum adolescentis & humanitate, & doctrina. Sic enim Græce loquebatur, ut Athenis natus videretur. Tanta autem suavisitas erat sermonis Latini, ut appareret, in eo nativum quendam leporem esse, non ascitum. Idem pœmata pronunciabat & Græcè & Latine sic ut supra nihil posset addi. Quibus rebus factum est, ut Sylla nusquam eum ab se dimitteret, cuperetque secum deducere. Cui cum persuadere tentaret, *noli, oro te, (inquit Pomponius) adversum eos me velle ducere, cum quibus, ne contra te arma ferrem, Italianam reliqui.* At Sylla adolescentis officio collaudato, omnia munera ei, quæ Athenis acceperat, proficiscens iussit deferri. Hic complures annos moratus, cum & rei familiari tantum operæ daret, quantum non indiligens deberet paterfamilias, & omnia reliqua tempora aut litteris, aut Atheniensium reip. tribueret, nihilominus amicis urbana officia præstitit. Nam & ad comitia eorum ventitavit, & si qua res major acta est, non defuit: sicut Cicero in omnibus ejus periculis singularem fidem præbuit: cui ex patria fugienti, LLS. ducenta & quinquaginta millia donavit. Tranquillatis autem rebus Romanis, remigravit Romam, ut opinor, L. Cotta & L. Torquato Coss. Quem diem sic universa civitas Atheniensium prosecuta est, ut lacrimis desiderii futuri dolorem indicaret.

*Cap. V.*



## CORN. NEPOTIS.

*Cap. V.* Habebat avunculum Qu. Cæcilium, equitem Rom. familiarem L. Luculli, divitem, difficillimâ naturâ: cujus sic asperitatem veritus est, \* ut, quem nemo ferre posset, hujus sine offensione ad summam senectutem retinuerit benevolentiam. Quo facto, tulit pietatis fructum. Cæcilius enim moriens, testamento adoptavit eum, heredemque fecit ex dodrante; \* ex qua hæreditate accepit circiter centies LLS. \* Erat nupta soror Attici Q. Tullio Ciceroni, easque nuptias M. Cicero conciliavit: cum quo à condiscipulatu vivebat conjunctissimè, multo etiam familiarius, quam cum Q. ut judicari possit, plus in amicitia valere similitudinem morum, quam affinitatem. Utebatur autem intimè Q. Hortensio, qui temporibus principatum eloquentiæ tenebat, ut intelligi non posset, uter eum plus diligeret Cicero, an Hortensius: & id quod erat difficillimum, efficiebat, ut inter quos tantæ laudis esset æmulatio, nulla intercederet obtrectatio, essetque talium virorum copula.

*Cap. VI.* In republica ita versatus est, ut semper optimarum partium & esset, & existimaretur: neque tamen se civilibus fluctibus committeret, quod non magis eos in sua potestate existimabat esse, qui se iis dedissent, quam qui maritimis jactarentur. Honores non petiit, cum ei paterent propter vel gratiam, vel dignitatem: quod neque peti more majorum, neque capi possent conservatis legibus in tam effusis ambitus largitionibus, neque geri è republica sine periculo, corruptis civitatis moribus. Ad hastam publicam nunquam accessit. \* Nullius rei neque præses, neque manceps factus est. Neminem neque suo nomine, neque subscribens, accusavit. In jus de suare num.

\* *Veneratione & obsequio mitigavit.*

\* *Ex dodrante h. e. novem partibus honorum ex 12.*

\* *h. e. Centum millia Sestertiorum nummum.*

\* *i. e. in Auctione non emit bona publicata.*



XXV. T. P. ATTICI.

numquam iit, iudicium nullum habuit. Multorum consulum prætorumque præfecturas delatas sic accepit, ut neminem in provinciam sit secutus, honore fuerit contentus, rei familiaris despexerit fructum. Qui ne cum Q. quidem Cicerone voluerit ire in Asiam, cum apud eum legati locum obtinere posset. Non enim decere se arbitrabatur, cum præturam gerere noluisse, affectam esse prætoris; qua in re non solum dignitati serviebat, sed etiam tranquillitati, cum suspiciones quoque vitaret criminum. Quo fiebat, ut ejus observantia omnibus esset carior, cum eam officio, non timori, neque spei tribui viderent.

*Cap. VII.* Incidit Cæsarianum civile bellum, cum haberet annos circiter sexaginta. Usus est ætatis vacatione, neque se quoquam movit ex urbe. Quæ amicis suis opus fuerant, ad Pompejum proficiscentibus, omnia ex sua re familiari dedit. Ipsum Pompejum conjunctum non offendit. Nullum enim ab eo habebat ornamentum, ut ceteri, qui per eum aut honores, aut divitias ceperant: quorum partim invictissimi castra sunt secuti, partim summa cum ejus offensione domi remanserunt. Attici autem quies, tantopere Cæsari fuit grata, ut victor, cum privatis pecunias per epistolas imperaret, huic non solum molestus non fuerit, sed etiam sororis & Q. Ciceronis filium ex Pompeij castris concesserit. Sic veteri instituto vitæ effugit nova pericula.

*Cap. VIII.* Secutum est illud, occiso Cæsare, cum respublica penes Brutos videretur esse & Cassium, ac tota civitas se ad eos convertisset, sic M. Bruto usus est, ut nullo ille adolescens æquali familiaris, quam hoc sene; neque solum eum principem consilii haberet, sed etiam in convictu. Excogitatum est a quibusdam, ut privatum ærarium Cæsaris interfecto-ribus, ab equitibus Romanis constitueretur. Id facile effici posse arbitrati sunt, si & principes illius ordinis pecunias contulissent. Itaque appellatus est a

C. Fla-



## CORN. NEPOTIS.

C. Flavio Bruti familiari Atticus, ut ejus rei princeps esse vellet. At ille, qui officia amicis præstanda sine factione existimaret, semperque á talibus se consiliis removisset, respondit: si quid Brutus de suis facultatibus uti voluisset, usurum, quantum eæ paterentur: se neque cum quoquam de eare collocuturum, neque coiturum. Sic ille consensionis globus, hujus unius dissensione disiectus est. Neque multo post superior esse cœpit Antonius, ita ut Brutus & Cassius provinciarum, quæ iis dicis causa \* datae erant à consulibus, desperatis rebus, in exilium proficiscerentur. Atticus, qui pecuniam simul cum cœteris conferre noluerat florenti illi parti, abjecto Bruto, Italiaque cedenti, LLS. centum millia muneri misit: eidem in Epiro, absens trecenta jussit dari. Neque eò magis potenti adulatus est Antonio, neque desperatos reliquit.

*Cap. IX.* Secutum est bellum gestum apud Mutinam. In quo si tantum eum prudentem dicam, minus quam debeam, prædicem, cum ille potius divinus fuerit: si divinatio appellanda est perpetua naturalis bonitas, quæ nullis casibus neque agitur, neque minuitur. Hostis Antonius judicatus Italia cefferat: spes restituendi nulla erat. Non solum ejus inimici, qui tum erant potentissimi & plurimi, sed etiam amici adversariis ejus se dabant, & in eo lædendo se aliquam consecuturos sperabant commoditatem, ejus familiares insequiebantur; uxorem Fulviam omnibus rebus spoliare cupiebant, liberos etiam extinguere parabant: Atticus, cum Ciceronis intima familiaritate uteretur, amicissimus esset Bruto; non modo nihiliis indulsit ad Antonium violandum, sed è contrario familiares ejus ex urbe profugientes, quantum potuit, textit: quibus rebus indiguerunt, adjuvit. P. verò Volumnio ea tribuit, ut plura à parente proficisci non

\* *Dicis causa. h. e. simulanter, non ex animo, ut patrata nece Cæsaris honeste ex urbe discederent.*

XXV. T. P. ATTICI.

non potuerint. Ipsi autem Fulviæ, cum litibus distineretur, magnisque terroribus vexaretur, tanta diligentia officium suum præstitit, ut nullum illa stiterit vadimonium sine Attico, hic sponsor omnium rerum fuerit. Quin etiam, cum illa fundum secunda fortuna emisset in diem, neque post calamitatem versuram facere potuisset: ille se interposuit, pecuniamque sine fœnore, sineque ulla stipulatione ei credidit, maximum existimans quæstum, memorem gratumque cognoscei: simulque aperire, se non fortunæ, sed hominibus solere esse amicum. Quæ cum faciebat, nemo eum temporis causa facere poterat existimare. Nemini enim in opinionem veniebat, Antoniura rerum potiturum. Sed sensim is à nonnullis optimatibus reprehendebatur, quod parum odisse malos ciues videretur.

*Cap. X.* Ille autem sui iudicii, potius quid se facere par esset, intuebatur, quam quid alii laudaturi forent. Conversa subito fortuna est. Ut Antonius rediit in Italiam, nemo non magno in periculo Atticum futurum putarat, propter intimam familiaritatem Ciceronis & Bruti. Itaque ad adventum imperatorum de foro decesserat, timens proscriptionem: latebatque apud P. Voluminium, cui, ut ostendimus paulo ante, opem tulerat: ( tanta varietas iis temporibus fuit fortunæ, ut modo hi, modo illi in summo essent aut fastigio, aut periculo ) habebatque secum Q. Gellium Canium, æqualem, simillimumque sui. Hoc quoque sit Attici bonitatis exemplum, quod cum eo, quem puerum in ludo cognoverat, adeo conjuncte vixit, ut ad extremam ætatem, amicitia eorum creverit. Antonius autem, etsi tanto odio ferebatur in Ciceronem, ut non solum ei, sed omnibus etiam ejus amicis esset inimicus, eosque vellet proscribere multis hortantibus tamen Attici memor fuit officii & ei, cum requisisset ubinam esset, sua manu scripsit, ne timeret, statimque ad se veniret: se eum, &  
illius



CORN. NEPOTIS.

illius causa Gellium Canium, de proscriptorum nume, ro exemisse. Ac, ne quod in periculum incideret quod noctu fiebat, praesidium ei misit. Sic Atticus in summo timore non solum sibi, sed etiam ei, quem charissimum habebat, praesidio fuit. Neque enim suae solum a quoquam auxilium petiit salutis, sed conjunctim: ut appareret, nullam sejunctam sibi ab eo velle esse fortunam. Quod si gubernator praecipua laude fertur qui navem ex hyeme marique scopuloso servat; cur non singularis ejus existimetur prudentia, qui ex tot tamque gravibus procellis civilibus, ad incolumitatem pervenit?

Cap. XI. Quibus ex malis ut se emerfit, nihil aliud egit, quam ut plurimis, quibus rebus pisset, esset auxilio. Cum proscriptos praemiis imperatorum vulgus conquireret, nemo in Epirum venit, cui res ulla defuerit. Nemini non ibi perpetuo manendi potestas facta est. Quin etiam post praelium Philippense, interitumque C. Cassii & M. Bruti, L. Julium Mocillam praetorium, & ejus filium, Aulumque Torquatum, caeterosque pari fortuna perculos, instituit tueri: atque ex Epiro his omnia Samothraciam supportari jussit. Difficile enim est, omnia persequi, & non necessaria. Illud unum intelligi volumus, illius liberalitatem, neque temporariam, neque callidam fuisse. Id ex ipsis rebus ac temporibus judicari potest, quod non florentibus se venditavit, sed afflictis semper succurrit. Qui quidem Serviliam, Bruti matrem, non minus post mortem ejus, quam florentem, coluerit. Sic liberalitate utens, nullas inimicitias gessit, quod neque laedebat quemquam, neque, si quam injuriam acceperat, non malebat ulcisci, quam oblivisci. Idem immortalis memoria percepta retinebat beneficia: quae autem ipse tribuerat, tamdiu meminerat, quoad ille gratus erat, qui acceperat. Itaque hic fecit, ut vere dictum videatur: SUI CUIQUE MORES, FINGUNT FORTUNAM. Neque.



210

XXV. T. P. ATTICI

que tamen prius ille fortunam, quam se ipse finxit: qui cavit ne qua in re jure plecteretur.

*Cap. XII.* His igitur rebus effecit, ut M. Vispianus Agrippa intima familiaritate conjunctus adolescenti Cæsari, cum propter suam gratiam, & Cæsaris potentiam, nullius conditionis non haberet potestatem, potissimum ejus diligeret affinitatem, præoptaretque equitis Romani filiam generosarum nuptiis. Atque harum nuptiarum conciliator fuit (non enim est celandum) M. Antonius triumvir reipublicæ constituendæ: cujus gratia cum augere possessiones posset suas, tantum abfuit à cupiditate pecuniæ, ut nulla in re usus sit eâ, nisi in deprecandis amicorum aut periculis, aut incommodis. Quod quidem sub ipsa proscriptione perillustre fuit. Nam cum L. Saufei equitis Romani, æqualis sui, qui cum eo complures annos studio ductus Philosophiæ, Athenis habitabat, habebatque in Italia pretiosas possessiones, triumviri bona vendidissent, consuetudine ea, quam res gerebantur: Attici labore atque industria factum est, ut eodem nuncio Saufei fieret certior, se patrimonium amisisse, & recuperasse. Idem L. Julium Calidum, quem post Lucretii Catulique mortem, multo elegantissimum poëtam nostram tulisse ætatem, vere videor posse contendere, neque minus virum bonum, optimisque artibus eruditum, post proscriptionem equitum, propter magnas ejus Africanas possessiones, in proscriptorum numerum à P. Volumnio, præfecto fabrûm Antonii, absentem relatum, expedit. Quod in præsentem utrum ei laboriosius, an gloriosius fuerit, difficile fuit judicare: quod in eorum periculis, non secus absentes, quam præsentem amicos Attico esse curæ, cognitum est.

*Cap. XIII.* Neque vero minus ille, vir, bonus paterfamilias habitus est, quam civis. Nam cum esset pecuniosus, nemo illo minus fuit emax, minus ædificator. Neque tamen non in primis bene habitavit, omnibus.



### CORN. NEPOTIS.

mnibusque optimis rebus usus est. Nam domum habuit in colle Quirinali Tamphilanam, ab avunculo hæreditate relictam, cujus amcenitas non ædificio, sed silva constabat. Ipsum enim tectum, antiquitus constitutum, plus salis, quam sumptus habebat: in quo nihil commutavit, nisi si quid vetustate coactus est. Usus est familia, si utilitate judicandum est, optima: si forma, vix mediocri. Namque in ea erant pueri litteratissimi, anagnostæ optimi, \* & plurimi librarii, ut ne pedisequs quidem quisquam esset, qui non utrumque horum pulchre facere posset: pari modo, artifices cæteri, quos cultus domesticus desiderat, apprime boni. Neque tamen horum quemquam nisi dominatum, domique factum, habuit: quod est signum non solum continentiæ, sed etiam diligentiae. Nam & non intemperanter concupiscere, quod à plurimis videas, continentis debet duci: & potius diligentia, quam pretio parare, non mediocris est industriæ. Elegans, non magnificus: splendidus, non sumptuosus, omni diligentia munditiem non affluentem affectabat. Suppellex modica, non multa, ut in neutram partem conspici posset. Nec hoc præteribo, quamquam nonnullis leve visum iri putem. Cum in primis lautus esset eques Rom. & non parum liberaliter domum suam omnium ordinum homines invitaret, scimus non amplius, quam terna millia æris, peræque in singulos menses, ex ephemeride eum expensum sumptui ferre solitum. Atque hoc non auditum, sed cognitum prædicamus. Sæpe enim propter familiaritatem, domesticis rebus interfuimus.

Cap. XIV. Nemo in convivio ejus aliud acroama audit, \* quam anagnosten: quod nos quidem jucundissimum arbitramur. Neque unquam sine aliqua lecti-

one

\* Anagnostæ, lectores ad mensam. librarii, qui libros describebant.

\* Acroama, id quod aures delectat, ut symphoniaci tibetines &c.

XXV. T. P. ATTICI.

one apud eum coenatum est; ut non minus animo quam ventre, convivæ delectarentur: namque eos vocabat, quorum mores à suis non abhorrent. Cum tanta pecuniæ facta esset accessio, nihil de quotidiano cultu mutavit, nihil de vitæ consuetudine: tantaque usus est moderatione, ut neque in sestertio vicies, quod à patre acceperat, parum se splendide gesserit: neque in sestertio centies affluentius vixerit, quam instituerat; parique fastigio steterit in utraque fortuna. Nullos habuit hortos, nullam suburbanam, aut maritimam sumptuosam villam, neque in Italia, præter Ardeatinum & Nomentanum, rusticum prædium: omnisque ejus pecuniæ reditus constabat in Epiroticis & urbanis possessionibus. Ex quo cognosci potest, eum, usum pecuniæ non magnitudine, sed ratione metiri solitum.

Cap. XV. Mendacium neque dicebat, neque pati poterat. Itaque ejus comitas non sine severitate erat, neque gravitas sine facilitate: ut difficile esset intellectu, utrum eum amici magis vererentur, quam amarent. Quicquid rogabatur, religiose promittebat: quod non liberalis, sed levis arbitrabatur, polliceri, quod præstare non posset. Idem in nitendo, quod semel adnuisset, tanta erat cura, ut non mandatam, sed suam rem videretur agere. Nunquam suscepti negotii eum pertæsum est. Suam enim estimationem in ea re agi putabat: qua nihil habebat carius. Quo fiebat ut omnia M. & Q. Ciceronum, Catonis, Marii, Q. Hortensij, Auli Torquati, multorum præterea equitum Rom. negotia procuraret. Ex quo judicari poterat, non inertia, sed judicio, fugisse reipublicæ procuracionem.

Cap. XVI. Humanitatis vero nullum afferre majus testimonium possum, quam quod adolescens idem seni Syllæ fuerit jucundissimus, senex adolescenti M. Bruto: cum æqualibus autem suis, Qu. Hortensio & M. Cicerone sic vixerit, ut judicari diffici-



### CORN. NEPOTIS.

difficile sit cui ætati fuerit aptissimus. Quamquam eum præcipue dilexit Cicero, ut ne frater quidem ei Quintus carior fuerit, aut familiarior. Ei rei sunt indicio, præter eos libros, in quibus de eo facit mentionem, qui in vulgus jam sunt editi, sexdecim volumina epistolarum, ab consulatu ejus, usque ad extremum tempus, ad Atticum missarum; quæ qui legat, non multum desideret historiam contextam illorum temporum. Sic enim omnia de studiis principum, vitiis ducum mutationibus reipublicæ perscripta sunt, ut nihil in iis non appareat: & facile existimari possit, prudentiam quodammodo esse divinationem. Non enim Cicero ea solum, quæ vivo se acciderunt, futura prædixit, sed etiam quæ nunc usu veniunt, cecinit ut vates.

*Cap. XVII.* De pietate autem Attici quid plura commemorem? cum hoc ipsum vere gloriantem audierim in funere matris suæ, quam extulit annorum nonaginta, cum esset septem & sexaginta, se nunquam cum matre in gratiam rediisse, nunquam cum sorore fuisse in similitudine quam prope æqualem habebat. Quod est signum, aut nullam unquam inter eos querimoniam intercessisse, aut hunc ea fuisse in suos indulgentia, ut, quos amare deberet, irasci eis nefas duceret. Neque id fecit naturâ solum, quamquam omnes ei paremus, sed etiam doctrinâ. Nam & principum Philosophorum ita percepta habuit præcepta, ut iis ad vitam agendam, non ad ostentationem, uteretur,

*Cap. XVIII.* Moris etiam majorum summus imitator fuit, antiquitatisque amator: quam adeo diligenter habuit cognitam, ut eam totam in eo volumine exposuerit, quo magistratus ornavit. Nulla enim lex, neque pax, neque bellum, neque res illustis est populi Rom. quæ non in eo suo tempore sit notata: & quod difficillimum fuit, sic familiarum originem subtexit, ut ex eo clarorum virorum



XXV. T. P. ATTICI.

rum propagines possimus cognoscere. Fecit hoc idem separatim in aliis libris, ut M. Bruti rogatu Juniam familiam à stripe ad hanc ætatem, ordine enumeravit, notans qui, à quo ortus, quos honores, quibusque temporibus cepisset: pari modo Marcelli Claudii de Marcellorum: Scipionis Corneli, & Fabii Maximi, de Corneliorum, & Fabiorum, & Æmilorum quoque: quibus libris nihil potest esse dulcius iis, qui aliquam cupiditatem habent notitiæ clarorum virorum. Attigit quoque poetice, credimus, ne ejus expers esset suavitatis. Namque versibus, qui honore rerumque gestarum amplitudine cæteros Romani populi præstiterunt, exposuit ita, ut sub singulorum imaginibus, facta magifratulque eorum non amplius quaternis quinisque versibus descripserit, quod vix credendum sit, tantas res tam breviter potuisse declarari. Est etiam liber Græce confectus, de consulatu Ciceronis. Hastenus Attico vivo edita hæc à nobis sunt.

*Cap. XIX.* Nunc quoniam fortuna nos superstites ei esse voluit, reliqua persequemur: & quantum poterimus, rerum exemplis lectores docebimus, sicut supra significavimus: SUOS CUIQUE MORES PLERUMQUE CONCILIARE FORTUNAM. Namque hic contentus ordine equestri, quo erat ortus, in affinitatem pervenit imperatoris Divi Julij filij, cum jam ante familiaritatem ejus esset consecutus, nulla alia re quam elegantia vitæ, qua ceteros ceperat principes civitatis, dignitate pari, fortuna humiliore. Tanta enim prosperitas Cæsarem est consecuta, ut nihil ei non tribuerit fortuna, quod civis Romanus quivit consequi. Nata est autem Attico neptis, ex Agrippa, cui virginem filiam collocarat. Hanc Cæsar vix anniculam Tiberio Claudio Neroni Drusillâ nato, provigno suo, despondit: quæ conjunctio necessitudinem eorum sanxit,



CORN. NEPOTIS.

fanxit, familiaritatem reddidit frequentiore.

*Cap. XX.* Quamvis ante hæc sponsalia, non solum cum ab urbe abesset, nunquam ad suorum quemquam litteras misit, quin Attico mitteret, quid ageret; imprimis quid legeret, quibusque in locis, & quamdiu, esset moraturus: sed etiam, cum esset in urbe, & propter suas infinitas occupationes, minus sæpe, quam vellet, Attico frueretur: nullus dies tamen temere intercessit, quo non ad eum scriberet, quo non aliquid de antiquitate ab eo requireret: modo aliquam ei quæstionem poëticam proponeret, interdum jocans ejus verbosiores eliceret epistolas. Ex quo accidit, cum ædes Jovis Feretris, in Capitolio ab Romulo constituta, vetustate atque incuria detecta, prolaberetur, ut Attici admonitu, Cæsar eam reficiendam curaret. Neque vero ab M. Antonio minus absens litteris colebatur: adeo ut accurate ille exsul tum his terris, quid ageret, quid curæ sibi haberet, certiore faceret Atticum. Hoc quale sit, facilius existimabit is, qui judicare poterit, quantæ sit sapientiæ, eorum retinere usum benevolentiamque, inter quos maximarum rerum non solum æmulatio, sed obtrectatio tanta intercedebat, quantam fuit incidere necesse, inter Cæsarem atque Antonium, cum se uterque Principem non solum urbis Romanæ, sed orbis terrarum esse cuperet.

*Cap. XXI.* Tali modo cum VII. & LXX. annos compleisset, atque ad extremam senectutem non minus dignitate, quam gratia fortunaque crevisset, (multas enim hereditates nulla alia re, quam bonitate, est consecutus) tantaque prosperitate usus esset valetudinis, ut annos triginta medicina non indiguisset: nactus est morbum, quem initio & ipse, & medicici contempserunt, nam putarunt esse venesmon: cui remedia celeria faciliaque proponebantur. In hoc cum tres menses sine ullis dolori-


XXV. T. P. ATTICI.

ribus præterquam quos ex curatione capiebat, consumpsisset: subito tanta vis morbi in unum intestinum prorupit, ut extremo tempore per lumbos fistula putris eruperit. Atque hoc priusquam accideret, postquam in dies dolores accrescere, febremque accessisse sensit, Agrippam generum ad se accersi iussit, & cum eo L. Cornelium Balbum, Sextumque Peducæum. Hos ut venisse vidit, in cubitum nixus: *Quantam, inquit, curam diligentiamque in valetudine mea tuenda hoc tempore adhibuerim, cum vos testes habeam, nihil opus est pluribus verbis commemorare, quibus quoniam, ut spero, satis feci, nihilque reliqui feci, quod ad sanandum me pertineret, reliquum est, ut egomet mihi consulam. Id vos ignorare nolui. Nam mihi stat, alere morbum desinere. Namque his diebus quicquid cibi sumpsi, ita produxi vitam, ut auxerim dolores sine spe salutis. Quare à vobis peto primum, ut consilium probetis meum: deinde ne frustra dehortando conemini.*

Cap. XXII. Hac oratione habita tanta constantia vocis atque vultus, ut non ex vita, sed ex domo in domum videretur migrare, cum quidem Agrippa eum flens, atque osculans, oraret atque obsecraret, ne id, quod natura cogeret, ipse quoque sibi accederet: & quoniam tum quoque posset temporibus supereffe, se sibi sui que reservaret: preces ejus taciturna sua obstinatione compressit. Sic cum biduum cibo se abstinuisset, subito febris decessit, leviorque morbus esse coepit. Tamen propositum nihilo secius peregit. Itaque die quinto, postquam id consilium inierat, pridie Kal. Aprilis, Cn. Domitio, C. Sosio Coss. decessit. Elatus est in lecticula, ut ipse præscripserat, sine ulla pompa fune-



*CORN. NEPOTIS XXV. T. P. ATTICI*  
ris, comitantibus omnibus bonis, maxima vulgi  
frequentia. Sepultus est juxta viam Appiam, ad  
quintum lapidem in monumento Qu.  
Cæciliæ avunculi sui.



ulgi  
ad



Cu  
do  
in  
A  
du  
ac  
pr

**I**  
vi  
un  
in  
d  
in  
m  
in  
g  
fi  
D  
n  
in  
r  
d

\* \* \*

P. VIRGILII

MARONIS  
ÆNEIDOS LIBER III.

PRÆFATIO.

Cum liber Aeneidos quartus nihil præter infanum Didonis amorem, quò Æneam deperibat, complectatur: in quinto verò ludi maximè describantur, quos ad Anchisæ Patris tumulum instituit Æneas: itaq; his duobus omissis, operæ pretium duximus, si tertium, ac sextum potissimum librum Juvenibus prælegendum proposuerimus. Nam & amænissimus est, & eruditionis Pœticæ plenus, utpote in quo Pœta animorum Originem ac naturam, Campos Ælysius, Inferorum deniq; supplicia curiosè admodum describat.

ARGUMENTUM LIBRI III.

*P*ergit Æneas enarrare Didoni casus suos, quorum altera pars hoc libro continetur, nempe navigatio. Æneas incensa Trojâ, classe viginti navium ad urbem Antandrum clam fabricatâ, desertur in Thraciam: ubi cum urbem conderet, territus prodigio cæsi à Polymnestore rege Polydori: navigat in insulam Delum, consulturus oraculum Apollinis: à quo monitus ut antiquam matrem exquireret, Anchisæ interpretatione Cretam esse insulam ratus, Trojanæ gentis originem, eò contendit, urbemque novam ædificat. At inde peste depulsus, monitus in somnis à Diis Penatibus, Italiam vera esse Trojanorum cunabula, Italiam petit. In itinere abius tempestate in insulas Strophades, infestas habet Harpyias: quarum ex una audit se non prius in Italia fixurum sedes, quam fame coactus fuerit mensas absumere.

Ee

Hinc



ÆNEIDOS LIB. III.

*Hinc delatus ad Actium promontorium, ibi ludos celebrat. Tum in Epirum appulsus, Andromachen reperit, jam Heleni uxorem, & mortuo Pyrrho in Chaonia Epiri parte regnantem. Audit ab Heleno, rege eodem ac vate, sedem sibi à Diis in Italia paratam: eo loco, ubi suam albam inveniret triginta sætus enixam. Admonetur ab eodem, ne in proxima Italiæ parte confidat, Græcorum metu, qui ventis eò disjecti fuerant: tum ne Siculum transiit fretum, metu Scyllæ & Charybdis: sed flexo ad occasum cursu Siciliam circumeat. Igitur relicta Epiro, Tarentum, quæ in vicina Italiæ ora est, & Siciliæ partem Ætnæ monti proximam prætervectus: hinc supplicem recipit Achæmenidem, socium Ulyssis, ab eoque de feritate Cycloperum edoctus, observatis omnibus Heleni præceptis, tandem Drepanum, occidentalem Siciliæ portum, obtinet: ubi moritur Anchises. Atque hinc mediâ æstate solvens Æneus in Italiam, tempestate in Africam ejicitur.*

Postquam res Asiæ, Priamique evertere gentem  
Immeritam visum Superis, ceciditque superbum  
Ilium, & omnis humo fumat Neptunia Troja;  
Diversa exilia, & desertas quærere terras  
Auguriis agimur Divûm, classemque sub ipsa  
(a) Antandro & Phrygiæ molimur montibus Idæ,  
Incerti quo fata ferant, ubi sistere detur,  
Contrahimûsque viros. Vix prima inceperat æstas;  
Et pater Anchises dare fatis vela jubebat:  
Littora tum patriæ lacrimans portusque relinquo  
Et campos, ubi Troja fuit, feror exul in altum  
Cum fociis, natoque, Penatibus, & magnis Dîs.  
Terra procul vastis colitur (b) Mavortia campis,  
(Thra-

(a) Antandro. Oppidum est Phrygiæ, seu Troæ, ad radicem Idæi montis, qui alius est à Cretensi Ida.

(b) *Mavortia. Thracia bellicosa regio, & Mar-  
ti sacra.*

### LIBER III.

Thraces arant) acri quondam regnata Lycurgo (c)  
 Hospitium antiquum Trojæ, sociique Penates,  
*Dum fortuna fuit.* Feror huc, & littore curvo  
 Mœnia prima loco, fatis ingressus iniquis  
 Æneadaque meo nomen de nomine fingo.  
 Sacra (d) Dionææ matri, Divisque ferebam  
 Auspicihus cœptorum operum; superoque nitentem  
 Cœlicolûm Regi mactabam in littore taurum.  
 Fortè fuit juxta tumulus, quo cornea summo  
 Virgulta, & densis hastilibus horrida myrtus  
 Accessi, viridemque ab humo convellere silvam  
 Conatus, ramis tegerem ut frondentibus aras:  
 Horrendum, & dictu video mirabile monstrum  
 Nam, quæ prima solo ruptis radicibus arbos  
 Vellitur, huic atro liquuntur sanguine guttæ,  
 Et terram tabo maculant: mihi frigidus horror  
 Membra quatit, gelidusue coit formidine sanguis.  
 Rursus & alterius lentum convellere vimen  
 Insequor, & causas penitus tentare latentes:  
 Ater & alterius sequitur de cortice sanguis.  
 Multa movens animo Nymphas venerabar agrestes,  
 Gradivumque patrem, Geticis qui præsidet arvis,  
 Rite secundarent visus, omenque levarent.  
 Tertia sed postquam majore hastilia nisu  
 Adgredior, genibusque adversæ obluctor arenæ;  
 (Eloquar, an fileam?) gemitus lacrimabilis imo  
 Auditur tumulo, & vox reddita fertur ad aures:  
 Quid miserum, Ænea, laceras? jam parce sepulto:  
 Parce pias scelerare manus, non me tibi Troja  
 Externum tulit, aut cruor hic de stipite manat.  
 Heu fuge crudeles terras, fuge littus avarum,  
 Nam (e) Polydorus ego, hic confixum ferrea textit  
 Telorum seges, & jaculis increvit acutis.  
 Tum verò ancipiti mentem formidine pressus

Eez

Obstupui

(c) Lycurgo. *Severus admodum Thraciæ Rex.*

(d) Dionææ. *Veneri, Jovis ex Dione filice.*

(e) Polydorus. *Priami Filius de quo mox.*



# ÆNEIDOS

Obstupui, steteruntque comæ, & vox faucibus hæsit.  
 Hunc Polydorum auri quondam cum pondere magno  
 Infelix Priamus furtim mandârat alendum  
 (f) Threicio Regi; cum jam diffideret armis  
 Dardanizæ, cingique urbem obsidione videret.  
 Ille, ut opes fractæ Teucrûm, & fortuna recessit,  
 Res Agamemnonias, victriciaque arma secutus,  
 Fas omne abruptit: Polydorum obtruncat, & auro  
 Vi potitur. *Quid non mortalia pectora cogis,  
 Auri sacra fames?* Postquam pavor ossa reliquit,  
 Delectos populi ad proceres, primumque parentem  
 Monstra Deûm refero; & quæ sit sententia posco.  
 Omnibus idem animus sceleratâ excedere terrâ;  
 Linqui pollutum hospitium, & dare classibus Austros.  
 Ergo instauramus Polydoro funus, & ingens  
 Aggeritur tumulo tellus: stant manibus aræ,  
 Cæruleis moestæ vittis, atraque cupresso;  
 Et circum Iliades crinem de more solutæ.  
 Inferimus tepido spumantia cymbia lacte,  
 Sanguinis & sacri pateras: animamque sepulcro  
 Condimus, & magnâ supremum voce ciemus.

Inde, ubi prima fides pelago, placataque venti  
 Dant maria, & lenis crepitans vocat Auster in altum;  
 Deducunt socii naves, & littora complent.  
 Provehimur portu: terræque urbisque recedunt.  
 Sacra (a) mari colitur medio gratissima tellus  
 Nereidum matri, & Neptuno Ægeo,  
 Quam pius (b) Arcitenens, oras & litora circum  
 Errantem, (c) Mycone celsa, Gyaroque revinxit,  
 Immotamque coli dedit, & contemnere ventos:

Huc

(f) Threicio. *Polymnestori Thraciæ Regi, qui  
 Et Ilionem Priami filiam in matrimonio habebat.*

(a) Sacra mari medio, *Delos Insula Apollini  
 natalis.*

(b) Arcitenens *Apollo.*

(c) Errantem. *Erat hæc prius mobilis Et nata-  
 tilis, quam deinde addita Mycono, Et Gyaro fixit.*

### LIBER III.

Huc feror: hæc fessos tuto placidissima portu  
 Accipit: egressi veneramur Apollinis urbem.  
 Rex Anius, Rex idem hominum, Phœbique sacerdos,  
 Vittis & sacra redimitus tempora lauro,  
 Occurrit: veterem Anchisen agnoscit amicum.  
 Jungimus hospitio dextras, & tecta subimus.  
 Tempa Dei saxo venerabar structa vetusto.  
 Da propriam, (d) Thymbræe, domum: da mœnia fessis,  
 Et genus, & mansuram urbem, serva altera Trojæ  
 Pergama, reliquias Danaûm, atque immitis Achilæi.  
 Quem sequimur? quoque ire jubes? ubi ponere sedes?  
 Da, pater, augurium; atque animis illabere nostris.  
 Vix ea fatus eram, tremere omnia visa repente,  
 Liminaque, laurusque Dei, totusque moveri  
 Mons circum, & mugire adytis cortina reclusis.  
 Submissi petimus terram, & vox fertur ad aures:  
 Dardanidæ duri, quæ vos à stirpe parentum  
 Prima tulit tellus, eadem vos ubere læto  
 Accipiet reduces, antiquam exquirite matrem.  
 Hic domus Æneæ cunctis dominabitur oris,  
 Et nati natorum, & qui nascentur ab illis.  
 Hæc Phæbus: mixtoque ingens exorta tumultu  
 Lætitiæ: & cuncti, quæ sint ea mœnia, quærunt;  
 Quò Phæbus vocet errantes, jubeatque reverti.  
 Tum genitor, veterum volvens monumenta virorum,  
 Audite, ô proceres, ait, & spes discite vestras.  
 Creta Jovis magni medio jacet insula ponto;  
 Mons Idaeus ubi, & gentis cunabula nostræ,  
 Centum urbes habitabant magnas, uberrima regna:  
 Maximus unde pater, si rite audita recordor  
 Teucrus (e) Rhœteas (f) primum est advectus ad oras  
 Optavitque locum regno: nondum Ilium, & arces  
 Per-

(d) Thymbræe *Apollo, cui templum in Thymbræo campo propè Trojam.*

(e) Teucrus *Trojani generis author.*

(f) Rhœteas *Phrygias, à Rhæteo Trojæ Promontorio.*



# ÆNEIDOS

Pergameæ steterant: habitabant vallibus imis.  
 Hinc mater cultrix Cybele (g) Coribantiaque æra.  
 Idæumque nemus: hinc fida silentia sacris:  
 Et juncti currum dominæ subiere leones.  
 Ergo agite, & Divûm ducunt quâ jussa; sequamur:  
 Placemus ventos, & (h) Gnosia regna petamus,  
 Nec longo distant cursu: modò Jupiter adsit,  
 Tertia lux classẽm Cretæis sistet in oris.  
 Sic fatus, meritos aris mactavit honores,  
 Taurum Neptuno, taurum tibi, pulcher Apollo;  
 Nigram Hiemi pecudum, Zephyris felicibus albam.  
 Tama volat, pulsum regnis celsisse paternis  
 Idomenea (i) ducem; desertaque litora Cretæ:  
 Hoste vacare domos, sedesque adstare relictas.  
 Linquimus (k) Ortygiæ portus, pelagoque volamus,  
 Bacchatamque jugis Naxon (l) viridemque Donyfam,  
 Olæaron, niveamque Paron, (m) sparsasque per æquo,  
 Cycladas (n) & crebris legimus freta cõfita terris.  
 Nauticus exoritur vario certamine clamor.  
 Hortantur focii, Cretam proavosque petamus.  
 Prosequitur surgens á puppi ventus euntes,  
 Et tandem antiquis (o) Curetum adlabimur oris.  
 Ergo avidus muros optatæ molior urbis,  
 Pergameamque voco; & lætam cognomine gentem  
 Hortor amare focos, arcemque attollere tectis.

Jamque fere sicco subductæ litore puppes.  
 Connubiis, arvisque novis operata juvenus.  
 Jura, domosque dabam: subitò cum tabida membris,

Corru-

(g) Cybele, è Creta venit cum Corybantibus Jo-  
 vis educatricibus.

(h) Gnosia Cretensia. Gnosus nobilis urbs est Cretæ.

(i) Idomeneus Rex Creta pulsus à suis.

(k) Ortygiæ, Nomen est Deli Insulæ.

(l) Naxon, vitiferis montibus Insulam.

(m) Paron, Albi marmoris feracem.

(n) Cycladas, Ægei maris Insulas.

(o) Curetum, Cretensium.

### LIBER III.

Corrupto cœli tractu, miserandaque venit  
 Arboribusque satisque lues, & lethifer annus.  
 Linquebant dulces animas, aut ægra trahebant  
 Corpora, tum sterilis exurere Sirius agros.  
 Arebant herbæ, & victum seges ægra negabat.  
 Rursus ad orâclum Ortygiæ, Phæbumque remenso,  
 Hortatur pater ire mari, veniamque precari:  
 Quem fessis finem rebus ferat, unde laborum  
 Tentare auxilium jubeat: quò vertere cursus.  
 Nox erat, & terris animalia somnus habebat,  
 Effigies sacræ Divûm, Phrygiique Penates,  
 Quos mecum à Troja, mediisque ex ignibus urbis  
 Extuleram, visi ante oculos adstare jacentis  
 In somnis, multo manifesti lumine: qua se  
 Plena per insertas fundebat luna fenestras.  
 Tum sic affari, & curas his demere dictis:  
 Quod tibi delato Ortygiam dicturus Apollo est,  
 Hic canit; & tua nos en ultro ad limina mittit.  
 Nos te, Dardaniâ incensâ, tuæque arma secuti:  
 Nos tumidum sub te permenfi classibus æquor:  
 Idem venturos tollemus in astra nepotes,  
 Imperiumque urbi dabimus: tu moenia magnis  
 Magna para, longumque fugæ ne linque laborem,  
 Mutandæ sedes. Non hæc tibi litora suavit  
 Delius, aut Cretæ jussit confidere Apollo.  
 Est locus, Hesperiam (a) Graij cognomine dicunt,  
 Terra antiqua, potens armis, atque ubere glebæ.  
 Oenotrii coluere viri: nunc fama, minores  
 Italiam dixisse, ducis de nomine gentem.  
 Hæc nobis propriæ sedes: hinc (b) Dardanus ortus,  
 Iasiusque pater, genus à quo principe nostrum.

Sur-

(a) Hesperiam, Italiam.

(b) Dardanus, Dardanus & Iasius duo erant fratres, Corythi Hetruricæ Regis filii. Dardanus ab morte Patris in Phrygiam venit, ibique Dardaniam, seu Ilium, seu Trojam condidit; Iasio in Hetruria remanente.



# ÆNEIDOS

Surge age, & hæc lætus longævo dicta parenti  
 Haud dubitanda refer: Corythum, terrasque require  
 Ausonias (c) Dictæa negat tibi Jupiter arva.  
 Talibus attonitus visis, ac voce Deorum,  
 (Nec sopor illud erat, sed coram agnoscere vultus,  
 Velatasque comas, præsentiaque ora videbar:  
 Tum gelidus toto manabat corpore sudor)  
 Corripio è stratis corpus, tendoque supinas  
 Ad cælum cum voce manus, & munera libo  
 Intemerata focis. Perfecto lætus honore  
 Anchisen facio certum, remque ordine pando.  
 Agnovit prolem ambiguam, geminosque parentes,  
 Seque novo veterum deceptum errore locorum.  
 Tum memorat: Nate Iliacis exercite fatis,  
 Sola mihi tales casus Cassandra (d) canebat.  
 Nunc repeto hæc generi portendere debita nostro  
 Et sæpe Hesperiam, sæpe Italia regna vocare.  
 Sed quis ad Hesperix venturos littora Teucros  
 Crederet? aut quem tum vates Cassandra moveret?  
 Cedamus Phæbo, & moniti meliora sequamur.  
 Sic ait: & cuncti dictis paremus ovantes.  
 Hanc quoque deferimus sedem, paucisque relictis  
 Vela damus, vastumque cavâ trabe currimus æquor.  
 Postquam altum tenuère rates, nec jam amplius ullæ  
 Apparent terræ, cælum undique & undique pontus:  
 Tum mihi cæruleus supra caput adstitit imber,  
 Noctem hiememque ferens; & inhorruit unda tenebris.  
 Continuo venti volvunt mare, magnaue surgunt  
 Æquora, dispersi jactamur gurgite vasto.  
 Involvère diem nimbi, & nox humida cælum  
 Abstulit: ingeminant abruptis nubibus ignes.  
 Excutimur cursu, & cæcis erramus in undis.  
 Ipse diem noctemque negat discernere cælo,  
 Nec meminisse viæ media Palinurus in unda.

Tres

(c) Dictæa, Dicte mons Cretæ.

(d) Cassandra, Priami filia, vates insignis, sed  
 cui nemo tum credebatur.

### LIBER III.

Tres adeò incertos cæcâ caligine soles  
 Erramus pelago, totidem sine fidere noctes.  
 Quarto terra die primùm se attollere tandem  
 Visa, aperire procul montes, ac volvere fumum  
 Vela cadunt, remis insurgimus: haud mora nautæ.  
 Adnixa torquent spumas, & cærulea verrunt.  
 Servatum ex undis Strophadum me littora primùm  
 Accipiunt, Strophades Grajo stant nomine dictæ,  
 Insulæ Jonio in magno: quas dira Cœleno,  
 Harpyiæque colunt aliæ, (a) Phineia postquam  
 Clausa domus, mensasque metu liquere priores.  
 Tristius haud illis monstrum, nec sævior ulla  
 Pestis, & ira Deum Stygiis sese extulit undis.  
 Virginei volucrum vultus, foedissima ventris  
 Proluvies, uncæque manus, & pallida semper  
 Ora fame.  
 Huc ubi delati portus intravimus; ecce  
 Læta boum passim campis armenta videmus,  
 Caprigenumque pecus, nullo custode, per herbas.  
 Ingruimus ferro, & Divos, ipsumque vocamus  
 In prædam partemque Jovem: tum littore curvo  
 Exstruimusque toros, dapibusque epulamur opimis.  
 At subitæ horrifico lapsu de montibus adsunt  
 Harpyiæ, & magnis quatiunt clangoribus alas,  
 Diripiuntque dapes, contactuque omnia foedant  
 Immundo: tum vox tetrum dira inter odorem.  
 Rursum in secessu longo sub rupe cavata,  
 Arboribus clausi circum, atque horrentibus umbris,  
 Instruimus mensas, arisque reponimus ignem.  
 Rursum ex diverso cæli, cæcisque latebris  
 Turba sonans prædam pedibus circumvolat uncis:  
 Polluit ore dapes. Sociis tunc, arma capeffant,  
 Edico, & dira bellum cum gente gerendum.  
 Haud secus ac jussi faciunt, tectosque per herbam  
 Disponunt enses. & scuta latentia condunt.

Ergo

(a) Phineia, Phineo Arcadiæ Regi Dii irati hæc  
 monstra immiserant, dum ei placarentur,



ÆNEIDOS

Ergo ubi dilapsæ sonitum per curva dedere  
 Littora; dat signum specula <sup>(b)</sup> Misenus ab alta  
 Ære cavo, invadunt focii, & nova prælia tentant,  
 Obscenæ pelagi ferro foedare volucres.  
 Sed neque vim plumis ullam, nec vulnera tergo  
 Accipiunt; celerique fugâ sub sidera lapsæ  
 Semesam prædam, & vestigia foeda relinquunt.  
 Una in præcellâ consedit rupe Celæno  
 Infelix vates, rupitque hanc pectore vocem:  
 Bellum etiam pro cæde bouum. stratisque juvencis,  
<sup>(c)</sup> Laomedontiadæ, bellumne inferre paratis,  
 Et patrio Harpyias infontes pellere regno?  
 Accipite ergo, animis atque hæc mea figite dictat  
 Quæ Phæbo pater omnipotens, mihi Phæbus Apollo  
 Prædixit, vobis Furiarum ego maxima pando.  
 Italiam cursu petitis, ventisque vocatis  
 Ibitis Italiam, portusque intrare licebit:  
 Sed non ante datam cingetis mœnibus urbem,  
 Quam vos dira fames, nostræque injuria cædis  
 Ambesas subigat malis absumere mensas.  
 Dixit, & in silvam pennis ablata refugit.  
 At sociis subitâ gelidus formidine sanguis  
 Diriguit: cecidere animi, nec jam amplius armis.  
 Sed votis precibusque jubent exposcere pacem,  
 Sive Dææ, seu sint diræ, obscænæque volucres.  
 At pater Anchises, passis de littore palmis,  
 Numina magna vocat, meritosque indicit honores  
 Dî, prohibete minas: Dî, talem avertite casum,  
 Et placidi fervate pios: tum littore funem  
 Diripere, excussosque jubet laxare rudentes.  
 Tendunt vela Noti: fugimus spumantibus undis,  
 Quæ cursum ventusque, gubernatorque vocabant.

Jam

<sup>(b)</sup> Misenus, Tubicen.

<sup>(c)</sup> Laomedontiadæ, Trojani, à Rege Laome-

220

LIBER III.

Jam medio apparet fluctu nemorosa Zacynthos (d)  
 Dulichiumque, Sameque, & Neritos ardua faxis.  
 Effugimus scopulos Ithacæ, Lærtia regna,  
 Et terram altricem sævi execramur Ulyssis.  
 Mox & Leucatæ nimbosa cacumina montis,  
 Et formidatus nautis aperitur Apollo (e)  
 Hunc petimus fessi, & parvæ succedimus urbi.  
 Anchora de prora jacitur, stant littore puppes.

Ergo insperatâ tandem tellure potiti  
 Lustramurque Jovi, votisque incendimus aras:  
 Actiaque Iliacis celebramus littora ludis.  
 Exercent patrias oleo labente palæstras  
 Nudati focii, juvat evasisse tot urbes  
 Argolicas, mediosque fugam tenuisse per hostes,  
 Interea magnum Sol circumvolvitur annum,  
 Et glacialis hiems Aquilonibus asperat undas.  
 Ære cavo clipeum, magni gestamen Abantis,  
 Postibus adversis figo, & rem carmine signo:  
 Æneas hæc de Danaïs victoribus arma.  
 Linquere tum portus jubeo, & considerare transtris.  
 Certatim focii feriunt mare, & æquora verrunt.  
 Protinus ærias Phæacum abscondimus arces,  
 Littoraque Epiri legimus, portuque subimus  
 Chaonio, & celsam Buthroti ascendimus urbem.  
 Hic incredibilis rerum fama occupat aures,  
 Priamiden Helenum Graias regnare per urbes,  
 Conjugio Æacidæ (a) Pyrrhi, sceptrisque potitum.  
 Et patrio Andromachen iterum cessisse marito.  
 Obstupui; miroque incensum pectus amore,  
 Compellare virum, & casus cognoscere tantos.

Progre-

(d) Zacynthos, nemoribus frequens, Dulichium &  
 Ithacæ regnum Ulyssis, Ithacæ mons Nerithos est.  
 Leucata, mons Græciæ

(e) Apollo. Actiacum promontorium, in quo sanatus  
 Apollinis, naufragiis erat infame.

(a) Æacidæ, Pyrrhi seu Neoptolemi, cui parens  
 Achilles. avus Peleus; abavus Æacus.



# ÆNEIDOS

Progredior portu, classes & littora linquens.  
 Solennes tum forte dapes, & tristia dona,  
 Ante urbem in luco falsi Simōentis ad undam  
 Libabat cineri Andromache, manesque vocabat  
 Hectoreum ad tumulum: viridi quem cespitem inanem,  
 Et geminas, causam lacrimis, sacraverat aras.  
 Ut me conspexit venientem, & Troia circum  
 Arma amens vidit; magnis exterrita monstis  
 Diriguit visu in medio: calor ossa relinquit.  
 Labitur & longo vix tandem tempore satur:  
 Verane te facies, verus mihi nuntius adfers,  
 Nate Dea? vivisne? aut si lux alma recessit,  
 Hector ubi est? dixit, lacrimasque effudit, & omnem  
 Implevit clamore locum. Vix pauca furenti  
 Subijcio, & raris turbatus vocibus hisco.  
 Vivo equidem, vitamque extrema per omnia ducō.  
 Ne dubita: nam vera vides.  
 Heu quis te casus dejectam conjuge tanto, (b)  
 Excipit, aut quæ digna satis fortuna revisit?  
 Hectoris Andromache Pyrrhin connubia servas?  
 Dejecit vultum & demissâ voce locuta est.  
 O felix una ante alias (c) Priameia virgo,  
 Hostilem ad tumulum Trojæ sub mœnibus altis  
 Jussa mori, quæ fortitus (d) non pertulit ullos,  
 Nec victoris heri tetigit captiva cubile!  
 Nos, patriâ incensâ, diversa per æquora vectæ,  
 Stirpis Achilleæ fastus, juvenemque superbum  
 Servitio enixæ tulimus, quî deinde secutus

(e) Læ-

(b) Coniuge tanto, Hectore Priami filio.

(c) Priameia, Polyxena Priami filia à Pyrrho  
ad placandos patris manes ad tumulum Achillis  
mactata.

(d) Sortitus, Priami filiae captivæ, missis sortibus  
variis victoribus Ducibus obvenire, uti ipsa Andro-  
mache Pyrrho.

### LIBER III.

(e) *Ledæam* Hermionen, *Lacedæmoniosque Hy-*  
*menæos*

Me famulam famuloque Heleno transmisit habendam.  
 Ast illum ereptæ magno inflammatus amore  
 Conjugis, & scelerum Furiis agitatus Orestes,  
 Excipit incautum, patriasque obtruncat ad aras.  
 Morte Neoptolemi regnorum reddita cessit  
 Pars Heleno: qui Chaonios cognomine campos,  
 Chaoniamque omnem Trojano à Chaone dixit,  
 Pergamaque, Iliacamque jugis hanc addidit arcem.  
 Sed tibi qui curum venti, quæ fata dedere?  
 Aut quisnam ignarum nostris Deus appulit oris?  
 Quid puer Ascanius? superatne, & vescitur aura?  
 Quem tibi jam Troja.  
 Ecqua tamen puero est amissæ cura parentis?  
 Ecquid in antiquam virtutem, animosque viriles  
 Et pater Æneas, & avunculus excitat Hector?  
 Talia fundebat lacrymans, longosque ciebat  
 In cassum fletus: cum sese à moenibus heros  
 Priamides (f) multis Helenus comitantibus adfert,  
 Agnoscitque suos, lætusque ad limina ducit,  
 Et multum lacrimas verba inter singula fundit.  
 Procedo, & parvam Trojam (g) simulataque magnis  
 Pergama, & arentem Xanthi cognomine rivum  
 Agnosco, Scææque amplector limina portæ.  
 Nec non & Teucri focia simul urbe fruuntur:  
 Illos porticibus Rex accipiebat in amplis,  
 Aulai in medio libabant pocula Bacchi,  
 Impositis auro dapibus; paterasque tenebant.

Jam~

(e) *Pyrrhus. primum Hermionem, Menelai & Le-*  
*dææ filiam, ducturus erat Oresti desponsam, nisi ab*  
*hoc obtruncatus esset. Cæso verò illo pars regni seu*  
*Epiri Heleno cessit, cui captivo captivam Androma-*  
*chen antea collocarat.*

(f) *Priamides Helenus Priami filius.*

(g) *Trojam Trojana, hæc nomina, urbibus, fluvii-*  
*is, portisque indiderat Helenus.*



# ÆNEIDOS

Jamque dies, alterque dies processit; & auræ  
 Vela vocant, tumidoque inflatur carbasus Austro.  
 His vatem adgredior dictis, ac talia quæso:  
 Trojugena interpres Divûm, qui numina Phæbi,  
 Qui tripodas, (a) Clarii lauros, qui sidera sentis,  
 Et volucrum linguas, & præpetis omina pennæ:  
 Fare age (namque omnem cursum mihi prospera dixit  
 Relligio, & cuncti suaferunt numine Divi  
 Italiam petere, & terras tentare repostas:  
 Sola novûm, dictuque nefas Harpyia Celæno  
 Prodigium canit & tristes denuntiat iras,  
 Obscænamque famem) quæ prima pericula vito?  
 Quidve sequens tantos possum superare labores?  
 Hic Helenus, cæsis primûm de more juvencis,  
 Exorat pacem Divûm, vittasque resolvit  
 Sacratî capitis, meque ad tua limina, Phæbe,  
 Ipse manu multo suspensum numine ducit:  
 Atque hæc deinde canit divino ex ore sacerdos:  
 Nate Deâ, (nam te majoribus ire per altum  
 Auspiciis manifesta fides: sic fata Deûm Rex  
 Sortitur, volvitque vices: is vertitur ordo)  
 Pauca tibi è multis, quo tutior hospita lustræ  
 Æquora, & (b) Ausonio possis confidere portus,  
 Expediam dictis: prohibent nam cætera Parcæ  
 Scire Helenum, farique vetat Saturnia Juno.  
 Principio Italiam, quam tu jam rere propinquam,  
 Vicinosque ignare paras invadere portus,  
 Longa procûl longis via dividit invia terris.  
 Ante & Trinacria lentandus remus in unda.  
 Et salis Ausonii lustrandum navibus æquor,  
 Infernique lacus, Æææque insula Circes,  
 Quam tuta possis urbem componere terra.  
 Signa tibi dicam: tu condita mente teneto.  
 Cum tibi sollicito secreti ad fluminis undam  
 Littoreis ingens inventa sub ilicibus fus

Tri-

(a) Clarii. *Apollinis, cui sacra Claros urbs.*

(b) Ausonia, *Italia ab Ausonibus incolis.*

### LIBER III.

Triginta capitum foetus enixa jacebit,  
 Alba (c) solo recubans, albi circum ubera nati:  
 Is locus urbis erit: requies ea certa laborum.  
 Nec tu mensarum morsus horresce futuros:  
*Fata viam invenient*, aderitque vocatus Apollo.  
 Has autem terras, Italique hanc litoris oram,  
 Proxima quæ nostri perfunditur æquoris æstu,  
 Effuge; cuncta malis habitantur mœnia Graijs (d)  
 Hic & Narycii (e) posuerunt mœnia Locri,  
 Et Salentinos obsedit milite campos  
 Lyctius Idomeneus. (f) Hic illa ducis Melibœi  
 Parva Philoctetæ (g) subnixa Petilia muro.  
 Quin, ubi transmissæ steterint trans æquora classes,  
 Et positis aris jam vota in littore solves,  
 Purpureo velare comas adopertus amictu;  
 Ne qua inter sanctos ignes in honore Deorum  
 Hostilis facies occurrat, & omnia turbet.  
 Hunc socii morem sacrorum, hunc ipse teneto:  
 Hac casti maneant in religione nepotes.  
 Ast ubi digressum Siculæ te admoverit oræ  
 Ventus, & angusti rarefcent claustra Pelori (h)  
 Læva tibi tellus, & longo læva petantur  
 Æquora circuitu: dextrum fuge litus, & undas.  
 Hæc loca vi quondam, & vastâ convulsa ruinâ  
 (*Tantum ævi longinqua valet mutare vetustas*)

Diffi-

(c) Alba. *Ex eo omine urbs Alba postmodum condita est.*

(d) Graijs, *Hæc pars Italiæ Græcia magna dicebatur.*

(e) Narycii. *Græci Naryciâ urbe Atticâ profecti hic Locros urbem condidere.*

(f) Idomeneus è Lyctio Cretæ oppido pulsus, hic confedit.

(g) Philoctetes ex Melibœa Theſſaliæ oppido pulsus, Petiliam oppidum œdificavit.

(h) Pelori. *Siciliæ promontorium est ad fretum Sæculum, ubi Scylla & Charybdis.*



# ÆNEIDOS

Dissuiffe ferunt; cum protinus utraque tellus,  
 Una foret: venit medio vi pontus, & undis  
 Hesperium Siculo latus abscidit, arvaque & uibes  
 Littore diductas angusto interluit æstu.  
 Dextrum Scylla latus, lævum implacata Charybdis  
 Obsidet, atque imo barathri ter gurgite vastos,  
 Sorbet in abruptum fluctus, rursusque sub auras  
 Erigit alternos, & sidera verberat undâ.  
 At Scyllam cæcis cohibet spelunca latebris,  
 Ora exsertantem, & naves in saxa trahentem.  
 Prima hominis facies, & pulchro pectore virgo  
 Pube tenus: postrema immani corpore pistris,  
 Delphinum caudas utero commissa luporum.  
 Præstat Trinacrii metas lustrare Pachyni (i)  
 Cessantem, longos & circumflectere cursus,  
 Quam semel informem vasto vidisse sub antro  
 Scyllam, & cæruleis canibus resonantia saxa.  
 Præterea, si qua est Heleno prudentia vati,  
 Si qua fides, animum si veris implet Apollo,  
 Unum illud tibi, nate Dea, præque omnibus unum  
 Prædicam; & repentes iterumque iterumque monebo.  
 Junonis magnæ primum prece numen adora:  
 Junoni eane vota libens, dominamque potentem  
 Supplicibus supera donis, sic denique victor  
 Trinacria fines Italos mittère relicta.  
 Huc ubi delatus Cumæam accesseris urbem,  
 Divinosque lacus (k) & Averna sonantia silvis;  
 Insanam vatem aspicias: quæ rupe sub ima  
 Fata canit, folliisque notas & nomina mandat.  
 Quæcunque in foliis descripsit carmina virgo,  
 Digerit in numerum, atque antro seclusa relinquit.  
 Illa manent immota locis, neque ab ordine cedunt.  
 Verùm eadem, verso tenuis cum cardine ventus  
 Impulit, & teneras turbavit janua frondes;

Num-

(i) Trinacrii. Siculi, Pachyni promontorii alterius

(k) Averna, Cumæ non procul à lacu Averno.

### LIBER III.

Numquam deinde cayo volitantia prendere saxo,  
 Nec revocare situs, aut jungere carmina curat,  
 Inconsulti abeunt, sedemque odere Sibyllæ.  
 Hic tibi ne qua moræ fuerint dispendia tanti:  
 Quamvis increpitent socii, & vi cursus in altum  
 Vela vocet, possisque sinus implere secundos:  
 Quin adeas vatem, precibusque oracula poscas.  
 Ipsa canat, vocemque volens atque ora resolvat.  
 Illa tibi Italiæ populos, venturaque bella,  
 Et quo quemque modo fugiasque ferasque laborem,  
 Expediet, cursusque dabit venerata secundos.  
 Hæc sunt, quæ nostrâ liceat te voce moneri.  
 Vade, age, & ingentem factis fer ad æthera Trojam.

Quæ postquam vates sic ore effatus amico est.  
 Dona dehinc auro gravia (a) sectoque elephanto  
 Imperat ad naves ferri, stipatque carinis.  
 Ingens argentum, Dodonæosque lebetes,  
 Loricam confertam hamis, auroque trilicem,  
 Et conum insignis galeæ, cristasque comantes,  
 Arma Neoptolemi. (b) Sunt, & sua dona parenti.  
 Addit equos, additque duces.  
 Remigium supplet: socios simul instruit armis.  
 Interea classem velis aptare jubebat  
 Anchises, fieret vento mora ne qua ferenti,  
 Quem Phœbi interpretes multo compellat honore?  
 Conjugio Anchisa Veneris dignate superbo.  
 Cura Deum, bis Pergameis crepte ruinis,  
 Ecce tibi Ausoniæ tellus: hanc arripe velis.  
 Et tamen hanc pelago præterlabare necesse est.  
 Ausoniæ pars illa procul, quam pandit Apollo.  
 Vade, ait, o felix nati pietate, quid ultra  
 Provehor, & fando surgentes demoror Austros?  
 Nec minus Andromache, digressu mæsta supremo,  
 Fert picturatas auri subtemine vestes,  
 Et Phrygiam Ascanio chlamidem: nec cedit honori,

Ff

Texti-

(a) Secto elephanto. *Ebore.*

(b) Neoptolemi, cui in regnum Epiri successerat.



# ÆNEIDOS

Textilibusque onerat donis, ac talia fatur:  
 Accipe & hæc, manuum tibi quæ monumenta mearum  
 Sint, puer, & longum Andromachæ testentur amorem  
 Conjugis Hectoreæ. Cape dona extrema tuorum  
 O mihi sola mei super (c) Astyanactis imago.  
 Sic oculos, sic ille manus, sic ora ferebat:  
 Et nunc æquali tecum pubesceret ævo.  
 Hos ego digrediens lacrimis affabar obortis:  
 Vivite felices, quibus est fortuna peracta  
 Jam sua: nos alia ex aliis in fata vocamur.  
 Vobis parta quies: nullum matis æquor arandum:  
 Arva neque Ausoniæ semper cedentia retro  
 Quærenda. Effigiem Xanthi, Trojamque videtis.  
 Quam vestræ fecere manus, melioribus (opto)  
 Auspiciis; & quæ fuerit minus obvia Graijs.  
 Si quando Tybrim, vicinaque Tybridis arva  
 Intraro, gentique meæ data mœnia cernam,  
 Cognatas urbes olim, populosque propinquos  
 Epiro, Hesperia, quibus idem Dardanus auctor,  
 Atque idem casus; unam faciemus utramque  
 Trojam animis, maneat nostros ea cura nepotes.  
 Provehimur pelago vicina Ceraunia juxta:  
 Unde iter Italiam, cursusque brevissimus undis.  
 Sol ruit interea, & montes umbrantur opaci.  
 Sternimur optatæ gremio telluris ad undam  
 Sortiti remos, passimque in littore sicco  
 Corpora curamus. Fessos sopor irrigat artus.  
 Necdum orbem medium nox horis acta subibat:  
 Haud segnis strato surgit Palinurus (d) & omnes  
 Explorat ventos, atque auribus æra captat:  
 Sidera cuncta notat tacito labentia cælo;  
 Arcturum, pluviasque Hyadas, geminosque Triones,  
 Armatumque auro circumspicit Oriona.  
 Postquam cuncta videt cælo constare sereno,

Dat

(c) Astyanactis. Filiolus fuerat Andromachæ, ab  
 Ulysse ex alta turri præcipitatus.

(d) Palinurus navium gubernator.

### LIBER III.

Dat clarum è puppi signum: nos castra movemus,  
Tentamusque viam, & velorum pandimus alas.  
Jamque rubescēbat stellis Aurora fugatis,  
Cum procul obscuros colles, humilemque videmus  
Italiam. Italiam primus conclamat Achates;  
Italiam læto focii clamore salutant.  
Tum pater Anchises magnum cratera coronâ  
Induit, implevitque mero; Divosque vocavit  
Stans cella in puppi.

Dî, maris & terræ, tempestatumque potentes,  
Ferte viam vento facilem, & spirate secundi.  
Crebrescunt optatæ auræ, portusque patescit  
Jam propior, templumque apparet (e) in arce Minervæ  
Vela legunt focii, & proras ad littora torquent.  
Portus ab Eoo fluctu curvatur in arcum;  
Objectæ falsâ spumant adspergine cautes,  
Ipse latet. Geminò demittunt brachia mûro  
Turriti scopuli, refugitque ab littore templum.  
Quatuor hic, primum omen, equos in gramine vidî  
Tondentes campum latè, candore nivali,  
Et pater Anchises: Bellum, ô terra hospita portas:  
Bello armantur equi: bellum hæc armenta minantur.  
Sed tamen iidem olim curru succedere sueti  
Quadrupedes, & frœna jugo concordia ferre.  
Spes est pacis, ait. Tum Numina sancta precamur  
Palladis armisonæ, quæ prima accepit ovantes;  
Et capita ante aras Phrygiò velamur amictu:  
Præceptisque Heleni, dederat quæ maxima, rite  
Junoni Argivæ jussos adolemus honores.

Haud mora: continuò perfectis ordine votis,  
Cornua velatarum obvertimus antennarum,  
Grajugenumque domos, suspectaque linquimus arva.

Ff2

Hinc

(e) In arce Minervæ. In Japygiæ promontorio  
hodie Castro, eminebat arx & templum Minervæ  
longè aspectabile.



# ÆNEIDOS

Hinc finus Herculei, (a) si vera est fama, Tarenti  
 Cernitur. Attollit se diva Lacinia (b) contra,  
 Caulonisque arces, (c) & navisfragum Scylaceum.  
 Tum procul è fluctu Trinacria cernitur Ætna:  
 Et gemitum ingentem pelagi, pulsataque saxa  
 Audimus longe, fractasque ad littora voces:  
 Exultantque vada, atque æstu misentur arenæ.  
 Et pater Anchises: Nimirum hæc illa Charybdis:  
 Hos Helenus scopulos, hæc saxa horrenda canebat.  
 Eripite, o socii: pariterque insurgite remis.  
 Haud minus ac jussi faciunt: primusque rudentem  
 Contorsit lævas proram Palinurus ad undas.  
 Lævam cuncta cohors remis ventisque petivit.  
 Tollimur in cælum curvato gurgite, & iidem  
 Subductâ ad manes imos desedimus undâ.  
 Ter scopuli clamorem inter cava saxa dedêre:  
 Ter spumam elisam, & rorantia vidimus astra.  
 Interea fessos ventus cum sole reliquit;  
 Ignarique viæ Cyclopum adlabimur oris,  
 Portus ab accessu ventorum immotus, & ingens  
 Ipse; sed horrificis juxta tonat Ætna ruinis,  
 Interdumque atram prorumpit ad æthera nubem,  
 Turbine fumantem piceo, & candente favilla;  
 Attollitque globos flammaram, & sidera lambit:  
 Interdum scopulos, avulsaque viscera montis  
 Erigit eructans, liquefactaque saxa sub auras  
 Cum gemitu glomerat, fundoque exæstuat imo.  
 Fama est, Enceladi semiustum fulmine corpus  
 Urgeri mole hac, ingentemque insuper Ætnam  
 Impositam, ruptis flammam expirare caminis;  
 Et fessum quoties mutat latus, intremere omnem  
 Murmure Trinacriam, & cælum subtexere fumo.

Noctem

(a) Herculei. *Tarentum fertur ab Hercule ædificatum.*

(b) Lacinia. *Junonis Laciniae templum prope Crotonem.*

(c) Caulon, Scylacæum. *Oppida sunt in Brutiis*

### LIBER III.

Noctem illam tecti filvis immania monstra  
 Perferimus: nec, quæ sonitum det causa, videmus.  
 Nam neque erant astorum ignes, nec lucidus æthra  
 Siderea polus; obscuro sed nubila cælo:  
 Et lunam in nimbo nox intempesta tenebat.  
 Postera jamque dies primo surgebat Eoo,  
 Humentemque Aurora polo dimoverat umbram:  
 Cum subitò è filvis, macie confecta supremâ,  
 Ignoti nova forma viri, miserandaque cultu  
 Procedit, supplexque manus ad littora tendit.  
 Respicimus. Dira illuvies, immissaque barba:  
 Cernertum tegumen spinis: ac cetera Grajus,  
 Et quondam patriis ad Trojam missus in armis.  
 Isque ubi Dardanios habitus, & Troja vidit  
 Arma procul; paulùm aspectu conterritus hæsit,  
 Continuitque gradum: mox sese ad littora præcep  
 Cum fletu precibusque tulit. Per sidera testor,  
 Per Superos, atque hoc cœli spirabile lumen;  
 Tollite me, Teucris: quascumque abducite terras.  
 Hoc sat erit. Scio me (d) Danaïs è claustris unum  
 Et bello Iliacos fateor petiisse Penates.  
 Pro quo, si sceleris tanta est injuria nostri,  
 Spargite me in fluctus, vastoque immergite ponto.  
 Si pereo, manibus hominum periisse juvabit.  
 Dixerat: & genua amplexus, genibusque volutans  
 Hærebat. Qui sit, fari, quo sanguine cretus,  
 Hortamur, quæ deinde agitet fortuna, fateri.  
 Ipse pater dextram Anchises, haud multa moratus,  
 Dat juveni; atque animum præsentis pignore firmat.  
 Ille hæc, deposita tandem formidine, fatur:  
 Sum patria ex Ithaca, comes infelicis Ulyssæi,  
 Nomen Achemenides, Trojam genitore Adamaſto  
 Paupere (mansissetque utinam fortuna!) profectus.  
 Hic me, dum trepidi crudelia limina linquunt,

Imme-

(d) Danaïs, Argivis, vestris inimicis.



ÆNEIDOS

Immemores focii vasto Cyclopis (e) in antro  
 Deferuere. Domus sanie dapibusque cruentis,  
 Intus opaca, ingens. Ipse arduus, altaque pulsat  
 Sidera, (Di, talem terris avertite pestem)  
 Nec visu facilis, nec dictu affabilis ulli,  
 Visceribus miserorum, & sanguine vescitur atro.  
 Vidi egomet, duo de numero cum corpora nostro,  
 Pressa manu magnâ, medio resupinus in antro  
 Frangeret ad saxum, sanieque aspersa natarent  
 Limina: vidi, atro cum membra fluentia tabo  
 Manderet, & trepidi tremarent sub dentibus artus.  
 Haud impune quidem. Nec talia passus Ulysses,  
 Oblitusve sui est Ithacus, discrimine tanto.  
 Nam simul expletus dapibus, vinoque sepultus  
 Cervicem inflexam posuit, jacuitque per antrum,  
 Immensum, saniem eructans, ac frustra cruento  
 Per somnum commixta mero; nos, magna precati  
 Numina, sortitique vices, una undique circum  
 Fundimur, & telo lumen terebramus acuto  
 Ingens, quod torva solum sub fronte latebat,  
 Argolici clypei, aut Phœbeæ lampadis instar:  
 Et tandem læti sociorum ulciscimur umbras.  
 Sed fugite, ô miseri, fugite, atque ab littore funem  
 Rumpite.  
 Nam qualis quantusque cavo Polyphemus in antro  
 Lanigeras claudit pecudes, atque ubera prestat,  
 Centum alii curva hæc habitant ad littora vulgâ  
 Infandi Cyclopes, & altis montibus errant.  
 Tertia jam lunæ se cornua lumine complent,  
 Cum vitam in silvis, inter deserta ferarum  
 Lustra domosque traho, vastosque ab rupe Cyclopas.  
 Prospicio, sonitumque pedum, vocemque tremisco.  
 Victum infelicem baccas, lapidosaque corna  
 Dant rami, & vulsis pascunt radicibus herbæ.  
 Omnia collustrans, hanc primum ad littora classem

Con-

(e) Cyclopes. Narrat, quid tres ante menses U-  
 lyssæ factum sit.

### LIBER III.

Conspexi venientem. Huic me, quæcumque fuisset,  
Addixi: satis est gentem effugisse nefandam.

Vos animam hanc potius quocumque absumite leto.

Vix ea fatus erat: summo cum monte videmus  
Ipsam inter pecudes vastâ se mole moventem  
Pastorem Polyphemum, & littora nota potentem  
Monstrum horrendum, informe, ingens, cui lumen  
ademptum.

Trunca manum pinus regit, & vestigia firmat:  
Lanigeræ comitantur oves: ea sola voluptas,  
Solâmenque mali: de collo fistula pendet.  
Postquam altos tetigit fluctus, & ad æquora venit,  
Luminis effossi fluidum lavat inde cruorem,  
Dentibus infrendens gemitu: graditurque per æquor  
Jam medium, necdum fluctus latera ardua tinxit.  
Nos procul inde fugam trepidi celerare recepto.  
Supplice, sic merito: tacitique incidere funem,  
Verrimus & prona certantibus æquora remis.  
Sensit, & ad sonitum vocis vestigia torlit.  
Verum ubi nulla datur dextram affectare potestas,  
Nec potis Jonios fluctus æquare sequendo;  
Clamorem inmensum tollit: quo pontus & omnes  
Intremuere undæ, penitusque exterrita tellus  
Italix, curvisque immugiit Ætna cavernis.  
At genus è filvis Cyclopum, & montibus altis  
Excitum ruit ad portas, & littora complent.  
Cernimus adstantes nequicquam lumine torvo  
Ætneos fratres, cælo capita alta ferentes,  
Concilium horrendum: quales cum vertice celsos  
Aerix quercus, aut coniferæ cyparissi  
Constiterunt, silva alta Jovis, lucusve Dianæ.  
Præcipites metus acer agit, quocumque rudentes  
Excutere, & ventis intendere vela secundis.  
Contra jussa monent Heleni, Scyllam atque Charybdim.  
Inter utramque viam, leti discrimine parvo,  
Ni teneant cursus, certum est dare lintea retro.  
Ecce autem Boreas angusta ab sede Pelori



# ÆNEIDOS

Missus adest. - Vivo prætervehor ostia saxo  
 Pantagiæ (a) Megarosque sinus, Tapsumque jacentem  
 Talia monstrabat relegens errata retrosum  
 Littora Achemenides, comes infelicis Ulyssæi.  
 Sicanio prætenta sinu jacet insula contra  
 Plemmyrium undosum: nomen dixere priores  
 Ortygiam, Alpheum (b) fama est huc Elidis amnem  
 Occultas egisse vias subter mare: qui nunc  
 Ore Arethusa tuo Siculis confunditur undis.  
 Numina magna loci iussi veneramur: & inde  
 Exupero præpingue solum stagnantis (c) Helori.  
 Hinc altas cautes, projectaque saxa Pachyni (d)  
 Radimus, & fatis nunquam concessa moveri.  
 Apparet Camarina procul, (e) campique Geloi (f)  
 Immanisque Gela fluvii cognomine dicta.  
 Arduus inde Agragas, (g) ostentat maxima longè  
 Moenia, magnanimùm quondam generator equorum,  
 Teque datis linquo vertis, palmosa Selinis; (h)  
 Et vada tuta lego saxis (i) Lilybeia cæcis.

Hinc

(a) Pantagiæ. *Pantagiæ fluvii. Megari, sinus ad Siciliæ Urbem Megaram. Taplus, Insula prope Siciliam. Plemmyrium Promontorium juxta Syracusas. Ortygiam. Insula, quam pons Syracusis annectit.*

(b) Alpheum. *Hic fons Arethuse, ex quo serunt per subterraneos canales emergere Alpheum flumen Elidis in Peloponneso.*

(c) Helori. *Fluvii latè stagnantis.*

(d) Pachyni. *Promontorium Siciliæ Austrum spectans.*

(e) Camarina. *Oppidum situm prope sætidam admodum paludem.*

(f) Geloi. *Urbs magna à cognomine fluvio dicta.*

(g) Agragas, *Agrigentum in edito monte situm, ubi præstantes equi.*

(h) Selinus. *Urbs apii fertilis & palmarum.*

(i) Lilybæja. *Tertium est Siciliæ promontorium Drepanum. Urbs ad radicem Erycis montis.*

### LIBER III.

Hinc Drepani me portus, & illætabilis ora  
 Accipit: hic pelagi tot tempestatibus actus,  
 Heu genitorem, omnis curæ casusque levamen,  
 Amitto Anchisen, hic me, pater optime, fessum  
 Deseris, heu, tantis nequicquam erepte periculis!  
 Nec vates Helenus, cum multa horrenda mone et  
 Hos mihi prædixit luctus, non dira Celæno.  
 Hic labor extremus, longarum hæc meta viaru n.  
 Hinc me digressum vestris Deus appulit oris.  
 Sic pater Æneas intentis omnibus unus  
 Fata renarrabat Divûm, cursusque docebat.  
 Conticuit tandem, factoque hic fine quievit.

## P. VIRGILII

### MARONIS

#### ÆNEIDOS LIBER VI.

#### ARGUMENTUM.

**C**Umas appulsius Æneas Diance Triviæ templum  
 subit: vota ad Deam concipit, hortante Sibyllâ,  
 quæ ei plurima de instantibus periculis, & futuri bel-  
 li eventu vaticinatur. Rogat Sibyllam Æneas, ut se  
 patris Anchise videndi ergo ad inferos deducat. Ju-  
 bet illa ramum aureum è luco Junonis petere, ac Mi-  
 senî cadaver ante humare, quod & exequitur Æneas,  
 Columbarum ductu potitus aureo ramo, ac Mi-  
 seno magnifice cremato, ad Sibyllam & lacum Aver-  
 num re lit, sacrificat, cæcum iter init. Describitur  
 vestibulum inferorum, monstra infera in quæ gladium  
 vibrabat Æneas, nî Sibylla prohibuisset; fluvii infe-  
 ri, Charon, umbræ inhumatorum innumere, quæ in-  
 ter Palinurus nuper in mare excussus, & à barba-  
 ris in ripa cæsus. Transvectus Stygem Æneas, Cer-  
 berum medicatâ offa sopit; videt in stationibus variis  
 manes



## ÆNEIDOS

manes infantum, à semet occisorum, amantium; atque has inter Didonem, quam frustra alloquitur, & miseratur. Videt inde manes bellatorum insignium, cum Trojanorum, tum Græcorum; hos inter Deiphobi Priami Filii, qui suæ necis modum narrat. Hujus colloquio abrupto tristia damnatorum loca adit. Cum verò ima Tartara adire nefas sit mortali, varia damnatorum genera, suppliciaque Æneæ Sibylla denarrat, quæ in Mythologia de Diis uberius pleraque reperies. In Elysios campos denique devenit Æneas hic Anchisam Patrem convenit, qui filium primum de statu animarum hic detentarum pluribus edocet. Instantia Æneæ fata recenset Anchises, futuros Albæ Reges, ex his oriturum Romulum, Romanæ urbis magnitudinem, in Augusti denique laudes multas excurret. Ostendit porro Anchises Æneæ Romanos Reges post Romulum, virosque deinceps bello & pace claros. Multa denique de Marcello, Augusti privigno, ingentis spei adolescente eidem Augusto, blandius commemorat. His visis & auditis ex inferis rediit in Cajetæ portu constitit.

**S**ic fatur lacrymans, clasique immittit habenas  
 Et tandem (a) Euboicis Cumarum adlabitur oris.  
 Obvertunt pelago proras: tum dente tenaci  
 Ancora fundabat naves, & littora curvæ.  
 Prætexunt puppes. Juvenum manus emicat ardens.  
 Littus in Hesperium: quærit pars semina flammæ.  
 Abstrusa in venis filicis: pars densa ferarum  
 Tecta rapit: silvas, inventaque flumina monstrat.  
 At pius Æneas arces, quibus altus Apollo  
 Præsidet, horrendæque procul secreta Sibyllæ,  
 Antrum immane petit: magnam cui mentem animumque

(b) De

(a) Euboicis. Baias appellat, quas in sinu Puteo-  
 lano Chalcidenſes ex Eubœa injura condiderant.

LIBER VI.

(b) Delius inspirat vates, aperitque futura.  
 Jam subeunt (c) Triviæ lucos, atque aurea tecta.  
 Dædalus [ ut fama est ] fugiens Minoiæ regna,  
 Præpetibus pennis ausus se credere cælo,  
 Insuetum per iter gelidas enavit ad Arctos,  
 [d] Chalcidicaque levis tandem superadstitit arce.  
 Redditus his primùm terris, tibi Phæbe sacravit  
 Remigium alarum, posuitque immania templa.  
 In foribus lethum [e] Androgeon: tum pendere pœnas.  
 [f] Cecropidæ iussi [ miserum ] septena quot annis.  
 Corpora natorum: stat ductis sortibus urna:  
 Contra elata mari respondet Gnoſſia tellus.  
 Hic crudelis amor tauri, suppositaque furto.  
 Pasiphææ, maximùmque genus, prolesque biformis.  
 Minotaurus inest, Veneris monumenta nefandæ:  
 Hic labor ille domûs, & inextricabilis error.  
 Magnum reginæ sed enim miseratus amorem  
 Dædalus, ecce dolos tecti ambagesque resolvit,  
 Cæca regens filo vestigia. Tu quoque magnam  
 Partem opere in tanto, lineret dolor, Icare, haberes.  
 Bis conatus erat casus effingere in auro:  
 Bis patriæ cecidere manus. Quin protinus omnia  
 Perlegerent oculis, ni jam præmissus Achates  
 Afforet, atque una Phœbi Triviæque sacerdos  
 [g] Deiphobe Glauci, fatur quæ talia regi:  
 Non hoc ista sibi tempus spectacula poscit:  
 Nunc grege de intacto septem mactare juvencos.  
 Præsti-

[b] Delius, *Apollo Deli natus.*

[c] Triviæ *Dianæ simul & Phœbi templum.*

[d] Chalcidica. *Cumana.*

[e] Androgeo *Ab Æneâ sociisque captâ jam Tro-  
 ja interfecti ut libro 2.*

[f] Cecropidæ *Athenienses, à Rege Cecrope. Fin-  
 gitur in vestibulo templi assabre excisa fabula nota  
 de Minotauro, Labyrintho, Theseo, Dædalo.*

[g] Deiphobe. *Glauci filia. Hoc erat Sibyllæ  
 nomen.*



# ÆNEIDOS

Præstiterit, totidem læstas de more bidentes.  
 Talibus adfata Ænean [ nec sacra morantur  
 Jussa viri ] Teucros vocat alta in templa sacerdos.  
 Excisum Euboicæ latus ingens rupis in antrum,  
 Quo lati ducunt aditus centum, ostia centum:  
 Unde ruunt totidem voces, responsa Sibyllæ.  
 Ventum erat ad limen, cum virgo, poscere fata  
 Tempus, ait. Deus ecce, Deus! cui talia fanti  
 Ante fores subito non vultus, non color unus,  
 Non comptæ manere comæ; sed pectus anhelum,  
 Et rabie fera corda tument: majorque videri,  
 Nec mortale sonans, adflata est numine quando  
 Jam propiore Dei. Cessas in vota, precesque  
 Tros, ait, Ænea? cessas? neque enim ante dehiscunt  
 Attonitæ magna ora domus. Et talia fata  
 Conticuit. Gelidus Teucris per dura cucurrit  
 Ossa tremor, funditque preces rex pectore ab imo:  
 Phæbe, graves Trojæ semper miserate labores,  
 Dardana qui Paridis dirèxti tela, manusque  
 Corpus in Æacidæ; magnas obeuntia terras  
 Tot maria intravi duce te, penitusque repostas  
 Massylûm gentes, prætentaque fyrtibus arva.  
 Jam tandem Italiæ fugientis prendimus oras.  
 Hac Trojana tenus fuerit fortuna secuta.  
 Vos quoque Pergamæ jam fas est parcere genti.  
 Dique Deæque omnes, quibus obstitit Ilium, & ingens  
 Gloria Dardaniæ, tuque o sanctissima vates  
 Præscia venturi, da [ non indebita posco ]  
 Regna meis fatis; Latio confidere Teucros,  
 Errantesque Deos, agitataque numina Trojæ.  
 Tum Phæbo & Triviæ solido de marmore templum  
 Instituiam, festoque dies de nomine Phœbi.  
 Te quoque magna manent regnis penetralia nostris.  
 Hic ego namque tuas sortes, arcanaque fata  
 Dicta meæ genti ponam. læctosque sacrabo

LIBER VI.

Alma viros: [h] foliis tantum ne carmina manda:

Ne turbata volent rapidis ludibria ventis.

Ipſa canas, ero. Finem dedit ore loquendi.

At Paebi nondum patiens, immanis in antro

Bacchatur vates, magnum ſi pectore poſſit

Excuffiſſe Deum. Tanto magis ille fatigat

Os rabidum, fera corda domans, fingitque premendo

Oſtia jamque domus patuere ingentia centum

Sponte ſua, vatiſque ferunt reſponſa per auras.

O tandem magnis pelagi deſuncte periclis:

Sed terrâ graviora manent, in regna Lavini

Dardanidæ venient [mitte hanc de pectore curam]

Sed non & veniſſe volent. Bella horrida bella,

Et Tybrim multo ſpumantem ſanguine cerno.

Non [z] Simois tibi, nec Xanthus, nec [k] Dorica caſtra

Deſuerint. Alius Latio jam partus [l] Achilles,

Natus & ipſe Deâ. Nec Teucris addita Juno

Uſquam aberit: cum tu ſupplex in rebus egenis

Quas gentes Italum aut quas non oraveris urbes!

Cauſa mali tanti conjux, iterum hœſpita Teucris,

Externique iterum thalami.

*Tu ne cede malis: ſed contra audentior ito,*

*Quam tua te fortuna ſinet. Via prima ſalutis,*

*Quod minime reris. Graja pandetur ab urbe.*

Talibus ex adyto dictis Cumæa Sibylla

Horrendas canit ambages, antroque remugit,

Obſcuris vera involvens, ea frœna furenti

Concutit, & ſtimulos ſub pectore vertit Apollo.

Ut primum ceſſit furor; & rabida ora quierunt,

Incipit Æneas heros: non ulla laborum,

O virgo, nova mi facies inopinave ſurgit.

Omnia præcepi, atque animo mecum ante peregi.

Unum

[h] Foliis. Alias Sibylla foliis vaticinia inſcribebat

que vento diſſlata non iterum componere curabat.

[z] Simois, Xanthus. Trojani fluvii.

[k] Dorica, Græcorum.

[l] Achilles. Turrum inuit.



# ÆNEIDOS

Unum oro: quando hic inferni janua regis  
 Dicitur, & tenebrosa palus Acheronte refulso:  
 Ire ad conspectum cari genitoris & ora  
 Contingat: doceas iter, & sacra ostia pandas.  
 Illum ego per flammās, & mille sequentia tela  
 Eripui his humeris, medioque ex hoste recepi:  
 Ille meum comitatus iter, maria omnia mecum,  
 Atque omnes pelagique minas, cœlique ferebat  
 Invalidus, vires ultra, sortemque senectæ.  
 Quin, ut te supplex peterem, & tua limina adirem,  
 Idem orans mandata dabat. Natique, patrisque,  
 Alma, precor, miserere; potes namque omnia, nec te  
 Nequicquam lucis Hecate (a) præfecit Avernis.  
 Si potuit manes arcellere conjugis (b) Orpheus,  
 Threicia fretus citharâ, fidibusque canoris;  
 Si fratrem Pollux alternâ morte redemit,  
 Itque reditque viam toties, quid Thesea, magnum  
 Quid memorem Alciden? & mî genus ab Jove summo.  
 Talibus orabat dictis, arasque tenebat;  
 Cum sic orsa loqui vates: Sate sanguine Divum,  
 Tros Anchisiade, facilis descensus Averni.  
 Noctes atque dies patet atri janua Ditis;  
 Sed revocare gradum, superasque evadere ad auras,  
 Hoc opus, hic labor est. Pauci, quos æquus amavit  
 Jupiter, aut ardens evexit ad æthera virtus,  
 Dis geniti potuere. Tenent media omnia silvæ,  
 Cocytusque sinu labens circumfluit atro.  
 Quod si tantus amor menti, si tanta cupido est,  
 Bis Stygios innare lacus, bis nigra videre  
 Tartara, & infano juvat indulgere labori;  
 Accipe, quæ peragenda prius. Latet arbore opacâ  
 Aureus & foliis, & lento vimine ramus,  
 Junoni infernæ dictus sacer: hunc tegit omnis  
 Lucus, & obscuris claudunt convallibus umbræ.

Sed

(a) Hecate Triformis Diana.

(b) Orpheus. Orphei, Thesei, Herculis, Pollucis  
 inferos aduentium fabulæ aliquin constant.

230

LIBER VI.

Sed non ante datur telluri operta subire,  
 Auricomos quam quis decerpserit arbore foetus.  
 Hoc sibi pulchra suum ferri Proserpina munus  
 Instituit. Primo avulso non deficit alter  
 Aureus, & simili frondescit virga metallo.  
 Ergo altè vestigia oculis, & rite repertum  
 Carpe manu; namque ipse volens facilisque sequetur  
 Si te fata vocant: aliter, non viribus ullis  
 Vincere, nec duro poteris convellere ferro.  
 Præterea jacet exanimum tibi corpus amici,  
 Heu nescis. totamque incestat funere classem;  
 Dum consultâ petis, nostroque in limine pendes.  
 Sedibus hunc refer ante suis, & conde sepulcro.  
 Duc nigras pecudes: ea prima piacula sunt.  
 Sic demum lucos Stygios, regna invia vivis,  
 Aspicies. Dixit, pressoque obmutuit ore.  
 Æneas mœsto defixus lumina vultu  
 Ingreditur, linquens antrum, cæcosque volutat  
 Eventus animo secum, cû fidus Achates  
 It comes, & paribus curis vestigia figit.  
 Multa inter sese vario sermone serebant:  
 Quem socium exanimem vates, quod corpus humandum  
 Diceret. Atque illi Misenum in littore sicco,  
 Ut venêre, vident indigna morte peremptum,  
 Misenum Æolidem (c) quo non præstantior alter  
 Ære ciere viros, Martemque accendere cantu.  
 Hectoris hic magni fuerat comes, Hectora circum  
 Et lituo pugnas insignis obibat, & hastâ.  
 Postquam illum vitâ victor spoliavit Achilles,  
 Dardanio Æneæ sese fortissimus heros  
 Addiderat socium, non inferiora secutus.  
 Sed tum, forte cavâ dum personat æquora conchâ  
 Demens, & cantu vocat in certamina Divos,  
 Æmulus exceptum Triton (si credere dignum est)  
 Inter saxa virum spumosa immerferat undâ.

Ergo

(c) Misenum Æolidem in Æolia natum, tubicinem  
 olim Hectoris.



# ÆNEIDOS

Ergo omnes magno circum clamore fremebant;  
Præcipuè pius Æneas. Tum iussa Sibyllæ  
(Haud mora) festinant flentes, aramque sepulcri  
Congerere arboribus, cæloque educere certant.  
Itur in antiquam silvam, stabula alta ferarum:  
Procumbunt picæ: sonat ista securibus illex:  
Fraxineæque trabes, cuneis & fissile robur  
Scinditur: advolvunt ingentes montibus ornos.  
Nec non Æneas opera inter talia primus  
Hortatur socios, paribusque accingitur armis.

Atque hæc ipse suo tristis cum corde volutat,  
Aspectans silvam immensam, & sic voce precatur:  
Si nunc se nobis ille aureus arbore ramus  
Ostendat nemore in tanto: quando omnia verè  
Heu nimium de te vates, Misene, locuta est.  
Vix ea fatus erat, geminæ cum fortè columbæ  
Ipsa sub ora viri cælo venère volantes,  
Et viridi sedère solo. Tum maximus heros  
(a) Maternas adgnoscit aves, lætusque precatur  
Este duces, o! si qua via est, cursumque per auras  
Dirigite in lucos, ubi pinguem dives opacat  
Ramus humum. Tuque ô dubiis ne desice rebus,  
Diva parens. Sic effatus vestigia pressit  
Observans, quæ signa ferant, quò tendere pergant.  
Pascentes, illæ tantum prodire volando,  
Quantum acie possent oculi servare sequentûm.  
Inde ubi venère ad fauces graveolentis Averni,  
Tollunt se celeres, liquidumque per aera lapsæ  
Sedibus optatis gemina super arbore fidunt,  
Discolor unde auri per ramos aura refulsit.  
Quale solet silvis brumali frigore viscum  
Fronde virere nova, quod non sua seminat arbos,  
Et croceo foetu teretes circumdare truncos,  
Talis erat species auri frondentis opacæ  
Ilice, sic leni crepitabat bractea vento.  
Corripit Æneas extemplo avidusque refringit

Cun-

(a) Maternas. *Columba Veneri sacra.*

# LIBER VI.

Cunctantem, & vatis portat sub testâ Sibyllæ.  
 Nec minus interea Misenum in littore Teucri  
 Flebant, & cineri ingrato suprema ferebant.  
 Principio pinguem tædis, & robore secto  
 Ingentem struxere pyram: cui frondibus atris  
 Intexunt latera, & feræles antè cupressos  
 Constituunt, decorantque super fulgentibus armis.  
 Pars calidos latices, & ahenâ undantia flammis  
 Expediunt, corpusque lavant frigentis & ungunt,  
 Fit gemitus. Tum membra toro desleta reponunt,  
 Purpureasque super vestes, velamina nota,  
 Coniiciunt. Pars ingenti subiçere feretro  
 Triste ministerium, & subjectam more parentum  
 Aversi tenuere facem. Congesta cremantur  
 Thurea dona, dapes, fuso crateres olivo.  
 Postquam collapsi cineres, & flamma quievit;  
 Reliquias vino. & bibulam lavere favillam:  
 Ossaque lecta cado texit Corynæus ahenò.  
 Idem ter socios pura circumtulit undâ,  
 Spargens rore levi, & ramo felicis olivæ:  
 Lustravitque viros, dixitque novissima verba.  
 At pius Æneas ingenti mole sepulcrum  
 Imponit, suæque arma viro, remumque, tubamque  
 Monte sub æriò: qui nunc Misenus ab illo  
 Dicitur, æternumque tenet per sæcula nomen.  
 His actis properè exsequitur præcepta Sibyllæ.  
 Spelunca alta fuit, vastoque immanis hiatu,  
 Scrupea, tuta lacu nigro, nemorûmque tenebris:  
 Quam super haud ullæ poterant impune volantes  
 Tendere iter pennis: talis sese halitus atris  
 Faucibus effundens supera ad convexa ferebat:  
 ( Unde locum Graij dixerunt nomine Avernum. )  
 Quatuor hîc primum nigrantes terga juvencos  
 Constituit, frontique invergit vina sacerdos;  
 Et summas carpens media inter cornua setas,  
 Ignibus imponit sacris libamina prima,  
 Voce vocans Hecaten, cœloque Ereboque potentem.



# ÆNEIDOS

Supponunt alii cultros, tepidumque cruorem  
 Suscipiunt pateris. Ipse atri velleris agnam  
 Æneas matri Eumenidum, magnæque forori  
 Ense ferit. sterilemque tibi, Proserpina, vaccam.  
 Tum Stygio regi nocturnas inchoat aras,  
 Et solita imponit taurorum viscera flammis.  
 Pingue superque oleum infundens ardentibus extis.  
 Ecce autem, primi sub limina solis & ortûs,  
 Sub pedibus mugire solum, & juga cœpta moveri  
 Silvarum, visæque canes ululare per umbram,  
 Adventante dea. Procul ô, procul este, profani,  
 Conclamat vates, totoque abstinate luo:  
 Tuque invade viam, vaginâque eripe ferrum:  
 Nunc animis opus, Ænea, nunc pectore firmo.  
 Tantum effata, furens antro se immisit aperto.  
 Ille ducem haud timidus vadentem passibus æquat.  
 Dî, quibus imperium est animarum, umbræque si-  
 lentes.

Et Chaos, & Phlegeton, loca nocte tacentia latè;  
 Sit mihi fas audita loqui: sit numine vestro  
 Pandere res altâ terrâ & caligine mersas.  
 Ibant obscuri solâ sub nocte per umbram,  
 Perque domos Ditis vacuas, & inania regna:  
 Quale per incertam lunam sub luce maligna  
 Est iter in silvis; ubi cælum condidit umbrâ  
 Jupiter, & rebus nox abstulit atra colorem.

Vestibulum ante ipsum, primisque in faucibus Orci  
 Luctus, & ultrices posuere cubilia Curæ:  
 Pallentesque habitant Morbi, tristisque Senectus,  
 Et Metus, & maleuada Fames, ac turpis Egestas;  
 Terribiles visu formæ, Lethumque, Laborque:  
 Tunt consanguineus Lethi Sopor, & mala mentis  
 Gaudia, mortiferumque adverso in limine Bellum,  
 Ferreique Eumenidum thalami, & Discordia demens  
 Vipereum crinem vittis innexa cruentis.  
 In medio ramos annosæque brachia pandit  
 Ulmius opaca, ingens: quam sedem Somnia vulgò  
 Vana

LIBER VI.

Vana tenere serunt, foliisque sub omnibus hærent.  
 Multaque præterea variarum monstra ferarum.  
 Centauri in foribus stabant, Scyllæque bifformes,  
 Et centumgeminus Briareus, ac bellua Lernæ  
 Horrendum fridens, flammisque armata Chimæra:  
 Gorgones, Harpyiæque, & forma tricarporis umbræ,  
 Corripit hic subita trepidus formidine ferrum  
 Æneas, strictamque aciem venientibus offert:  
 Et, ni docta comes tenues sine corpore vitas  
 Admoneat, volitare cava sub imagine formæ;  
 Irruat, & frustra ferro diverberet umbras.  
 Hinc via, Tartarei quæ fert Acherontis ad undas:  
 Turbidus hic cœno, vastaque voragine gurgis  
 Æstuat, atque omnem Cocyto eructat arenam.  
 Portitor has horrendus aquas, & flumina servat  
 Terribili squallore Charon: cui plurima mento  
 Canities inculta jacet: stant lumina flammæ;  
 Sordidus ex humeris nodo dependet amictus.  
 Ipse ratem conto subigit, velisque ministrat,  
 Et ferrugineâ subvectat corpora cymbâ,  
 Jam senior: sed cruda Deo, viridisque senectus.  
 Huc omnis turba ad ripas effusa ruebat,  
 Matres atque viri, defunctaque corpora vitæ  
 Magnanimùm heroum, pueri innuptæque puellæ,  
 Impositique rogis juvenes ante ora parentum:  
 Quam multa in silvis autumnî frigore primo  
 Lapsa cadunt folia; aut ad terram gurgite ab alto  
 Quam multæ glomerantur aves, ubi frigidus annus  
 Trans pontum fugat, & terris immittit apricis.  
 Stabant orantes primi transmittere cursum,  
 Tendeabantque manus ripæ ulterioris amore,  
 Navita sed tristis nunc hos, nunc accipit illos:  
 Ast alios longe submotos arcet arenâ.  
 Æneas (miratus enim, motusque tumultu)  
 Dic, ait, ô virgo, quid vult concursus ad amnem?  
 Quidve petunt animæ? vel quo discrimine ripas  
 Hæ lingunt? illæ remis vada livida verrunt?



# ÆNEIDOS

Olli sic breviter fata est longæva sacerdos:  
 Anchisâ generate, Deûm certissima proles,  
 Cocyti stagna alta vides, Stygiamque paludem,  
 Dî cuius jurare timent, & fallere numen.  
 Hæc omnis, quam cernis, inops inhumataque turba est:  
 Portitor ille, Charon: hi, quos vehit unda, sepulti.  
 Nec ripas datur horrendas, & rauca fluenta  
 Transportare prius, quàm sedibus ossa quierunt.  
 Centum errant<sup>(a)</sup> annos, volitantque hæc littora circum  
 Tum demum admissi stagna exoptata revolunt.  
 Constitit Anchisâ satus, & vestigia preffit  
 Multa putans, Sortemque animo miseratus iniquam.  
 Cernit ibi mæstos, & mortis honore carentes  
 Leucaspim, & Lyeiæ ductorem classis Orontem:  
 Quos, simul à Troja ventosa per æquora vectos  
 Obruit Auster, aqua involvens navemque, virosque.  
 Ecce gubernator sese Palinurus agebat:  
 Qui Libyco nuper cursu, dum sidera servat,  
 Exciderat puppi, mediis effusus in undis.  
 Hunc ubi vix multa mæstum cognovit in umbrâ,  
 Sic prior alloquitur: Quis te, Palinure, Deorum  
 Eripuit nobis, medioque sub æquore merisit?  
 Dic age. Namque mihi, fallax haud ante repertus  
 Hoc uno responso animum delusit Apollo:  
 Qui fore te ponto incolumem, finesque canebat  
 Venturum Ausonios. En hæc promissa fides est?  
 Ille autem: Neque te Phæbi cortina fefellit,  
 Dux Anchisiade, nec me Deus æquore merisit.  
 Namque gubernaculum multâ vi forte revulsum,  
 Cui datus hærebam custos, cursusque regebam,  
 Præcipitans traxi mecum. Maria aspera juro,  
 Non ullum pro me tantum cepisse timorem,  
 Quàm tua ne, spoliata armis, excussa magistro;  
 Deficeret tantis navis surgentibus undis.

Tres

(a) Centum errant. Centum annis expectandum erat umbris, quarum cadavera humata vel cremata non fuerant, dum à Charonte trajicerentur.

LIBER VI.

Tres Notus hibernas, immensa per æquora noctes  
 Vexit me violentus aqua: vix lumine quarto  
 Prospexi Italiam summa sublimis ab unda.  
 Paulatim adnabam terræ: jam tuta tenebam;  
 Ni gens crudelis madida cum veste gravatum,  
 Prensamque uncis manibus capita aspera montis  
 Ferro invasisset, prædamque ignara putasset.  
 Nunc me fluctus habet, versantque in littore venti.  
 Quod te per cæli jucundum lumen, & auras,  
 Per genitorem oro, per spem surgentis Juli;  
 Eripe me his, invicte, malis: aut tu mihi terram  
 Injice, namque potes; portusque require Velinos.  
 Aut tu, si qua via est, si quam tibi diva creatrix  
 Ostendit, (neque enim credo sine numine Divum  
 Flumina tanta paras, Stygiamque innare paludem)  
 Da dextram misero, & tecum me tolle per undas;  
 Sedibus ut saltem placidis in morte quiescam.  
 Talia fatus erat, cæpit cum talia vates:  
 Unde hæc, ô Palinure, tibi tam dira cupido?  
 Tu Stygiis inhumatus aquas, amnemque severum  
 Eumenidum aspices, ripamve injussu adibis?  
 Define fata Deum flecti sperare precando.  
 Sed cape dicta memor, duri solatia casus:  
 Nam tua finitimi, longe latèque per urbes  
 Prodigiiis acti cælestibus, ossa piabunt;  
 Et statuent tumulum, & tumulo sollempnia mittent,  
 Æternumque locus Palinuri nomen habebit.  
 His dictis curæ emotæ, pulsusque parumper  
 Corde dolor tristi: gaudet cognomine terræ.

Ergo iter inceptum peragunt, fluvioque propinquant.  
 Navita quos jam inde ut Stygia prospexit ab unda  
 Per tacitum nemus ire, pedemque advertere ripæ,  
 Sic prior adgreditur dictis, atque increpat ultro:  
 Quisquis es, armatus qui nostra ad flumina tendis,  
 Fare age, quid venias: jamque isthinc comprime gressum,  
 Umbrarum hic locus est, Somni Noctisque soporæ:  
 Corpora viva nefas Stygiâ vectare carinâ.

Nec



# ÆNEIDOS

Nec vero (a) Alciden me sum lætatus euntem  
 Accepisse lacu, nec Thesea, Pirithoumque:  
 Dis quamquam geniti, atque invicti viribus essent.  
 Tartareum ille manu custodem in vincula petivit;  
 Ipse à folio regis, praxitque tremementem:  
 (b) Hi dominam Ditis thalamo deducere adorti.  
 Quæ contra breviter fata est Amphrysia vates:  
 Nullæ hîc insidiæ tales, absiste moveri,  
 Nec vim tela ferunt: licet ingens janitor antro.  
 Æternum latrans exsangues terreat umbras:  
 Casta licet patrui servet Proserpina limen.  
 Troius Æneas, pietate insignis & armis,  
 Ad genitorem imas Erebi descendit ad umbras.  
 Si te nulla movet tantæ pietatis imago,  
 At ramum hunc (aperit ramum, qui veste latebat)  
 Agnoscas. Tumida ex ira tum corda residunt.  
 Nec plura his. Ille admirans venerabile donum.  
 Fatalis virgæ, longo post tempore visum,  
 Cæruleam advertit puppim, ripæque propinquant.  
 Inde alias animas, quæ per juga longa sedebant,  
 Deturbat, laxatque foros: simul accipit alveo  
 Ingentem Ænean. Gemit sub pondere cymba  
 Sutilis, & multam accepit rimosa paludem.  
 Tandem trans fluvium incolumes, vatemque virumque  
 Informi limo, glaucaque exponit in ulva.  
 Cerberus hæc ingens latratu regna trifauci  
 Personat, adverso recubans immanis in antro.  
 Cui vates, horrere videns jam colla colubris,  
 Melle soporati & medicatis frugibus offam  
 Obijcit. Ille fame rabidâ tria guttura pandens  
 Corripit objectam, atque immania terga resolvit  
 Fusus humi, totoque ingens extenditur antro.  
 Occupat Æneas aditum, custode sepulto,  
 Evaditque celer ripam irremeabilis undæ.  
 Continuo auditæ voces, vagitus & ingens,

Infan-

(a) Alciden, *Herculem*.

(b) Dominam Ditis. *Proserpinam*.

LIBER VI.

Infantumque animæ flentes in limine primos  
 Quos dulcis vitæ exsortes, & ab ubere raptos,  
 Abtulit atra dies, & funere merfit acerbo.  
 Hos juxta falso damnati crimine mortis.  
 Nec vero hæc sine sorte datæ, sine iudice, sedes.  
 Quæsitur Minos urnam movet: ille silentum  
 Conciliumque vocat, vitalque & crimina discit.  
 Proxima deinde tenent mæsti loca, qui sibi lethum  
 Infantes peperere manu, lucemque perosi  
 Projecere animas. Quam vellent æthere in alto,  
 Nunc & pauperiem, & duros perferre labores!  
 Fas obstat, tristisque palus innabilis unda  
 Atligat, & novies Stryx interfusa coercet.  
 Nec procul hinc partem fusi monstrantur in omnem  
 Lugentes campi, sic illos nomine dicunt.  
 Hic, quos durus amor crudeli tabe peredit,  
 Secreti celant calles, & myrtea circum  
 Silva tegit, curæ non ipsa in morte relinquunt.  
 His (c) Phædræ (d) Procrimque locis, mæstamque  
 (e) Eryphylem  
 Crudelis nati monstrantem vulnera cernit.  
 (f) Euadnenque, & (g) Pasiphaën: his (h) Loadamia.  
 It comes, & juvenis quondam, nunc scœmina (i) Cæneus.  
 Rursus & in veterem fato revoluta figuram.

Inter

(c) Phædra: *Thesæi uxor, ob Hippolitum privignum.*  
 (d) Procrin. *Cephalæ uxor à marito è zelotypia*  
*cæsa.*

(e) Eriphylen. *à Filio Alcmaëone interfecta.*

(f) Euadnen, *quæ se audita Capanei viri morte*  
*in ignem iniecerat.*

(g) Pasiphaen. *Minos Cretenfis Regis uxor, Mi-*  
*notauri amatrix.*

(h) Loadamia. *Quæ optavit, ut Protefilai à Tro-*  
*jam cæsi umbram videret, & voti compos in ejus com-*  
*plexu animam efflavit.*

(i) Cæneus. *à Neptuno violata atque in virum*  
*sortem transmutata.*



# ÆNEIDOS

Inter quas Phœnissa (k) recens à vulnere Dido  
 Errabat silva in magna: quam Trojæ heros,  
 Ut primum juxta stetit, agnovitque per umbram  
 Obscuram, qualem primo qui surgere mense  
 Aut videt, aut vidisse putat per nubila lunam,  
 Demisit lacrimas, dulcique affatus amore est:  
 Infelix Dido, verus mihi nuntius ergo  
 Venerat extinctam, ferroque extrema secutam?  
 Funeris heu tibi causa fui? per sidera juro,  
 Per superos, & si qua fides tellure sub ima est,  
 Invitus, regina, tuo de litoribus cessi.  
 Sed me iussa Deum, quæ nunc has ire per umbras,  
 Per loca senta situ cogunt, noctemque profundam,  
 Imperiis egere suis: nec credere quivi  
 Hunc tantum tibi me discessu ferre dolorem.  
 Siste gradum, teque aspectu ne subtrahe nostro.  
 Quem fugis? extremum fato quod te alloquor, hoc est.  
 Talibus Æneas ardentem, & torva tumentem  
 Lenibat dictis animum, lacrymasque ciebat.  
 Illa solo fixos oculos averſa tenebat;  
 Nec magis incepto vultum sermone movetur,  
 Quam si dura filex, aut stet Marpesia cautes.  
 Tandem corripuit sese, atque inimica refugit  
 In nemus umbriferum: conjunx ubi pristinus illi  
 Respondet curis. æquatque Sichæus amorem.  
 Nec minus Æneas, casu percussus iniquo,  
 Prosequitur lacrymans longè, & miseratur euntem.  
 Inde datum molitur iter. Jamque arva tenebant  
 Ultima, quæ bello clari secreta frequentant.  
 Hic illi occurrit (a) Tydeus, hic inclytus armis  
 [b] Parthenopæus, & Adraſti pallentis imago,  
 Hic multum fleti ad superos, belloque caduci

Dardani-

(k) Phœnissa. *Phœnicia Dido.*

[a] Tydeus. *Pater Diomedis.*

[b] Parthenopæus. *Atalantæ filius. De cæteris hic recensitis Græcorum & Trojanorum Ducibus consule historiam excidii Trojani.*

## LIBER VI.

Dardanidæ: quos ille omnes longo ordine cernens  
 Ingemuit, Glaucumque, Medontaque, Therfilochumque  
 Tres Antenoridas, Cererique sacrum Polybœten,  
 Idæumque, etiam currus, etiam arma tenentem.  
 Circumstant animæ dextrâ lævâque frequentes.  
 Nec vidisse semel satis est: juvat usque morari,  
 Et conferre gradum, & veniendi discere causas.  
 At Danaûm procures, Agamemoniæque phalanges,  
 Ut videre virum, fulgentiaque arma per umbras,  
 Ingenti trepidare metu, pars vertere terga,  
 Ceu quondam petiere rates: pars tollere vocem  
 Exiguam, inceptus clamor frustratur hiantes.  
 Atque hic Priamidem laniatum corpore toto  
 Deiphobum videt, & lacerum crudeliter ora,  
 Ora manusque ambas, populataque tempora raptis  
 Auribus, & truncas inhonesto vulnere nares.  
 Vix adeo agnovit pavitantem, & dira tegentem  
 Supplicia, & notis compellat vocibus ultro:  
 Deiphobe armipotens, genus alto à sanguine Teucris,  
 Quis tam crudeles optavit fumere pœnas?  
 Cui tantum de te licuit? mihi fama supremâ  
 Nocte tulit. fessum vastâ te cæde Pelasgûm  
 Procubuisse super confusæ fragis acervum.  
 Tunc egomet tumulum Rhoeteq; in littore inanem  
 Constitui, & magnâ manes ter voce vocavi.  
 Nomen & arma locum servant. Te, amice, nequivi  
 Conspicere, & patriâ decedens ponere terrâ.  
 Atque hic Priamides: Nihil ô tibi, amice, relictum:  
 Omnia Deiphobo solvisti, & funeris umbris.  
 Sed me fata mea, & scelus exitiale Lacænæ (c)  
 His mersere malis: illa hæc monumenta reliquit.  
 Namque, ut supremam falsa inter gaudia noctem  
 Egerimus, nôsti, & nimium meminisse necesse est:  
 Cum fatalis equus saltu super ardua venit

Perga-

[c] Lacæna. Helena Lacedæmonia post Paridis  
 mortem Deiphobum ejus fratrem maritum habuit,  
 ac Grecis jam victoribus prodidit.



# ÆNEIDOS

Pergama, & armatum peditem gravis attulit alvo:  
 Illa chorum simulans ovantes Orgia circum  
 Ducebat Phrygias: flammam media ipsa tenebat  
 Ingentem, & summa Danaos ex arce vocabat.  
 Tum me confectum curis, somnoque gravatum  
 Infelix habuit thalamus, pressitque jacentem  
 Dulcis & alta quies, placidæque simillima morti.  
 Egregia interea conjux arma omnia tectis  
 Emovet, & fidum capiti subduxerat ensen:  
 Intra tecta vocat Menelaum, & limina pandit.  
 Scilicet id magnum sperans fore munus amanti,  
 Et famam extinguere veterum sic posse malorum.  
 Quid moror? irrumpunt thalamo. Comes additus una  
 Hortator scelerum. (d) Æolides. Dî, talia Graijs  
 Instaurate, pio si pœnas ore repolco.  
 Sed te qui vivum casus, age fare vicissim,  
 Attulerint; pelagine venis erroribus actus,  
 An monitu Divûm? an quæ te fortuna fatigat,  
 Ut tristes sine sole domos, loca turbida adires?  
 Hac vice sermonum roseis Aurora quadrigis  
 Jam medium ætherio cursu trajecerat axem:  
 Et fors omne datum traheret per talia tempus:  
 Sed comes admonuit, breviterque adfata Sibylla est.  
 Nox ruit, Ænea, nos flendo ducimus horas.  
 Hic locus est, partes ubi se via findit in ambas.  
 Dextera, quæ Ditis magni sub mœnia tendit:  
 Hac iter Elysium nobis: at læva malorum  
 Exerceat pœnas, & ad impia Tartara mittit.  
 Deiphobus contra; Ne sævi, magna sacerdos:  
 Discedam, explebo numerum, reddarque tenebris.  
 I decus, i nostrum, melioribus utere fatis.  
 Tantum effatus, & in verbo vestigia torst.  
 Respicit Æneas subito, & sub rupe sinistra  
 Mœnia lata videt, triplici circumdata muro.  
 Quæ rapidus flammis ambit torrentibus amnis  
 Tartareus Phlegeton, torquetque sonantia saxa.

Porta.

[d] Æolides Ulysses. Æoli nepos.

LIBER VI.

Porta adversa, ingens, solidoque adamante columnæ:  
Vis ut nulla virum, non ipsi excindere ferro  
Cælicolæ valeant. Stat ferrea turris ad auras,  
Tisiphoneque sedens, pallâ succincta cruentâ,  
Vestibulum infomnis servat noctesque diesque.  
Hinc exaudiri gemitus, & sæva sonare  
Verbera: tum fridor ferri, tractæque catenæ.

Constitit Æneas, strepitumque exterritus hausit:  
Quæ scelerum facies? ô virgo, effare: quibusve  
Urgentur poenis? qui tantus plangor ad auras?  
Tum vates sic orsa loqui: Dux inclyte Teucrum,  
Nulli fas casto sceleratum insistere limen:  
Sed me, cum lucis Hecate præfecit Avernis,  
Ipsa Deum poenas docuit, perque omnia duxit.  
Gnosius hæc Rhadamanthus habet durissima regna,  
Castigatque auditque dolos, subigitque fateri,  
Quæ quis apud superos, furto lætatus inani,  
Distulit in feram commissa piacula mortem.  
Continuò fontes ultrix accincta flagello  
Tisphonè quatit insultans, torvosque sinistra  
Intentans angues, vocat agmina sæva sororum.  
Tum demum horrifono stridentes cardine sacræ  
Panduntur portæ. Cernis, custodia qualis  
Vestibulo sedeat? facies quæ limina servet?  
Quinquaginta atris immanis hiatibus Hydra  
Sævior intus habet sedem. Tum Tartarus ipse  
Bis patet in præceps tantum, tenditque sub umbras,  
Quantus ad ætherium cæli suspectus Olympum.  
Hic genus antiquum Terræ, Titania pubes,  
Fulmine dejecti, fundo volvuntur in imo.  
Hæc & (a) Aloidas geminos, immania vidi  
Corpora, qui manibus magnum rescindere cælum  
Adgressi, superisve Jovem detrudere regnis.  
Vidi & crudeles dantem Salmonea pœnas,  
Dum flammæ Jovis, & sonitus imitatur Olympi.  
Quatuor hic invecus equis, & lampada quassans,

Pee

[a] Aloidas. Othon & Ephialten Titans.



ÆNEIDOS

Per Grajum populos, mediæque per Elidis (b) urbem  
 Ibat ovans, divûmque sibi poscebat honorem,  
 Demens! qui nimbos, & non imitabile fulmen  
 Ære & cornipedum pulsu simularat equorum.  
 At pater omnipotens densa inter nubila telum  
 Contorsit ( non ille faces, nec fumea tædis  
 Lumina ) præcipitemque immani turbine adegit.  
 Nec non & (c) Tityon, Terræ omniparentis alumnum,  
 Cernere erat: per tota novem cui jugera corpus  
 Porrigitur, rostroque immanis vultur obunco  
 Immortale jecur tundens, fœcundaque pœnis  
 Viscera, rimaturque epulis, habitatque sub alto  
 Pectore; nec fibris requies datur ulla renatis.  
 Quid memorem Lapithas, Ixiona, Pirithoumque?  
 Quos super atra ferox jamjam lapsura, cadentique  
 Imminet affimilis: lucent genialibus altis  
 Aurea fulcra toris, epulæque ante ora paratæ  
 Regifico luxu. Furiarum maxima juxta  
 Accubat, & manibus prohibet contingere mensas:  
 Exsurgitque facem attollens, atque intonat ore.  
 Hic, quibus invisi fratres, dum vita manebat,  
 Pulsatusve parens, & fraus innexa clienti;  
 Aut qui divitiis soli incubuere reptis,  
 Nec partem posuere suis, quæ maxima turba est;  
 Quique ob adulterium cæsi, quique arma secuti  
 Impia, nec veriti dominorum fallere dextras,  
 Inclusi pœnam expectant. Ne quære doceri  
 Quam pœnam, aut quæ forma viros fortunave merfit:  
 Saxum ingens volvunt alii, radiisque rotarum  
 Districti pendunt: sedet, æternumque sedebit  
 Infelix Theseus (d) Phlegiasque (e) miserimus omnes  
 Admonet, & magnâ testatur voce per umbras:

*Discite*

[b] Elidis. *Pisam.*

[c] Tityon. *Cujus jecur à vulture exeditur.*

[d] Theseus. *Liberatus quidem ab Hercule sed de-  
 rupi ardenti alligatus.*

[e] Phlegias. *Ixionis filius ab Apolline jaculis confixus*

# LIBER VI.

*Discite justitiam moniti, & non temnere divos.*  
 Vendidit hic auro patriam, dominumque potentem  
 Imposuit: fixit leges pretio, atque refixit:  
 Hic thalamum invasit natæ, vetitosque hym næos.  
 Ausi omnes imane nefas, ausoque potiti.  
 Non, mihi si linguæ centum sint, oraque centum,  
 Ferrea vox, omnes scelerum comprehendere formas,  
 Omnia pœnarum percurrere nomina possim.  
 Hæc ubi dicta dedit Phœbi longæva sacerdos:  
 Sed jam age, carpe viam, & susceptum perfice munus:  
 Acceleremus, ait, Cyclopum educta caminis  
 Mœnia conspicio, atque adverso fornice portas,  
 Hæc ubi nos præcepta jubent deponere dona.  
 Dixerat, & pariter gressi per opaca viarum,  
 Corripiunt spatium medium, foribusque propinquant.  
 Occupat Æneas aditum, corpusque recenti  
 Spargit aquâ, ramumque adverso in limine figit.  
 His demum exactis, perfecto munere divæ,  
 Devenêre locos lætos, & amœna vireta  
 Fortunatorum nemorum, sedesque beatas.  
 Largior hic campos æther, & lumine vestit  
 Purpureo, solemque suum, sua fidera norunt.  
 Pars in gramineis exercent membra palæstris,  
 Contendunt ludo & fulvâ luctantur arenâ:  
 Pars pedibus plaudunt choreas, & carmina dicunt.  
 Nec non Threicius longa cum veste sacerdos  
 Obloquitur numeris septem discrimina vocum:  
 Jamque eadem digitis, jam pectine pulsat eburno.  
 Hic genus antiquum, Teuceri, pulcherrima proles,  
 Magnanimi heroes, nati melioribus annis,  
 Ilusque, Aslaracusque, & Trojæ Dardanus auctor.  
 Arma procul, currusque virûm miratur inanes.  
 Stant terrâ defixæ hastæ, passimque soluti  
 Per campum pascuntur equi. Quæ gratia currum,  
 Armorumque fuit vivis, quæ cura nitentes  
 Pascere equos, eadem sequitur tellure repostos.  
 Conspicit ecce alios, dextra lævaque per herbam  
Vescen-



# ÆNEIDOS

Vefcentes, lætumque choro Poëana canentes,  
 Inter odoratum lauri nemus: unde faperne  
 Plurimus Eridani per filvam volvitur amnis.  
 Hic manus, ob patriam pugnando vulnera paffi,  
 Quique facerdotes cafti; dum vita manebat,  
 Quique pii vates, & Phæbo digna locuti,  
 Inventas aut qui vitam excoluere per artes;  
 Quique fui memores alios fecere merendo,  
 Omnibus his niveâ cinguntur tempora vittâ.  
 Quos circumfufos fic eft adfata Sibylla;  
 (a) Mufæum ante omnes, medium nam plurima turba  
 Hunc habet, atque humeris exftantem fufpicit altis:  
 Dicite, felices animæ, tuque, optime vates,  
 Quæ regio Anchifen, quis habet locus? illius ergo  
 Venimus, & magnos Erebi tranavimus amnes.  
 Atque huic refponfum paucis ita reddidit heros:  
 Nulli certa domus; Lucis habitamus opacis,  
 Riparumque toros, & prata recentia rivis  
 Incolimus. Sed vos, fi fert ita corde voluntas,  
 Hoc superare jugum, & facili jam tramite liftam.  
 Dixit, & ante tulit grefsum, camposque nitentes  
 Deſuper oftentat: dehinc ſumma cacumina linquunt.  
 At pater Anchifeſ penitus convalle virenti  
 Inclufas animas, ſuperumque ad lumen ituras,  
 Luſtrabat ſtudio reſcolens, omnemque ſuorum  
 Forte recenſebat numerum, carosque nepotes,  
 Fataque, fortunæque virum, moresque, manuſque.  
 Iſque ubi tendentem adverſum per gramina vidit  
 Ænean, alacris palmas utraſque tetendit:  
 Effuſæque genis lacrimæ, & vox excidit ore:  
 Veniſti tandem, tuæque exſpectata parenti  
 Vicit iter durum pietas? datur ora tueri,  
 Nate tua, & notas audire & reddere voces?  
 Sic equidem ducebam animo, rebarque futurum,  
 Tempora dinumerans: nec me mea cura ſefellit.

Quas

[a] Mufæum. Fuit hic Ethicus quidam Theologus  
 Orphei Diſcipulus.

# LIBER VI.

Quas ego te terras, & quanta per æquora vectum  
 Accipio! quantis jactatum, nate. periclis!  
 Quam metui, ne quid Libyæ tibi regna nocerent!  
 Ille autem: Tua me, genitor, tua tristis imago,  
 Sæpius occurrens, hæc limina tendere adegit.  
 Stant sale Tyrrheno classes: da jungere dextram,  
 Da, genitor, teque amplexu ne subtrahere nostro.  
 Sic memorans largo fletu simul ora rigabat,  
 Ter conatus ibi collo dare brachia circum:  
 Ter frustra comprehensa manus effugit imago,  
 Par levibus ventis, volucrique simillima somno.  
 Interea videt Æneas in valle reducta  
 Seclusum nemus, & virgulta sonantia silvis.  
 Lethæumque, domos placidas qui prænatat, annem  
 Hunc circum innumeræ gentes, populique volabant  
 Ac veluti in pratis, ubi apes æstate serenâ  
 Floribus infidunt variis, & candida circum  
 Lilia funduntur, strepit omnis murmure campus.  
 Horrescit visu subito, causasque requirit  
 Inficius Æneas, quæ sint ea flumina porro.  
 Quive viri tanto complerint agmine ripas.  
 Tum pater Anchises: Animæ, quibus altera fato  
 Corpora debentur, Lethæi ad fluminis undam  
 Securos latices, & longa oblivio potant.  
 Has equidem memorare tibi, atque ostendere coram,  
 Jam pridem hanc prolem cupio enumerare meorum:  
 Quod magis Italiâ mecum lætère repertâ,  
 O pater, anne aliquas ad cælum hinc ire putandum est  
 Sublimes animas, iterumque ad tarda reverti  
 Corpora? quæ lucis miseris tam dira cupido?  
 Dicam equidem, nec te suspensum, nate, tenebo:  
 Suscipit Anchises, atque ordine singula pandit.  
 Principio cælum, ac terras, camposque liquentes,  
 Lucentemque globum Lünæ, Titaniaque astra  
 Spiritus intus alit, totamque infusa per artus  
 Mens agitat molem, & magno se corpore miscet.  
 Inde hominum, pecudumque genus, atque volantium

Et



ÆNEIDOS

Et quæ marmoreo fert monstra sub æquore pontus,  
 Igneus est illis vigor, & cælestis origo  
 Seminibus, quantum non noxia corpora tardant.  
 Terrenique hebetant artus, moribundaque membra.  
 Hinc metuunt, cupiuntque: dolent, gaudantque: ne-  
 que anras

Dispiciunt, clausæ tenebris & carcere cæco.  
 Quin & supremo cum lumine vita relinquit,  
 Non tamen omne malum miseris, nec funditus omnes  
 Corporeæ excedunt pestes: penitusque necesse est  
 Multa diu concreta modis inolescere miris.  
 Ergo exercentur pænis, veterumque malorum  
 Supplicia expendunt. Aliæ panduntur inanes  
 Suspensæ ad ventos: aliis sub gurgite vasto  
 Infectum eluitur scelus, aut exuritur igni.

Quisque suos patimur manes: exinde per amplum  
 Mittimur Elysiū, & pauci læta arva tenemus:  
 (b) Donec longa dies perfectō temporis orbe  
 Concretam exemit labem, purumque relinquit  
 Ætherium sensum, atque aurai simplicis ignem.  
 Has omnes, ubi mille rotam volvere per annos,  
 Lethæum ad fluvium Deus evocat agmine magno:  
 Scilicet immemores superā ut convexa revisant,  
 Rursus & incipiant in corpora velle reverti.

Dixerat Anchises: natumque, unāque Sibyllam  
 Conventus trahit in medios, turbamque sonantem:  
 Et tumulum capit, unde omnes longo ordine possit  
 Adversos legere, & venientum discere vultus.  
 Nunc age, Dardaniam prolem, quæ deinde sequatur  
 Gloria, qui maneant Italā de gente nepotes,  
 Illustres animas, nostrumque in nomen ituras,  
 Expediam dictis, & te tua fata docebo.  
 Ille ( vides ) pura juvenis qui nititur hasta,  
 Proxima forte tenet lucis loca: primus ad auras  
 Ætherias

[b] Donec longa dies. *Videtur Metempsychoscos  
 Doctrinam tangere.*

# LIBER VI.

Ætherias (a) Italo commixtus sanguine surget  
 (b) Silvius, Albanum nomen, tua posthuma proles:  
 Quem tibi longævo (c) serum Lavinia conjux  
 Educet filvis regem, regūque parentem:  
 Unde genus longā nostrum dominabitur Albā,  
 Proximū ille Procas, Trojanæ gloria gentis,  
 Et Capys, & Numitor, & qui te nomine reddet  
 Silvius Æneas, pariter pietate, vel armis  
 Egregius, si unquam regnantem acceperit Albam,  
 Qui juvenes quantas ostendant, aspice, vires!  
 Atque umbrata gerunt (d) civili tempora quercu.  
 Hi tibi (e) Nomentum, & Gabios, urbēque Fidenam,  
 Hi Collatinas imponent montibus arces,  
 Laude pudicitæ celebres, addentque superbos  
 Pomētiōs, Castrūque Inui, Bolāmque, Coramque.  
 Hæc tum nomina erunt, nunc sunt finē nomine terræ  
 Quin & (f) avo comitem sese Mavortius addet  
 Romulus, (g) Aslaraci quem sanguinis Iliā mater  
 Educet, viden' ut geminæ stant vertice cristæ,  
 Et pater ipse suo Superū jam signat honore?  
 En hujus, nate, auspiciis illa inclyta Roma  
 Imperium terris, animos æquabit Olympo,  
 Septēque una sibi muro circumdabit arces,  
 Felix prole virū. Qualis Berecynthia mater  
 Invehitur curru Phrygiæ turrita per urbes,

Hh

Læta

[a] Italo, Natus ex Lavinia Latini Regis filia.

[b] Silvius. In filvis natus quō fugerat Lavinia me-  
 zu Ascanii post mortem Æneæ,

[c] Serum Nempe posthumum.

[d] Quercu. Corona querna ob servatos Cives, a-  
 lias Civica.

[e] Nomentum. Recenset variorum oppidorum no-  
 mina circa Albam Longam.

[f] Avo! Romulus Martis ex Iliā filius, Numi-  
 tori avo regnum restituet.

[g] Aslaraci. à quo deductum stemma, hinc Capy-  
 os, Anchisæ, Æneæ, illinc Priami.



## ÆNEIDOS

Læta Deûm partu, centum complexa nepotes,  
 Omnes Coelicolas, omnes supera alta tenentes  
 Huc geminas nunc flecte acies: hanc aspice gentem,  
 Romanosque tuos. Hic Cæsar, & omnis Iuli  
 Progenies, magnum cæli ventura sub axem.  
 Hic vir, hic est, tibi quem promitti sæpius audis,  
 Augustus Cæsar, Divûm genus, aurea condet  
 Sæcula, qui rursus Latio, regnata per arva  
 Saturno quondam, super & Garamantas & Indos  
 Proferet imperium. Jacet extra sidera tellus,  
 Extra anni solisque vias, ubi cœlifer Atlas  
 Axem humero torquet stellis ardentibus aptum.

(h) Hujus in adventum jam nunc & Caspia regna  
 Responsis horrent Divûm, & Mæotica tellus,  
 Et septem gemini turbant trepida ostia Nili.  
 Nec verò Alcides tantum telluris obivit:

Fixerit æripedem cervam licet, aut Erymanthi  
 Pacarit nemora, & læarnam tremefecerit arcu.  
 Nec, qui pampineis victor juga flectit habenis,  
 Liber, agens celso Nysæ de vertice tigres  
 Et dubitamus adhuc virtutem extendere factis;  
 Aut metus Ausonia prohibet consistere terra?

(a) Quis procul ille autem ramis insignis olivæ  
 Sacra ferens? nosco crines, incanæque menta  
 Regis Romani; primam qui legibus urbem  
 Fundabit, Curibus parvis, & paupere terra  
 Missus in imperium magnum. Cui deinde subibit,  
 Otia qui rumpet patriæ, residesque movebit  
 Tullus in arma viros, & jam desveta triumphis  
 Agmina. Quem juxta sequitur jactantior Ancus,  
 Nunc quoque jam nimium gaudens popularibus auris.

Vis

[h] Hujus. De nascituro Christo Oracula prædixe-  
 rant, invictum toti orbi Imperatorem nasciturum. Id  
 populi ad Caspium, Mæotidem paludem, & Nilum ad  
 Augustum trahebant.

[a] Quis procul. Numa è Curibus Sabinorum ur-  
 be post Romulum ad regnum vocatus.

LIBER VI.

Vis & Tarquinius reges, animamque superbam  
Ultoris Bruti, fascesque videre receptos?  
Consulis imperium hic primus, sævasque secures  
Accipiet: natosque pater, nova bella moventes,  
Ad poenam pulchra pro libertate vocabit  
Infelix; (b) utcumque ferent ea facta minores;  
Vincet amor patriæ, laudumque immensa cupido.  
Quin Decios, Drusosque procul, sævumque securi  
Aspice Torquatum, & referentem signa Camillum.  
(c) Illæ autem; paribus quas fulgere cernis in armis,  
Concordes animæ nunc, & dum nocte premuntur,  
Heu quantum inter se bellum, si lumina vitæ  
Attigerint, quantas acies, stragemque ciebunt!  
Aggeribus (d) socer Alpinis, atque arce Monœci  
Descendens, gener adversis instructus Eois.  
Ne pueri, ne tanta animis adfuescite bella:  
Neu patriæ validas in viscera vertite vires.  
Tuque prior, tu parce, (e) genus, qui ducis Olympo:  
Proijce tela manu, sanguis meus.  
Ille triumphatâ Capitolia ad alta Corintho  
Victor aget currum, cæsis insignis Achivis.  
(f) Eruet ille Argos, Agamemnoniasque Mycenæ,  
Ipsumque Æaciden, genus armipotentis Achillei!  
Ultus avos Trojæ, templa & temerata Minervæ.  
Quiste, magne Cato, tacitum, aut te, (g) Cossæ, relinquat?

Hh2

Quis

[b] Utcunque posteri judicaturi sint de facto Bruti, qui filios ob conspirationem cum Tarquiniis securi percussit.

[c] Illæ. Cæsaris & Pompeij.

[d] Socer. Cæsar, cujus filia Julia Pompejo nupsit: cum exercitu è Galliis per Alpes & arcem Monæci ad bellum civile profectus, uti Pompejus Eois Id est Orientalium auxiliis validus.

[e] Parce Tangit clementiam Cæsaris erga hostes.

[f] Ille L. Mummius, qui corinthus delevit.

[g] Cossæ. Qui sua manu caeso Larte Totumnio Videntum rege spolia opima retulit.



# ÆNEIDOS

Quis Gracchi genus, aut geminos duo, fulmina belli,  
 Scipiadas, cladem Libyæ, parvoque potentem  
 Fabricium? vel te sulco, (h) Serrane, ferentem?  
 Quo fessum rapitis, Fabii? tu Maximus ille es,  
 Unus qui nobis cunctando restituis rem.  
 Excudent alii spirantia mollius æra:  
 Credo equidem, vivos ducent de marmore vultus:  
 Orabunt causas melius, cælique meatus  
 Describent radio, & surgentia sidera dicent:  
 Tu regere imperio populos, Romane, memento:  
 ( Hæ tibi erunt artes ) pacique imponere morem.  
 Parcere subjectis, & debellare superbos.  
 Sic pater Anchises atque hæc mirantibus addit.  
 Aspice, ut insignis spoliis (k) Marcellus opimis  
 Ingressitur, victorque, viros supereminet omnes  
 Hic rem Romanam magno turbante tumultu  
 Sistet eques: sternet Pœnos, Gallumque rebellem,  
 (l) Tertiaque arma patri suspendet capta Quirino.  
 Atque hic Æneas; ( una namque ire videbat  
 Egregium forma juvenem & fulgentibus armis,  
 Sed frons læta parum, & dejecto lumina vultu )  
 Quis, pater, ille virum qui sic comitatur euntem?  
 Filius, ane aliquis magna de stirpe nepotum?  
 Qui strepitus circa comitum? quantum instar in ipso est?  
 Sed nox atra caput tristi circumvolat umbra.  
 Tum pater Anchises, lacrymis ingressus obortis:  
 O nate, ingentem luctum ne quære tuorum!  
 (m) Ostendent terris hunc tantum fata, nec ultra  
 Esse

[h] Parvoque *Abstinate admodum.*

[i] Serrane. *Attilius Serranus priscoe frugalitatis vir.*

[k] Marcellus. *Cl., Marcellus, qui docuit Annibalem vinci posse.*

[l] Tertiaque *Tertius spolia opima Jovi Feretrio suspendit.*

[m] Ostendent. *Marcellus Augusti ex Octava sorore nepos, insignis Juvenis, & haud dubie avo successor destinatus, præmature mortuus.*

## LIBER VI.

Esse finent. Nimum vobis Romana propago  
 Visa potens, Superi, propria hæc si dona fuissent:  
 Quantos ille virum magnam Mavortis ad urbem  
 Campus aget gemitus! vel quæ, Tiberine, videbis  
 Funera, cum tumulum præterlabere recentem?  
 Nec puer Iliaca quisquam de gente Latinos  
 In tantum spe tollet avos: nec Romula quondam  
 Ullo se tantum tellus jactabit alumno.  
 Heu pietas, heu prisca fides: invictaque bello  
 Dexteræ! non illi se quisquam impune tulisset  
 Obvius armato, seu cum pedes iret in hostem,  
 Seu spumantis equi foderet calcaribus armos.  
 Heu, miserande puer! si qua fata aspera rumpas,  
 Tu Marcellus eris. Manibus date lilia plenis:  
 Purpureos spargam flores, animamque nepotis  
 His saltem accumulem donis, & fungar inani  
 Munere. Sic tota passim regione vagantur  
 Aeris in campis latis, atque omnia lustrant.  
 Quæ postquam Anchises natum per singula duxit,  
 Incenditque animum famæ venientis amore:  
 Exin bella viro memorat, quæ deinde gerenda,  
 Laurentesque docet populos, urbemque Latini,  
 Et quò quemque modo fugiatque feratque laborem.  
 Sunt geminæ Somni portæ: quarum altera fertur  
 Cornea, qua veris facilis datur exitus umbris:  
 Altera candenti perfecta nitens elephanto:  
 Sed falsa ad cælum mittunt insomnia manes.  
 His ubi tum natum Anchises unaque Sibyllam  
 Prosequitur dictis, portaque emittit eburna,  
 Ille viam secat ad naves, sociosque revisit,  
 Tum se ad Cajetæ recto fert littore portum,  
 Anchora de prora jacitur: stant littore puppes.





# Q. HORATII FLACCI

## ODÆ SELECTÆ

### ODE I.

*Clades, quibus Romanos vexarunt Superi ob necem  
Cæsaris: Octavius unus est, qui jacentem  
Rempubl. erigere possit.*

**J**Am fatis terris nivis, atque diræ  
Grandinis misit (a) pater, & rubente  
Dextera sacras jaculatus arceis,

(b) Terruit urbem:  
Terruit genteis, grave ne rediret  
Sæculum Pyrrhæ nova monstra questæ,  
Omne cum (c) Proteus pecus egit altos  
Visere monteis.

Piscium & summâ genus hæsit ulmo,  
Nota quæ sedes fuerat columbis:  
Et superjecto pavidæ natarunt  
Æquora damæ.

Vidimus (d) flavum Tiberim, (e) retortis  
Littore Etrusco violenter undis,  
Ire dejectum monumenta regis,  
Templaque Vestæ:

(f) Iliæ dum se nimium querenti  
Jactat (g) ultorem vagus, & sinistra  
Labitur ripa, love non probante,  
(h) Uxorius amnis.

Audiet, civeis acuisse ferrum, (i)  
Quo graves Persæ melius perirent:  
Audiet pugnâ, vitio parentum  
Rara juvenus.

Quem vocet Divûm populus, ruentis

Imperi

ODÆ SELECTÆ.

Imperî rebus? prece quâ fatigent  
(h) Virgines sanctæ minus audientem

Carmina Vestam?

Cûi dabit partes scelus expiandi  
Jupiter? tandem venias precamur,  
Nube candenteis humeros amictus

Augur (\*) Apollo.

Sive tu mavis (\*) Erycina ridens,  
Quam Jocus circumvolat, & Cupido  
(l) Sive neglectum genus, & nepotes

Respicias auctor,

Heu nimis longo satiate ludo:  
Quem juvat clamor, galeæque leves,  
Acer & Mauri peditis cruentum  
Vultus in hostem.

(m) Sive mutata juvenem figurâ  
Ales in terris imitaris, almæ  
Filius Majæ, patiens vocari  
Cæsaris ultor:

(n) Serus in cœlum redeas, diuque  
Lætus intersis populo Quirini:  
Neve te nostris vitiis iniquum

Ocyor aura

Tollat: hic magnos potius triumphos,  
Hic ames dici pater, atque princeps:  
Neu finas Medos equitare (o) inultos  
Te duce Cæsar.

[a] Pater. *Jupiter fulminans.* [b] Terruit. *Fecit, ut timerent, ne rediret diluvium Deucalionis & Pyrrha, quæ nova monstra vidit, pisces in arboribus &c.* [c] Porteus. *Marini pecoris custos.* [d] Flavum. *Ob arenas turbidas, quas voluebat.* [e] Retortis. *Undas suas à mari Tyrrheno retro Roman adverso flumine referentem, ut deisceretur Numæ sepulchrum & Vestæ templum.* [f] Ilia. *Ilia, seu Rhea, seu Sylvia item dicta Romuli mater, Tiberis uxor fuisse dicitur quia in Tiberi jussu Amulii submersa.* Ab ea Juli-



## HORATII

us Cæsar originem duxisse fingitur. [g] Ultorem. Cædis ejusdem Cæsaris. [h] Uxorius. Uxori nimis obsequens, in cujus gratiam Romam destruere parabat. [i] Ferrum. Civilia bella inquit a Diis ob cæsum Cæsarem immissa. [k] Virgines Vestales. Quis Deum expiabit hoc scelus? [\*] Apollo. Apollinem divinationum præsidem primo invocat. [\*] Erycina. Venus in Eryce Siciliæ monte culta. An hæc juvabit? [l] Sive. seu tu Mars auctor & parens Romanorum diutino civili bello jam satiatus. [m] Sive mutata, Seu tu ô Mercuri. qui Majæ filius es. exuta Dei figura, quam in Olympo geris, imitaris in terris juvenem Octavianum, & sub ejus figura nobis appares, & quod ille facit, Cæsaris interfectores ulciscaris. [n] Serus. Mercurium alloquitur, quem sub Augusti specie apparere, ingeniosè, & adulatoriè fingit. [o] Inultos. Parthos intelligit, qui Crassum paucos ante annos deleverant.

## O D Æ II.

*Optat Virgilio Athenas naviganti prosperum iter, & vacuum navigationis periculis, hinc invehitur in artis nauticæ inventorem.*

**S**ic te (a) Diva potens Cypri,  
 Sic fratres (b) Helenæ, lucida fidera,  
 Ventorumque regat (c) pater,  
 Obstrictis aliis, præter (d) Japyga:  
 Navis, quæ tibi creditum  
 Debēs Virgilium, finibus Atticis  
 Reddas incolumem, precor,  
 Et serves animæ dimidium meæ.  
 (e) Illi robur, & æs triplex  
 Circa pectus erat, qui fragilem truci  
 Commisit pelago ratem  
 Primus, nec timuit præcipitem Africum  
 Decertantem Aquilonibus,  
 Nec tristeis (f) Hyadas, nec rabiem Noti:  
Quo

ODÆ SELECTÆ.

Quo non arbiter Adriæ  
 Major tollere, seu ponere vult freta.  
 Quem mortis timuit gradum, (h)  
 Qui siccis oculis monstra natantia,  
 Qui vidit mare turgidum, &  
 Infameis scopulos Acroceraunia? (i)  
 Nequicquam Deus abscidit  
 Prudens Oceano dissociabili  
 Terras, si tamen impiæ  
 Non tangenda rates transiliunt vada.  
 Audax omnia perpeti  
 Gens humana, ruit per vetitum nefas.  
 Audax (h) Iapeti genus  
 Ignem fraude mala gentibus intulit.  
 Post ignem ætherea domo  
 Subductum, macies, & nova februm.  
 Terris incubuit cohors:  
 Semotique prius tarda necessitas  
 Lethi (l) corripuit gradum.  
 Expertus vacuum (m) Dædalus aëra  
 Pennis non homini datis.  
 Perrupit Acheronta Herculeus labor  
 Nil mortalibus arduum est.  
 (n) Cælum ipsum petimus stultitiâ: neque  
 Per nostrum patimur scelus  
 Iracunda Jovem ponere fulmina

[a] Diva. Venus Cypri Domina, quam nautæ in-  
 vocabant. [b] Helena. Castor & Pollux, qui igni-  
 um erraticorum specie sæpe in navibus cernuntur. [c]  
 Pater. Æolus. [d] Japyga. Japyx ventus est ex A-  
 pulia flans opportunus in Græciam navigantibus. [e]  
 Illi. Invehitur Pœta in nauticæ inventores. [f]  
 Hyadas. Stellæ sunt pluviosæ admodum. [g] Noti.  
 Violentissimus in Adriatico ventus. [h] Gradum.  
 Genus mortis. [i] Acroceraunia. Scopuli Epiri,  
 naufragiis infames. [k] Iapeti Prometheus Jape-  
 ti filius è curru solis ignem tæda furatus [l] Cor-  
 ripuit.



HORATII

ripuit. Jam citius moriuntur homines. [m] Dædalus ædrem, Inferos Hercules penetravit. [n] Cœlum. Ut olim gigantes, ita nos sceleribus nostris.

O D E III.

Sestium hortatur, ut genio indulgeat, propositâ veris amœnitatē, & moriendi communi necessitate.

SOLVITUR acris hyems, grata (a) vice veris & Favoni: (b) Trahuntque fittas machinæ carinas:

Acneque jam (c) stabulis gaudet pecus, aut arator igni: (d) Nec prata canis albicant pruinis.

Jam Cytherea choros ducit Venus, imminente (e) Luna Junctæque Nymphis Gratiae decentes

Alternò terram quatiant pede, dum graveis Cyclopum Vulcanus ardens urit officinas.

Nunc decet aut viridi nitidum caput impedire myrto, Aut flore terræ quem ferunt solutæ.

Nunc & in umbrosis, (f) Fauno decet immolare lucis Seu poscat agnam, sive malit hædum.

Pallida mors æquo pulsât pede pauperum tabernas, Regumque turreis, o beate Sesti.

Vitæ summa brevis spem nos vetat inchoare longam, Jam te premet nox, fabulæque manes,

Et domus exilis Plutonia, quo simul meâris, Non (g) regna vini fortiter talis.

[a] Vice. Grata vicissitudine. Favonii. Zephyri.

[b] Trahuntque. Naves, quæ hyeme in siccū deductæ fuerant jam in mare aguntur. [c] Stabulis. In pascua educitur. [d] Cytherea. Venus in Cythered insula culta. [e] Luna. Noctu. [f] Fauno. Agresti Deo agna vel hædus sacrificabatur. [g] Non regna. Romani in conviviis quemdam velut Regem moderatorem, idque talorum jactu eligeabant.

ODE IV.

ODÆ SELECTÆ

O D E IV.

*Tiburtinum agrum commendat, ubi Plancus villam  
habebat amœnissimam: in quam cum se ab Augusto  
negligi ratus secessisset, eum Horatius solatur.*

**L** Audabunt alii claram (a) Rhodon, aut Mitylenen:  
Aut Ephesum, bimarisque Corinthi

Moenia, vel Baccho Thebas, vel Apolline Delphos  
Insigneis, aut Theffala Tempe.

Sunt, quibus unum opus est, intactæ Palladis urbem  
Carmines perpetuo celebrare, &

Undique decerpere frondi præponere olivam.

Plurimus in Junonis honorem

Aptum dicit equis Argos, diteisque Mycenæ.

(Me nec tam patiens Lacedæmon, (b)

Nec tam (c) Larissæ (d) percussit campus opimæ,

Quam domus (e) Albunæ resonantis,

Et præceps (f) Anio, & Tiburni lucus, & uda

Mobilibus pomaria rivis.

(g) Albus ut obscuro detergit nubila cœlo

Sæpe Notus, neque parturit imbres

Perpetuos: sic tu sapiens finire memento

Tristitiam, vitæque labores

Molli, Plance, mero: seu te fulgentia signis

(h) Castra tenent, seu densa tenebit

Tiburis umbra tui. (i) Teucer Salamina, patremque

Cum fugeret, tamen uda Lyæo

Tempora (k) populeâ fertur vinxisse coronâ,

Sic tristes affatus amicos:

Quo nos cumque feret (l) melior fortuna parente,

Ibimus ô focii, comitesque,

Nil desperandum Teucro duce, & auspice Teucro.

Certus enim promisit Apollo

Ambiguam tellure nova (m) Salamina futuram

O fortes, pejoraque passi

Mecum sæpe viri, nunc vino pellite curas:

Cras ingens (n) iterabimus æquor.

(a) Rho-



# HORATII

[a] Rhodon. Enumerat urbes, claras, situque ac deliciis inclitas, ut Mitlenen, Lesbii Insulæ, Ephesum Asiæ minoris, Corinthum inter duo maria in Isthmo sitam. Thebas Baccho, Delphos Apollini sacros. Tempus Vallem Thessaliæ amœnissimam. Athenas Palladi sacram urbem. Ubi Pœtæ oliva Palladi sacra coronabantur. Argos, ubi generosi equi. Mycenæ Agamemnonis regnum. [b] Lacedæmon, cujus cives ad omnium laborum patientiam instituebantur. [c] Larissæ. Patria Achilles, urbs Thessaliæ pulcherrima. [d] Percussit. Delectavit, movit. [e] Albunæ. Nomen est fontis & sylvæ prope Anienem. [f] Anio. lumen agri Tiburtini, prope quem Tiburni lucus. [g] Albus. Cælum candidum & serenum efficiens. [h] Castra. Seu domi agat, seu militiæ. [i] Teucer Telamonis filius, Ajacis frater, ab obsidione Trojana rediit a patre & Patriâ Salaminâ exclusus Cyprum petiit urbemque ibi condidit, item Salamina dictam. [k] Populea, Populus arbor Herculi sacra. [l] Melior Amicior & æquior, quam pater, a quo pellitur. [m] Salamina. Patriæ urbi cognominem. [n] Iterabimus. Bibamus hodie, cras navigabimus.

## O D E V.

*Hyemē esse indulgendum genio.*

Vides, ut altâ stet nive candidum  
(a) Soracte, nec jam sustineant onus  
Sylvæ laborantes, geluque  
Flumina constiterint acuto.

Diffolve frigus, ligna super foco  
Large reponens: atque benignius  
Deprome (b) quadrimum (c) Sabinâ  
O Thaliarche (d) merum (e) diotâ.

Permitte Divis cætera, (f) qui simul  
Stravere ventos æquore fervido  
Deproelianteis, nec cupressi,  
Nec veteres agitantur orni.

Quid

ODÆ SELECTÆ.

Quid sit futurum cras, fuge quærere: &  
Quem (g) fors dierum cumque dabit, lucro  
Appone, nec dulces camænas  
Sperne puer, neque tu choreas.

Donec virenti canities abest  
Morosa: nunc & campus, (h) & aræ,  
Lenesque sub noctem (i) susurri  
Compositâ repetantur horâ.

(a) Soraacte. *Mons est non procul Roma, hodie S.  
Sylvestri.* [b] Quadrimum. *Vinum 4. annorum.* [c]  
Sabina. *Vasa fistilia apud Sabinos fiebant.* [d] Thali-  
arche. *Nomen pocillatoris.* [e] Diota. *Vas dactylarum  
aurium seu ansarum.* [f] Qui simul. *Qui statim, ac  
composuere ventos, ne folium quidem in arbore ullâ  
movetur.* [g] Sors. *Sors fortuna.* [h] Aræ *Urbis  
plateæ.* [i] Susurri. *Confabulationes vespertinæ.*

O D E VI.

*Laudes Mercurii.*

**M**ercuri, facunde nepos (a) Atlantis,  
Qui seros cultus hominum recentum

(b) Voce formasti cantus, & decoræ

More (c) palæstræ:

Te canam magni Jovis, & Deorum  
Nantium, curvæque lyræ parentem:  
Callidum, quidquid placuit, jocosum

Condere furto.

Te, (d) boves olim nisi reddidisses  
Per dolum amotas, puerum minaci  
Voce dum terret, viduus pharetrâ

Risit Apollo.

Quin & (e) Atridas duce te superbos

(f) Illo dives Priamus relicto,

Thessalosque igneis, & iniqua Trojæ

Castra fefellit.

Tu pias lætis animas reponis

Sedibus: (g) virgaque levem cœderces

Aurea



# HORATII

Aureâ turbam, superis Deorum  
Gratus, & imis.

[a] Atlantis. *Fuit filius Majæ Atlantis filia.* [b] Voce. *De eloquentiæ arte.* [c] Palæstræ. *Velut in ludo.* [d] Boves. *Exul cælo Apollo cum Admeti oves pasceret, ac ob boves furto surreptos acrioribus verbis reprehendisset Mercurium, cum se pharetra item & sagittis privatum vidisset, risit.* [e] Atridas. *Mene-laum & Agamemnonem Atrei filios.* [f] Ilio. *Priamus Mercurio Duce, nebula tectus per media Græcorum castra ad Achilles tentorium penetrans, corpus Hectoris filii precibus obtinuit* [g] Virgâ. *Caduceo.*

## O D E VII.

*Priscos Heroas, maximè Romanos laudat, quibus  
Cæsarem Augustum anteposit.*

QUEM virum, aut heroa lyrâ, vel (a) acri  
Tibia, fumes celebrare Clio?

Quem Deum? cujus recinet (b) jocosâ

Nomen imago,

Aut in umbrosis (c) Heliconis oris,  
Aut super Pindo, gelidove in Hæmo?

(d) Unde vocalem temere insecutæ

Orphea sylvæ,

Arte (e) materna rapidos morantem  
Fluminum lapsus, celereisque ventos,  
Blandum & auritas fidibus canoris

Ducere quercus.

Quid prius dicam solitis (f) parentis  
Laudibus, qui res hominum, ac Deorum,  
Qui mare & terras, variisque mundum

Temperat horis?

(g) Unde nil majus generatur ipso:  
Nec viget quicquam simile, aut secundum:  
Proximos illi tamen occupavit

Pallas honores.

Præliis audax neque te filebo

Liber,

ODÆ SELECTÆ.

Liber, (*h*) & sævis inimica Virgo

Belluis: (*i*) nec te metuende certâ

Phæbe sagittâ.

Dicam & (*k*) Alciden, puerosque (*l*) Ledæ,

Hunc equis, illum superare pugnâ

Nobilem: quorum simul (*m*) alba nautis

Stella refullit,

Defluit saxi agitatus humor:

Concidunt venti, fugiuntque nubes:

Et minax (sic Dii voluere) ponto

Unda recumbit.

Romulum post hos prius, an quietum

Pompili regnum memorem, an superbos

Tarquini fasceis, dubito, an Catonis

Nobile lethum?

Regulum, & Scauros, animæque magnæ

Prodigum (*n*) Paulum, superante Pæno,

Gratus insigni referam camœna,

Fabriciumque:

Hunc & incompitis Curium capillis

Utilem bello tulit, & Camillum

Sæva paupertas, & avitus apto

Cum lare fundus

Crescit occulto velut arbor ævo

Fama (*o*) Marcelli: micat inter omnes

(*p*) Julium fidus, velut inter igneis

Euna minores.

Gentis humanæ (*q*) pater, atque custos,

Orte Saturno, tibi cura magni

Cæsaris fatis data: tu secundo (*r*)

Cæsare regnes.

Ille, seu Parthos Latio imminentes

Egerit iusto domitos triumpho,

Sive subjectos Orientis oræ

Seras & Indos;

Te minor latum reget æquus orbem:

Tu gravi curru quaties Olympum:

Tu



# HORATII

Tu parum castis inimica mittes  
Fulmina lucis.

[a] Acri. Cujus tonus est acutior. [b] Jocosa imago. Echo quasi ludibunda vocis imago. [c] Heliconis. Montes sunt Musis sacri. [d] Unde. Quo ex Hæmo suaviter canentem Orpheum Sylvæ sunt secutæ. [e] Maternâ Fuit filius Calliopes. [f] Parentis Jovis, à cuius laudibus incipiebant Pœtæ. [g] Unde Ex quo Jove nata est Pallas. [h] Liber Bacchus usque ad Indias victor. [i] Belluis. Diana. [k] Alciden Herculem. [l] Ledæ. Castorem & Pollucem. [m] Alba ignes fatui, qui si navibus adhæreant, malaciam & serenitatem portendunt. [n] Paullum. Qui ad Cannas oppetere maluit, quam fugere. [o] Marcelli Ejus familiæ. [p] Julium. Cæsarem significat, sub cujus mortem apparuit in cælo stella crinita. [q] Pater Jovem pro Cæsare invocat. [r] Secundo. Secundum à te locum habeat,

## O D E VIII.

Sub allegoria navis Remp. alloquitur, eamque à bello civili reparando deterret.

O Navis! referent in mare te novi  
[a] Fluctus, ô quid agis! fortiter occupa

Portum; nonne vides, ut

[b] Nudum remigio latus,

Et malus celeri saucius Africo,

Antennæque gemant, ac sine funibus

Vix durare carinæ

Possint [c] imperiosius

Æquor? non tibi sunt integra lintea:

Non Dî [e] quos iterum pressa voces malo:

Quamvis [e] Pontica pinus,

Sylvæ filia nobilis,

Jactes & genus & nomen inutile:

Nil pictis timidus navita puppibus

Edit; tu, nisi ventis

Debes

# ODÆ SELECTÆ.

Debes ludibrium, cave.

(f) Nuper sollicitum quæ mihi tædium,  
Nunc desiderium, duraque non levis,  
Interfusa nitenteis  
Vites æquora Cycladas.

[a] Flactus. *Nova bella civilia, cæsis iam Bruto & Cassio.* [b] Nudum. *Destituti estis militibus, ut remigibus natis.* [c] Imperiosius. *Majorem vim perferre non potestis, ita fracta sunt omnia.* [d] Non Dii. *Duces exercituum, & Principes intelligit, qui omnes sublati sunt.* [e] Pontica. *In Ponto optimæ erant pro navigiis arbores. Sensus est: quamvis sis optimandavis, nihil tamen contra vim Augusti efficies.* [f] Nuper. *O Roma, quæ mihi partes Pompeij contra Augustum secuto tædio eras, nunc mihi curæ es, ne iterum in scopulos eosdem incidas.*

## O D E IX.

*Vir probus ubique tutus.*

**I**Nteger vitæ scelerisque purus

Non eget (a) Mauri jaculis, neque arcu  
Nec venenatis gravidâ sagittis,

(b) Fusce, pharetra;

Sive per (c) Syrteis iter æstuosas,

Sive facturus per inhospitalem

Caucasum, vel, quæ loca fabulosus (d)

Lambit Hydaspes.

Namque me silva lupus in Sabina,

Dum sequor calles dubios, & ultra

(e) Terminum curis vagor expeditus,

Fugit inermem:

Quale (f) portentum neque militaris

Dannia in latis alit esculetis,

Nec (g) Jubbæ tellus generat, leonum

Arida nutrix:

Pone me, (h) pigris ubi nulla campis

Arbor æstivâ recreatur aurâ,



# HORATII

Quod latus mundi nebulæ, malusque

Jupiter urget:

Pone (i) sub curru nimium propinqui

Solis, in terra domibus negata;

Sola me virtus dabit usque tutum,

Sola beatum.

[a] Mauri. *Maurorum jaculis. Ubique inermis esse potest.* [b] Fulce. *Scribit ad Aristium fuscum amicum.* [c] Syrtes. *Quocunque terrarum eat.* [d] Fabulosum. *De hoc Indiæ fluvio multæ fabulæ narrantur.* [e] Terminum. *Solitæ ambulationis.* [f] Portentum. *Qualem lupum nec Daunia, quæ est Apuliæ pars, in quernis suis sylvis alit.* [g] Jubæ. *Africa, ubi Jubæ regnum.* [h] Pigris. *Sim in regione frigida, ubi ne levis quidem aura calidior aspiret.* [i] Sub curru. *Sive sim in Zona torrida, ubi ob calores nullæ domus.*

## O D E X.

*Poëtæ ad Apollinem preces*

**Q**uid (a) dedicatum poscit Apollinem

Vates? quid orat, de patera novum

Fundens (b) liquorem? non opimæ

(c) Sardinizæ segetes feracis:

Non æstuosæ grata (d) Calabriæ

Armenta: non aurum, aut ebur Indicum:

Non rura, quæ (e) Liris quietâ

Mordet aquâ taciturnus amnis.

Premant (f) Calenâ falce, quibus dedit

Fortuna vitem: dives & aureis

Mercator exsiccet culullis (g)

Vina, Syrâ reparata merce,

Dis carus ipsis, puppe ter & quater

Anno revisens æquor Atlanticum

Impune. Me pascant olivæ

Me cichorea, levesque malvæ.

Frui paratis & valido mihi

(b) Latoe

# ODÆ SELECTÆ

(b) Latôe dones, & precor, integra  
Cum mente: nec turpem senectam  
Degere, (i) nec citharâ carentem.

[a] *Dedicatum. Statuam consecratam.* [b] *Liquorem Vinum sacrificantes in aras effundebant.* [c] *Sardinia, Regio est admodum frumentifera.* [d] *Calabriæ, Pascuorum ferax est.* [e] *Liris. Compania felicitis fluvius.* [f] *Calena. Optimæ notæ vinum.* [g] *Culullis. Cyathis.* [h] *Latôe. Apollo Latonæ filius.* [i] *Nec cythara. In qua Lyricis versibus faciundis me possim oblectare.*

## O D E XI.

*Lyram suam alloquitur, & laudat.*

(a) **P**oscimus, si quid vacui sub umbra  
Lusinus tecum, quod & hunc in annum  
Vivat, & plureis: age, dic Latinum  
Barbite carmen,

(b) *Lesbio primum* (c) *modulate civi,*  
(d) *Qui ferox bello, tamen inter arma,*  
*Sive jactatam religarat udo*  
*Littore navim.*

*Liberum, & Musas, Veneremque, & illi*  
*Semper hærentem puerum canebat,*  
*Et* (e) *Lycum nigris oculis, nigroque*  
*Crine decorum.*

*O decus Phæbi, & dapibus supremi*  
*Grata testudo Jovis, ô laborum*  
*Dulce lenimen, mihi* (f) *cunque salve*  
*Rite vocanti,*

[a] *Pfocimus. Peto à te barbite, si unquam, nunc Latinum carmen in hunc & plures annos vidurum cane.* (b) *Lesbio. Alcxo Lyrico.* [c] *Modulate Tu barbite, qui modulatus es primum Alcxo.* [d] *Qui ferox Qui sive militiæ esset, seu post longam navigationem Venerem, Cupidinem, Bacchum versibus celebrabat* [e] *Et Lycum. Alcxæi amicum.* [f] *Cunque Quandocunque, ubicunque, mihi adesto.*



HORATII  
O D E XII.

*Impletatē suam pristinam detestatur.*

**P**arcus Deorum cultor, & infrequens,  
 (a) Infanientis dum sapientiæ  
 Consultus erro, nunc retrorsum  
 Vela dare, atque iterare cursus  
 Cogor relictos. Namque (b) Diespiter  
 Igni corusco nūbila dividens,  
 Plerumque per purū tonanteis  
 Egit equos, volucremque currum:  
 Quo bruta tellus, & vaga flumina,  
 Quo (c) Styx, & invisi horrida Tænari  
 Sedes, Atlanteusque finis  
 Concutitur. (d) Valet ima summis  
 Mutare, & insignem attenuat Deus.  
 Obscura promens: (e) hinc apicem rapax  
 Fortuna cum stridore acuto  
 Sustulit: hic posuisse gaudet,

[a] Infanientis. *Philosophiæ Epicuriæ sectator, quos cum à Diis humana curari neget, eos parum colebat*  
 [b] Diespiter. *Jupiter qui alias nūbilo cælo tonat jam sæpe puro & sereno cælo intonuit, quod pro sinistro omine erat antiquis.* [c] Styx. *Quo tonitru totus mundus contremiscit.* [d] Valet. *Est aliquis Deus, qui potest premere magnos, & humiles attollere.* [e] Hinc apicem. *Ex hoc regno, hæc domo, apicem seu opes, & dignitatem aufert fortuna, & aliò transfert.*

O D E XII.

*Preces ad Fortunam, pro Cæsare ad bellum Britannicum proficiscente.*

**O** Diva, gratum quæ regis Antium, (a)  
 Præsens (b) vel imo tollere de gradu  
 Mortale corpus, vel superbos  
 Vertere funeribus triumphos:  
 Te pauper ambit sollicitâ prece  
 Ruris colonus: te dominam æquoris,

Qui-

ODÆ SELECTÆ

Quicumque (c) Bithynâ laceffit

(d) Carpathium pelagus carinâ:

Te Dacus asper, te profugi Scythæ,

Urbesque, gentesque, & Latium ferox,

Regumque matres barbarorum, &

(e) Purpurei metuunt tyranni;

Injurioso ne pede proruas

Stantem (f) columnam: neu populus frequens

Ad arma cessanteis (g) ad arma

Concitet, imperiumque frangat.

Te semper anteit sæva (h) Necessitas,

(i) Clavos trabaleis, & cuneos manu

Gestans ahenâ: nec severus

Uncus abest, liquidumque plumbum.

(k) Te Spes, & (l) albo rara Fides colit

Velata panno, nec comitem abnegat,

(m) Utcumque (n) mutatâ potenteis

Veste domos inimica linquis.

(o) At vulgus insidum, & meretrix retro

Perjura cedit, diffugiunt cadis

Cum fæce ficcatis amici,

Ferre (p) jugum pariter dolosi,

Serves iturum Cæsarem in ultimos

Orbis Britannos, (q) & juvenum recens.

Examen (r) Eois timendum

Partibus, Oceanoque rubro.

(s) Eheu! cicatricum, & sceleris pudet,

Fratrumque. (t) Quid nos dura refugimus

Ætas? quid intactum nefasti

Liquimus? unde manus juventus

Metu Deorum continuit? quibus

Pepercit aris? ô utinam nova

Incude (u) diffingas retusum in

Massagetis, Arabasque ferrum.

[a] Antium. *Urbs maritima Latii, ubi celeberrimum Fortunæ templum.*

[b] Præfens Potens. [c] Bithyna Mercatoris Bithyni. *Pro qualibet navi.* [d]

Carpathium



# HORATII

Carpathium Mare pro quolibet. [e] Purpurei Purpureâ vestiti. [f] Columnam. Imperium instar columnæ firmum. [g] Cessantes. Ne seditio ulla oriatur. [b] Necessitas. Necessarium Fortunæ parere, nec ejus imperium excuti potest, [i] Clavos &c. Ita Antii depicta erat Fortuna ad ejus vim ineluctabilem exprimendam. [k] Te Spes, Spes fortunæ additur, quæ etiam miseris manet, at amicorum rara in adversis fides. [l] Albo. Candido in vestitu comitatur. [m] Utcunque. Quandocunque. [n] Mutatâ. Per Fortunam nigris indutam, abeuntem, avolantem, adversa; per albatam & manentem secunda significatur. [o] Atvulgus. Quod solam utilitatem spectat, cum siccatis vini cadis nil superesse videt. [p] Jugam. Bonarum rerum, non item malarum socii esse volunt & participes. [q] Juvenum. Exercitum è recenti Juventute collectum. [r] Eois. Orientalibus & Arabibus maris rubri accolis, quibus Cæsar triennio post bellum intulit. [s] Eheu, Ex occasione Britannici belli, quod laudat, digreditur ad deflendum civile. [t] Quid nos Quod sceleris non susceptum? [u] Diffingas. Recudas ferrum fraternis cædibus hebetatum contra externos hostes.

## O D E XIII.

*Plautio Numidæ felicem ex Hispania reditum  
gratulatur.*

**E**T thure, & (a) fidibus juvat  
Placare, & vituli sanguine debito  
Custodes Numidæ Deos:  
Qui nunc (b) Hesperia sospes ab ultima  
Caris multa fodalibus,  
Nulli plura tamen dividit oscula,  
Quam dulci Lamix, memor  
Actæ non alio (c) rege puertix,  
Mutatæque simul togæ, (d)  
(e) Cressâ ne careat pulchra dies notâ:  
Neu promptæ (f.) modus amphoræ,

Neu

## ODÆ SELECTÆ

Neu morem in (g) Salium fit requies pedum:

Neu multi (h) Damalis meri

(i) Bassum Threicia vincat amyftide:

Neu defint epulis rosæ:

Neu vivax apium, neu breve lilium.

[a] Fidibus. *Carminibus Lyricis.* [b] Hesperia Hispania, [c] Regē. *Sub eodem moderatore Et quasi Rege condiscipulus fuit Lamiae Plautius,* [d] Togæ. *Simul prætextam posuere.* [e] Cressa. *Cretensi, id est creta, vel albo lapillo.* [f] Modus Bibatur sine modo largé. [g] Salium. *Salii Martis in honorem certis diebus saltabant.* [h] Damalis. *Ebriosa mulier.* [i] Bassum. *Egregium potorem, Thracio ingenti poculo exhauriendo parem.*

## O D E XIV.

*Ob victoriam Astiacam Genio indulgendum.*

**N**unc est bibendum: nunc pede libero.

**P**ulsanda tellus: nunc Saliaribus.

Ornare (a) pulvinar Deorum.

Tempus erat dapibus, sodales.

(b) Antebac nefas depromere Cæcubum.

Cellis avitis, dum (c) Capitolio

(d) Regina dementeis ruinas,

Funus & imperio parabat.

Contaminato cum grege (e) turpium

Morbo virorum (f) quidlibet impotens

Sperare, fortunæque dulci

Ebria. Sed (g) minuit furorem.

Vix una sospes navis ab ignibus:

Mentemque lymphatam (h) Mareotico.

Redegit in veros timores

Cæsar, ab Italia volantem.

Remis (i) adurgens: accipiter velut

Molleis columbas, aut leporem citus

Venator in campis nivalis.

(k) Amonix, daret ut catenis

Fatale monstrum: quæ generosius

Perire



# HORATII

Perire quærens, nec muliebriter  
Expavit ensem, nec (l) latenteis  
Classe citâ reparavit oras.

Ausa & jacentem visere regiam  
Vultu sereno fortis, & asperas  
Tractare serpenteis, ut atrum  
Corpore combiberet venenum

Deliberata morte ferocior:  
Sævis (m) Liburnis scilicet invidens  
Privata deduci superbo  
Non humilis mulier triumpho.

[a] Pulvinar. Post victoriam Romani Diis lectulos  
fruebant in templis. & epulas apponebant. [b] Ante  
hac. Non conveniebat generosius vinum ex avorum cel-  
lis promere. [c] Capitolio. Romæ. [d] Regina, Cle-  
opatra, [e] Turpium. Fœdis morbis laborantium Eu-  
nuchorum. [f] Quidlibet. Aded vecors. ut speraret  
se posse Rom. Imperium evertere. [g] Minuit Fœrme  
omnes Antonii & Cleopatæ naves Actiaco prælio  
combusta. [h] Mareotico, Vino dulci. [i] Adurgens.  
Celerrimè insequens. [k] Æmonia. Theſſaliciæ ab Re-  
ge Æmone, [l] Latentes. Ægypti recessus. & ur-  
bes interiores. [m] Sævis Liburnis, Sensus est, invi-  
dens hanc Cæsari gloriam, ut in Liburnicis navibus  
tamquam privata ad triumphum abduceretur.

## O D E XV.

Tenui se apparatu gaudere.

(a) **P**ERFICOS odi, puer, apparatus:  
Displicent nexæ (b) philyrâ coronæ.

Mitte sectari, rosa quo locorum

Sera moretur,

Simplici (c) myrto nihil allabores

Sedulus curo, neque te ministrum

Dedecet myrtus, neque me sub (d) arcta

Vite bibentem.

[a] Perficos. Convivia magnifica, odores, unguen-  
ta &c.

# ODÆ SELECTÆ.

ta &c. *Persis ustata.* [b] *Philyrâ. Philyra est interior ac tenuissimus cortex tilie qui floribus sero innescentis serviebat.* [c] *Myrto. Huic nihil addere labora.* [d] *Arcta. Densâ, umbrosa.*

## O D E XVI.

*C. Asinium Pollionem monet, ne belli civilis historiam vel tragædiam scribat. In Remp. potius incumbat. Describit belli civilis mala.*

**M**otum ex (a) Metello consule civicum,  
Bellique causas, & vitia, & modos,

Ludumque Fortunæ, graveisque

(b) Principum amicitias, & arma

Nondum expiatis (c) uncta cruoribus,

Periculosæ plenum opus aleæ

Tractas, & incedis per igneis

Stippositos cineri dolo.

(d) Paulum severæ Musa tragædiæ.

Desit theatris: mox, ubi (e) publicas

Res ordinariæ, (f) grande munus

(g) Cecropio repetes cothurno,

Insigne mæstis præsidium reis,

Et consulenti, Pollio, curiæ,

Cui (h) laurus æternos honores

Dalmatico peperit triumpho.

(i) Jam nunc minaci murmure cornuum

Perstringis aures: jam litui strepunt:

Jam fulgor armorum fugaces

Terret equos, equitumque vultus.

Audire magnos jam videor duces

Non indecoro pulvere sordidos,

Et cuncta terrarum subacta,

Præter atrocem animum (k) Catonis.

(l) Juno, & Deorum quisquis amicior

Afris, inulta cesserat impotens

Tellure, victorum nepotes

Rettulit inferias Jugurthæ.



HORATII

Quis non Latino sanguine pinguior  
Campus sepulchris impia proelia  
Testatur, auditumque (m) Medis  
Hesperiae sonitum ruinæ?

Qui gurgēs, aut quæ flumina lugubris  
Ignara belli? quod mare (n) Dauniae  
Non decoloravere cædes?  
Quæ caret ora cruore nostro

Sed ne relictis Musa procax jocis  
(o) Cææ retractes munera næniæ,  
Mecum (p) Dionæo sub antro  
Quære modos (q) leviori plectro.

[a] Metello. Belli civilis initium illud est, quo Cæsar, Pompejus, Crassus primum Triumviratum inter se cōvère, quod factum est A. U. C. 694. Q. Cæcilio Metello Celere Conf. decem annis, antequam Cæsar Rubiconem transiret. [b] Principum. Horum Triumvirorum. [c] Uncta. Adhuc stillantia civium cruore [d] Paulum. Omitte paululum res adeò tragicas scenæ committere. Erat enim Pollio Poeta optimus [e] Publicas. Consul tum erat Pollio. [f] Grande munus Tragædiæ faciendæ. [g] Cecropio. Athenienses à Rege Cecrope. Athenis maximè tragœdia viguit, cujus actores cothurno calceamenti genere utebantur. [h] Laurus. Triumphaverat de Dalmatis Pollio. [i] Jam nunc. Laudat Horatius Pollionis de bello civili carmina tam graphicè scripta, ut in iis res ipsæ cerni & audiri, non narrari viderentur. [k] Catonis Qui sibi Uticæ manus intulit, videtis in Affrica Pompejanis. [l] Iuno. Sensus est Strophæ. Iuno Affris semper addita, aliique his amiciores Dii, qui illatas bello Jugurthino clades fato ulcisci non poterant, nunc illorum posteros, qui Jugurtham vicerant, tamquam victimas placandis illius manibus immolarunt, atque Romanis pœnas retulere [m] Medis. Clades & ruinas Reipub. fama ad extrema terrarum diffusit. [n] Dauniae. Italiae ab ejus olim Rege Dauno. [o] Cææ Simonidet

# ODÆ SELECTÆ.

*Simonides Lyricus in Cea insula natus maximè excelluit nœniis, seu versibus lugubribus ad funera canendis. [p] Dionæo. Venus etiam dicta est Dionæa. [q] Leviore. Leviora argumenta & jucundiora sumenda.*

## ODE XVII.

*Contemptus pecuniæ, laus liberalitatis.*

(a) **N**ULLUS argento (b) color est avaris  
Abditæ terris, inimice (c) lammæ

(d) Crispe Sallusti, nisi temperato  
Splendeat usu.

Vivet (e) extento (f) Proculejus ævo,

Notus in fratres animi paterni:

Illum aget pennâ (g) metuente solvi

Fama superstes.

Latius (h) regnes avidum domando

Spiritura, quam si (i) Libyam remotis

Gadibus jungas, & uterque Pœnus

Serviat uni.

Crescit indulgens sibi dirus (k) hydrops:

Nec sitim pellit. nisi causa morbi

Fugerit venis, & aquosus albo

Corpore languor.

(l) Redditum Cyri solio (m) Phraaten

Diffidens plebi, numero beato-

rum eximit virtus: populumque falsis

Dedocet uti

Vocibus, (n) regnum & diadema tutum

Deferens uni, propiamque laurum,

Quisquis ingenteis oculo irretorto

Spectat æcervos.

[a] Nullus. *Strophæ sensus est: O Crispe Sallusti, qui es inimicus lammæ abditæ in avaris terris, argento nullus color est, nisi usu & expensis moderatis splendeat.* [b] Color. *Dignitas. Nihil juvat pecunia, nisi utaris.* [c] Abditæ lammæ. *Laminæ argenti in terram*



# HORATII

terram dosseſſæ, quod ab avaris fit. [d] Crispe Salluſti. Nepos & hæres hujus nominis Hiſtorici, vir ſummis opibus & modeſtiâ. [e] Extento. Immortalis erit fama Proculeij [f] Proculejus: Fuit is Eques Romanus, qui amplam hæreditatem cum fratribus bello civili everſis ultro diviſit. [g] Metuente ſolvi. Semper volante & vigente. [h] Regnes. Rex eſt, qui ſibi imperat. [i] Lybiæ. Quam ſi Africæ & Hiſpaniæ, imperes. [k] Hydrops. Avaritia, & habendi cupiditas. [l] Redditum, Ordo eſt: virtus diſſidens plebi eximit numero beatorum Phraatem redditum Cyri ſolio. Senſus eſt: Homines virtute præditi ab ſtollida vulgi opinione diſſidentes excerpunt e numero beatorum, nec ideò felicem putunt Phraatem, quod in ſolium Perſicum, olim Cyro poſſeſſum ſit reſtitutus. [m] Phraaten. Hic ob crudelitatem à ſuis Parthis pulſus, ſubſtituto Tiridate, poſtea tamen Scytharum ope regno reſtitutus fuit, [n] Regnum. Sapientes viri regnum, coronam, laurum ei deferunt, qui magnos auri acervos ita prætereundo aſpiciat, ut nec oculos reſtorqueat, nullâque cupiditate commoveatur.

## O D E XVIII.

*Mentis æquabilitas ubique ſervanda. Mortis neceſſitas.*

(a) **Æ**Quam memento rebus in arduis  
Servare mentem: non ſecus in bonis.

Ab inſolenti temperatam

Lætitiâ, moriture (b) Deli,

(c) Seu mœſtus omni tempore vixeris:

Seu te in remoto gramine per dies

Feſtos reclinatum bearis

Intiorem nota (d) Falerni,

(e) Qua pinus ingens, albaque populus

Umbram hôteſtalem conſociare amant

Ramis, qua obliquo laborat

Lympha fugax trepidare rivo:

(f) Huc

# ODÆ SELECTÆ.

(f) Huc vina. & unguenta, & nimium brevis  
Flores amœnæ ferre jube rosæ:

Dum res, & ætas, & sororum

(g) Fila trium patiuntur atra.

(h) Cedēs coemptis saltibus, & domo,

Villâque, flavus (i) quam Tiberis lavat:

Cedēs, & exstructis in altum

Divitiis potietur hæres.

(k) Divēsne prisco natus ab Inacho.

Nil interest, an pauper, & infima

De gente sub dio moreris.

Victima nil miserantis Orci.

Omnes eodem cogimur: omnium

Versatur urna: ferius, ocyus,

(l) Sors exitura: & nos in æter-

num exilium impositura cymbæ.

(a) *Æquam. Eandem mentem servato in aspèris  
rebus moderatam & æquabilem, ut in secundis ab in-*

*solente lætitia temperatam. [b] Deli. Delius fuit,*

*insignis Historicus & Orator. [c] Seu mœstus. Sen-*

*sus est, seu semper tristis, seu jucundus vixeris mo-*

*rieris. [d] Falerni. Meliore vino te exhilararis. [e]*

*Qua pinus, in deliciis villæ tuæ, vel horti umbrosi &*

*irrigui. [f] Huc vina, Indulge genio. [g] Fila.*

*Dum vivis. [h] Cedēs. Cedendum erit bonis his o-*

*mnibus. [i] Flavus. Lutulentus. [k] Divēsne. Seu*

*nobilis fueris, & ab ipso Inacho genus ducens, seu sub*

*dio pauper, Orcum subibis. [l] Sors. Cum tres infer-*

*ni Judices urnam fatalem movent, iis statim morien-*

*dum est, quorum nomina primaeducta fuerint.*

## O D Æ XIX.

*Tiburтинæ & Tarentinæ regionis amœninitatem  
commendat.*

(a) **S**eptimi Gadeis aditure mecum, &

(b) Cantabrum indoctum juga ferre nostra, &

(c) Barbaras Syrteis, ubi Maura semper

Æstuat unda,

(d) Tibur



# HORATII

(d) Tibur Argeo positum colono  
 Sit meæ fedes utinam senectæ.  
 Sit modus lasso maris, & viarum,  
 Militiæque.

(e) Unde si Parcæ prohibent iniquæ,  
 Dulce pellitis ovibus Galeſi  
 Flumen, & regnata petam (f) Laconi  
 Rura Phalantho

Ille terrarum mihi præter omneis  
 Angulus ridet, ubi non (g) Hymetto  
 Mella decedunt, viridique certat  
 Bacca Venafro. (h)

Ver ubi longum, tepidasque præbet  
 Jupiter brumas; & amicus Aulon (i)  
 Fertilis Baccho (k) minimum Falernis  
 Invidet uvis.

Ille te mecum locus, & beatæ  
 Postulant arces: ubi tu calentem (l)  
 Debita ſparges lachryma favillam  
 Vatis amici.

[a] Septimi. Fuit Septimius Eques Ro. Bonus Po-  
 eta, Augusto & Horatio charus: & tum cum Augu-  
 ſto A. U. C. 728, ad bellum Cantabricum in Hi-  
 ſpaniam abiturus. [b] Cantabrum. Nunc Biſcaya. Ul-  
 timi à Romanis domiti A. U. C. 741. [c] Barba-  
 ras. Mauritanicas. [d] Tibur. ab Argeo quodam  
 conditum fertur. [e] Unde. Si fata nolint, Tibure  
 Tarentum me conferam prope Galeſum flumen Cala-  
 bria, ubi laudatiſſimæ læcæ oves, [f] Laconi. Pha-  
 lanthus Lacedæmonius cum Spartanis Italiam petens  
 Tarentum occupavit. [g] Hymetto. Mons Græciæ  
 penes Athenas, ubi mel optimum, apes optime. [h]  
 Venafro. Baccæ olivarum non cedunt Venafranis, u-  
 bi alioqui laudatiſſimum oleum provenit. [i] Aulon.  
 Mons vitifer in Calabria. [k] Minimum. Uvas Fa-  
 lernis nihil deteriores fert. [l] Calentem. Mortui mei  
 calentem cinerem lachrymis rigabis.

ODÆ SELECTÆ

O D E XX.

Pompejo Varo in patriam post bellum Civile rede-  
unt gratulatur,

O Sæpe mecum (a) tempus in ultimum

Deducte, Bruto militiæ duce,

Quis te redonavit (b) Quiritum

Dis patriis, Italoque cælo;

Pompei meorum prime sodalium?

Cum quo (c) morantem sæpe diem (d) mero

Fregi coronatus nitenteis

(e) Malobathro Syrio capillos.

Tecum (f) Philippos, & celerem fugam

Sensi, relicta non bene parmula:

Cum fracta virtus, & (g) minaces

Turpe solum tetigere mento.

Sed me per hosteis (h) Mercurius celer

Denso paventem sustulit aere:

(i) Te rursus in bellum resorbens

Unda fretis tulit æstuosis.

Ergo obligatam redde Jovi (k) dapem:

Longaque festum militia (l) latus

Depone sub (m) lauru mea: nec

Parce cadis tibi destinatis.

Oblivioso levia (n) Massico

(o) Ciboria exple: funde capacibus

Unguenta de (p) conchis. Quis udo

(q) Deproperare apio coronas,

Curatve myrto? quem Venus (r) arbitrum

Dicet bibendi? non ego sanius

Bacchabor (s) Edonis recepto

Dulce mihi furere (t) est amico.

[a] Tempus. Qui sæpe mecum in ultimum vitæ pe-  
riculum adductus es, cum Bruto Duce contra Augu-  
stum arma ferremus. [b] Quiritum. Veni ab Au-  
gusto impetratâ, jus civitatis recuperaverat. [c] Mo-  
rantem. Longiorem, ut æstivi dies sunt. [d] Mero fre-  
gi. Potando exegi. [e] Malobathro. Frutex quidam  
est



# HORATH

est nardi odore, cuius magna copia in Syria. [f] Philippos. Interfui tecum in prælio Philippensi, & fugi clypeo turpiter abjecto. [g] Minaces. Cum Duces nostri cæsi humum momordere. [h] Mercurius Doctorum hominum patronus nube tectum me servavit [i] Te, Tu jam cæsis Bruto & Cassio filios Pompeij in Siciliam secutus es, & in novos fluctus te coniecisti. [k] Dapem. Epulum Jovi, si redires in patriam, promissum in sacrificium. [l] Latus Pars pro toto. [m] Lauru. Arborem aliquam sui horti indicat, vel patrociniū Meccænatis. [n] Levia. Sæpe bibendo attrita. [o] Ciboria. Majoris modi pocula. [p] Conchis. Vascula è conchis. [q] Deproperare Quis cito nobis coronam ex apio vel myrto contextet? Quæ herbæ vini calorem temperant. [r] Venus. Aleis eligebatur arbiter, Rex & Modimperator convivii. Felicissimum alearum iactus Venus dicebatur, [s] Edonis Thracibus bibacissimis populis è monte Edone. [t] Furere. Largius potare.

## O D E XXI.

*Monet amicum Valgium, ut mortem filii sui deslere aliquando desinat.*

**N**on semper imbres nubibus hispido  
 (a) Manant in agros, aut mare (b) Caspium  
 Vexant (c) inæquales procellæ  
 (d) Usque: nec Armeniis in oris,  
 Amice Valgi, stat glacies iners  
 Menfis per omneis, aut Aquilonibus  
 Querceta (e) Gargani laborant,  
 Et foliis viduantur orni.

Tu semper urges flebilibus modis  
 (f) Mysten ademptum: nec tibi (g) vespere  
 Surgente decedunt amores,  
 Nec rapidum fugiente solem.

At non (h) ter ævo functus amabilem  
 Ploravit omneis Antiochum senex

Annos.

ODÆ SELECTÆ.

Annos: nec impubem parentes

(i) Troilon, aut Phrygiæ (k) Sorores

Flevere semper, desine mollium

Tandem querelarum: & potius nova

Cantemus Augusti tropæa

Cæsaris, & rigidum (l) Niphaten,

(m) Medumque flumen gentibus additum

Victis, (n) minores volvere vortices,

Intraque præscriptum (o) Gelonos

Exiguus equitare campis,

(a) Manant. è nubibus funduntur. (b) Caspium.

Mare pro genere. (c) Inæquales. Jam atrociores,

jam lentiores. (d) Usque. Nec semper. (e) Gargani.

Mons est Apuliæ. (f) Mysten. Nomen est pueri. (g)

Vespero. Vesperus seu Hesperus stella est solem ca-

dentem sequens, orientem antecedens. Fles à mane ad

Vesperum, Tantus erat amor mortui. (h) Ter ævo

Nestor, qui 300 annos vixit, non semper deploraviſ

Antilochum suum filium, à Memnone qd Trojam oc-

cisum. (i) Troilon. Parentes Priamus & Hecuba. (k)

Cassandra. Polyxena, Sorores Troili. (l) Nyphaten.

Armeniæ fluvium. (m) Medum. Euphratem Persidi

contiguum. (n) Minores. Quasi pudore Cladis &

dolore affectum lenius fluere gaudeamus. (o) Gelo-

nos. Populi Scythiæ sunt, intra certos limites ab

Augusto redacti.

ODÆ XXII.

Diligentiæ mediocritas; animi æquitas ubique  
retinenda.

**R**ECTIUS vives (a) Licini, neque (b) altum

Semper urgendo: neque, dum procellas

Cautus horrescis, nimium premendo

(c) Littus iniquum

Auream quisquis mediocritatem

Diligit, tutus caret (d) obsoleti



# HORATII

Sordibus tecti, caret invidenda

Sobrius aula.

Sæpius ventis agitur ingens

Pinus, & celsæ graviore casu

Decidunt turreis, feriuntque summos

Fulmina montes.

(e) Sperat infestis, metuit secundis

Alteram sortem bene præparatum

Pectus, informeis hyemes reducit

Jupiter: idem

Summovet. Non, si male nunc, & olim

Sic erit, (f) Quondam cithara tacentem

Suscitat Musam, neque semper arcum

Tendit Apollo.

Rebus angustis animosus, atque

Fortis appare, sapienter idem

(g) Contrahes vento nimium secundo

Turgida vela.

[a] Licini. *Licinius Varro Muræna Pompeium secutus, ab avunculo Metoenate postea gratiam obtinuit.*

[b] Altum. *Nimios honores, opesque consectando, [c]*

Littus. *Nec nimis humiliter te gerendo [d] Obdoli*

*Nec nimis sordidam, nec magnificam domum habet,*

*Es extra invidiam est. [e] Sperat. Animus in utram-*

*que fortunam bene comparatus in rebus adversis spe-*

*rat meliora; in secundis metuit adversa. [f] Quon-*

*dam. Apollo non semper arcum tendit ad interficien-*

*dos homines; subinde cytharâ canens cum Musis se-*

*riatur. [g] Contrahes. Non intumesce, nec insolent-*

*tior esto.*

## O D E XXIII.

*Omittendæ curæ inutiles de publicis; genio tantisper indulgendum.*

**Q**uid bellicosus (a) Cantaber, & Scythes,

Hirpine Quincti. (b) cogitet, (c) Adria

Divisus objecto, remittas

Quære-

ODÆ SELECTÆ.

Quærere: nec trepides (d) in usum

Poscentis ævi pauca: fugit retro

Levis Juventus, & decor, arida

Pellente lascivos amores

Canitie, facilemque (e) somnum.

Non temper idem floribus est honos

Vernis: neque nno Luna rubens nitet

Vultu; quid (f) æternis minorem

Consiliis animum fatigas?

Cur non sub alta vel platano, vel hac

Pinu jacentes sic temere, & rosa

(g) Canos (h) odorati capillos,

Dum licet, Assyriaque nardo,

Potamus uncti? dissipat (i) Evius

Curas edaceis. Quis puer ocys

(k) Restingret ardentis Falerni

Pocula prætereunte lympha?

[a] Cantaber. *Cantabri & Scythæ tum Romanorum hostes erant.* [b] Cogitet. *Moliatur in Romanos.*

(c) Adriâ, *Adriatico velut vallo ab Scythia divisus omitte quærere.* (d) In usum. *Breve spatium vitæ,*

*& natura paucis contenta est.* [e] Somnum. *Juvenes ob humorum copiam facilius dormiunt, ac sicci*

*senes.* [f] Æternis. *Nimis in longum prospicientibus, quasi semper victurus.* [g] Canos. *Jam senior*

*erat Horatius.* [h] Odorati. *Habentes capillos rosæ odoratis coronatos.* [i] Evius Bacchus. [k] Restingret. *Falernum temperabit, recente frigida admixta.*

O D Æ XXIV.

*Dira in arborem, cujus lapsu pene oppressus fuerat.*

(a) Ille nefasto te posuit die

Quicumque primum, & sacrilega manu

Produxit, arbos, in nepotum

Perniciem, opprobriumque pagi,



# HORATII

(b) Illum & parentis crediderim fui  
Fregisse cervicem, & (c) penetralia  
Sparfisse nocturno cruore.  
Hospitis: ille venena (d) Colchica:

Et, quidquid usquam concipitur, nefas  
Tractavit, agro qui statuit meo  
Te triste lignum, te caducum  
In domini caput immerentis.

Quid quisque vitet, numquam homini satia  
Cautum est in horas: navita (e) Bosphorum  
(f) Poenus perhorrescit, neque (g) ultra  
Cæca timet aliunde fata.

Miles sagittas, & celerem fugam  
Parthi: catenas Parthus, & Italum  
Robur. Sed improvisa lethi  
Vis rapuit, rapietque genteis.

Quam pene furvæ regna (h) Proserpinæ,  
Et judicantem vidimus Æacum,  
Sedeisque descriptas piorum, &  
(i) Æolijs fidiis querentem

Sappho puellis de popularibus!  
(k) Et te sonantem plenius aureo,  
Alcæe, plectro, dura navis,  
Dura fugæ mala, dura belli:

(l) Utrumque sacro digna silentio  
Mirantur umbræ dicere: sed magis  
Pugnas, & (m) exactos tyrannos  
(n) Densum humeris bibit aure vulgus.

(o) Quid mirum, ubi illis carminibus stupens  
Demittit atras bellua centiceps  
Aureis? & intorti capillis  
Eumenidum recreantur angues?

Quin & (p) Prometheus, & (q) Pelopis parens  
Dulci laborum decipitur sono:  
Nec curat (r) Orion leones,  
Aut timidos agitare lyncas.

# ODÆ SELECTÆ

[a] Ille. *O Arbor, is qui te plantavit manu sacri-  
lega, in exitium & opprobrium pagi, die infauſto te  
poſuit.* [b] Illum. *Ecce. Ille haud dubie occiderit pa-  
ptrem.* [c] Penetralia. *Et hospitem tuum necaverit.*  
[d] Et Colchica. *Veneficus fuerit. In Colchide ſunt  
venena præſentiſſima.* [e] Pœnus. *Pro quovis nauta.*  
[f] Boſphorum. *Pro quovis freto.* [g] Ultra. *Ni-  
hilque præterea aliud timet.* [h] Proſerpina. *Quana  
prope mortem fuit, & inferos.* [i] Æoliis. *Sapho fu-  
it oriunda ex Leſbo Inſula, quondam ab Æolibus  
Græcis habitata. Hæc multa queritur, de populari-  
bus puellis, à quibus multa in illam contumelioſè di-  
ſta fuerant.* [k] Et te. *Alcæus Lyricus item Leſbius  
ſtylo grandiore, quàm Sappho, qui de rebus belli-  
cis agit, multaque cum tyrannis mari terræque bella geſ-  
ſerat.* [l] Utrumque. *Saphoram & Alcæum.* [m]  
Exactos. *Attentiùs audiunt Alcæum depulſis è Leſ-  
bo tyrannis canentem.* [n] Denſum humeris. *Ut  
in ſtipatâ multitudine.* [o] Quid mirum, *Canente Al-  
cæo ipſe triceps Cerberus atratum continet, & turia-  
rura angues ſibulum.* [p] Prometheus. *Cujus jecur ob-  
furtum è Sole à vulture eroditur.* [q] Pelopis parens  
Tântalus uſque in aquis ſitiens. *Hi minus ſentiunt  
ſuas pœnas.* [r] Orion. *Inſignis dum viveret venator  
eandem artem apud inferos agitare creditur; quam  
tamen omittit, ut Alcæum audiat.*

## ODE XXV.

*Brevitas vitæ. Mortis neceſſitas.*

**E**heu, fugaces, Poſthume, Poſthume,  
Labuntur anni: (a) nec pietas moram  
Rugis, & inſtanti ſenectæ  
Afferet, indomitæque morti.

Non, ſi (b) trecentis, quotquot eunt dies,  
Amice places illacrymabilem  
Plutona tauris: qui ter amplum  
(c) Geryonem (d) Tityonque triſti

Com-



# HORATII

Compeſcit (e) unda: ſcilicet omnibus,  
Quicunque terræ munere veſcimur,  
Enaviganda, ſive reges,  
Sive inopes erimus (f) coloni.

Fruſtra cruento (g) Marte carebimus,  
Fractisque ranci fluctibus Adriæ.  
Fruſtra per autumnos nocentem  
Corporibus (h) metuemus Auſtrum.

(i) Viſendus ater flumine languidò  
Cocytus errans, & Danaï genus  
Infame, damnatusque longi  
Sifyphus Æolides laboris.

Linquenda tellus, & domus, & placens  
Uxor: neque harum, quas colis, arborum  
Te, præter invaſas (k) cupreſſos,  
Ulla (l) brevem dominum ſequetur.

Absumet hæres Cæcubo (m) dignior  
Servata centum clavibus: & mero  
(n) Tinget pavementum ſuperbum  
(o) Pontificum potiore cænis.

[a] Nec pietas. Mortem retardabit. [b] Tricenis.  
Si plutonem trecentis bobus quotidie immolatis placare velis, mortem non effugies. [c] Geryonem. Tri-  
corporeum olim Hispaniæ regem ab Hercule caſum.  
[d] Tityon, Unum è Gigantibus ab aquila lancina-  
tum. [e] Unda. Styx & alii fluvii inferi exitum pro-  
hibent. [f] Coloni. Ruſtici. [g] Marte. Fruſtra  
bello abſtinebimus, & à navigatione. [h] Metuemus.  
Cavebimus, ne autumnalis humida aura febres no-  
bis creet. [i] Viſendus. Fruſtra eſt omnis cura. Vi-  
dere tandem oportebit Cocytum & Danaïdum poenas  
& Sifyphi, qui fuit Æoli filius. [k] Cupreſſos, Inſu-  
neribus adhiberi ſolitas. [l] Brevem. Brevi tempore  
viventem. [m] Dignior. Quia utetur bonis, quibus tu  
jorſande parcis. [n] Tinget. Effundet & diſperdet.  
[o] Potiore. Præſtantiore vino, quàm in lautiffimis  
Pontificum cænis apponatur.

ODÆ SELECTÆ

O D E XXVI.

*In sæculi sui luxum.*

(a) Jam pauca aratro jugera regiæ  
Moles relinquent; undique latius

Extenta visentur (b) Lucrino.

Stagna lacu: platanusque cælebs

(c) Evincet ulmos. Tum (d) violaria,

(e) Myrtusque, & omnis copia narium

Spargent olivetis odorem,

Fertilibus domino priori.

Tum spissa ramis (f) laurea fervidos

Excludet ictus. Non ita Romuli

Præscriptum, & (g) intonsi Catonis.

(h) Auspiciis, veterumque norma.

Privatus illis census erat brevis,

(i) Commune magnum, (k) Nulla decempedis.

Metata privatis opacam

Porticus excipiebat Arcton:

Nec (l) fortuitum spernere cespitem.

Leges finebant: oppida publico

Sumptu jubentes, & Deorum

Templa novo decorare saxo.

[a] Jam pauca. *Superba & magnis molibus extructa regia ædificia, pauca, quæ arari possint, jugera relinquens.* [b] Lucrino. *Hic lacus in Bajano sinu, quia optimorum ostreorum ferax semper latius effodiebatur.* [c] Evincet. *Cedere coget vites ulmis herentes; quod platani plus umbræ præbeant.* [d] Violaria. *Lago violis confita.* [e] Myrtusque *Herbæ odoratæ, & omnis generis flores plantantur, ubi prius latissima Domino fructuosa oliveta steterant.* [f] Laurea. *Oleorum utilium loco, lauri ad delicias plantantur.* [g] Intonsi. *Barbati, ab omni luxu remoti.* [h] Auspiciis. *Legibus, quæ non nisi captis auspiciis ferebantur.* [i] Commune. *Publicæ ædes, opesque magnæ.* [k] Nulla decempedis. *Sensus est: Olim privatis nulla porticus erat ad septentrionem sita, quam Sol nunquam*



# HORATII

namquam vidēret, ad ambulandum cestate, tam lata,  
ut eam decempedis, seu decem pedum pertica dimetiri  
oporteret. [1] Fortuitum. Quem fors tulisset agellum  
vel locum, in quo soluti negotiis quiescerent sine jum-  
ptuosis adeo ambulationibus.

## ODE XXVII.

*Animi tranquillitatem non opibus, aut honoribus  
sed eorum contemptu quaeri.*

**O**tium Divos rogat in patenti  
(a) Prensus Ægæo, simul atra nubes  
Condedit Lunam, neque certa fulgent  
Sidera nautis

Otium bello furiosa (b) Thrace,  
Otium Medi pharetra décori,  
Grosphæ, non gemmis, neque purpura ve-  
nale, nec auro:

Non enim gazæ, neque consularis  
Summovet liſtor miseros tumultus  
Mentis, & curas (c) laqueata circum  
Tecta volanteis.

Vivitur parvo bene, cui paternum  
Splendet in mensa tenni (d) salinum,  
Nec levis fomnos timor, aut Cupido  
(e) Sordidus aufert.

(f) Quid brevi fortes jaculamur ævo  
Multæ? (g) quid terras alio calenteis  
Sole mutamus? patriæ quis exul  
(h) Se quoque fugit?

Scandit (i) æratas vitiosa naveis  
Cura, nec turmas equitum relinquit,  
Ocyor cervis, & agente nimbos  
Ocyor Euro.

Lætus in præsens animus, (i) quod ultra est,  
Oderit curare, & amara lento  
Temperet risu. Nihil est ab omni  
Parte beatum.

# ODÆ SELECTÆ

Abstulit clarum cita mors Achillem,  
Longa (k) Tithonum minuit senectus:  
Et mihi forsan, tibi quod negarit,  
Porriget hora. (l)

Te greges centum, Siculaeque circum  
Mugiant vaccæ; tibi tollit hinni-  
tum apta quadrigis equa, te bis Afro  
Murice tinctæ

Vestiunt lanæ. Mihi parva rura, &  
(m) Spiritum Grajæ tenuem Camœnæ  
(n) Parca non mendax dedit, & malignum  
Spernere vulgus.

[a] Prensus. Nauta in vasto mari, & tempestuoso  
cælo. [b] Thrace. Otium rogat Thracia & Media,  
quod tamen pretio comparari nequit. [c] Laqueata.  
In divitum domibus. [d] Salinam. Parva & nitida  
supellectile bene vivitur. [e] Sordibus. Avaritia. [f]  
Quid brevi. Quid, cum tam brevi vitâ finis, tanta  
nobis proponimus? [f] Quid terras. Cur lucri cau-  
sâ in remotas oras migramus? [g] Se quoque. Et si  
sponte exulet, quis à seipso ita exulat, quin se & suas  
curas undâ circumferat? [h] Aratas. Rostra ære proe-  
munta. [i] Quod ultra. De futuris ne curet. [k] Ti-  
thonum. Adeo senem, ut in cicadâ mutari peteret.  
[l] Hora. Mihi tempus & occasio forte dabit, quæ tu  
frustra speras. [l] Greges centum. Tibi tot bona, tot  
ovium & vaccarum greges, tot generosi equi. tantum  
purpuræ vestis est. [m] Spiritum. Ingenium aptum  
lyriis versibus, à Græcis ad Romanos translatus. [n]  
Parca. Fatum certum omnibus, neminem fallens.

## O D E XXVIII.

Negat se Mœcœnati superstitem esse velle.  
**C**Ur me (a) querelis exanimas tuis?  
Nec Dīs (b) amicum est, nec mihi, te prius  
Ohire, Mœcenas, mearum



# HORATII

Grande decus, columeque rerum.

Ah, te meæ si partem animæ rapit.  
Maturior (c) vis, quid moror (d) altera,  
Nec carus æque, nec superstes  
Integer? ille dies utramque.

Ducet (e) ruinam: non ego (f) perfidum  
Dixi sacramentum: ibimus, ibimus,  
Utrumque præcedes, supremum  
Carpere iter comites parati.

Me nec (g) Chymææ spiritus igneæ;  
Nec, si resurgat centimanus (h) Gyas,  
Divellet umquam, sic potenti  
(i) Iustitiæ, placitumque Parcis.

Seu (k) Libra, seu me Scorpius aspicit  
Formidolosus, pars violentior  
Natalis horæ, seu tyrannus  
Hesperia Capricornus undæ:

Utrumque nostrum incredibili modo  
Consentit astrum, (l) te Jovis impio  
Tutela Saturno refulgens  
Eripuit, voluerisque fati

Tardavit alas, (m) cum populus frequens  
Lætum theatris ter crepuit sonum:  
(n) Me truncus illapsus cerebro  
Sustulerat, nisi (o) Faunus ictum

Dextrâ levasset, Mercurialium  
Custos virorum. Reddere victimas,  
(p) Ædemque votivam memento:  
Nos humilem feriemus (q) agnam.

[a] Querelis. *Mecænas jam morbis divexatus que-  
rebatur de vitæ jam miseræ diuturnitate.* [b] Ami-  
cum. *Gratum.* [c] Vis. *Mors.* [d] Altera. *Quid vive-  
re diutius amem, cum te extincto non amplius futu-  
rus sim integer.* [e] Ruinam. *Tecum moriar.* [f]  
Perfidum. *Non temere, sed ex animo juravi, nos una  
ituros ad tumulum.* [g] Chymææ. *Nullum me mon-  
strum retinebit, quin te sequar.* [h] Gyas. *Unus è  
Giganti-*

250

ODÆ SELECTÆ.

*Gigantibus.* [i] *Iustitiæ.* *Æquum est, tot à te beneficiis affectus, nec in morte à te divellar.* [k] *Seu libra. Sensus est: sive ego sub Libræ signo, seu Scorpionis, seu Capricorni natus sim, horoscopus noster, seu astra, quæ nativitati nostræ præfuerunt, incredibiliter consentiunt. Id probat gemino eventu.* [l] *Te Jovis Te Jovis Saturno oppositi beneficium morti eripuit, cui è gravi morbo tam propinquus eras.* [m] *Cum populus. Cum valentior jam Mecænas in theatrum prodisset, læta civium acclamatione acceptus est* [n] *Me truncus. Vide Odèn. 29.* [o] *Faunus. à Fauno eruditorum amico servatum se fingit.* [p] *Ædem. Templum voverat Mecænas.* [q] *Agnam. Quæ Fauno sacrificabatur.*

O D E XXIX.

*Se parvo contentum vivere, alios mortis oblitos nullum ædificandi &c. finem facere.*

**N**on ebur, neque aureum  
 Mea renidet in domo lacunar:  
 Non trabes (a) Hymettizæ  
 Premunt columnas ultimâ recisas.  
 (b) Africâ: neque (c) Attali  
 Ignotus hæres regiam occupavi:  
 Nec (d) Laconicas mihi  
 [e] Trahunt honestæ purpuras clientæ,  
 At fides, & ingenî  
 Benigna [f] vena est: pauperemque dives  
 Me [g] petit. Nihil supra  
 Deos [h] laceſſo: nec potentem [i] amicum  
 Largiora flagito;  
 Satis Beatus unicis [k] Sabinis.  
 Truditur dies die,  
 Novæque pergunt interire [l] Lunæ,  
 Tu secanda marmora  
 Locas sub ipsum funus, & sepulchri  
 Immemor struis domos:

Marisqua



HORATII

Marisque (m) Baijs obstrepentis urges  
 Summove litora,  
 Parum locuples continente ripâ.  
 Quid, quod usque proximos  
 Revellis agri (n) terminos? & ultra  
 Limites clientium  
 Salis avarus? (o) pellitur paternos  
 In sinu ferens Deos  
 Et uxor, & vir, sordidosque natos;  
 (p) Nulla certior tamen  
 Rapacis Orci sede destinata  
 Aula divitem manet  
 Herum. Quid (q) ultra tendis? æqua tellus  
 Pauperi (r) recluditur,  
 Regumque pueris: nec (s) satelles Orci  
 Callidum Promethea  
 Revexit auro captus. Hic superbum  
 Tantalum, atque Tantali  
 Genus cœrcet. Hic levare functam  
 Pauperem laboribus  
 Vocatus, atque non vocatus (t) audit  
 [a] Hymettiae. Trabes in Hymetto monte caesa.  
 [b] Africa. In Numidia, ubi marmor eximium. [c]  
 Attali. Rex Pergami opulentissimus populum Rom.  
 heredem scripsit. [d] Laconicas, Lanæ tinctas apud  
 Toenarum Laconiae promontorium, ubi eximius ca-  
 piebatur murex. [e] Trahunt, ænt, ducunt honestæ  
 faminae. [f] Vena. Copia non penitenda. [g] Pe-  
 tit. Ambit, colit, ob ingenium in pretio habet. [h]  
 Lacesso. Flagito. [i] Amicum. Mecœnatem. [k] Sabi-  
 nis. Tenui mea villa. [l] Luna. Labitur tempus. [m]  
 Baiis Obstrepentis. Molibus in ipsum sinum Bajanum  
 jactis ob amœnitatem loci ædes nobilium extruebantur.  
 [n] Terminos. De vicini agro decerpsit. [o] Pel-  
 litur. Clientis pauper. Et pannosus, omnibus rebus à te  
 injustè spoliatus, præter Deos Lares, Et filios nihil  
 effert. [p] Nulla. Sensus est: etsi omnia rapias, Et  
 injanum

# ODÆ SELECTÆ.

insanum œdifices, nulla tibi domus certius obventura  
est, quam domus Orci, quæ omnes ad se rapuit, [q]  
Ultra. Quid moliris [r] Recluditur. Tumulus paupe-  
res & divites accipit. [s] Satellites. Charon. [t] Au-  
dit. Prompta mors & parata est, ad pauperes ab æ-  
rumnis vitæ liberandos seu vocetur, seu non vocetur.

## O D E XXX.

Horatii in Cygnum Metamorphosis & im-  
mortalitas.

(a) **N**on usitatâ, nec tenui ferar  
Pennâ (b) biformis per liquidum æthere

Vates: neque in terris morabor

Longiûs: invidiaque major

Urbeis (c) relinquam. Non ego pauperum

Sanguis parentum: non ego, quem vocas,

Dilecte Meccenas, obibo,

Nec [d] Stygiâ cohibebor undâ.

Jam jam residunt cruribus asperæ

Pelles: & (e) album motor in alitem

Supernè nascunturque leves

Per digitos humerosque plumæ.

Jam Dædaleo ocyor Icaro,

(f) Visam gementis littora Bosphori,

Syrteisque Getulas canorus

Ales, Hyperboreosque campos.

Me (g) Colchus, & qui dissimulat metum

(h) Mæris cohortis, Dacus, & ultimi

Noscent (i) Geloni. Me peritus

Discet Iber, (k) Rhodanique potor.

(l) Absint inani funere nœniæ,

Luctusque turpes, & querimonix.

Compesce clamorem, ac sepulchri

Mitte supervacuos honores.

[a] Non usitata. Non mutabor in cygnum vulga-  
rem, ut plebei Poætæ, quos supero. [b] Biformis Ex  
homine in cygnum mutatus. [c] Relinquam. Ætheris  
sublimis



# HORATH

*sublimè petens. [d] Stygiæ. Non moriar. [e] Album  
Cygnum. [f] Vifam. Volando procellofum Bospho-  
rum, & regiones feptentrioni fubjeftas. [g] Colchus  
Mea fama ultimas gentes pervagabitur, ut Colchi-  
dem. [h] Marfæ. Romanum militem fe nihil timere  
fimulans Dacus. [i] Geloni. Scythiis ad Septentrio-  
nem contermini. ubi nunc Valachia, Moldavia &c.  
[k] Iber. Hispani, & Galli ad Rhodanum, [l] Abfint  
Nolo meum funus, velut mortui, folitis ceremoniis ce-  
tebrari.*

## O D E XXXI.

*Varia morum præcepta; imprimis vitam  
beatam non opibus, aut hono-  
ribus, fed fold vir-  
tute parari*

**O**Di (a) profanum vulgus, & arceo.

Favete linguis. (b) Carmina non prius  
Audita Musarum sacerdos

(c) Virginibus, puerisque canto.

(d) Regum timendorum in proprios greges,  
Reges in ipsos, imperium est Jovis,

(e) Clari Giganteo triumpho,  
Cuncta supercilio moventis.

(f) Est, ut viro vir latius ordinet  
Arbusta fulcis: hic generosior

Descendat in (g) campum petitor:  
Moribus hic, meliorque famâ

Contendat: illi turba clientium  
Sit major. (h) ÆQUA lege neceffitas  
Sortitur infigneis, & imos:

Omne capax movet urna (i) nomen.

(k) Diftrictus enfis cui fuper impia  
Cervice pendet, non Siculæ dapes

Dulcem elaborabunt faporem:

Non avium, citharæque cantus

Somnum reducent. (l) Somnus agreftium

[Lenis]

262

ODÆ SELECTÆ

Lenis virorum (m) non humileis domos

Fastidit, umbrosamque (n) ripam

Non Zephyris agitata (o) Tempe.

Desiderantem quod satis est, neque

Tumultuosum (p) sollicitat mare,

Nec sævus (q) Arcturi cadentis

Impetus, aut orientis (r) Hædi:

Non verberatæ grandine vineæ,

Fundusque (s) mendax (t) arbore nunc aquas

Culpante, nunc torrentia agros

Sidera, nunc hiemes iniquas.

(u) Contracta pisces æquora sentiunt,

Jactis in altum molibus, huc frequens

(x) Cæmenta demittit (y) redemptor

Cum famulis, dominusque terræ

(z) Fastidiosus. Sed timor, & minæ

Scandunt eodem, quò dominus: neque

Decedit æratâ triremi, &

(aa) Post equitem sedet atra cura.

Quod si (bb) dolentem nec (cc) Phrygius lapis,

Nec (dd) purpurarum fidere clarior

(ee) Delinit usus, nec Falerna

Vitis, (ff) Achæmeniumque costum;

Cur (gg) invidendis postibus, & novo

Sublime ritu moliar atrium?

Cur valle permutem (hh) Sabina

Divitias operosiores?


[a] Profanum. Nullis Philosophiæ, aut veræ virtutis præceptis imbutum. [b] Carmina. Præcepta. [c] Virginibus. Castis animis excipienda. [d] Regum. Reges suis gregibus, seu populis, Jupiter ipsis regibus imperat. [e] Clari. Victoris gigantum (f) Est ut. Contingit, ut alter altero lautiores agros & plures possideat. (g) Campum. Fit, ut alter altero nobilior in campo Martio candidatus Magistratum petat; alter verò moribus & virtute præstet. [h] Aequalis. Stulte opibus aut honoribus inhiatur, cum summis & i-

mis.




# HORATII ODÆ SELECTÆ.

mis moriendum sit. [i] Nomen. Et omnium nomina  
 è fatali Minois seu Parcarum urnâ extrahenda sint.  
 [k] Distinctus. Alluditur ad historiam notam Damo-  
 cli [l] Somnus. Suavius in tuguriis rusticis, quam  
 in palatiis reges dormiunt. [m] Non humiles. Non  
 fastidit humiles casas. [n] Ripam. Ad quam velut in  
 juncis cubilibus securi jacent. [o] Tempe. Amœnam  
 Thessaliæ vallem. [p] Sollicitat. Non navigabit, ut  
 rem augeat. [q] Arcturi. Ursæ custos. [r] Hædi. Duo  
 sidera perquam procellosa. [s] Mendax. Fallens ex-  
 pectationem agricolæ. [t] Arbore. Nimias aquas pro  
 causa sterilitatis afferente; nunc nimium calorem, aut  
 frigus. [u] Contracta. Ob moles in mare jactas an-  
 gustiora sunt. [x] Cæmenta. Rudium lapidum fra-  
 gmenta. [y] Redemptor, Qui opus aliquod certa pa-  
 cta mercede suo periculo in se recipit. [z] Fastidiosus.  
 Qui terris non contentus, in ipso maris littore ædifi-  
 cat. [aa] Post equitem. Quasi in dorso ejus insidens.  
 [bb] Dolentem. Aliquo animi vel corporis dolore af-  
 fectum. [cc] Phrygius. Marmoreæ columnæ è Phry-  
 gia. [dd] Purpurarum. Sideribus micantium. [ee]  
 Delinit. Dolorem levat. [ff] Achæmenium costum.  
 Aromatis genus è Persia. [gg] Invidendis. Sumpta-  
 ofis. [hh] Sabina. Mea villula.



na  
nt.  
o-  
m  
on  
in  
m  
ut  
uo  
ex-  
ro  
aut  
un-  
a-  
a-  
us.  
i-  
ns.  
aj-  
ry-  
ee]  
am  
ota-





u paru' Seretilorawi podniewi. 167  
areby 17  
murem zawniglos



